




GIVRIV
DE
ACCIDV

1471



1st - 4 ✓

to the ... of ...
L.



11, 471

ARCANUM

ACIDULARUM

Novissime proditum


Principiorum Chymicorum disquisitionis auxilio, in quo communis opinio de Aquarum Mineralium aciditate convellit̃r.

Additæ sunt Epistolæ multorum Illustrissimum Medicorum cum ejusdem responsis.

AUTHOR

PETRO GIVRIO

Med. Doct.




AMSTELODAMI
Apud JANSONIO-WAESBERGIOS,
1682.



D E O

Optimo Maximo.

Um Deus sit Pater
luminum illuminet-
que omnem homi-
nem venientem in
hunc mundum, mirum non
est si meam mentem tanto lu-
mine illustrarit, ut in intimos
fossilium recessus atque in
aquarum mineralium profun-
dum penetrarim, ac ea quæ in
sinu suo tenent inclusa pervi-
derim quò ipsa revelarem &
divulgarem, ut omnibus Phi-
liatris forent proficua. Quî
enim fieri potuisset ut tot Ar-
cana totque naturæ mysteria
in densissimis tenebris latitan-
tia perspexissem, nisi juvante
ac prælucente divino numine?

quapropter totum hoc opus illi dedico ac confecro , suamque infinitam bonitatem enixè deprecor ut ei benedicat , illudque reddat universæ reipublicæ Iatricæ gratum , acceptum , ac utile , zelotesque compescat ne dente canino idipsum arrodant , meque suum servum humillimum atque inutilem reputet.

Lectori Benevolo

Salutem.



Unc Librum Arcanum Acidularum meritò denominari existimo, quoniam curiosis investigationibus à me factis in anatome vitriolorum & aluminis manifestè ostendit mineralia quæ aciditatem aquis impertiuntur. Demonstrat quoque vitriolum habere eandem sympathiam cum ære, quam habet alumen cum ferro, aquasque ferrugineas nullum vitriolum continere, quia istud minerale ferrum alterat atque in æs convertit, sed illas suam aciditatem trahere ab alumine. Quapropter aquæ ferrugineæ plus aut minus de minera aluminis participant; aut si hoc clariùs explicare velis, aquæ aluminosæ plus
aut

aut minus mineræ ferri possident secundum diversos gradus coctionis mineræ quæ tandem adustione in mineram ferri vertitur. Cùm verò in minera ferri perfectè cocta reperiatur alia minera cruda , quæ est alumen quod aciditate suâ cruditatem denotat ; hinc promanat mixtio horum mineralium cum aquis quæ in minerâ isthæc alluunt ac diluunt , & ista mixtio æqualis est in nostris aquis , & inæqualis in Spadensibus & Pugenſibus, quæ multò plus aluminis quàm ferri complectuntur , ut experimentis , quæ in hoc libro protuli , comprobatur.

Arbitror etiam me jure merito substituere posse aquas Pruvinæas loco Spadanarum , quia aquæ Pruvinæ eadem mineralia in se recipiunt quæ Spadanæ , ferrum scilicet & alumen , cum hac tamen differentia , quod nostræ aquæ plus mineræ ferri habeant quàm Spadanæ , quia lagena Spadensis quæ triginta octo uncias aquæ continet ,
tan-

tantum profert granum terræ ferri, granum salis, & octo granaterræ aluminis: at ex eadem quantitate nostrarum aquarum extraho octo grana terræ ferri, totidem terræ aluminis & salis granum; propterea aquæ Pruvinææ magis refrigerant quàm Spadanæ propter qualitatem frigidam ferri quæ aluminis qualitatem calidam contemperat: præterea alias ferri qualitates infinitæ morborum multitudini utiles longè eminentius possident aquæ Pruvinææ quàm Spadanæ. Quamobrem non amplius necessum est ut Galli, quibus præscribitur usus aquarum Spadanarum ad profligandos suos morbos, tam longinquam peregrinationem suscipiant, quæ ipsis debilitatem aliaque incommoda procreat, præterquam quod ex laboribus quos redeundo perferunt, sæpe plus detrimenti capiunt, quàm ex aquis emolumentum. Nunc igitur brevior viam capere possunt, veniendo Pruvinum, quod solùm octodecim leucis distat Parisiis, ubi in promptu
sunt


sunt multi vehendi modi, quibus hoc iter commodè perfici potest. Et quamvis sanitas sit immensi pretii, nihilominus cum multis tantum facultatum non sit ut eam magno impendio acquirere queant, ideo minore sumptu illam quærere coguntur, quod facilè consequentur, si loco Spadanorum Pruvinaeos fontes ad-eant.



ARCANUM ACIDULARUM.

CAPUT I.

Anatome aquarum mineralium Pruvienarum & Spadanarum quâ ferrum & alumen duntaxat illarum compositionem intrare demonstratur.

 Uamvis de naturæ Arcanis iudicium ferre iis tantum liceat, qui suo præstanti genio assiduoque labore in hac scientia claruerunt; tamen inter tot viros doctrina per celebres qui suas præclaras opiniones in lucem ediderunt & sufficientem terræ quantitatem moverunt, ut illa quæ in abditis tenet inclusa detegerent, pauci fuerunt inter veteres & recentiores qui qualitates aquarum mineralium sedulo expenderint, mixtionisque earum mysterium aperuerint: si enim illorum disquisitionibus contenti esse vellemus, iis non addendo alias exactiores, certe in incertum navigaremus.

Quapropter jure ab iis discrepo, aliamque ab illis viam tero, quâ tamen eundem cum ipsis finem, claram scilicet veritatis visionem, consequi possim. Equidem fateor, etiamsi laudabilius sit sua sensâ exprimere quam aliena, & reperire novas materias quàm alienis insudate, nihilominus vix ac ne vix quidem me potuisse desistere à via illorum virorum illustrium, eligens

gens potius eorum authoritati inniti, quàm me novitiæ opinionis authorem profiteri: sed postquam labore plurium annorum adeptus sum alias cognitiones de veris qualitatibus aquarum Truvinzarum æque certas ac ratio & experientia eas docere possunt. Nunc me iudicem & censorem mearum primarum opinionum instituo, quia fuerant nimis conformes opinionibus authorum qui de aquis mineralibus scripserunt, qui quòd annotarint pinguedinem in superficie illarum aquarum, terram mineralem in fundo alveorum per quos perreptant, & quendam saporem illas bibendo perceperint, de mineralibus quæ in ipsis aquis dominantur, iudicarunt; non prius perquisitis illorum principiis, neque iis cum aquarum principiis collatis, quibus haud dubiè agnovissent utrum illis similia essent. Itaque cum prædicta mineralia ab iis non fuerint in partes & principia divisa, cortice tenus illorum principia duntaxat cognoverunt. Hac tamen viâ procedendum ut perveniamus ad cognitionem mineralium quibus differentes aquæ imprægnantur.

Equidem postquam ferrum ejusque mineram accuratè examinavi, suscepi disquisitionem principiorum aluminis, vitriolorum, sulphurum, & nitri, atque in iis feci omnimoda experientia meæ intentioni consona, quæ est scerrendi ac in lucem prodendi mineralia quæ in aquis mineralibus intime delitefcunt. Illud enim inaximi momenti mihi esse videtur, quia illarum aquarum usus appositè præscribi nequit, nisi planum sit quænam mineralia ipsis suas vires ac facultates impuuant, alioquin omnia fortuitis casibus committenda essent, sed cum evidentissimis demonstrationibus exploratum habeamus aquas vel ferro vel alumine, vel vitriolo, vel nitro, vel sulphure, vel bitumine, vel mercurio,
vel

vel antimonio, vel minerâ aliâ infertas esse, cum etiam nobis constet quâ in quantitate unumquodque illorum eas imbuat; atqui cùm horum fossilium qualitates & vires sint perspectæ, in promptu statim est quibus morbis aquæ ipsis inquinatæ, proficue sint. Inde mihi nata cupido indagandi principia majoris partis istorum mineralium, quò cognoscerem facultates aquarum quibus suas vires impertiuntur.

Hæc principia chymicæ arti debemus quæ mixta in sua elementa dividit eaque sensibus videntia exponit, illa separando ab invicem, ac singulatim demonstrando. Igni etiam chymico tot naturæ mysteriorum referatio debetur, quo vires eliciuntur intimo vegetabilium & mineralium gremio, ipsique quasi centro immersæ.

Miror adhuc superesse quosdam Medicos qui hanc artem calumniantur, quique remedia hac arte præparata velut deleteria & toxica traducunt. Equidem observavi ab eo tempore quo artem medicam exerceo, omnes misochymicos artis chymicæ principia & præcepta ne digito quidem attigisse, & eos de hac arte æque bene ratiocinari, atque cæci de coloribus indicant. Quoties exoptavi ut spectatissimi illi Doctores (qui Hippocratem, Galenum, Platonem, & Aristotelem optime callent, quique tum græcè tum latinè expeditè loquuntur, ac qui comptis & elegantibus sermonibus in scholis & in consultationibus maximam famam apud populum consequuntur) operi manus admovent aut adessent operantibus in remediis chymicorum præparatione, atque ea sub Hippocratis cautionibus præscriberent? Procul dubio nos docerent mirabilia quæ è naturæ gremio eliciissent, quæ illis totam se pandit qui suorum arcanorum investigationi sedulam operam navant,

Atramen vix ausim de hac re conqueri, cum major pars Medicorum impraesentiarum operi manum admoveere non avertentur: atque prophetiam Paracelsi chymistarum principis his temporibus adimpleri arbitror. *Vos me sequemini & non ego vos*, inquit in suo Paragrano, *vos Misni, vos Colonienſes, vos Viennenses, imò quicquid Danubio & Rheno continetur: vos in insulis maris: tu Italia, tu Dalmatia, tu Sarmatia, tu Atheniensis, tu Græcæ, tu Arabs, tu Israëlita, omnes me sequimini non ego vos.* Nonne videmus majorem partem Medicorum Parisiensium qui Paracelsi dogmata amplexati sunt, quamvis dudum ante ea procaciter impugnaverint, quandoquidem in celeberrima Medicinæ facultate Parisiensi stibium justificatum & triumphans conspicitur genio Doctissimi Medici ejusdem facultatis, qui hoc modo istos Doctores adegit ut remedia chymica comprobarent, cum exquisitiora & efficaciora ex hoc minerali conficiantur.

Quis in horum illustrium Doctorum albo se locum habere non gloriatur, quiſve hac arte mirabili aliquid cunctis hominibus utile promere non tentabit? Illa arcana non promiscuè nec omnibus patent reducta & in interiore sacrario clauſa: ex quibus aliud hæc ætas, aliud quæ post nos subibit, accipiet. Itaque divinus Hippocrates apposite dicit lib. de Veteri Medicina. *At verò in medicina jam pridem omnia subsistunt, in eaque principium & via inventa est, per quam præclara multa longo temporis spatio sunt inventa. & reliqua deinceps invenientur, si quis probe comparatus fuerit, ut ex inventorum cognitione ad ipsorum investigationem feratur.* Horum verborum sensus est, quamvis ars medica suis temporibus jam vetus esset, atque multa utilia ac necessaria ad hanc artem exercendam inventa essent, nihilominus eos qui ipsi poste-

posteriores essent , aliquid novi huic arti addere posse , modò illud labore & industria quærerent. Sed inter eos qui à tempore Hippocratis inquirendis novis remediis operam dederunt , pluri-
mi celebres Chymistæ suum tempus ac suas fa-
cultates insumpserunt , ut artem medicam tot ac
tam præstantibus remediis ditarent , quæ suâ vir-
tute optimâ Galenicis longe antecellunt, quæque
idonea sunt morbis magnis & contumacibus era-
dicandis , iis promptum auxilium afferendo, quæ
etiam ægris magna cum facilitate sumuntur;
quod maximè solatur ægotantes , cum videant
nos nunc sedulò laborare ut citò, tutò & jucundè
saneantur.

Hæc quoque ars mirabilis omnium rerum cau-
sas aperit , dividendo & separando mixtorum
principia , eorum virtutes & qualitates manife-
stat , quæ ante hanc dissolutionem occultæ & re-
conditæ erant , & nisi ejus principiis institissem ,
nunquam deprehendissem mineralia quæ in no-
stris aquis dominium habent.

Aqua mineralis facilè dignoscitur seu sapore ,
seu crassamento quod deponit in imo alveorum
quos permeat, seu tincturâ quâ fontium parietes
tingit , vel quæ apparet ei pulverem gallæ admi-
scepdo , seu pinguedine quæ in illa supernatat ,
quæ omnia sensibus sunt manifesta , quæque ab
aqua communi abesse debent , quæ ut sit bona
omnium harum qualitatum & substantiarum
expers esse debet. Facile quoque observantur ef-
fectus mirabiles aquarum mineralium , sed eo-
rum causam cognoscere & adinvenire mineralia
quæ illos producant

*Hec opus hic labor est : pauci quos aquas amavit
Jupiter, aut ardens evexit ad æthera virtus
Dis geniti potuere.*

Hic etiam veritas hujus adagii elucescit, diffi-
lia quæ pulchra.

Prima hujus difficultatis causa videtur, quia diversa authorum de mineris sunt judicia. Secunda quia raro, imò ferè nunquam unâ re fossili aquæ sunt imbutæ. Tandem quia minera in minutissimas particulas dividuntur, ut quid sint ne lynce quidem oculi interdum perspiciant, & illæ difficilimè separantur ab aqua, cum quâ ita confunduntur, ut unum & idem corpus esse videatur: præterea quædam mineralia tantam inter se similitudinem habent, ut ægrè admodum internosci queât, sed *labor omnia vincit improbus*. Cum etiam in explorato habeam *Deos laboribus omnia vendere*, statui neque labori, neq, tempori, neque sumptibus parcere, ut meæ intentioni satisfacerem, nempe secerandi mineralia quæ in nostris aquis Pruviniensibus confusa delitescunt. Hac de causa post multa experimenta quibus animus nondum contentus erat, amicum rogavi ut ad me mitteret aquas Spadenses, Pugenſes & Forgenſes, ut in iis experimenta faciens facilius perciperem quibus mineralibus nostræ aquæ imprægnantur. Aqua Spadensis in his mineralibus indagâdis mihi admodum utilis fuit, in qua cum animadvertissem mineram aluminis & ferri, illa ab invicem multifariam dispescui, ut refero cap. 8. de fontibus Spadensibus &c. tum repetitis iisdem experienciis in nostris aquis, eadem mineralia reperi. Hanc methodum tenui.

Sumpsi lagenam Spadensem quæ triginta octo uncias aquæ continet, aquam in vas fictile effudi, atque permisi ut per spatium duorum dierum resideret, quò ejus spiritus evolarent, qui omnes substantias minerales cum aqua adeo unitas tenent, ut pura & limpida appareat: sed quum evanuerunt, substantiæ minerales ab invicem segregantur; terra ferri quæ crassâ est & ponderosa in imo vasis secedit, quod ideo identidem movendum est, ut ea citius fundum petat: sulphur in aqua
 lu-

supernatat & sal remanet confusus cum aqua; cum verò alumen sit sal, in elemento aquæ simul cum sale ferri diffunditur. Duobus diebus elapsis filtro hanc aquam transcolavi, mihi reliquum fuit granum terræ ferri subflavæ, tum post aquæ evaporationem, residuum in aqua simplici dissolvi, quam postea filtro trajeci, & mihi superfuerunt grana octo terræ aluminis albæ: & postquam iterum aquam exhalavi, reliquum habui granum salis tam ex alumine quàm è ferro depromptum. Deinde æqualem quantitatem nostrarum aquarum mineralium in idem vase effudi, & simili modo, quo suprà, egi: primò octo grana terræ ferri elicui, quæ est paulò flavior quàm Spadana, quæ est flavi coloris ad pallidum vergentis, quia aquis Spadanis plus inest aluminis quàm ferri; deinde habui octo grana terræ aluminis, quæ non æquat albedinem Spadanæ, quia nostræ aquæ plus mineræ ferri possident quàm Spadanæ: demum mihi remansit granum salis tam è ferro quàm ex alumine depromptum. Isthæc duo mineralia cum æquali in quantitate cum aquis nostris permixta sint, mirandum non est, si in illis ab invicem separandis tantopere laboraverim, quia utrumque adstrictionis est particeps, & sapor ferruginosus aluminis saporem ita obtundet, ut aluminis aciditas in nostris aquis vix percipiatur, quæ acutior est in aquis Spadanis, quia in iis alumen ferro prævalet.

Sed postquam in nostris aquis terram ferri à terra aluminis dispescuerim, atque eas spectaverim secundum hæc duo mineralia ipsis admixta; multa quæ in meis scriptis protuli, retractare cogor, quæ cum veris ac solidis principiis non starent, mirum non est, si tam facilè sint collapsa. Equidem ita additus sum veritati, ut illam

agnoscere etiam præjudicio eorum quæ dixi & scripsi, nunquam erubuero; ac si meâ operâ novas & veras notiones de istis mineralibus consequi possim, illas in lucem audacter producam, etsi omnes meo tanto labore comparatas evertere debeant: quâ in re divini Hippocratis vestigia sequar qui adeo studiosus erat veritatis, ut ingenuè confessus sit in fracturis cranii à futuris se deceptum fuisse, ut hac simplici veri erroris confessione posteris utilis esset & impediret ne qui in eodem ministerio deciperentur, eadem ratione quâ ipse ante deceptus fuerat.

Verum quidem est meis primis experimentis solam mineram ferri cum nostris aquis mixtam me deprehendisse, quia in sapore conveniunt cum aqua in qua fabri ferrarii candens ferrum extinguunt: præterea reperiuntur multa ferri recrementa prope rivum meantium infra vicum Chalotram parvam, quæ prorsus similia sunt iis quæ ex officinis ferrariis educuntur: ex illis recrementis in animum induxi meum ibi olim fuisse officinas ferrarias in quibus homines ope aquæ istius rivi ferrum fabricabant: atque etiam supra villam quæ torcular Dei cognominatur, inveni mineram ferri quæ admodum frequens est in solo Pruvinesi, ut videre est multis in locis huic urbi vicinis, veluti circa vicos Sanctum Hilarium, Guincejum, Savignium, Margotieram & alia loca in quibus illam collegi, diende lavi, demum liquefeci, & ex ea extraxi ferrum adeo purum ut chalybs appellari jure merito possit. Mihi verò multa animo volventi, quibus majorem cognitionem hujus mineralis materiæ adipiscerem, & decumbanti in locis sublimibus & aridis occurrit scrobs satis alta, in quam descendi, ubi postquam attentè dispexissem diversitatem stratorum terra sibi invicem insidentium, obtu-

tus mei steterunt in argilla, quæ est materia ex quâ minera ferri generatur, quæ sùdere Marte conspirante cum sole coquitur & perficitur: primo flavescit, deinde rubescit, postremò nigrescit, tum perfectè cocta est: tunc ista argilla, quæ ante hanc mutationem admodum unita & compacta erat, tam friabilis evadit, ut levi contactu cadat, dividatur & in grana dissiliat. At cum his investigationibus animo non satisfecissem, potius indagavi quomodo minera ferri produceretur in locis humilibus & uliginosis quàm in collibus aridis. Quamobrem cum fodebatur terra ut scaturigines nostrorum fontium detegerentur, observavi in diversis caspitibus, differentes gradus coctionis minere ferri, quæ in quibusdã flava est, in aliis rubra atque in plurimis nigra: posita est per stata in medio duarum partium terræ nondum alteratæ, quæ est materia ex quâ ipsa oritur; & propter scaturigines aquarum quibus imbibitur & humectatur, in grana non formatur, velut in terris aridis; atque necesse est, illam esse hujuscemodi, ut exacte misceri cum aqua eamque suis qualitatibus imbuere possit. Præterea è lateribus nostrarum fossarum minera ferri aquâ tantillum diluta parvulis meatibus effluit, cujus una pars lateribus fossarum obhæret, altera in aquam labitur. Collegi partem minere ad latera fossarum agglutinatam quæ rubida est, quia recrudit aquâ quâ diluta elabitur tam pinguis est, ut licet illa per duos dies soli exposita fuerit, & juxta ignem viginti quatuor horas jacuerit, tamen remansit æquè mollis ac lutum; ideo in cacabo supra ignem posito eam desiccare decrevi, in quo cum semihorâ stetisset, nihilominus velut terra oleo imbuta semper mihi visæ est. Cum esset hujuscemodi, illam gustavi atque pluribus hominibus gustandam præbui, qui me-

cum gustu consentientes eam ferruginoso sapore præditam esse & linguam constringere affirmarunt; deinde illam exposui igni fusorio, uti exposueram mineram ferri granulatam, fusa est & ita exusta, ut ferrum ustum & ferri recrementa mihi duntaxat superfuerint: hanc terram recondidi quæ temporis progressu desiccata multum rubedinis deposuit, quæ humiditate suæ pinguedinis fovebatur, & facta est fermè ejusdem coloris ac illa quæ mihi remansit post nostrarum aquarum evaporationem, quæ quod ignis ministerio extracta sit, paulò rubicundior est præcedente.

His omnibus accuratè observatis, pensatis & animo agitis, in mentem meam venit nullum aliud fossile cum nostris aquis misceri præter ferrum in sua principia chymica resolutum, nempe in Mercurium, sulphur & salem principia utilia; & in terram & phlegma principia inutilia, quæ sic nominantur, quoniam ab aliis segregata virtutem nullam aut parvam obtinent, in mixtis verò aliorum vim effrancatam moderantur: isthæc omnia principia seu elementa voco, quia incorruptibilia sunt nec in sese invicem transmutari queunt.

Cum mineralia quæ in nostris aquis dominantur sint manifesta, nunc eorum principia discutienda veniunt, atque cum ferrum mihi primum semper occurrerit, ab eo incipiam non tamen omittens alumen, quod in nostris aquis pari cum ferro quantitate reperitur propter magnam affinitatem quæ inter utrumque intercedit, ut infra probabitur.

CAPUT II.

Examen ferri & aluminis qua dominantur in nostris aquis, & suorum principiorum.

Mercurius ferri demonstratur colore nigro quo faeces tinguntur, quia ferri proprium est hunc colorem indere rebus cum quibus copiosè & substantialiter permiscetur, quod observatur in omnibus qui limaturam chalybis aut crocum Martis usurpant quorum dejectiones nigrae sunt. Præterea è scobe ferri aceti ope dissoluta tincturam nigram elicui; & in ista ferri solutione ejus spiritus inclusi ex imo liquoris ad superficiem efferantur, ubi sulphure inviscati paulisper detinentur, à quo tandem liberi per aëra volitant. Demum è ferro cum aqua comuni & galla soli æstivo expositis per spatium unius alteriusve diei, extrahi tincturam similem illi quæ in nostris aquis deprehenditur, cum ipsis idem pulvis gallæ fuit admixtus: quod fit beneficio spirituum, qui, dum solvitur ferrum in aqua, è suo subiecto emergentes pulveri gallæ occurrunt, cujus ope hanc tincturam violaceam subnigram efficiunt non secus ac spiritus nostrarum aquarum illam extrahunt. At si sumas aquam in qua ferrum fuerit dissolutum, & ei addas pulverem gallæ, sui coloris nativi nihil deperdet, quia dum ferrum solvebatur, ejus spiritus evolarunt. Eodem modo cum nostræ aquæ aliquot dies asservatæ & spiritibus suis destitutæ sunt, suum colorem amplius non mutant, licet in ipsas pulverem gallæ projicias. Denique ferrum recens fabricatum est coloris violacei subnigri; inde concludo colorem

hujus mixti è suo mercurio promanare. Et si forsan isthæc experimenta non satis fecerint animis eorum qui dubitabant utrum mercurius hunc colorem nostris aquis & ferro tribueret, ii debent considerare istum colorem illa non habere à suo sulphure quod rubrum est, neque à sale volatili qui est albus, neque à sale fixo qui est coloris fusci, ergo isthæc mixta hunc colorem à suo mercurio desumunt. Ut hujus rei veritas magis elucescat, contemplemur sulphur nostrarum aquarum, quod pelliculæ in modum supra earum superficiem concrevens, primò album apparet, tum ratione aluminis cujus sulphur est album, tum suæ tenuitatis causâ, demum quod in aquis supernatet; deinde spissius evadens & suâ substantiâ pingui & viscosâ retinens spiritus ferri qui sursum tendunt, imaginem nobis reddit coloris illius variantis admodum similis ei qui in collo columbi conspicitur, cujus nigredo è mercurio ferri procedit, quicum fuerit evaporatus, sulphur ferri videtur suo nativo colore tinctum, nempe rubro. Addamus ea quæ observavi in solutione ferri factâ ope aceti, quod cum spirituum abundans sit, eorum tincturam illico extrahit (similia enim similibus gaudent.) Hac tinctura primo conspectu nigra apparet, & cum aquæ vulgari affusa est, tunc tinctura mercurii ferri cum suo sulphure juncta hunc colorem variantem profert non dissimilem illi qui in superficie nostrarum aquarum cernitur; quum verò tractu temporis spiritus dissipati sunt, sulphur rubrum evadit. Præterea isthæc tinctura nigra cum aqua simplici mixta adhæret parietibus vasis in quod effusa est, dein spiritibus exhalatis, & aquâ diminutâ sulphur eisdem parietes rubro colore tingit. Tandem ista tinctura nigra ad parietes vasis agglutinata, aliquot annis elapsis, ab ipsis separatur corrosione salis volati-

lis sibi immixti, qui emergit exitque ex hac nigritie ut prodatur suum colorem nativum, qui albus est. Ista omnes experientiae meae sententiam magis ac magis stabiliunt, quàm opinor colorem ferri atque etiam tincturam, quae pulveris gallae permixtione in nostris aquis deprehenditur, è mercurio ferri promanare. Dicendum non est has tincturas proficisci è mercurio aluminis quod in nostris aquis dominatur, quia si alumini in aqua communi soluto, atque etiam aquis Pugen- sibus pulverem gallae admisceas, utraque aqua albescent & sedimentum habebunt album: cum vero sedimentum deposuerint clarae fient, & haec albedo quae è terra aluminis provenit, sedimento adhærescet.

Mercurius aluminis manifestatur hac parvâ aciditate quae nostras aquas deglutendo gustu percipitur: & mercurius utriusque demonstratur copiâ spirituum aquis nostris immixtorum, quae tanta est ut plures lagenae istis aquis oppletae & exquisitè obturatae facile disrumpantur, licet leviter manu tractentur, quia hi spiritus se vi retineri non ferentes lagenas effringunt ut liberius per aëra volitent. Insuper addam cum phialam iisdem aquis implevissem eamque probè obturassem duobus diebus post, fundum illius bullulis margaritarum aut argenti vivi in granula dispersi instar apparentibus refertum vidi, quae ex spiritibus simul conglobatis constatae erant; atque cum illam conspiciendam praebebam multis concivibus, in mea manu effracta est, quamvis leviter eam tractarem. Semper reperi has bullulas in fundo phialarum quas istis aquis implevi, quae postquam uno aut altero die repositae essent, in quibusdam plures, in aliis pauciores videbantur, quae postea evanescabant spiritibus exitum invenientibus trans stupas quibus phialas obturave-

ram. Sæpe observavi has bullulas è fundo ad col-
lum phialarum assurgentes, quæ cum cerâ ob-
turatæ essent istæ bullulæ spiritibus plenæ effere-
bantur ad aquæ superficiem, quarum aliqua sub-
limioribus parietibus adhærescebant, aliæ usque
ad cereum obturamentum perveniebant. Quo-
ties oblectatus sum contemplando quomodo spi-
ritus in bullis aqueis inclusi ex imo nostrorum
fontium ad aquæ superficiem attolluntur, ubi
involucrum disrumpendo aëri se dant libero?
Atque horum fontium parietes attentius consi-
derans conspexi bullulas ipsis affixas à superficie
usque ad imum aquæ, quæ non erant dissimiles
iis quæ in phialis & lagenis efformantur. Vis itto-
rum spirituum tanta est ut, quemadmodum mi-
hi retulit vir Religiosus pietate insignis, qui cum
istis aquis phialam replevisset atque eam probè
obturasset, animadverterit illas effusas esse an-
gusto foramine factò in tenuiore parte vitri, quæ
spiritibus exitum quærentibus obsistere non va-
luerat. Quotidie experimur quàm difficile sit
conclusos tenere spiritus vitrioli, salis & sulphu-
ris, atque ut eos retineamus opus habemus phia-
lis è vitro duplici conflatis beneque obturatis su-
bere cerâ Hispanicâ obducto, nihilominus tamen
si angustissimum foramen nanciscantur, illac
evolant phialas vacuas reliquendo, quandoque
etiam illas effringunt ut effugiant: equidem spi-
ritus aquarum nostrarum aliter continere nequi-
vi nisi obturando lagenas subere cerâ Hispanicâ
obducto, unde colligo eas spirituum admodum
abundantes esse, siquidem penetrant & disrum-
punt phialas, sæpe lagenas frangunt dum obtu-
rantur, atque etiam pocula vitrea quibus hæ aquæ
hautiuntur, vi spirituum ut plurimum in frustra
dissiliunt.

Cum verò isti spiritus evaporati sunt, magnâ
nobis

nobis apparet mutatio, non modò in aqua in quam limaturam ferri partim aceto dissolutam injeci quæ per tres annos in vase figulino remansit, ipsi per vices recentem aquam affundendo, quæ turbida & flava evasit, quia dum ferrum in aqua paulatim solvitur ejus spiritus evolant; sed etiam in nostris aquis, quæ cum horæ quartâ aëri fuerint expositæ, turbidæ & subflavæ sunt ob deperditos spiritus quorum præsentia puræ & claræ apparebant. Aquæ autem propter terram ferri sibi immixtam turbidæ sunt, ut notavi in aquis Spadanis, quæ sunt ferruginosæ, quoniam ultimæ liquoris partes è lagenis depromptæ turbidæ sunt, quia terra ferri longo tempore quo lagenæ asservantur, ad fundum eorum devolvitur. Quocirca mirum non est si nostræ aquæ suis spiritibus orbæ conturbentur, & repositæ multum hujus terræ in lagenarum fundo habeant, siquidem lagena aquâ Spadanâ repleta, cujus ultimæ liquoris partes turbidæ sunt, solum granum terræ ferri possidet, & eadem quantitas nostrarum aquarum octo grana præbet. Isthæc terra ferri aquas minerales turbat plus aut minus, prout in iis abundat; nam sales seu vitriolati, seu nitrosi, seu aluminosi, seu alterius speciei nullum habent crassamentum, neque aquam perturbant, quia liquantur & cum tota aqua confunduntur, quod in aqua Pugenſi est manifestum, quæ est aluminosa, cujus etiam alumen est admodum terrestre, ut experienciâ didici, quum ejus aquam atque etiam Spadanam in diversis vasis tractu temporis exhalari permisi, terrâ ferri prius distractâ: nam alumen Spadanum longè purius est Pugenſi, quod visu & gustu faciliè percipitur, nam in pari quantitate aquæ Pugenſis & Spadanæ aqua Pugenſis mediâ mineræ parte Spadanam exuperat. Nihilominus tamen ista terra ferri impedire non debet

quo-

quominus aquæ nostræ potentur, siquidem ab ea cum aliis ferri principijs sociatâ suas virtutes efficaciores mutuantur : & si timeremus ne hæc terra nobis aliquid nocimenti adferret, nullis eduliis cibandi essemus, quia omnia alimenta, cum è terrestri materia educantur, ejus plurimum retinent. Præterea ut spirituum mineralium qui hanc terram cum aqua tam exquisitè miscent, ut nullo modo appareat in aquâ recens è fonte haustâ, illa tenuior facta deducitur & permeat quocunque sua virtus utilis est : atque etiam fieri nequit ut nostræ aquæ multum mineræ ferri possideant & ejus terrâ careant, quæ in suorum principiorum albo continetur.

Sulphur ferri est isthæc pellicula pinguis insipida quæ aquæ supernatat, quæ cum quieverit, diversis coloribus tincta videtur, quos variat secundum diversitatem aspectuum, ideo similis est colori colli columbini, qui genuinus est color sulphuris ferri dum aquæ innatat; verum si manui vel alii corpori solido imponatur, flavum aureo colore splendens apparet, sed temporis progressu spissatur & rubescit, & obhærens parietibus nostrorum fontium, eos rubeo colore tingit, color verò mercurii ferri niger est; unde fit hæc colorum varietas quæ videtur in sulphure nostris aquis supernatante, quia ejus partes coadunatæ efformant pelliculam tenuissimam telæ aranearum non multum dissimilem, quæ cum sit materia extensa & tenuis, primò videtur alba propter suam tenuitatem & mixtionem sulphuris aluminis quod est album : tunc spiritus ferri qui ex aqua attolluntur & aerem petunt, occurrunt illi sulphuri quo inviscati & intricati simul miscentur & confunduntur, unde exurgit is color varians qui in superficie aquarum visitur, cujus.

diversi.

diversi colores è permixtione tincturæ rubræ sulphuris cum tinctura nigra spirituum ferri proficiuntur, quibus temporis lapsu dissipatis, hoc sulphur rubescit. Notavi etiam mutationem quandam in tinctura nigra quam è scobe ferri aceto dissolutâ extraxi, quia tempore permiseram consumere & exhalatione siccare illum liquorem suo sulphure imprægnatum, quapropter quod nigrum erat paululum rubuit & colorem violaceum exhibuit. Si immergas ferrum in vase aquâ communi repleto soli exposito vigentibus ætivis caloribus, intra viginti quatuor horas in aquæ superficie velut tela aranearum pinguis efformatur, quæ tum consistentiâ, tum colore imaginem refert illius quæ in superficie aquæ nostrorum fontium conspicitur; nihilominus illa quæ formatur in superficie aquæ in vase figulino contentæ, postquam recepit limaturam ferri aceto dissolutam, ipsi longè similior est. Sæpe oblectatus sum considerando quomodo hoc sulphur ex imo nostrorum fontium in aquæ superficiem assurgit trans hoc corpus humidum squamularum argentearum specie, & in ejus superficie locatur, ubi aliis ejusdem naturæ se adjungens simul efformant velut telam aranearum, quam aquæ superfici ei innatantem videmus; & si illa ab aqua auferatur & corpori solido imponatur, flava aureo colore splendens & subrubra apparet; hunc etiam colorem observavi in sulphure quod excepi in superficie aquæ, in quam immiseram scobem ferri è quâ tinctura nigra acetæ ope extracta, atque à suo sulphure secreta erat: rubro colore infecit parietes vasis è quo illud collegi: deinde exhalavi aquam quæ simul auferret cum sulphure tum è nostris aquis, tum ex aqua vasis figulini deprompto, unde color sulphuris nostrarum aquarum pallidior minusque ob-

obscurus evasit, illud verò quod è limatura ferri elicui plus rubedinis retinuit, quia minori aquæ quantitate lotum est: quod quidem tam verum est, ut sulphur quod desumpsi in superficie aquæ in vase figulino contentæ, postquam illud multis iteratis vicibus in superficiem aquæ projecì per spatium octo vel novem mensium, longè pallidius est eo quod excepi in superficie primæ aquæ, ideo similis est sulphuri nostratum aquarum: tandem utrumque misi super prunas ardentes, & arsit non secus ac limatura ferri in flammam candelæ injecta.

Sulphur aluminis est album, quemadmodum videtur in superficie aquarum Pugenſium cum sunt repositæ; & licet illud ex ipsis aquis excipias atque exsiccēs, nihil tamen de sua albedine detrahes: sulphur etiam hujusmodi sumpsi in superficie aquæ, in qua alumen dissolveam, quod quidem est ejusdem coloris, sed minoris quantitatis.

Sal ferri & aluminis post aquæ exhalationem jungitur terræ minerali, quam si degustaveris, salſam deprehendes, & si eam aquâ communi diluas & filtro aquam tranſcoles, illius deinde evaporandæ causâ, tunc habebis salē ab aliis principiis mineralibus divisum qui saporem ferri & aluminis refert, quique nostris aquis immixtus illas utriusque sapore condit.

Terra ferri est tenuis & subflava, & post filtrationem aquæ in fundo vasis residet, ut suprâ retuli: residet quoque in fundo alveorum per quos nostræ aquæ effluunt, & fundi illorum terræ se adjungens, eam suo colore inficit. Inveni terram hujusmodi in fundo vasis figulini aquâ pleni, in quo deposueram multa ferramenta vetera, ut per plures dies madefcentia tandem aquæ

quæ beneficio dissolverentur : eorum fibræ parietibus vasis adherent, quarum nonnullæ istâ terrâ tenui onustæ in vasis fundum deprimuntur : idem accidit fibris mineralium quæ in nostris aquis dominium habent, quæ eadem terrâ tenui onustæ proprio pondere ruunt ad fundum alveorum & lagenarum, potissimum cum aquæ spiritibus sunt viduæ.

Terra aluminis est alba, ut patet experienciis quas suprâ exposui, & iis quas infrâ recensebo.

Phlegma nostrarum aquarum admiscetur aquæ simplici ipsique simile est substantiâ & qualitatibus, quæ sunt humectandi & refrigerandi, & si nostræ aquæ quadam aliâ virtute præditæ sint, eam à principiis ferri & aluminis quibus imprægnatæ sunt, mutuuntur.

C A P U T III.

De metallorum & mineralium mollitie in sua minera.

Quemadmodum in nostris aquis tantum ferum, & alumen annotavi, ideo omnes morbi qui illarum potatione curantur, sanari possunt remediis a ferro & alumine desumptis belleque præparatis, quæ longè melius à naturâ quam ante elaborantur, homines enim duntaxat sunt naturæ imitatores & totâ suâ industriâ ad perfectionem operum illius pervenire nequeunt. Satis mirari non possum quantum valeat in hoc frigido elemento ad eliciendas virtutes & facultates metallorum duriorum, quæ vix igni violento cedunt, nisi id fiat (ut arbitror) eo quod metalla & mineralia in sua minera mol-
lia

lia sint, unde aqua transmeando secum rapit partes illorum leviores & tenuiores quas facile dissolvit & sibi associat, velut mercurium & sulphur, salem & terram tenuem; phlegma verò cum aqua confunditur.

Adeo verum est mineram ferri in sinu terræ mollem esse, ut è parietibus nostrarum fossarum quæ factæ sunt quo scaturigines nostrorum fontium detegerentur, atque etiam è parietibus fossarum ipsis adjacentium, angustis meatibus, veluti terræ venis, liquida effluat: sua consistentia est amuræ similis, substantia è latebris terræ emergens coloris violacei, dum suo sulphure cooperitur, quo sublato subnigra apparet: cum verò aëri exposita & aqua dilutior facta est, rubescit, tum cum aqua adhuc magis diluitur flavescit: tota ejus superficies suo sulphure contegitur, permanet liquida & fluens quia primò effluit in terram super humidam, deinde cum aqua fossarum permiscetur. Persæpe notavi hos diversos mineræ colores in croco martis diversimodè præperato: si enim cum sulphure præparetur, colorem suum subnigrum intra viginti quatuor horarum spatium igne violento in violaceum permutat; & si igne reverberii elaboretur, rubenum colorem acquirit: quod ad colorem flavum spectat, hujusce coloris est terra mineræ ferri quæ in imo alveorum subsidet. Nihilominus supra terram minera ferri dura & solida videtur; illa enim quam in superficie terrarum aratarum reperi quæ ferro aratri è terra eruita est, in grana est divisa quorum quædam dura sunt instar silicium, quia jamdum aëri exposita, valde cocta atque solis ardore desiccata sunt: alia è sua minera recens educta æquè friabilia sunt ac terra vulgaris, eaque meis digitis contrectando in pulverem sæpe numero redegi: atque etiam scindendo terram granis mineræ

refertam, plura cultro secui, hinc colligo mineram ferri in sinu terræ mollem esse; quocirca aquâ eam alluente facile diluitur & liquefcit. Præterea in locis in quibus nostræ aquæ resident, & in alveis per quos lente effluunt videmus veluti floccos lanæ flavæ subpallidæ qui sunt fibræ mineræ: unde magis ac magis persuasum habeo mineram ferri in terræ sinu mollem esse: ac si dura & solida sit, dum è terra eruitur, id habet ab aëre qui eam confringit & omnes illius partes conjungit, eas colligando suis fibris quibus abundat, ex quibus etiam ferrum & chalybs suam soliditatem & duritiem contrahunt, non secus ac sanguis qui in venis contentus liquidus & fluens est, sed cum extractus in pelviculo aëri est expositus suis fibris confringitur & coagulatur: & si in aqua extrahatur, liquidus permanet & fibræ illius separantur, quæ postquam aqua quievit & refrixit, veluti flocci lanæ albæ apparent. Istæ tamen fibræ sextum principium non constituunt quia ex tenuioribus terræ & crassioribus sulphuris partibus constantur, quapropter in medio aquarum innatant, at post mixtorum resolutionem neutiquam apparent, sed tantum quinque principia quorum mentionem feci supra. Istarum aquarum potum non debemus averfari quod tot diversis substantiis mineralibus infarciuntur, nam cum sint quoque dilutæ, aut, ut melius dicam, cum aqua communi incorporatæ & spiritibus mineralibus attenuatæ, promptè penetrant meatus angustiores, non secus ac sanguis quo vita nostra sustentatur, licet ex quatuor humoribus compositus & consistentiâ sit crassus, nihilominus suo fero dilutus ac suis spiritibus tenuior factus permeat omnes venas etiam angustiores, quales sunt capillares, ut ad omnes corporis partes feratur, iisque alimoniam distribuât.

C A P U T IV.

*Aquas ferruginosas ab alumine non verò
è vitriolo suam desumere aciditatem,
paucaque mineralia earum substantiam
subire.*

FXISTIMO authores, qui de aquis ferruginosis pertractarunt, nunquam examinasse utrum minera ferri in sinu terræ dura aut mollis sit; neque admodum laborasse ut cognoscerent, quomodo fiat mixtura aquæ cum mineralibus, sed animum suum potissimum applicuisse observandis diversis saporibus, quos aquas degustando perceperunt, & diversis mineralium partibus, quas in ipsis viderunt. Propterea quod ferrum sapiunt, eas hujus mineralis participes esse consentiunt.

Sux aciditatis ergò, illas vitriolo imbutas esse volunt, quasi verò alumen ad aciditatem vitrioli propè non accederet. Equidem opinor nostras aquas ab alumine non verò à vitriolo aciditatem suam trahere: si enim vitriolum cum ferro misceretur, illud in æs transmutaret, quod minimè verum est in minera ferri granulata quam liquavi, ex qua duntaxat extraxi ferrum purum perfectè elaboratum nullo æri permixtum, neque in minera ferri, quæ terra pinguis est & subrubra aquâ diluta, quam collegi è parietibus nostrarum fossarum è qua igne fusa tantum ferrum exustum cum suis sconiis habui. Ideo in hunc errorem non inciderunt, quòd autument tincturam nigram quæ pulveris gallæ ope his aquis communicatur, è vitriolo ipsis immixto proficisci: quod à veritate adeo est alienum, ut cum aquæ liberiori

rioni aëri expositz suis spiritibus orbantur, istius pulveris admixtione colorem suum non mutant. Quis enim ignorat digitos eorum qui scobem ferri manu tractant colore atro infici, atque etiam ex eadem scobe aceto dissolutâ tincturam nigram extrahi eodem prorsus modo quo è ferro cum galla in aqua simplici immerso, eadem tinctura nigra educitur? Præterea facces eorum qui limaturâ aut croco martis utuntur æque nigre sunt ac facces illorum qui nostras aquas epotant.

Thomas Jordanus in descriptione Acidularum Moraviæ arbitratur acorem aquis communicari à chalcantho & alumine: idque probat ex gustu. *Nam si quis acidulas gustaverit, animod: erit, alumen & chalcanthum primas sibi præ cæteris vendicare mineralibus. Si quis etiam simplici aquæ chalcanthum permiserit, aciditatem cum acrimonia quadam sentiet: cum astringitione verò, si aquæ alumen addiderit.* Andreas Libavius illi adstipulatur l. 2. de judic. aquar. miner. c. 36. Equidem censeo acorem aquis ferrugineis communicari ab alumine, quod convenit cum ferro, veluti vitriolum cum ære: ac graviter hallucinantur ii qui putant acorem, quem sapiunt potatores aquarum ferruginearum oriri à vitriolo, quia sub terra vitriolum cum ferro non reperitur, quoniam illud alterat & æri assimilât: quemadmodum sæpe expertus sum cum vitriolis explorandis incubui: nam cum aliquod ferri fiustum vitrioli solutione intinxi, protinus colorem cupri induit: quod etiam confirmatur operatione chymica, quæ conversio Martis in Venerem nuncupatur, quæ fit è scobe ferri cum vitriolo mixta. Plurimi arbitrantur hanc operationem è secretis Pythagoræ de promptam esse, cujus Ovidius ejus doctrinæ sectator mentionem fecit in suis Metamorphosis, & hanc Martis conversionem in Venerem describit sub

sub ænigmate amorum Martis & Veneris quos mutuis amplexibus conjunctos deprehendit Vulcanus, quo nomine ignis denotatur qui eos arctissime colligat atque intime conjungit. Hæc omnia optime probantur à P. J. Fabro in suo Palladio Ipagyrico c. 17. *Ad sunt & fontes quamplurimi, qui ferum transmutant in cuprum, vidique in profundo mineræ Pyrenensis stagnantem aquam in cuius lacu ferrum depositum per aliquantulum temporis in rubiginem mutabatur metallicam, quam violentissimo igne liquatam cuprum optimum reperiunt qui tanti thesauri sunt conscii: hujus rei causam retulimus ad vitriolum, cujus maxima quantitas diluta est per poros ipsius æræ. Vitriolum autem mutat ferrum subito, reliquaque metalla longo tempore in cuprum, quod vitriolum habet cupri spirituose & fixæ substantiæ maximam copiam, cujus ope ferrum quod non distet multum à coctione cupri facili negotio spiritus vitrioli penetrant, ipsum ferrum convertunt in vitriolum, quod cum habeat spiritus adhuc metallicos, liquatione forti transit in cuprum potius quam in aliud metallum, quia id postulant tunc temporis spiritus vitrioli, propter innatam ad cuprum propensionem. Georgius Agricola l. 9. de natur. fossil. f. 345. notat Ferrum atramento sutorio illitum, æri simile fieri. Id quod mirum videri non debet. Nam Smolnizii, quod oppidum est Carpati montis, ejusque partis Hungariæ, quæ olim Dacia dicta, aqua extrahitur è puteo, inque canales triplici ordine locatos infunditur, in quibus posita portiones ferri vertuntur in æs. Ferrum autem minutum, quod in sine canalium collocatur, talis aqua ita exedit, ut quasi lutum quoddam fiat. Id vero omne postea excoctum in fornacibus sit æs purum & bonum. Et licet Chymistæ vitriolum è marte se elicere asseverent, non est tamen vitriolum, quoniam ejus planè est expers, sed illud quod ex eo extrahunt est sal imprægnatus menstruo cujus ope*

ope ferrum solutum est, quem illius vitriolum esse, putant. Diversis experimentis hujus rei veritatem investigavi: enimvero cum vitriolum sit sal qui in aqua liquatur, hujus subsidio illum in ferro indagavi. Primò multa ferramenta vetera in aquam communem immerfi, ut commoratione diuturnâ in ea dissolverentur, deinde aquam filtravi & vaporavi, & residuum habui sallem ferri qui præditus est sapore salis subamari & linguam paululum astringentis. Secundo sumpsi ferri rubiginem, quæ est ferrum ænis humiditate solutum, quam cum magna in quantitate per quindecim dies in aqua madescere sivillem, ejus partem ebullitione consumpsi, nec ulla pellicula in aquæ superficie formata, sed tantum aqua turbida & spissior facta est, ideo illam filtro percolavi, dein vaporavi, neque dum isthæc fieret evaporatio ulla pellicula mihi apparuit; verum cum tota aqua exhalata est, reliquum mihi fuit tantillum salis præcedenti sali sapore & colore confimilis. Demum accepi uncias decem martis ita calcinati, increti & recalcinati ut pulvis impalpabilis factus sit; in prima Martis calcinatione solâ aquâ usus sum pro dissolvente (quæ sit multoties illum humectando & movendo) & in postrema igne, adeo ut in parte tenuiores & subtiliores reduci nequiret. Tunc putabam me ex eo extracturum esse vitriolum juxta methodum Clavxi Junioris qui ex marte in hanc formam reducto crystallos virides efformari vult, dummodo prius multoties lotus sit aquâ quæ postea filtro colanda & usque ad pelliculam vaporanda est. Tentare volui an hoc modo vitriolum è Marte elicere possem, ideo Martem ter lavi aquâ quam deinde filtro colatam exhalavi, nulla tamen in illius superficie pellicula apparuit, sed paucula salis quantitas solum

B

mihi

mihî superfuit qui superioribus non est dissimilis : itaque manifeste cognovi illud quod vitriolum martis à Chymicis vocatur, non esse propriè vitriolum, sed esse sàlem è ferro extractum cum spiritu vitrioli, vel potius duorum salium conjunctionem, cum spiritus sit salis pars subtilior & efficacior violenti ignis subsidio educta, quod planum est in vitriolo, sale, & nitro, è quibus spiritus eliciuntur : cum verò hoc dissolvens sit admodum forte & valens, suâ potenti energiâ allicit sibi que adjungit ferri principia sibi magis familiaria ; utque spiritus iste è sale fixo provenit, ita etiam ferri principia figit, sicque vitriolum martis formatur, quod viride est, eò quod spiritus vitrioli qui solutioni martis inservit è vitriolo viridi extractus est, ergo nihil vitrioli in marte continetur, nisi illud quod ipsi adjungitur, quod potius vocari debet spiritus vitrioli martis admixtione re corporificatus, quàm vitriolum martis, quoniam hoc vitriolum è marte eductum pondere superat limaturam chalybis è qua extractum est : qui enim fieri potest ut pars totum pondere & mensura excedat ?

Adduci non possum ut credam ferrum quodam acore aquas inficere, etiamsi celeberrimi authores contra sentiant, quia neque minera ferri, neque factorum illa aqua in qua candentia ferramenta extinguuntur, neque scobs, neque squama, neque rubigo ferri, neque crocus martis ullo acore prædita sunt ; quocirca assentior Georgio Agricolæ, qui ferrum amarum, non verò acidum judicat, dicitque illud sapore singulati nempe ferruginosò donari ; & si aliquid ex alumine participet (ut opinor) illud delumit è sua parte crassiori & terrestri quæ ipsi suam astrictionem communicat, non verò suum acorem qui in subtiliori & tenuiori residet, quæ

vaporatur dum natura coctioni minere diutius incumbit, aut adustione in amorem vertitur, alioqui ferrum esset acoris particeps, qui tamen in nullis suis partibus gustu percipitur. Ac licet Paracelsus dicat in Tract. de thermis, habere ferrum aciditatis quiddam & facere ad acorem aquarum: & Andernacus dial. 2. fol. 142. scribat, *multos esse fontes acidos in sylva Ardennea copioso ferro quos illa passim scatet. Addit etiam, acidulam illam insignem in vico Spa ferri saporem representare*: inde concludere possumus quasdam aquas metallicas mineræ ferri participes acidas esse; verum id non probat eas suam aciditatem acceptam referre ferro. At si isti authores illas accuratè examinassent, ipsas acore aluminis infectas esse deprehendissent, quod liquet in aquis Spadanis, in quibus alumen prædominium obtinet, & mineram ferri eâ proportionem excedit quæ habetur à grano ferri ad octo grana aluminis. Non modo ferrum nil aciditatis largitur aquis quibus inest copiosius, ut in nostris aquis, imo potius suo sapore ferrugineo aluminis aciditatem obtundit & hebetat, ita ut in nostris aquis vix ac ne vix quidem percipi queat. Etiam si Sebizius in tract. de acidulis posit. 79. dissert. 4. sect. 1. quartum aciditatis locum ferro tribuat, nil acoris tamen in eo reperio: ita loquitur. *Aciditatem habent intensiorem à chalcantho & ejus speciebus, remissiorem ab alumine, adhuc remissiorem ab are, infirmissimam à ferro*; illud omni aciditate potius privare debebat, quàm tantulam ei attribuere, etsi omnia ferri principia diligentius explorasset, nullam in iis aciditatem nactus esset.

Si mihi clarius innotesceret fossile à quo acorem suum nostræ aquæ recipiunt, alumen sexies dissolvi in aqua vulgari, quam deinde sexies etiam filtratam exhalavi, atque ex eo sex terras

numero diversas restibiles habuit, è quarum numero prima est coloris grisei sordidi, propter sordes quas alumen contrahit, quum diu asservatur & multorum manibus contrectatur, ceteræ sunt albæ, ut posterioribus experimentis comprobavi: cum vero sit sal, semper coagulatur & paululum minuitur omnibus his solutionibus, filtrationibus, evaporationibus & coagulationibus. Postea in aqua communi liquavi vitriolum caruleum, album & vinde; & iteratis solutionibus, filtrationibus, evaporationibus & coagulationibus, ex ipsis diversas numero terras, colore etiam discrepantes elicui, quarum nulla similis est terris quas a nostris aquis segregavi. Diversas terras numero decem è vitriolo viridi extraxi, quarum priores paululum coloris nativi retinent, siquidem sunt coloris viridis ad flavum vergentis, & duæ quæ postremam antecedunt, rubidæ sunt. E vitriolo albo sex numero diversas habui, quarum prima est subflava, secunda rubida, deinde hic color minuitur in posterioribus adeo ut postrema sit subgrisea. E vitriolo caruleo quinque numero diversas eduxi, quarum prima erat subviridis, tres sublequentes subcaruleæ, & postrema coloris grisei albicantis: & licet illas multoties aquâ laverim; eas tamen omni acrimoniâ privare nequivi: nostrarum autem aquarum terræ è suo sale secretæ, insipida sunt: ex iis duas diversas habeo, nempe terram ferri quæ est subflava, & terram aluminis quæ alba est. Nostrarum aquarum & ferri terra suo sale imprægnata degustata salis saporem linguæ imprimit. Si terram è ferro extraham illud dudum in aqua communi immersum dissolvi permitto, dein aquam filtro trajicio, & tunc mihi residua est terra quæ coloratior est terrâ è nostris aquis eductâ; deinde aquam in vapores resolvo, &

reliquum habeo salem qui sapore cum sale è nostris aquis deprompto convenit quique præ se fert saporem salis quo linguam leviter imbuunt, & saporem ferruginosum subamarum imprimunt linguæ, eamque sua astrictione corrugant: iisdem qualitatibus & saporibus inficitur sal quem elicui è minera ferri aquâ imbuta & collecta è parietibus nostrarum fossarum; atque etiam sal quem extrahi è minera ferri granulata, qui amarior est sale ferri, quia ejus minera est terra adustione nigra & amara facta, cujus major pars, dum funditur ut ab ea ferrum segregetur, in scorias abit, ut cognovi ex fusione quatuor librarum minere quibus habui circiter ferri uncias duas. Atqui sales vitriolorum carulei, albi & viridis, ab istis discrepant in eo quòd neque sapore ferruginoso neque ullâ amaritie inquinantur, sed duntaxat præditi sint parva aciditate quæ citò evanescit, magnâ verò acrimoniâ linguam vellicent & exasperent.

Hic sapor ferruginosus & hic amaror qui in sale è nostris aquis educto persentiuntur, eas ferro infici denotant, Georgius Agricola lib. 5. de ortu & caus. subterr. fol. 18: hanc sententiam confirmat, nam ait, *ferrum amarum est, sicut & as; amaritudinis causa est terra adusta.* lib. 1. de natur. fossil. f. 169. eundem saporem eidem tribuit inquit, *quem quodque metallum saporem habeat, liquor quodammodo indicat, cum aliquandiu steterit in vase metallico.* Nam in eum se inducit sapor metalli. *Aris autem saporem vehementer ingratum & amarum, deinde ferri.* Easdem aquas alumine tinctas manifestat sapor salinus qui alumini proprius est & illud degustando percipitur: ideo Plinius magnus naturæ genius lib. 35. cap. 15. *alumen salisuginem terra vocat: & astrictio quæ in ipsis aquis persentitur adeo vehemens est ut sæpissimè eas deglutiendo guttur constringi*

videatur, & aquæ quamvis liquidæ & fluidæ vix pertransire valeant, quod magis ac magis confirmat eas imbutas esse alumine, quod hæc de causa à Græcis nominatur *συνπικρία* *συνπικρία* *σύνπικρον*, quod latinè astringere est: ferrum quoque habet astringentem, haud verò in tam eminenti gradu ac alumen, quod ideo eminepter astringentis nomine donatur. Equidem arbitror ferrum de alumine participare, ut cuprum de vitriolo quia in aquis ferrugineis atque etiam in ferro, sola principia ferri & aluminis, nulla verò vitriolorum invenio. Itaque valet hæc consequentia, si istæ aquæ ferro sint dotata, ergo alumine non verò vitriolo sunt infectæ, siquidem alumen tantam habet cognationem cum ferro, ut diuturna coctione vel potius adustione in ferri substantiam transformetur; vitriolum verò adeo ferro adversatur ut continuò cum eo prælietur illud corrodendo & corrumpendo quousque illud in aliam speciem coëgerit mutari, nempe in cupri formam, quate fieri non potest ut ferrum cum vitriolo subsistat. Verùm cum contemplor terras quas è minera granulata ferri extraxi, quarum prima est subnigra, secunda grisea, postrema suo sale imprægnata æquè alba ac terra aluminis: amplius non dubito de affinitate ferri cum alumine, neque de transformatione aluminis in ferrum, siquidem in minera ferri inveniuntur particule terre aluminis quæ nativum colorem exuere haud potuit, quæ etiam tam intrinsecè cum terra ferri commixta est ut ab ea vix distrahi possit. Cæterùm ut mea opinio magis perspicua sit & aliquâ novâ experientiâ fulciatur, immersi in aqua vulgari multa ferramenta vetera per spatium unius anni & amplius, quò magis dissolverentur, idcirco in fundo vasis plurima terra ferruginea subsedit, dein-

deinde aquâ filtro percolatâ & evaporatâ, dilui residuum quod erat coagulatum novâ aquâ superinfusâ : & rursus filtratâ aquâ novem grana terræ candicantis mihi restibilia manserunt, quæ est terra aluminis, terra enim ferri est subflava; atque iterum in vapores discussâ, mihi restiterunt quatuor grana salis ferri qui salis aluminis est particeps, quandoquidem utrumque ferri compositionem subit, ut in ejusdem ferri resolutione evidenter patet : atque etiam notavi in parietibus catini, in quo sal erat coagulatus, circulum salis coloris fusci, cujus umbilicus erat albus; istâ experientiâ sales ferri & aluminis à se invicem distincti nobis se exhibent, licet è ferro solò educantur, & eos gustando saporem utriusque distinctè percipimus.

Nunc consideremus partes horum mineralium in aqua : sulphur vitrioli viridis quod ipsi innatat, est coloris subviridis, sua terra quæ in fundo vasis subsidet, est coloris viridis flavescentis, & suum sulphur ex aqua collectum & exsiccatum est coloris viridis subflavi splendentis, & si multoties illud aquæ affundas viridem colorem deponit, & illi duntaxat restat color flavior colore sulphuris nostrarum aquarum : & sulphur vitrioli albi, quod est in superficie aquæ est coloris variantis, & in eo tantum differt à sulphure nostrarum aquarum, quòd plus nigroris & alterum plus ruboris habeat; terra in fundo vasis subsidens est etiam serè similis terræ nostrarum aquarum, in eo solum discrepat quòd sit coloris flavi pallidioris, quam terra nostrarum aquarum, quæ etiam minùs flava est terrâ è ferro extractâ, propterea quod majori aquæ quantitate lota & cum terra aluminis confusa est, quæ copiosior est in nostris aquis quàm in ferro. Sulphur vitrioli albi ex aqua exceptum & exsiccatum est coloris solli

mortui & subflavi splendescens; & si sæpe illud aquæ affundas, flavesceat ac tandem colorem candiorem acquirat eo qui natus est vitriolo albo à quo illud sulphur originem suam trahit. Sulphur ex nostris aquis collectum & desiccatum est coloris rubei subflavi splendentis, & sulphur ferri quod multoties aquæ affusum fuit, ei admodum simile est. In duas diversas phialas aquâ vulgari repletas injeci vitriolum album & viride, aliam phialam aquâ nostrorum fontium implevi, deinde in illas tres pulverem gallæ immisi, ac observavi aquarum mutationes; in phiala quæ nostris aquis impleta erat, vidi venulas rubras quæ per aquam se diffundentes & paulatim colorem suum permutantes, tandem aquas colore violaceo subnigro inquinabant: in illa quæ continebat vitriolum album, color incipiebat à griseo nigricante & ad violaceum perveniebat: atque in ea quæ receperat vitriolum viride illic nigror apparebat qui paululum augebatur donec tota aqua nigro colore tincta esset. Deinceps istas tincturas in tribus poculis vitreis depositas contemplatus sum: in superficie nostrarum aquarum color violaceus rubicans, vitrioli albi color violaceus griseicans, & vitrioli viridis color violaceus nigricans apparebat. Principia vitrioli cærulei aquâ soluta & divisa consideranda mihi restant: suum sulphur quod ad superficiem aquæ attollitur, sua terra quæ ad vasis fundum ruit, & tota sua dissolutio colorem cæruleum retinet; ac si vitriolo cæruleo aquâ soluto pulverem gallæ permisceas, color cæruleus fit subviridis, dein si sinas hunc pulverem subsidere, color cæruleus reviviscit: & sulphur ex aqua secretum & exsiccatum subviride est. Insuper annoto differentiam notabilem in extractione tincturarum vitriolorum & aquarum ferruginosarum pulveris gallæ

ministerio facta, nempe quod hic pulvis tincturam ex aquis ferrugineis eliciat beneficio spirituum earum sali volatili sociatorum, siquidem istæ aquæ suis spiritibus orbatæ nullum colorem seu rubrum seu violaceum nigricantem hujus pulveris mixturâ suscipiunt, sed albescunt velut aquæ aluminosæ, tinctura aluminis subiens locum tincturæ spirituum ferri, quæ eò est albior, quò minus ferri cum alumine mixtum est: contra verò vitriola quæ cum sint sales fixi, spiritus quoque fixos habent secum adeo intimè unitos, ut quamvis illa separatim in aquâ dissolvas, ac diu aëri exponas, nihilominus omnes hæ aquæ pulvere gallæ sibi admixto, supradictis coloribus inficiuntur. Nunc alumen in aquâ liquatam consideremus, quòd cum sit sal purior quàm vitriola, nullum terrestre crassamentum in vasis fundo deponit & ad superficiem aquæ paululum sulphuris emittit, quod exsiccatum album est; cum verò pulvis gallæ permiscetur aquæ alumine saturatæ, aqua lactis in modum albescit, inde fax alba subsidet, postquàm vero aqua quiete clara evasit, albedo quæ à terra aluminis oritur, facci adhærescit. Peractis his omnibus experimentis, rationi consentaneum mihi esse videtur vitriolum ab aquarum nostrarum commercio excludere.

Isthæc pellicula pinguis quæ aquæ superstat, sulphur minerale vel birumen vulgò nuncupatur, cum tamen sint sulphura minerarum ferri & aluminis, quæ sunt principia utilia, quæ fibris opitulantis omnes horum fossilium partes unà colligant & conglutinant. Elicui terram & salem è vivo atque etiam è vulgari sulphure, quod facere haud potui, nisi illa cremando, unde præter terram nigram, etiam griseam habui & paucum salem saporis acris & fatiæ: quamobrem cum isthæc principia sulphuris mineralis nullam

habeant similitudinem cum sulphure nostrarum aquarum, ideo in albo suorum mineralium locum habere non debet.

Eò quod terra mineræ salsa est, postquam aqua in vapores est resoluta, quod etiam ab ea sal separatur, plures authores aquas minerales nitro imbutas esse perperam scribunt, quandoquidem hic sapor procedit è sale minerarum ferri & aluminis, qui præter salis saporem, saporibus etiam supradictis dotatus est quos nostris aquis communicat, admodum differentes ab eo quem sapit sal mihi relictus post diversas solutiones, coagulationes, filtrationes & evaporationes nitri factas, qui magnâ acrimoniâ frigiditate intermixtâ præditus est: terræ verò quas istis operationibus è nitro extrahi, sunt etiam colore dissimiles terris è nostris aquis secretis; prima enim est coloris grisei nigricantis, & hæc nigredo in sequentibus sensim minuitur, ideo secunda minori nigræ tincta est, & tertia est grisea albescens. Præterea si nitrum in aqua communi dissolvas illique pulverem gallæ admisceas, in superiore parte aquæ nubecula formatur quæ primo tantillum albescit, dein nonnihil virescit, demum unius diei spatio paululum nigrescit, hisque diversis mutationibus ad colorem viridem subnigrum tandem pervenit, qui temporis progressu totum corpus aquæ ita inficit, ut tota aqua nigra subviridis appareat. Quis ex istis salis, terrarum & tincturæ differentiis nostras aquas à nitro immunes esse non agnoscat.

Hydrographi aquas minerales terrestres judicant propter terram tenuem & subflavam quæ subsidet in imo alveorum per quos transeunt, quæ est terra mineræ ferri & unum è suis principis inutilibus, terra verò aluminis aquâ diluta unâ cum ipsa effluit. Illas quoque fibrosas di-

cere deberent, propter fibras mineræ quæ in medio harum aquarum suis spiritibus orbarum innatant, quas nondum animadverterunt.

Quare cum his aquis tot fossilia miscent ac confundunt quæ simul coire nequeunt quin sese invicem alterent & corrumpant? An hoc modo illas famâ celebriores reddere autumant, iis multiplicia fossilia attribuendo? Contrà vero ajo istarum aquarum famam minui ipsis addendo vitriolum, quod eas pulmonibus infestas reddit suâ acrimoniâ & aciditate nimia quibus lancinantur & laduntur: quod minimè timendum est in aquis ferro & alumine tinctis, quæ saluberrimæ sunt iis qui obnoxii sunt fluxionibus, tussi & catarrhosis affectibus ab intemperie viscerum calidiori exortis, quæ indefinenter fumantia plurimos vapores ad cerebrum mittunt ubi densiores & spissiores facti in aquam vertuntur, quæ deinde in pulmones, ventriculum, aliasque subjectas partes depluit: nam illæ viscera refrigerant illa corroborando atque obstructionibus omnique humorum saburrâ expediendo. Objicies alumen suâ acrimoniâ & aciditate pulmonibus etiam noxium esse, respondeo in aquis quæ parem ferri & aluminis quantitatem recipiunt, acrimonia & aciditas vix persentiuntur, imò ipsis aquis conferunt quò magis refrigerent, promptius penetrant & pertranscant nullam noxam pulmonibus neque aliis partibus inferendo: istæ enim aquæ suâ acrimoniâ & aciditate paululùm linguam vellitant, & exiguum stuporem dentibus adferunt, et si eas potando aciditas quædam sentiatur, acor tamen qui è ventriculo effertur ad os eorum qui has aquas ebiberant, ita exiguus est, ut gustu exquisitissimo opus sit ad eum percipiendum, ideo pauci è nostris hydropotis illum sapiunt.

Quamvis nostris aquis acor insit exiguus, qui duntaxat persentitur cum terrâ ferventibus æstatis caloribus desiccata est (quo tempore aquæ minerales puriores & ægrotantibus utiliores sunt) nihilominus eum cum aluminis astringentione mixtum sensu & gustu perbellè distinguo, licet sapor ferruginosus, quo ferrum nostras aquas imbuit, impediât quominus aluminis sapor perfectè gustentur; idcirco Sebizius in tract. de acidulis posit. 83. dissert. 4. sect. 1. merito ait, *levi & vix sensibili sunt aciditate donata, quando prædominantur corpora metallica quæ aciditate carent*, veluti ferrum quod aciditatis omnino expers esse suprà demonstravi.

Multis & diversis vicibus istas aquas potavi rheumate & tussi detentus, hæc eadem symptomata dum eas bibo sæpe mihi superveniunt, quod ab ipsis vitæ primordiis iis sum obnoxius: verum cum illas ferro & alumine æqualiter tinctas cognoscam, in earum usu persevero & rheuma dissipatur, quod haud dubiè augmentum caperet, nisi fumos qui ad cerebrum attolluntur aquæ deprimerent & viscerum fervorem contemperarent. Quod mihi soli non usu venit, sed plerisque aliis ægris quibus earundem aquarum usum consulo, licet rheumate & tussi afflictis, quia exploratum habeo eorum ægritudine à calida viscerum intemperie originem trahere, quâ sublatâ hoc potu refrigerante, illorum morbus illicò tollitur; dein istas aquas cum voluptate & jucunditate incredibili deglutiunt. Cæterum si vitriolo imbutæ essent, plurimum detrimenti istis ægrotis afferrent, quia aquæ vitriolata viscerum ardorem augent, totque vapores ad cerebrum mittunt sui vitrioli calidissimi ergo, ut inde dolores capitis penè intolerabiles enascentur, ac deinceps in diversas corporis partes flu-

xiones fiant. Quapropter Franciscus Guenaltus clarissimus Medicus Parisiensis qui ob singularem doctrinam & consummatam experientiam à Rege Christianissimo anno 1661. electus est in primarium Reginae Medicum (cui plurimum debeo quòd fuerit præceptor meus, meque multo cum labore in medicina instituerit, subtrahens suis negotiis urgentissimis tempus necessarium prælectionibus per duos annos consequentes faciendis) in hygiene cap. 20. de aquis mineral. loquens, de aquis vitriolatis appositè dicit, *ear vitandas esse ubi ad catarrhum dispositio est, vel ad apoplexiam, vel epilepsiam, quia inter ceteras minerales aquas maxime cerebrum opplent: quin etiam cum omnes minerales aqua siccandi potentiam insignem habeant, vitanda quoque sunt ubi viscera nutritia, potissimum jecur intemperie calidâ siccâ laborant: præterea vitriolum est caecostomachum, acre, ærodens & vomitorium.* Et Georgius Agricola vitriolum admodum noxium depingit, sic enim loquitur, *Aqua qua mortem inferunt chalcantho plurimo constant, quæ interiora corrodit, confirmat quoque hunc effectum historia illius cujus è diuturno vitriolati liquoris usu demortui cadaver apertum duo viscera, nimirum cor & ventriculum exesa exsiccataque exhibuit.* Et Avicenna tract. 5. de removendis nocumentis cap. 13. de acidulis ait, *quòd intestina & stomachum ulcerent, nauseam faciant atque hydropisim,* quod intelligit de aquis vitriolatis quæ magnâ, non verò de aluminosis quæ parva acredine dotatæ sunt, quæ etiam valde obtunditur aquâ quâ alumen diluitur & cum ipsa tam intrinsece miscetur ut ex ambobus unum corpus fiat: cum verò ferrum pari quantitate cum alumine mixtum reperitur, ut in nostris aquis, ferri qualitas frigida tam bene corrigit aluminis calorem ut suam acredinem

obtundat , & hoc pacto nostras aquas reddit naturæ amicas & agris magis proficuas , quàm illæ in quibus alumen ferro prædominatur , quæ inde plus caloris & acrimoniæ sibi conciliant. En noxæ quas aquæ vitriolatæ inferunt , quibus nostræ sunt immunes. Etsi aquæ vitriolatæ efficacissimæ sint ad penetrandum , aperiendum , obstructions tollendas & arenam ac calculum è corpore deturbandum , nihilominus cùm major pars eorum qui his morbis conflctantur , fervidiora habeant viscera , nostræ aquæ quæ sunt refrigerantes & penetrantissimæ , iis longè majus levamen adferunt detergendo & vacuando omnes humores corruptos & excrementitios in alvina regione contentos , omnesque partes ad naturalem temperiem reducendo.

Tandem hæ rationes experientiis fultæ adeo validæ & urgentes sunt , ut fateri cogat minimè opus esse introducere in aquas minerales tot diversa fossilia ob diversas minera partes quibus constant ; & ad dissolutionem perfectam & mixturam exquisitam istarum aquarum cum fossilibus , omninò necessum esse , ut minera ferri in terræ visceribus mollis sit ; & aqua præterfluens eam cum alumine simul dissolvat & diluat , ita ut unum corpus fiant ; unde infero nulla alia fossilia nostrarum aquarum compositionem intrare præter ferrum & alumen : *frustra enim fit per plura quod potest fieri per pauciora , nec sunt multiplicanda entia sine necessitate.* Quod tanti est momenti , ut illi Doctores qui de aquis mineralibus scripserunt , quod plurima fossilia in eis admiserint , in gravissimos quoque errores generi humano maximè infestos impegierint , quorum è numero primus est plerisque ægrotantes qui istis aquis opus habent timentes ne tinctæ sint vitriolo vel aliis fossilibus suæ sanitati iu-
cis,

cis, earum usum refugere. Alter est ab iisdem harum aquarum potum sanis interdici, ipsis suadendo ex illarum usu magnum damnum sibi accersuros esse, quod cum aquæ minerales humores putrefactos obviam non habeant expurgandos, in partes sanas & integras ruant easque labefactent; ideo plurimi qui ardentes æstatis calores graviter ferunt istarum aquarum potu refrigerium quaerere verentur, ne fervorem suorum viscerum contemperando, ipsis eodem tempore noxam inferant, & aliquem morbum procreent majorem eo à quo se liberare tentant; quod minimè formidandum ab aquis æquè ferro & alumine infectis, quæ pollent qualitatibus benignis & beneficientibus, quippe quæ partes humorum sarcinâ onustas sublevent, viscera roborent & contemperent; unde ita sunt naturæ amicæ ut etiam ii qui integra sanitate feruntur, illas tuto usurpare possint; contrà verò aquæ aliis fossilibus imprægnatæ non modò corporibus sanis sunt inimicæ, sed etiam morbosis, quandoquidem plerumque si uni parti sint proficue, alteri sunt noxiæ, ut liquet ex aquis vitriolatis quarum suprà mentionem feci. Quocirca si usus aquarum metallicarum prohibeatur bene valentibus, nostræ excipi debent, quæ virtute sibi peculiari nos ab omnibus æstatis incommodis liberant, suo frigore ejus ardorem intolerabilem moderando: unde calor potatorum valde temperatur, sitis extinguitur, appetitus restituitur & nocturnus somnus placidus & suavis conciliatur: hoc pacto eorum vires vegetæ & robustæ permanent, dum cæteri homines nimis caloribus debilitati languent. Quanti ergo æstimare debemus istas aquas à quibus tot bona ad nos defluunt? Quis nunc eas vituperabit, cum adeo utiles & beneficientes cognitæ fue-

fuerint, nisi quispiam obrectator se utilitati publicæ inimicum palam profiteri velit.

C A P U T V.

De secretionē & mixtione partium mineralium cum aqua.

SI distinctè videre exoptes omnes partes mineralium quæ in nostris aquis dominium habent, infundenda est aqua nostrarum scaturiginum in lagenam vitream, quæ ita obturanda est ut spiritus effugere nequeant, dein sinenda est quiescere circiter viginti quatuor horas; tunc si illam consideres, videbis terram ferri ad fundum aquæ præcipitari, fibras in medio natæ, bullulas in quibus spiritus includuntur, ad supernas partes attolli, quæ hoc motu moveri incipiunt statim atque lagena obturata est, & sulphur in superficie; sal verò cum aqua confusus permanet, quam si exhales, tum terræ associatur quæ ideo salsa evadit; ac si terram ab aqua filtratione sejungas, atque illam lento igne evapores, sal parva in quantitate tibi residuus erit, quamvis multum aquæ consumpseris; nam è triginta octo unciis aquæ vix granum salis fixi mihi reliquum fuit; cùm vero illud magis defæcare volui, penè totaliter evanuit: unde existimo majori ex parte salem nostrarum aquarum esse volatilem, qui unà cum aquis exhalatur. Hujus rei veritas non solum in mineralibus nostrarum aquarum manifesta est, verum etiam in solutione ferri aceti ope facta: nam postquam infusa est in vas fictile, tinctura nigra ferri cui intrinsecè sal volatilis immixtus est, hujus vasis parietibus inhaesit, & postquam aliquot

annos sal volatilis tincturâ nigrâ detentus est tandem vincula dirumpit & ex ea emergit illam corrodingo, ut prodat suum colorem nativum, qui albus est: isthac experientia meam opinionem confirmat, ferrum scilicet quod alumen in suam compositionem recipit, sale volatili simul cum fixo dotatum esse, quem extrahi postquam filtravi & vaporavi aquam in quam immiseram solutionem ferri aceti ministerio peractam; atqui sal iste exiguâ dulcedine præditus est, quia sulphur aceti (quo scobem ferri prius dissolvi quàm eam cum aqua miscerem) est dulce, & cum sit quoque fixum, hac qualitate sociatur sali fixo ferri ipsique suam dulcedinem communicat. Verùm si nostræ aquæ aëri exponantur, tum terra, fibræ & sulphur manifestius & citius secernuntur, & spiritus dissipantur. Ex ista separatione substantiarum mineralium quæ fit postquam aqua est reposita, potes ediscere quod si cupias aquam optimam bibere, ea immediatè è scaturigine haurienda & prope eam assumenda est, in scaturigine enim partes mineralium tam intrinsecè cum aqua sunt mixtæ ut visu deprehendi nullo modo possint, quapropter aqua æquè limpida & clara est ac aqua fontium vulgarium.

Gravem errorem committunt quicunque aquam ferrugineam æquè bonam ac metallica est, efficere putant, in aqua simplici mineram aut scobem ferri immergendo, quia substantiæ minerales cum aqua intimè misceri nequeunt, nisi minerale in aqua totaliter liquetur & hoc fiat in terræ latebris ubi spiritus arctissimè detinentur adjuvante calore in ipsis latebris incluso. Idcirco necesse est mineram esse mollem & aquam vulgarem ope subterranei & principiorum utilium mineralis caloris, cum ea totaliter misceri

• fieri in terra visceribus aëri imperviis, ut aqua perfectè mineralis producat, quæ è scaturigine haurienda & citò bibenda est, ne substantiæ minerales ab aqua separentur & spiritus dissipentur, quod ejus virtutem valde minueret.

Qui aquam vitriolatam vitriolo in aqua vulgari liquato efficere contendunt admodum decipiuntur, si illam aquæ minerali æqualem autument, quia aquæ minerales ope spirituum quibus abundant subtiliores minere partes devehunt, ipsasque secum incorporant, quod fieri nequit cum dissolvimus aliquod minerale in aqua communi, quoniam minerale est solidum; si autem liquetur & dissolvatur in aqua simplici, spiritus evolant & ceteræ partes cum aqua exactè non miscentur, siquidem segregatæ conspiciuntur, terra fundum petit, fibræ in medio innatant, & sulphur aquæ superficiem occupat.

Ita etiam principiorum mineralium ab invicem segregatione cognoscimus aquas metallicas prope fontes potatas longè salubriores esse asportatis, quapropter Poëta aptè cecinit

Dulcius ex ipso fonte bibuntur aqua.

Quamvis enim lagenæ probè obturentur, velut lagenæ Spadenses & Pugenses, nihilominus spiritus, quod subtilissimi sint, his claustris ita coërceri nequeunt quin eorum quædam jactura fiat. Terra aquarum ferruginearum ad fundum lagenarum semper tendit, ut testantur lagenæ Spadenses & aliæ quarum ultimi cyathi aquam turbidam proferunt: mercurius & sulphur ad partes superiores attolluntur, ita ut tantum sal & phlegma toti substantiæ aquæ immisceantur. Cæterum cum principia fossilium suam quæque locum sibi peculiarem occuparunt ac sese ab invicem sejunxerunt, aquæ suæ virtutis magnum de-

detrimentum patiuntur, ideo minimè æquiparandæ sunt iis quæ juxta scaturigines bibuntur, in quibus substantiæ minerales tam intrinsecè cum aqua sunt colligatæ & unitæ, ut æquè clara & limpidæ appareat ac aqua vulgaris; atque eam hocce modo deglutiendo, omnia principia mineralia cum aquâ confusa ejus ductu penetrant ad omnes partes quibus sua virtus est necessaria; quod fieri nequit aquarum translatarum beneficio, quoniam in illis principia mineralia ab invicem separata unaquæque proprium locum petierunt, unde naturalis earum virtus multum minuitur. Quocirca spero ægrotos in posterum malle prope scaturiginem bibere aquas metallicas spiritibus turgidas & exactè mixtas cum principiis mineralibus, quàm eas potare longè à scaturigine suis dotibus magnâ ex parte destitutas.

C A P U T VI.

De generalibus nostrarum aquarum virtutibus.

Virtus nostrarum aquarum mineralium partim è natura elementi aquæ proficiscitur, partim è mineralibus quibus immiscentur: nuncupo ferrum illud minerale quod nondum perfectionem neque soliditatem ferri hominum industria adeptum est.

Aquæ elementaris ergò refrigerantes & humectantes sunt.

Ratione principiorum & aluminis quibus præditæ sunt, diversis facultatibus pollent.

Non loquor de suo phlegmate, quod communis

munes cum aqua elementari virtutes possidet.

Sux terræ causâ refrigerantes & exsiccantes sunt.

Earum mercurius suâ acrimoniâ ipsas efficit calefacientes, aperientes, detergenies, resolventes, & penetrantes, nihilominus suâ aciditate refrigerant, quoniam ejus ope tenuiores & subtiliores fiunt, unde festinè ineatus alvi angustissimos transeunt & per utinas potissimum expurgant.

Earum sulphur suo calore, tenuitate substantiæ & materiæ subtilitate illarum frigiditatem emendat, atque ipsas aquâ simplici multo tenuiores & leviores reddit, quâ de causâ sunt diureticæ & cito hypochondria perineant diu in corpore non hærentes, atque adeo vaporosæ sunt (qui effectus illi cum mercurio communis est) ut non solum multos vapores ad cerebrum mittant, (quibus adeo oppletur ut plerisque magna accidat dormiendi cupiditas, quibusdam levis vertigo oboriat, quæ citò faceffit) sed etiam ad corporis habitum, ubi cutis occursum densati spissioresque facti in aquam vertuntur, quæ per spiracula cutis transiens, hunc sudorem promovet potatoribus penè omnibus familiarem.

Suo sale fixæ facies expellunt partes roborando quas permeando attingunt; suo sale volatili viscosos & glutinosos humores incidunt & præparant ut unâ cum bile crassiori evacuari queant, bilis enim tenuior sua naturali lenitate hujus salis volatilitate adjuncta sursum fertur & vomitione rejicitur simul cum aquis jamjam epotis, ut in plerisque observavimus qui bilem flavam & viridem vomuerunt, unde illico senserunt levamen, ideo rursus aquas jucundè biberunt.

Suarum fibrarum attringentium subsidio, fi-
bras

bras partium relaxatas restringunt, visceraque corroborant.

Cum aquæ nostræ diversis partibus consent, non mirum est si diversos & contrarios effectus producere gaudeant, morbosque prorsus differentes persanent: calefaciunt enim & refrigerant, humectant & exsiccant, dilatant & restringunt, obstructions solvunt & obturant, laxant & roborant, alvum solvunt & astringunt, ulcera abstergunt & consolidant. Et licet ea sint natura ut caloris simul & frigoris sint participes, qualitas tamen frigida calidæ prævalet; calor enim principiorum utilium qui sapore pungente percipitur, non sufficit ad retundendum frigus proveniens ex aqua elementari, phlegmate & terra fossilium, sed tantum ad illa penetrantiora efficienda.

Infra de particularibus nostrarum aquarum virutibus tractabo, & in calce libri loquar de diata in usu acidularum observanda.

C A P U T VII.

De Differentia fontium Prævinensium.

Habemus duos fontes minerales quibus nunc utimur. Primus & antiquior situs est in prato infra monasterium Religiosarum Cordigerarum juxta fossas hujus urbis: fecundus est scaturiginibus quæ profundunt aquam claram, limpidam & pellucidam. Hic fons anno 1648 repertus temporis progressu percelebris evasit ob diversa experimenta, in illius aqua facta. Anno 1654 adificio adornatus est, cujus fundandi causa cum terra foderetur novæ scaturigines prius limo obrutæ feliciter emerferunt. Alter est jux-

ta fanum Beatæ Mariæ in campis conservatum , qui scater pulcherrimis & vivacissimis scaturigibus quæ bullant & calculos ejiciunt , unde aqua pellucidior & gratior sit ; ideo nostro ærotantes anno 1656 vigentibus æstatis ardoribus hanc aquam potarunt ut sibi conciliarent refrigerium adversus tum externos , tum internos calores sibi admodum molestos.

Cum nomen rebus inditum sit ut ab invicem distinguantur , cuique liberum est quodlibet nomen nostris fontibus imponere. Equidem quò facilior & distinctior sit meus de ipsis discursus , eorum nomen à situ desumo. Quapropter primum cognomino fontem Sanctæ Crucis quia situs est in prato quod in parochia Sanctæ Crucis positum est , & dependet à beneficio commendatorio equitibus melitanis attributo , quod vulgò nuncupatur Crux in Bria. Alterum quoniam juxta fanum Beatæ Mariæ in campis positus est, fontem B. Mariæ appello.

Cum igitur exactè perferutatus essem fossilia quibus nostræ aquæ inficiuntur , atque eas duntaxat ferro & alumine tinctas reperissem , differentiam nostrorum fontium aliunde petere nequeo , nisi à ferri & aluminis principiis , quæ hac in proportionem cum aquis miscentur ut è triginta octo uncis aquæ fontis S. Crucis octo grana terræ ferri , totidem terræ aluminis & granum salis extraxerim , & è pari quantitate aquæ fontis B. Mariæ quatuor grana terræ ferri , totidem terræ aluminis , & salis semigranum habuerim. Aqua fontis S. Crucis exiguo acore dotatur & faeces denigrat , cumque ipsi pulvis gallæ admiscetur , per aquam veluti venulæ rubæ disparguntur quæ sensim colorem mutantem ad violaceum nonnihil nigricantem tinctura pervenit : & aqua fontis B. Mariæ nullo acore sensibili præ-

dita

dita est, dejectiones nullo colore tingit, cum verò ipsi pulvis gallæ permisceatur rubescit vini rubelli in modum; spirituum tamen expertus non est, quandoquidem videmus bullulas spiritus in se concludentes tum in phialis & lagenis quæ istis aquis sunt plenæ & probè obturatæ, tum in parietibus quibus scaturigines cinguntur, quamvis istæ bullulæ minori in quantitate appareant quàm in parietibus fontis S. Crucis, ac in phialis & lagenis aquis ejusdem fontis repletis. Præterea plus salis inest aquæ fontis S. Crucis, quàm aquæ fontis B. Mariæ, sicuti vidimus & gustavimus post aquæ exhalationem. Cum reposita est aqua fontis S. Crucis, ad ejus aquæ superficiem sulphur effertur majori in quantitate, quàm ad superficiem aquæ fontis B. Mariæ: plus etiam terræ residet in fundo aquæ fontis S. Crucis, quàm in fundo aquæ fontis B. Mariæ, quæ terra est coloris flavi pallidioris quàm terra fontis S. Crucis, quia majori aquæ quantitate elota est, quod post evaporationem aquæ utriusque fontis manifestè conspicitur: copiosiores etiam fibræ in medio aquæ fontis S. Crucis, quàm in medio aquæ fontis B. Mariæ innatant. Tandem aqua fontis S. Crucis multò plus sapit ferrum & alumen quàm aqua fontis B. Mariæ, quoniam eorum principia mineralia majori in quantitate possidet, & consequenter majori etiam ipsorum qualitate imbuitur (majori enim quanto, major virtus inest, juxta sententiam omnium philosophorum) unde ejus operationes sunt quoque sensibiliores & efficaciores tum ad habitum corporis sudoribus expurgandum, tum ad aperendas & everrendas omnes alvi partes, & præcipuè renes, vesicam & omnes urinæ meatus expellendo calculos, humores viscidos, pelluculas & membranulas quæ eos obstruunt, &
uri-

urinae excretionem præpediunt, quod operatur qualitatibus à ferro desumptis, ut asserit Scribonius Largus qui lib. de compos. med. c. 38. vult aquam in qua ferrum candens demissum, tumori, dolori & exulcerationi vesicae benefacere: hocque remedium (inquit) se traxisse à aquis calidis, quæ sunt in Tuscia ferrata & vesicae affectibus meritisè opitulantur: quo nomine etiam vesicariae appellatae. Præterea aqua fontis S. Crucis mirabiles producit effectus in iis quibus ut plurimum alvus astricta est ob majorem hepatis calorem quo faeces exsiccantur, velut omnibus colico dolore laborantibus, calculosis, hypochondriacis, quoniam isthæc aqua ex alvo bilem omnigenam & viscosos humores copiosè ejicit; verum hæc purgatio facilis, jucunda & utilis est, absque ullis torminibus, nausea, sapore ingrato, siti: quâ in re longè præstantior est medicamentis purgantibus, quæ etiam si benigna & levia, nihilominus sapore valde ingrato prædita corporibusque noxia sunt præparatione & correctione indigent. Nonne miranda est virtus aquæ puræ, claræ & limpidæ quæ purgat uno eodemque tempore tres corporis regiones, dejectionibus, urinis & sudoribus, quod plerisque ægrotantibus usu venit, absque labore, dolore & debilitate? Aqua fontis B. Mariæ alvum quoque laxat, sed levius: cum verò longè minori quantitate mineræ tincta sit quàm aqua fontis S. Crucis, ideo magis refrigerat; quapropter maximè necessarium est ut poterat post usum aquæ fontis S. Crucis, quæ cum minerâ abundet potenter & fortiter agit virtute suorum principiorum mineralium & mirabiles producit effectus ad morbos diuturnos & pertinaces debellandos, oppilationes inveteratas reserandas, denique ad omnes affectus morbosos, de quibus infra loquar, profligandos: sed

sed cum actio & motus fieri haud queant quin calorem excitent, isthæc aqua calorem internum suscitatur, adeo ut cum augeat primis diebus, qui retundendus & in statum naturalem reducendus est, quod optimè perficitur potui ejusdem aquæ insistendo, aut bibendo aquam fontis B. Mariæ, quâ per octo dies uti consulo ægris antequam aquis valedicant; & potissimum illi qui nimis viscerum ardoribus divexantur eam quærere & aquæ fontis S. Crucis præferre debent, ob rationes suprâ allatas. Insuper notandum est penè omnes aquas minerales in locis humilibus & paludosis sitas esse, hisque in locis aquæ posita esse debent quò evadant perfectè minerales, quia oportet ut aqua in ipsa minera scaturiat quò exacta mineralium cum aqua mixtura fiat, ac etiam terra sit admodum pinguis quò facilius in mineram transformetur, & aqua misceatur cum minera dum adhuc mollis est. Omnes istæ conditiones in nostris pratis eminenter reperiuntur, quapropter aqua fontis S. Crucis insigniter mineralis est: si forsan terra petrosa & calculosa sit, in ea minera nec copiosa nec perfecta est, quamobrem aquæ exquisitè minerales emergunt è pingui limo neque ullum calculum ejiciunt, & aquæ imperfectè minerales calculos protrudunt & inter saxa scaturiunt: quod planum est in nostris fontibus; aqua enim fontis S. Crucis emergit è limo pingui saxorum & calculorum experte, aqua verò fontis B. Mariæ inter saxa scaturit & calculos protrudit.

Silentio tegere haud possum quædam notatadigna quæ reperiuntur in fonte qui situs est quinquaginta aut sexaginta passus citra molendinum à stagno cognominatum, ubi in propaculo sunt quatuor aut quinque fontes, quorum amplior

& propior flumini Volsio bullat & ejicit copiosam aquam simul cum minera ferri granulata, quæ similis est illi quæ supra terram post aquarum eluviem relinquitur in alveis quorum in fundo subsidet ob gravitatem quæ terræ vulgaris pondus multum excedit. Cum primum eam contepsi, mihi in dubium venit utrum minera ferri in omnibus suis mineris mollis esset; sed cum considerassem hanc aquam naturaliter frigidissimam esse, & fundum illius fontis repletum lapidibus nigris qui extra aquam soli expositi flavescunt, cognovi istam aquam suo frigore nimio non solum indurare mineram sed etiam istos lapides generare qui in hoc fonte mineram numero & quantitate excedunt. Quosdam fregi in quibus nigræ reperi quæ a ferri minera ortum ducit, alii parum à terræ consistentia distant, alii ad lapidis duritiem accedunt, & interiora granorum mineræ profus nigra sunt, quemadmodum esse debent: sunt etiam lapides subflavi in fundo alvei ob rubiginem ferri quæ ipsis adhærescit. Quis nescit aquam quorundam fontium suo frigore nimio non modò transmutare terram in lapides, sed etiam ligna quæ diutius cum ea commorantur? ut videre est in fonte Veronio prope urbem Senonensem, & in fonte Gimbrienti juxta urbem Pruvinentensem. Quapropter mirandum non est si fons iste magno suo frigore mineræ prius molli soliditatem & duritiem conferat. Verum quidem est in fundo phialæ, quam istâ aquâ implevi, & per multos dies asservavi, nullam terram flavam, neque in medio ullas fibras, neque in superficie aquæ ullum sulphur apparuisse, illi tamen sapor ferrugineus inest, sed spiritus minerales suo frigore nimio suffocantur atque extinguuntur, quandoquidem

cum

cum hac aquâ multoties phialam replevissem, ac in eam pulverem gallæ immisisssem, aquæ color minimè immutatus est: sed aqua scaturiginis inferioris eodem pulvere admixto tantillum rubuit, quod præsentiam spirituum mineralium denotat qui in scaturiginè superiore neutiquam apparent, minus quoque frigida est, neque ulli lapides in suo fundo, sed tantum calculi inveniuntur: unde nobis patet nimium frigus istius aquæ impedire quominus principia mineræ cum ipsa intrinsecè misceantur, quod minimè usu venit aquæ nostrorum fontium mineralium quæ in qualitate frigida temperata est. Itaque aqua istius fontis, mineralis appellanda non est, quia nulla virtute præter adstrictionem prædita inutilis est curandis morbis nostræ aquæ medelam afferunt.

Non solum differentia est inter scaturigines ferruginosas, verum etiam inter ferrum & chalybem, & inter remedia ab ipsis deprompta: ferrum enim cujus granum minutius apparet, chalybs nuncupatur, & illud cujus granum crassius est nomine vulgari ferri donatur. Quandoquidem ferrum cujus granum est minutius, defacatius & perfectius est, medicamenta etiam ab eo extracta multò exquisitiora sunt iis quæ è ferro crassiori & vulgari eliciuntur: quapropter cum nostræ mineræ fabricando chalybi sint idoneæ, ideo aquæ nostræ minerales multò meliores & præstantiores sunt ad morborum curationem, ut apertè cognovimus experientiis in iis factis, quibus nobis manifestum est inter aquas ferrugineas Pruvinienses primas tenere, tum ob mineram chalybis, tum quòd cum eo nullum aliud fossile admittant præter alumen quod pariter cum illò roborat: earum quoque frigus moderatum illas ad potum atque ad exitum aptiores reddit. Denique opinor nullam hæcenus scaturigi-

nem ferruginosam & aluminosam detectam fuisse in qua minera sit adeo copiosa, excocta & defæcata, ac tam exacta mixtura aquæ cum principis mineralibus, veluti in aqua nostri fontis S. Crucis, quæ ideo celeriter permeat, & tam mirabiles effectus producit in cura morborum Chronicorum & rebellium. Prope Pravinum multas alias scaturigines ferruginosas reperi, quia ejus solum minera ferri fecundissimum est, sed minori copiâ minera infectæ sunt quam aqua fontis S. Crucis; ideo cum in ipsas pulvis gallæ injicitur, illarum aqua rubescit plus aut minus secundum diversam minera quantitatem quæ aquæ permixta est; inter quas aqua fontis B. Mariæ magis rubescit. Itaque cum nullo metallum utilius sit homini quàm ferrum, Deus suâ bonitate infinitâ illud multis in locis produxit; atque etiam cum aquæ ferruginæ utilissimæ sint morbis quibus homines sæpenumero affliguntur, mirum non est si Altissimus qui naturæ humanæ conservationi indefinenter studet, eas è tam multis locis eduxit, siquidem idoneæ sunt omnibus penè infirmitatibus tollendis, & pollent duntaxat qualitatibus benignis & benefacientibus, præsertim si similes sint aquæ fontis S. Crucis, quæ maximè convenit cum aqua fontis Spadani, ut colligo è scriptis Ilirii qui l. 31. histor. natural. c. 2. ita loquitur: *Tungri civitas Gallia fontem habet insignem plurimis bullis stillantem, ferruginei saporis, quod ipsum non nisi in fine potus intelligitur: purgat hic corpora, tertianas febres dissentit calculorumque vitia: eadem aqua igne admoto turbida sit, ad posterum rubescit.* Omnes hæc qualitates cum aqua fontis S. Crucis admodum conveniunt, nam plurimis bullis stillat, ferrugineo sapore inficitur qui potissimum in fine potus percipitur, omni

genam bilem & viscosos humores expurgat, & consequenter febrem tertianam curat, & renes pertranseundo calculos ceterasque sordes in urinæ meatibus hærentes secum abripit & ejicit: atque etiam cum illam exhalavi primo turbida facta est, dein rubuit, quæ omnia consentiunt cum iis quæ observavit Plinius in aquis Spadanis. Helmontius in supplemento de Spadanis fontibus paradox. 5. addit aquas Spadanas dejectiones denigrare, eundem effectum producit aqua fontis S. Crucis. *At si ferrum vel acies, inquit Helmontius, in liquore acri nobis tamen non hostili, dissoluta potentur (puta Spadanas) natura absumptis & penitus intrò admissis liquoribus ferrum mox (utpote ad alimoniam ineptum) à commisto separat & per intestina amandat, ut videre est in stercoreum Spadanorum nigrore.*

CAPUT VIII.

De fontibus Spadensibus, Pugenfibus, Forgensibus, Castrithierricensibus, Autueillensibus, Passensibus, Encossensibus, & San-reginensibus, atque etiam de iis quæ habent aut similia aut discrepantia cum fontibus Pruviniensibus.

SI id quod refert Plinius de aquis Spadanis verum esset, admodum similes essent aquæ fontis S. Crucis, verum cum illud resciverit solum ex relatione exterorum, miram non est si deceptus fuerit etiam in relatione suarum virtutum, sed longè vetius est dicere, Pravinum civitas Gallie fontem habet insignem, &c. quandoquidem aquæ Spadanæ bulliendo turbidæ fiunt, sed in fine evaporationis nullo modo rubescunt,

sicuti nostræ quæ magis sunt ferrugineæ , unde suus acor minus sensibilis est quam acor Spadanarum , quarum sapor ferrugineus comitem habet acorem manifestum , qui ex alumine procedit , uti cognovi eas degustando ; deinde cum in illas pulverem gallæ injeci , ruborem quandam induerunt qui paulatim in colorem violaceum mutatus est , qui color à ferri spiritibus oritur qui in aquis Spadanis conservantur , quia lagenæ in quibus continentur sunt angustæ oris & ita obtusæ ut spiritus ex iis exire agrè possint , ideo translatæ potantur (quod tamen probare nequeo ob rationes supra allatas cap. 5) istarum lagenarum ultimi cyathi aquam turbidam exhibent ob terram mineræ ferri quæ in earum fundo subsidet.

Ut istarum aquarum interiora pervestigare , eas igne admoto in vapores resolvî , & terra quam reliquam habui est coloris flavi palleſcentis ob terram aluminis mixtam cum terrâ flavâ mineræ ferri ; illa verò , quam è nostris aquis elicui , est coloris flaventioris , & postquam dissolvi hanc terram in aqua communi quam deinceps filtro trajeci & exhalavi , ex eâ residuum habui salem album , quem rursus in aquâ liquavi , quam filtro percolavi , & mihi remansit terra alba & insipida non absimilis illi quam ex alumine extraxi ; post evaporationem hujus aquæ , sal qui mihi reliquus fuit visus est coloris fusci , qui est color genuinus salis ferri , qui aluminis sali sociatus utriusque saporem repræsentat. Cùm hic modus secernendi substantias ferri ab aluminis substantiis animo meo non satisfecisset , alium indagavi ad illas exactius separandas magis idoneum. Infudi in vas figulinum aquam in lagena Spadensi inclusam , quæ pendet triginta octo uncias , & ipsam sibi quiescere per duos dies ,

dies, ut terra mineræ ferri infundo vasis resideret; dein hanc aquam filtro trajeci, atque hoc modo separavi terram mineræ ferri, quæ mihi restitit ponderis grani unius, quæ est coloris flavi pallentis, quia isthæc aqua plus aluminis quàm ferri continet: verùm cum alumen sit sal, unà cum aquâ pertransiit, quam exhalavi, & alumen album restibile habui, quod in aqua simplici dissolvi, eamque filtro percolavi quo secernerem salern ferri & aluminis à terra aluminis quæ est alba & insipida, ejusque octo grana habui, deinde aquam vaporavi & mihi remansit salis aluminis & ferri granum, qui sales à sese invicem vix separari queunt, quamvis post aquæ evaporationem sal fixus ferri, qui est coloris fusci, mihi in fundo vasis apparuerit, & sal aluminis, qui est albus, in medio majori in quantitate consistebat (si grani partes divisæ quantitatis nomen mereantur.) Hac experienciâ cognosco alumen in aquis Spadanis dominium obtinere; & si Helmontius operam dedisset istis substantiis separandis, quemadmodum ipse dedi, non asservasset paradox. 4. post distillationem aquarum Spadanarum vitriolum ferri duntaxat se invenisse, sic ait: *Distillavi aliquando Savenirum & Poulhontium & sanè non tantum mineralium catalogum, imò nil quicquam in eis offendi, præter aquam fontanam & vitriolum ferri, ab aliis ante me scriptoribus neglectum.* Si Cartesius in illis agnoscat vitriolum & ferrum epistol. 15. ad Dominam Elisabetham illustrissimam Principem Palatinam, autumo illum id ab authore aliquo excepisse, non verò aliquo experimento cognovisse, erat enim ingenio adeo perspicaci ut decipi facile haud posset, præsertim in re tanti momenti quia periculosissimum est non habere perfectam cognitionem medicaminum quæ sunt in usu,

veluti istæ aquæ, si enim non appositè ordenentur, ægroti de sanitate aut de viâ periclitantur. Equidem in illis aquis neque vitriolum minerale, neque vitriolum ferri, quod est artificiale, verum terras aluminis & ferri simul mixtas cum suis salibus coloris supradicti nactus sum: quæ omnia à sese invicem, quò melius potui, segregavi: si supradicti Helmontius & Cartesius operam navassent eorum divisioni, haud dubie mecum censuissent acorem aquarum Spadanarum oriri ab alumine quo inquinantur, eas quoque copiosâ minerâ ferri imbui, quod planum fit tum atro colore quo inficiuntur facces eorum qui illas potant, tum tincturâ quæ apparet admixto pulvere gallæ aquis, quæ primò rubeum ac dein violaceum colorem contrahunt: cum verò minor copia mineræ ferri aquis inest, solum rubescunt & dejectiones colorem non mutant: præterea crassamentum quod in fundo lagenarum subsidet in his aquis adeo copiosum est ut ultimi cyathi aquam turbidam exhibeant, quod minime evenit aquis Forgensibus quæ tantillâ quantitate mineræ ferri præditæ sunt, ut nulum aut tam paucum sedimentum habeant, ut aqua ultimorum cyathorum neutiquam perturbetur. Idem accidit aquis Pugenfibus quoniam paucò ferro sunt inquinatæ, & alumen quod in iis prædominatur est sal qui intrinsecè aquis permiscetur, neque ullum deponit crassamentum, etiamsi post evaporationem supradictarum aquarum, Pugenfes octoginta grana mineræ relinquant, & Spadenses quadraginta quinque, eas enim eadem in quantitate exhalavi, & in illarum probationibus semper usus sum quatuor lagenis Forgensibus, ne aliarum lagenarum inæqualitate deciperer.

Cum sæpissime Hydrographi suis verbis me
cir-

circumvenerint, in hac occasione nulli fidem habere statui; quocirca præter duas lagenas Spadenses quas jam receperam, curavi ut mihi afferrentur lagenæ aquis Spadensibus, Forgensibus, & Pugenibus plenæ ex unoquoque loco quatuor, ut earum periculum facerem & cognoscerem an verba Hydrographorum aliquid veri continerent. In aquis Spadanis mineram aluminis & ferri duntaxat inveni, ut supra probavi, non verò omnia fossilia quæ aliqui auctores in ipsis se adinvenisse affirmant, illaque refert Helmontius paradox. 4. *Asserunt nimirum Spadana inesse vitriolum & deprehendisse chalcitum, misy, sory, melanteriam, sal, nitrum (in esse inquam nitrum, distillationis examine sibi repertum, quod alibi semper nunquam vidisse, quippe quod post Hesperatum avum defecisset, testantur) bitumen sive succinum liquidum, carbonem fossilem, alumen, bolum, ochram, rubricam, matrem ferri, venam ferri, ferrum, aruginem, chalcantenum assutum, alumen exustum, aris etiam stercem & sulphur: & dictus Helmontius cum contrariam istis auctoribus opinionem teneat, ideo omnia hæc fossilia ab his aquis rejecit præter ferrum, quo solo ipsas imbui existimat, ac alumen ab iis excludit, quoniam illud perspicaces ejus oculos effugit.*

Aquæ Forgenses tam paucâ minerâ ferri præditæ sunt, ut ea dividi nequeat: atque ut illa mihi manifesta fieret, primò has aquas gustavi & insipidas sensi, dein admixto pulvere gallæ colorem non mutarunt, non secus ac nostræ aquæ cum sunt evanidæ, quo sit ut sapore suo priventur qui à sale originem ducit: cum verò ferrum abundet sale volatili qui intrinsecè cum spiritibus unitur, accidit ut spiritus unâ cum sale volatili evolent, ideo color qui à spiritibus

& sapor qui à sale volatili dependent, uno eodemque tempore evanescunt. Tandem eas exhalavi & restibilia mihi fuerunt grana duo terræ & salis, quæ referunt saporem terræ nostrarum aquarum suo sale imprægnatæ, quapropter istas aquas alumine & ferro tinctas esse arbitror.

Ut istas aquas inter se invicem conferrem, easdem lagenas nostris aquis replevi, & post earum exhalationem quadraginta duo grana terræ suo sale imprægnatæ mihi remanserunt, quæ terra coloratior est terrâ & aquis Forgensibus extractâ, quia est majori in quantitate & consequenter minùs aquâ elota. Me latent rationes eorum qui vitriolum in aquis Forgensibus admittunt, siquidem vitriolum sal est qui coagulatur, haud dubie illud reperissem post istarum aquarum evaporationem. Insuper cùm vitriolum magnâ acrimoniâ & exiguâ aciditate præditum sit, hi sapes eas potando linguam ferirent, nec insipidæ sentirentur: præterea cum vitriolum in aqua liquatur & illi pulvis gallæ adjicitur, nigrescit plus aut minus si sit vitriolum album aut viride, at si sit vitriolum cæruleum, sit subviridis, aquæ verò Forgenses colorem non mutant eodem pulvere ipsi admixto. Itaque istæ aquæ translata frustra bibuntur quandoquidem earum virtus parum abest à virtute aquæ communis, tum propter paucam mineram quâ inquinantur, tum propter lagenas in quibus includuntur, quæ cum os latius habeant, probè obtutari nequeunt: non pollent majori virtute quàm aquæ Autuëillenses, quæ eosdem habent defectus, quoniam per canalem longiorem & latiore deducuntur, ideo earum spiritus dissipantur, & consequenter suis potissimis qualitatibus privantur quæ ab ipsis dependent, quia horum ope aquæ

quæ permeant & penetrant in omnes partes quibus sua virtus est necessaria, suosque mirabiles effectus producant.

Veniamus nunc ad aquas Pugenſes quæ inſigui acore dotata ſunt, quem omnes authores qui de iis ſcripſerunt, vitriolo acceptum referunt, cum, ut arbitror, prius non conſiderarint vitriola longè majori acrimoniâ quàm acore donata eſſe, & hunc acorem non ſentiri in albo, & tali modo in viridi & cæruleo, ut ſuâ acrimoniâ acoris ſenſus citò expungatur, qui paulo maniſteſtor eſt in vitriolis aquâ dilutis. Itaque non concludendum eſt hoc modo: aqua Pugenſis eſt acida, ergo vitriolo infecta, ſiquidem alumen præditum eſt acore quem iſtis aquis communicat, ut meis experienciis cognovi. Gaſtavi alumen concretum & in aqua vulgari liquatum, quod ab alumine iſtarum aquarum in hoc tantum diſferre notavi quòd alumen præparatum aſtcrius ſit quàm alumen harum aquarum, quia defæcatius eſt eo quod in minera adhuc reſidet, quæ impuritas communis eſt omnibus metallis & mineralibus, quandoquidem ex quatuor libris mineræ, duæ circiter unciaſ ferri eliciuntur, reliquam in ſcoriaſ abit: quare mirum non eſt, ſi cum iſtæ aquæ vaporantur, alumen eodem modo non coaguletur, ac concreſcit cùm exhalatur aqua in qua alumen ſolutum eſt, quoniam ſal eſt purius qui poſt aquæ exhalationem ſemper concreſcit & paucam terram excrementitiâ poſt filtrationem relinquit: contrâ verò iſtæ aquæ poſtquam ſunt vaporatæ plus terræ excrementitiæ & parum ſalis fixi relinquant. Cùm perfectius intelligere cuperem an in aquis Pugenſibus dominetur alumen, illud in aqua vulgari liquavi, atque in eam pulverem gallæ immiſi, unde colore albuſco contraxit non

Secus ac istæ aquæ cum idem pulvis ipsis permiscetur : verum si vitriolo albo aut viridi imbutæ essent plus aut minus nigrescerent , si cæruleo subvirides evaderent , siquidem color cæruleus quo tingitaquam in qua solvitur , hoc pulvere ipsi admixto in subviridem mutatur. Præterea istas aquas exhalavi & mihi restitit terra alba, quam authores qui de istis aquis tractarunt bolum album aut albicam nuncupant , & rubricam terram aquarum Spadanarum quæ est subflava , quia terra flava ferri cum terra alba aluminis mixta est : cum verò non cognoverim differentiam quæ est inter terras istarum aquarum quæ anatome vitriolorum , aluminis & ferri perspicua sit , istas aquas vitriolatas esse prædicant , etiamsi terræ vitriolorum admodum discrepent ab albore terræ aluminis. Deinceps istam terram dissolvi in aqua simplici, dein illam filtro percolavi & salem ab ea sejunxi quæ aluminis saporem refert , terra verò remanet insipida , uti terra aluminis , in hoc terræ vitriolorum contraria quæ suâ acrimoniâ nunquam destituitur, etiam si aquâ probè elota sit. Præterea vitriola nullam terram albam relinquunt post diversas solutiones , coagulationes , filtrationes , & evaporationes quas ex iis feci. Cum verò has aquas reposui , ad earum superficiem sulphur album elatum est ejusdem coloris cum eo quod collegi supra aquam in qua alumen liquaveram, quod admodum dissimile est sulphuribus vitriolorum , ut explicui cap. 4. nullam quoque terram flavam , neque cæruleam , neque subviridem in fundo vasis conspexi , quemadmodum in vitriolorum dissolutionibus. Licet quædam vitriola sint acida , inde non inferendum est acorem aquarum mineralium originem ab ipsis trahere , quoniam alumen acore quoque donatur quem
aquis

aquis communicat, sed istæ aquæ in suo acore dissimiles sunt, secundum diversa mineralia acida de quibus participant. Ex aquarum acore concludendum non est eas solis mineralium spiritibus tinctas esse, siquidem phlegma cum iis confunditur, sulphur, sal, & terra ab illis segregantur, ut demonstravi cap. 4. Præterea omnes aquæ minerales acore non sunt præditæ, et si spiritus fossilium quibus imprægnantur, cum ipsis incorporantur. Hic silentio involvo multas experientias quas in vitriolis feci, quia eas diffusè satis explicui cap. 4. quæ collatæ cum experientiis in alumine peractis aperte demonstrant aquas fugenses aluminosas esse, quandoquidem habent principia principiiis aluminis similia, & vitriolorum principiiis dissimilia. Merito igitur ab aquis Fugentibus vitriolum rejicio, licet hætenus in iis fuerit receptum, quod partem cum alumine acorem habeant, & diversum ab acore vitrioli quod magnâ acrimoniâ donatum est, quâ carent hæ aquæ. Cum verò alumen sit sal qui in aqua liquatur ac per omnem ejus substantiam æqualiter diffunditur, translata bibi possunt, præsertim cum sint inclusæ in lagenis angusti oris & probè obturatis, eas tamen è scaturigine haustas longè meliores autumo. Quoad mineram ferri quæ has aquas subit, tam pauca est ut sapore distingui nequeat, quia sapor aluminis illum expungit: & si illi quia aquas Fugenses vitriolatas esse opinantur, asserant ab iis dejectiones denigrari, id sit quod naturam vitrioli exploratam habeant, cujus proprium est nigrum colorem communicare, idcirco hunc colorem facibus tribuendo, suam opinionem confirmare putant: sed cum experientiâ constet stercorea potatorum suum colorem naturalem conservare, hinc opinio eorum

evertitur : si enim ferrum fæces atro colore inficiat, tum debet esse copiosum sicuti in nostro fonte S. Crucis & in Spadano, sed cum paucum ferrum aquis inest, ut in aquis Pugenſibus, dejectiones colorem naturalem non mutant; & istæ aquæ cum pulverem gallæ recipiunt nullo colore tinguntur præterquam albo; duntaxet postquam in vase fictili repositæ sunt, in ejus fundo pauca terra subflava apparet, quæ est terra ferri, quæ ob gravitatem fundum petit & adhærescens lapidibus quos istæ aquæ præterlaber-tes adlambunt, ipsis suum colorem imprimit. Non loquor de aliis fossilibus, quibus has aquas infici dicunt, experientiæ quas in illis feci tantummodo considerandæ sunt & videndum num eorum principia conveniant cum illis quæ ex iisdem aquis extrahi; tunc planum fiet utrum earum compositionem intrent, aut ab ea excludantur. Miror quas ob rationes tot graves auctores acorem aquarum mineralium à vitriolo ortum ducere voluerunt, non examinando alumen quod acorem habet sensibilem & manifestum quem aquis Spadenſibus & Pugenſibus communicat, ut persuasum habeo ex probationibus in iis peractis: nam si attentè dispiciant omnia principia & omnes qualitates vitriolorum, & cum principiis qualitatibusque harum aquarum comparent, illa inter se maximè dissidere notabunt. Hujus rei veritatem demonstrat experientia, quicumque enim mineralibus explorandis diligenter incumbit, quemadmodum ipse incubui, eam evidenter cognoscet.

En nova experientia quæ confirmat ferrum & alumen inter se symbolum habere, atque unà cum aquis mineralibus facile misceri. Anno 1663 mihi monstrata est terra quæ eruitur ex altâ fossa in declivi collis posita à dextra parte
vix.

viæ quæ ducit Pruvino Nogentum supra Sequanam situm. Argilla est in qua multæ venæ mineræ ferri conspiciuntur, quarum aliæ flavæ, aliæ rubræ, & aliæ nigræ sunt, sicuti alibi: id verò quod mihi admirationem indidit, est quod tota hæc terra prædita sit acore quodam grato qui æmulatur acorem aquarum Spadanarum & Pugenfium : sunt etiam quædam venæ per quas aqua hanc terram permeat, eluit & in fossam distillat : isthæc aqua flavescit ob mineram ferri quæ ipsi permixta est, sed minori in quantitate quàm alumina, sicuti cognovi postquam hanc aquam in hydra contentam filtro trajeci quò separarem mineram ferri, cujus grana septem mihi reliqua fuerunt, dein cum eam evaporassem, quod erat concretum in aqua vulgari solvi, quam rursus filtro percolavi, & circiter semuncia terræ aluminis mihi restitit quæ impura erat ob paucam terram ferri quæ adhuc ei erat immixta : cum verò rursus aquam exhalassem, dilui aquâ simplici quod erat coagulatum, deinde eam tertio filtro trajeci, & mihi residua fuerunt viginti grana terræ aluminosæ albissimæ : aquam in vapores resolvi & mihi remanserunt grana tria salis ferri & aluminis, qui est albus, propterea quod alumen in hac aqua ferrum longè exuperat. Ante omnes has operationes immisi pulverem gallæ in istam aquam quò cognoscerem an ipsi vitriolum inesset, & aqua ab alumine album colorem suscepit, si enim vitriolo inquinata fuisset, evasisset subviridis, vel plus aut minus nigra. Aliquid adhuc notatu dignum in ista fossa reperitur, nempe in ejus fundo stratum terræ nigræ jacet quæ acore prædita est ut argilla prædicta & colore ac consistentiâ similis est carboni terreno, in hoc tamen differt ab eo quod igni exposita non ardeat ; isthæc

hæc terra est adeo solida & compacta, ut non solvatur neque emolliatur in aqua posita, nam licet illam per septem aut octo dies madescere sinerim, eam tamen malleolo frangere coactus fui quo eam aquâ lavarem atque ab ea alumen & ferrum ipsi immixta segregarem: itaque aquam exhalavi & residuum liquavi in aqua communî, quam filtro transcolavi, & mihi restibilia fuerunt triginta grana terræ flavæ pallescentis, ob majorem aluminis quàm ferri copiam: dein hanc aquam evaporavi, & rursus quod erat coagulatum aquâ vulgari dilui, & postquam eam filtro trajeci, mihi restiterunt decem grana terræ aluminis exquisitè albæ: & aquâ in vapores resolutâ habui tria grana salis ferri & aluminis, qui erat albus ob alumen quod in hac terra ferrum excedit: adeo ut si aqua istius fossæ, qua hæc terras continet, exitum haberet, scaturiginem parem scaturigini Spadanæ nobis largiretur. In istis terris duo notanda veniunt, primò Plinium alumen salisuginem terræ merito appellasse, quod in terra pingui velut in argilla coctione levi generatur, unde acote donatur, dein hæc terra majori coctione in mineram ferri verritur & ustione nigra evadit, unde sal ferri amarore dotatur: secundo in fundo terræ mineram perstrata esse & in grana non formari nisi in ejus superficie arida & minimè paludosa: demum alumen non minus cum ferro, quàm vitriolum cum ære convenire.

Dum de differentia aquarum mineralium pertracto, oportet ut de aquis Castithierricensibus verba faciam, ne meæ patriæ ingratus videar, quæ inter tot bona, tot vina delicatissima in suo solo nata, adhuc è suo sinu promit liquorem pretiosissimum, ceu thesaurum liquidum aquarum mineralium quæ plurimis morbis curandis

randis utiles sunt, ut doctissimus Claudius Galenus notavit in libro quem de ipsis scripsit. Iisdem fossilibus insciuntur ac aquæ Pruvinenses, quandoquidem cum ipsis admiscetur pulvis gallæ eundem colorem contrahunt, in eo tantum ab illis discrepant quod præter saporem aluminis & ferri, saporem etiam gypsi crudi referant, unde colligo eas per gypsi mineras transfluere quæ in illo solo admodum frequentes sunt: ideo non tam facile permeant quàm Pruvinenses, ob gypsi partes ipsi permixtas quæ cum sint crassæ & tenues impediunt quominus istæ aquæ tam promptè per corpus penetrent, unde medici Castrithierici eas translatas citius quam è scaturigine haustas pertransire observarunt, quia dum transportantur, partes gypsi tenues ipsis immixtæ ad fundum lagenarum suo naturali pondere descendunt & ab aqua separantur, quæ hocce modo levior & tenuior fit, & consequenter facilius pertransit. Quamobrem illi qui iis opus habebunt & qui eas potare volent, si meum consilium sequantur, illas serò haurient & lagenas probè obturabunt, quò postridie manè ipsas bibant, ut per noctem, partes gypsi crassæ ab aqua secernantur, & fundum lagenarum petant, quæ leviter tractandæ, nec harum aquarum ultimi cyathi bibendi sunt: hac methodo facilius & citius permeabunt; ægri quoque Castritheodorigi eas potare non refugient, neque eas deferent, quemadmodum plurimi fecerunt: quod earum famam valde imminuit & impedivit quominus illius urbis incolæ tanto bono fruerentur, hocque potu medicamentoso suis infirmitatibus mederentur.

Quandoquidem mense Augusti anni 1658 aquas Autueillenses & Passenses degustavi, meam de iis sententiam dicere compellor, quòd
sint

sint minerales & mea mens sit examinare qualitates aquarum quocunque in loco eas reperio. Aquæ Autueillenses quod per latum canalem concameratum deducantur sunt prorsus evanidæ, nulloque sapore præditæ, etsi ipsis pulvis gallæ admisceatur, colorem non mutant, in exitu lapides quos alluunt rubigine non tingunt; cum vero de iis verba facerem coram illo qui januam fontis mihi aperuerat, ut ejus aquas considerarem, frustum ligni os canalis obturans sustulit, in cujus fundo pauca terra fiava subsidebat, quæ est terra mineræ ferri quæ residet in fundo alveorum per quos aquæ ferrugineæ perlabuntur, quia extra suam scaturiginem spiritus aquarum dissipantur, & terra mineræ ad fundum canalium præcipitatur, tunc suis virtutibus orbantur, ita ut evadant insipidæ neque sibi admixto pulvere gallæ colorem mutant, & hujusmodi aquæ parum efficaces sunt. Aquæ verò Passenses rubigine tingunt lapides quos lambunt è sua scaturigine exeuntes. & sibi immixto pulvere gallæ æquè rubescunt ac aquæ fontis B. Mariæ, saporibus quoque ferri & aluminis donantur præter saporem lapidum teneriorum quos per viscera montis perfluentes ad lambunt; cumque eas quibusdam Domicellis consuluerim dum Lutetiæ commorabar, notavi eas festine transire & alvum purgare, quod ægrotantibus plurimum adfert utilitatis.

Hic aquis Ancossensibus locum dabo quod convenient cum aquis de quibus tracto, siquidem in suam compositionem alumen cum poco ferro recipiunt, quod cognovi non modo ex harum aquarum sapore, sed etiam è minera quæ postillarum evaporationem residua fuit, quæ est albida ob mixturam terræ ferri: longè magis alumen quàm ferrum sapit, ut liquet è sapore

sapore salis saporis austeriori juncto (qui alumini non verò vitriolo peculiaris est) cum verò in istas aquas pulvis gallæ injicitur, albescunt, propterea quod in iis alumen principatum tenet, parumque de ferro participant.

Nescio quare tamdiu distulerim examen aquarum San-reginensium, cum per quatuor annos artem medicam exercuerim Nucerinæ in Burgundia sitæ, quæ ab iis distat duntaxat decem leucis: & quamvis tot aliis aquis mineralibus explorandis operam navaverim, illas silentio involveram licet celebratissimas & famâ notissimas inter spectatissimos Franciæ Medicos, non quod occasiones earum periculum faciendi mihi defuerint, quandoquidem illas consului honestissimo viro Pruvinxo, à quo petii duas lagenas his aquis repletas anno 1664. & in iis experimenta egi mente majore anni sequentis. Cum primam lagenam tractavi, in meis manibus effracta est, hoc evenisse existimo ob vitrum spiritibus mineralibus extenuatum & adeo tenue & fragile factum, ut vix tractari posset, idem accidit alteri lagenæ, cum aperta est quò aqua in cucurbitam vitream infunderetur, ut distillaretur igne sabuli, tunc lagenæ fundum curiosius consideravi in quo reperi multos parvos crysallos de quibus gustavi ac etiam quidam è nostris Pharmacopolis, sensimus exiguum acorem cum adstrictione, utque pars crysalloorum simul cum aqua deciderant, cum primum ignis calore fusi sunt, in fundo vasis reliquerunt terram albidam quia paucum ferrum alumini permixtum est, quod è suo sapore post aquæ evaporationem percipitur. Unde infero istas aquas alumine purissimo infici, siquidem in crysallos concrevit, cum diutius asservanter, nec ullum videtur crassamentum in fundo

fundo lagenarum præter istos crystallos claros & pellucidos. Peculiare est salibus fixis a sua terra defæctis, ut alumini, in crystallos coagulari in aqua : quoties vidi illud in crystallos crescere cum operam dabam ejus principiis dividendis aquæ ministerio, diversas figuras induebat, servo adhuc parvum crystallum qui fortuito efformatus est in figuram adamantis æquè pulchri & æquè asabre facti ac ullus artifex lapidarius elaborare possit: in basi est figuræ quadratæ quæ paulò supra dilatatur eandem semper servans figuram, deinde in acumen desinit, cujus superficies plana est; demum est parvum naturæ miraculum, quoniam secundum omnes perfecti adamantis proportionem elaboratum est. Cum istæ experientie meo animo non satisfecissent, quia illæ satis luminis meæ menti non præbebant quò natura istarum aquarum ei perfectè innotesceret, alias facere statui, hacque de causa aquam lagenæ quæ triginta sex uncias aquæ continet in vase fictili reposui per quindecim dies, dein illam filtro trajeci, & circiter semigranum terræ ferri mihi reliquum fuit, deinceps aquam evaporavi, & mihi restiterunt quinque grana terræ aluminis sale ferri & aluminis imprægnatæ, deinde hanc terram aquâ vulgari dilui, quam postea filtro percolavi atque exhalavi, tunc vidi in fundo vasis salem aluminis, qui est albus, & salem ferri qui est coloris fusci, & circulos ducit circum salem aluminis non secus ac sal aquarum Spadanarum, ut suprâ notavi: hic sal ferri & aluminis saporem præ se fert. Cum istæ aquæ tam paucam mineram ferri possideant, in fundo lagenarum quemadmodum in fundo aquarum Pugensium illa non conspicitur, ideo albescent pulveris gallæ permixtione: illud nota-

tatu dignissimum est, nimirum quod hic pulvis, cum aqua mineralis paucò ferro & copioso alumine infecta est, canit tingit colore albo; si mediocri ferro sit imbuta, rubeo colote; & cum copiosâ minerâ ferri inquinata est, rubeum colorem in violaceum nonnihil nigricantem permutat: verum ad nigrorem facibus indendum aqua copiosâ minerâ ferri prædita esse debet, ut aqua fontis S. Crucis & aqua Spadana: nam si aqua paucæ aut mediocris mineræ ferri particeps sit, ut aqua fontis B. Mariæ, Pugensis & San-reginensis, aliæque hujusmodi, dejectiones colorem non mutant. Insuper aquam in lagena contentam in vas figulinum infudi ut temporis progressu paulatim exhalaretur: sulphur ad superficiem elatum est, in qua retinuit & inviscavit sua viscositate spiritus & salis volatiles ferri & aluminis (quod licet sit sal fixus, volatili tamen præditum est) & spiritus aluminis coagulantis ope isti sales volatiles concreti sunt & figurati in modum granulorum alborum & tenuium sabuli instar, qui sunt ejusdem Saporis ac crystalli: eos excepti unâ cum sulphure quod illos suâ substantiâ viscosâ implicuit, irritosque tenebat. Terra ferri paucâ in quantitate fundum petiit, & alumen in crystallos concretum est non secus ac in lagena; quod in aqua Spadana minime evenit, à qua segregaverant terram ferri, neque in aqua Pugensi quæ paucò ferro prædita est, quas eodem modo exhalari permisi: hocce modo cognovi alumen Spadanum purius esse alumine Pugensi, quod sit saporis paulo acrioris, & minus excrementis terrenis scateat; atque etiam alumen aquæ San-reginensis, utrumque puritate superare, quod minus terræ excrementitiæ habeat; unde in crystallos concrevit, & alia duntaxat

coagu-

coagulantur & alba apparent, quia de terra alba aluminis multum participant: est adhuc hæc differentia inter istas aquas, nimirum quod aqua Pugenſis plus aluminis & minus ferri poſſidet quam Spadana, & aqua San-reginenſis minus mineræ habet quàm utraq̃ue. Antè hæc experientias ſuſpicabar illas imprægnari aliquo foſſili, quod juxta opinionem majoris partis Medicorum erat hydrargyrum, ſicque illi ex effectibus de cauſa judicabant, utiles enim ſunt plurimis morbis qui hydrargyro curantur, qui etiam mirandis ferri & aluminis virtutibus deſpelli & proſtigari poſſunt, ut patet ex experimentis quæ quotidie ſiunt in aquis ferro & alumine tinctis. Ideo illas aliquo foſſili imbui putabam, quod alvum ſolvant & purgent quemadmodum aliæ aquæ metallicæ potentiusque operentur prope ſcaturiginem quàm tranſlatæ ob jacturam & diſſipationem ſpirituum in quibus præcipua harum aquarum virtus poſita eſt: nam etiam ſi lagenæ probè obturentur, adeo tenues & ſubtiles ſunt ut eorum pars ſemper effugiat, atque etiam illorum virtus frangitur & retunditur agendo in lagenam in quâ includuntur vique retinentur. Satis mirari non poſſum præſtantiffimum Plinii genium qui abſtruſa naturæ arcana tam intimè penetravit, ut apertè cognoverit alumen eſſe ſaluſiginem terræ, quod liquet ex tot aquis mineralibus quæ illud diſſolvunt ac in ſe recipiunt per terræ meatus perlabentes: ita ut ſi quis aquas minerales examinare velit (vitriolis prius & alumine ad examen deductis) inveniet alumen longè communius eſſe in iſtis aquis, quàm vitriolum, quod hætenus in nulla aqua adinvenire potui. Quis unquam putaret virtutes ferri & aluminis adeo potentes & mirandas eſſe quemadmodum ſe manifeſtant

nifestant in usu omnium istarum aquarum quæ levant & sanant infinitam morborum multitudinem.

CAPUT IX.

De facultatibus & qualitatibus ferri & aluminis quæ miscentur cum aquis mineralibus Prævinæis, & de iis quæ suorum principiorum virtute operantur.

CUM probaverim ferrum & alumen in nostris aquis dominium habere suorum principiorum demonstratione, rationi consentaneum mihi videtur, ut de suis virtutibus & qualitatibus aliquid dicam quod proprietates & qualitates nostrarum aquarum magis innotescant.

Libenter amplector sententiam eorum qui ferrum frigidum & siccum statuent. Autoritas in promptu est Galeni l. 9. methodi med. c. 17. ubi dicit *Ferrum substantiam habere stabilem & constantem ob frigiditatem & siccitatem.* Et lib. 4. simplic. c. 19. ait, *Ferrum crassum terrenumque corpus esse: at terrena quæ sunt, frigida sunt: velut lib. eodem c. de terris traditur.*

Deinde Aristotelis, qui lib. 4. meteor. c. 5. circa finem fere monet, *Ferrum ex eorum genere esse, quæ à frigore per evaporationem totius caloriginis concreta sunt.* Hinc inquit, talia omnia & in specie etiam ferrum non nisi virtute exuperanti caloris solvi posse: sed tantum mollescere consuevisse. Liquefieri tamen & ipsum quoque ferrum elaboratum adeo ut liquidum reddatur, rursusque concreseat.

Tenio Averrois l. 5. collig. ubi scribit, *Corpora calore*

lore densata cum dominio terrestrium partium, frigida & sicca esse debere, ut ferrum.

Horum opinioni accedunt Albucasis *l. de cauteriis* : Aculanus *c. de vomitu* : Gentilis in *quest. de med. actione* : Joannes Manardus *l. 16. epist. 5.* Nicolaus Monardus *part. 2. dialog. de ferro* : Brasavolus *l. de morbo gallico.* Savonarola *l. 2. de baln. rubric. 8. ubi ferrum statuit frigidum, gradu secundo, siccum verò tertio.*

Rationes in promptu sunt istæ. 1. Quia ferrum adstringit, ut patet ex *l. 5. Dioscor. c. mibi 93.* At adstringentia *Gal l. 4. simpl. c. 7.* frigida sunt. 2. Quia fervorem ventriculi, renum, & hepatis extinguit. Omnes enim authores qui de aquis mineralibus aliquid literarum monumentis consignarunt, ferratas aquas refrigerare perhibent. 3. Quia aquæ istæ sitim sedant : biliosa alvi profluvia reprimunt, & calidas defluxiones cohibent : 4. Quia corpus est valde terrenum : id quod ex colore nigro, substantia crassa, dura & solida, denique ex gravitate conjicitur.

Præter refrigerandi siccandique virtutem etiam vis illi inest aperiendi, adstringendi, abstergendi & consolidandi eximia.

Ex quibus quid aquæ ferratæ præstare valéant, facile perspicitur. Nam potæ, ut ex Galeno, Tralliano, Paulo, Aëtio, Oribasio, Scribone Largo, Rhasi, Avicenna, Serapione, Haly Abbate, Albucasi, Plinio & quibusdam neotericis colligimus, capitis fluxiones siccant : Hancque ob causam antiquam cephalalgiam, vertiginem, paralytim, convulsionem, tremorem, oculorum caliginem, eorumque epiphoras, arthritidem omnesque illius species tollunt : absorbendo excrementitias cerebri humiditates ab apoplexia præservant : relaxatum debilitatumque

que ventriculum alterant , ciborum reddunt appetentiorē , & retentricem illius facultatem firmant. Crebras insuper vomitiones , choleram , diarrhæam , dysenteriam ac lienteriam sistunt. Obstructiones mesenterii , hepatis , lienis , renum , ureterum ac vesicæ aperiunt : inveteratas febres extirpant : icterum fugant : incipientem hydropem sanant : fœdum faciei colorem emendant : tumorem , dolorem ac duritiem lienis abigunt : quod confirmatur à Celso l. 4. c. 9. *Post cibum aqua à ferrario in qua candens ferrum subinde tinctum sit : hac enim præcipuè lienem coercet & quod animadversum est in animalibus , quæ apud fabros educata exiguos lienes habent : calculum & arenulas exturbant : cum primis verò vesicæ affectibus , utpote exulcerationi , dysuriæ , stranguriæ , & involuntariæ miæctioni auxiliantur. Unde ab effectu vesicariæ dicuntur. In balneis nervos & articulos relaxatos & debilitatos roborant , ideoque arthriticis profunt : lubricam matricem firmant : abortum præcavent : fracta luxataque membra restitunt , succedentesque tumores discutiunt : scabiem , impetiginem , & ulcera dyssepulota curant : procidentiam ani corrigunt : menses enormiter fluentes compescant : hæmorrhoidum fluxui immodico succurrunt : gingivarum putrilaginem sanant.*

Chalybs , cum specie à ferro minimè differat , iisdem viribus pollet , quibus ferrum : & forsitan eo est efficacior : quia ferrum est purificatum , solidius , durius atque fortius. Dioscorid. l. 5. cap. 93. sic ait, *Vinum aquave in qua candens ferrum sit restinctum , potu cæliaci , dysenterici , lienosis , cholera laborantibus & dissolutis stomacho auxiliatur : & vinum aquave in qua candens chalybs sit restinctus longè citius hos ægros per-
sanat.*

D

Squa-

Squama ferri insigniter siccat , & adstringit , & squama chalybis adhuc magis teste Galeno l. 9. simpl. medic. Helitu certè principem in desiccando locum obtinet , nam & subtilissima substantia est , nimirum quæ æruginis nonnihil assumpserit. Majorem obtinet adstrictionem squama ferri , & hac etiam majorem stomomatu , quamobrem ad contumacia ulcera meliores sunt quàm squama æræ.

Scoria recrementum est ferri , vehementer siccat ut ait Galenus l. 9. simplic. medic. Scoria omnis resiccatorium medicamen est , potissimum autem ferri. Siquidem ad lavorem redigens ipsam in aceto quàm acerrimo , posteaque decoquens , ad aures quæ longo jam tempore pure fluxerunt , eâ uter pro medicamento maximè exsiccatorio , adeo ut mirentur qui præparantem me vident , & ante rei periculum fidem non habeant , aures tale posse ferre medicamen.

Rubigo ferri adhuc potentior & efficacior est scoriâ.

Nunc de alumine sermonem faciamus quod est calidum & siccum. Dioscorides l. 5. c. 82. scribit alumen calefacere & Avicenna l. 2. canon. tract. 2. c. 70. notat , gradu tertio : vel , ut Scholiastes habet in margine , secundo.

Calidum esse alumen. 1. Ex eo patet , quia acredinem habet. 2. Quia ex alumine , nitro & chalcantho aqua conficitur fortis , quæ caustica.

De qualitate passiva nulla est controversia. Omnes enim alumen siccum pronunciant , & quidem , ut Galenus l. 5. simplic. medic. cap. ult. definit , ordine tertio. Unde etiam ἰππλάωτικόν esse ait : quia carnem indurat : l. 5. simpl. c. 15. Dioscorides , Galenus , Græci quæ juniores validam illi adstringendi facultatem tribuunt. Pollet præterea vi detergendi , putredinem inhibendi & agglutinandi.

Ex his, quid aluminosæ aquæ præstent, patet. Calefaciunt enim, siccant, valenter adstringunt, densant, consolidant, purificant. In balneis inquit *Oribasius l. 1. synopsis. c. 29. & l. 10. c. 3. Paulus l. 1. c. 52. & Aëtius tetra. 1. serm. 3. c. 167.* Conveniunt sanguinis rejectioni, stomacho vomenti, nimium fluentibus hæmorrhoidibus, foeminis quæ inordinate purgantur, aut purgantur nimium, & quæ citra manifestam causam frequenter abortiunt: profunt insuper omnibus qui immodicè sudant, & tardè concoquunt, & qui tumoribus furarum & varicibus laborant. Quibus facultatibus addimus, quod urinam involuntariè exeuntem, & genituram spontè erumpentem cohibeant: procidentem anum reprimant: siccatisque atque contractis vinculis suo in loco detineant: articulos roborent, & quominus fluxiones admittant, impediant: ulcera putrescentia compescant: phagedænas, caneros & fistulas sanent: collutione aphthas curent: mobilitatem dentium firment: gingivæ humore prægnantes comprimant.

Paulus Ægineta l. 4. c. 1. testatur etiam aquas ferro & alumine imbutas curare lepram. *In cura elephantiascos aquarum naturalium usus adhiberi debet, ceu maximè necessarius, præsertim aluminosarum ferrumque respicientium, & si fieri potest frigidarum: confert & ipsarum potio.*

Cùm diligenter perpensæ fuerint virtutes & facultates quas tot authores insignes aquis ferruginosis & aluminosis tribuunt, minimè arguendus sum quòd nimias aquis Pruvinæ concesserim, siquidem plures alias prætermitto quæ adhuc in iis observari queunt. Verum si aquæ adeo potentes sint solius ferri, aut solius aluminis virtute, ut censent isti authores, quid de iis

sperandum sit, his duobus mineralibus simul junctis atque unitis, abunde declarant aquæ Spadanæ, quarum virtus cuique nota est, earumque fama per provincias & regna distantissima pervagatur. Fatendum est igitur aquas ferruginosas & aluminosas mitos producere effectus, sed id quod in iis præstantissimum mihi videtur, est quòd omnibus corporis partibus quas transeuntes alluunt, robur addant. Cum verò nostræ aquæ plus de minera ferri quàm aquæ Spadanæ participant, eminentius quoque possident ferri virtutes & qualitates, quæ sunt, plures quàm virtutes & qualitates aluminis, atque etiam utiliores morbis quibus homines sæpenumero divexantur. Quamobrem mirum non est si ab iis tot infirmitates levatas & sanatas fuisse observaverim; & si aliquot earum exempla protulerim, illa selègi è maximo numero eorum qui aquas nostras potarunt quique hoc benigno medicamine à suis malis liberati sunt. Hi omnes notissimi sunt, & oculati testes istarum sanationum fide adeo digni sunt, ut homo sanæ mentis mihi nunquam imposuerit huic narrationi addere aut ullam permutare circumstantiam omnium effectuum mirabilium quos sequenti capite refero.

Hic tamen meam animi ægritudinem celare haud possum, quòd videam inter medicos invidiam quandam & zelotypiam in sese invicem regnare, quæ eò procedit ut vituperent & suis sermonibus fama minuant medicamenta facilia & publicæ utilitati destinata; sanè deberent istam invidiam in æmulationem vertere; *Invidia enim mala & malorum est, æmulatio autem bona & bonorum*: deberent etiam diligenter studere ut perfecti in sua arte, & aliis industriâ atque experientiâ superiores evaderent, sed quadam ani-
mi

mi objectione iis contradicendo operam perdunt, non aliam ob causam, nisi ob eam quam damnat Plinius l. 29. c. 1. *Hinc, inquit, illa circa agros misera sententiarum concertationes, nullo idem consensu, ne videatur assertatio alterius. Hinc illa infelix monumenti inscriptio turba se Medicorum petiisse*: Hoc malum charitare verè Christianà sanare præstaret, voluntates & animos eorum simul uniendo, ut deinde ægris opitularentur & Hollerii sententiam sequerentur, quam sic explicat: *Bona est inter Medicos opinionum dissensio, pessima voluntatum, sed præstantissima est rerumque omnium ab ægroto expetendarum præcipua, par studiorum & voluntatum consensio, qua lucet splendetque in iis potissimum qui sapientia Hippocratica studium attentissimè diu multumque coluerunt.*

Contrà verò mihi denunciandum est quosdam Medicos lucro inhiantes & valde metuentes ne sui ægotantes quorum infirmitates remediis palliatis foveant, prorsus sanarentur, ope nostrarum aquarum quæ mirandis pollent viribus profligandæ infinitæ morborum multitudini idoneis, asserere exempla quæ profero aut fictitia, aut ea modo veritati minimè consona à me relata esse. In mentis meæ recessus haud penetrant, & ignorant me eorum quamplurima silentio tegere ne lectoris animum tædio afficiam; at si in hanc urbem se conferre vellent quamplurimos aquarum nostrarum poru persanatos viderent quorum mentionem nullam facio. Objiciunt insuper nostras scaturigines è stillicidiis aquarum in pratis stagnantium originem ducere, hoc item de Spadanis dici potest, quæ iisdem fossilibus constant & parem situm obtinent. O pretiosa aquarum stagnantium stillicidia, vel potius O pretiosa ferri & aluminis extracta à naturâ elaborata, cujus opera sunt mirabilia longeque

perfectiora omnibus iis quæ hominum arte & industria conficiuntur ! O mirabilia aquarum stagnantium stillicidia , quæ tot morbos curant !

Hippocrates meritò dixit initio libri de arte : *Sunt quidam qui artem profitentur hanc quæ ceteras artes dehonestare docet. Attamen id, ut illi sperabant, non conficiunt, sed tamen id, ut mihi videtur faciunt ob causam, quàm ut variam suam eruditionem ostentent. Mihi verò investigare aliquid eorum quæ nondum inventa sunt, quod ipsum notum, quàm ignotum esse præbet, scientiæ omnium votis optabile, negotium esse videtur, similiterque ea, quæ dimidium per investigationis habent, plenè absolvere. Contrà maledicentiæ arte, ea quæ ab aliis inventa sunt turpiter incescere velle, nullo quidem castigandi, sed ea quæ à peritis pervestigata sunt apud imperitos calumniandi studio, id prosectò non scientiæ optabilis negotium videtur esse, sed aut maligna natura, aut ignorantia argumentum. Solos enim imperitos artis hoc factum decet, qui ambitiosè quidem contendunt, quamvis malignitati non respondeant eorum vires, ut aliorum præclara opera calumnientur; vel si illa vitiosa fuerint, ad reprehendendum se convertant. Miror quosdam Medicos istis divinis verbis accuratè perpensis frontè tamen nescio quàm huiusmodi sermones proferre, siquidem his suam malitiam aut ignorantiam teneantur. Dicere enim nostras aquas stillicidia esse aquarum stagnantium, crassæ & sæpius est ignorantix, quandoquidem videntur & potantur puræ, claræ & limpidæ, ac indefinenter fluunt illo tempore quo bibuntur, contra naturam stillicidiorum aquarum stagnantium, quæ aquâ crassâ, putri & foetidâ constant. Præterea pluries è nostris aquis elicui principia ferri & aluminis quæ ex ipsis extrahi possunt, eaque multis videnda exhibui; præstosum.*

sum adhuc easdem operationes iterare ut ponam veritatem ob oculos eorum qui fidem non habent nisi iis quæ visu & gustu percipiuntur. Er si istis experientiis virtus nostrarum aquarum ipsis innotescat, nonne insignis est malicia suis maledicentiis impedire quominus ægrotantes illas usurpent earumque beneficio suis malis medelam adferant? Itane propria utilitas ægrotorum sanitati præferenda est? Hoc valde indignum est Medico qui secundum suam definitionem, debet esse *vir bonus medendi peritus, cujus officium est appositè curare ad sanandum*. Medicus non solum vir bonus esse debet, sed etiam medendi peritus, & præscribere medicamina utiliora ad levandos ægros tutò, citò & jucundè. Verum nullum medicamen in rerum natura prostat quod adeo tutò majorem morborum partem sanet, eosque citius depellat, licet inveteratos & pertinaces, quodque sit facilius & jucundius potatu, quàm nostræ aquæ; unde fit ut illi, qui ægrotantibus eas non consulunt, peccent in ultimam definitionis Medici partem, nempe *appositè curare ad sanandum*. Hac in re circumspiciùs se gerere deberent, quandoquidem honestam artem præstentur, eam generosè exercere, nec suæ utilitati potiùs quàm ægrotantium sanitati studere debent. Venià digni essent si fatentes sibi nota non esse fossilia quibus nostræ aquæ imprægnantur, neque earum effectus observasse, pro excusatione adferrent se haud posse illas præscribere ex sola mea relatione, quia *ignoti nulla cupido*. Quid modò dicent, cum aperuerim methodum, quàm facile in lucem trahuntur metalla & mineralia non solum ex nostris aquis, sed etiam è majori parte aquarum mineralium frigidarum, & potissimum ex aquis ferrugineis, aluminosis & vitriolatis,

anatomie quam ex hoc metallo atque ex his mineralibus feci ? Sanè hoc opus fuit diuturnum & laboriosum , atque in eo perficiendo penè viginti annos impendi ; verum si considerent me spinas abstulisse & reliquisse rosas duntaxat colligendas absque ullo punitionis metu , suam excusationem admittendam non esse farentur , siquidem nunc in promptu est brevi tempore parvoque sumptu omnium mearum experientiarum veritatem agnoscere & meo dispendio arcana mea ediscere. Equidem non sum de albo eorum qui dicant omnibus non licere Dianam nudam conspiciere , non scribo illorum Chymistarum in modum , qui intelligi volunt , quique ænigmatis suos libros referciunt , ut in suis præcanis referendis lectorum torqueant ingenia : magnam famam se consecuturos esse arbitrantur cum proponunt res adeo obscuras ut ingeniorum perspicaciorum acies eas penetrare non valeat : unde valde dubito utrum ipsi met intelligant ea quæ litterarum monumentis consignarunt , ideo illorum commentatores eos incassum explicant , & sensus quos illis tribuunt , sæpe ab authorum mente longè discrepant. Equidem scribo ut intelligar , scribendo meam mentem apertè explico , quia arbitror non licere uti verbis , nisi ut omnibus mens explicetur.

C A P U T X.

Exempla.

Q Uamvis ex virtutibus & qualitatibus ferri & Aluminis , vires & facultates nostrarum aquarum satis pateant , nihilominus cum magis

moveamur exemplis quàm verbis, cumque etiam post verba effectus veluti pulcherrimæ probationes ratiocinii expectantur, quædam eorum, quæ è majori numero excerpti, proferre cogor; & illa quæ relaturus sum, de mirabilibus nostrarum aquarum virtutibus certissimum testimonium perhibebunt.

R. P. Fortinus Prævinensis Religiosus ordinis S. Dominici variis infirmitatibus divexatus primus anno 1651 aquarum nostrarum mineralium periculum fecit, easque salutiferas agnovit, adeo ut calculo laborans eas potaverit, quæ per suos renes transeuntes, illos plurimis calculis & lapillis instar pisi crassis expedierunt. Anno sequente febre tertianâ correptus, quæ singulis æstatibus recurrebat ob fervidiorem hepatis intemperiem copiosæ bilis generatricem, ad idem remedium, nempe ad nostras scaturigines reversus est, quarum aquæ calorem febrilem extinxerunt, jecoris fervorem temperarunt, renes deterferunt & stomachum corroborarunt: denique ex nostris aquis (quæ non sunt ingrata) mercedem quam meruerat abundè recepit, quòd primus eas intrepidè hauserit contra sententiam plurimorum, qui cum caligantibus oculis fossilia, quibus hæ aquæ imprægnantur, perspicere non valerent, eas stillicidia esse aquarum stagnantium, aut pratorum plantis infici arbitrabantur. Fatendum est omnes illos qui nostrarum aquarum potu à suis infirmitatibus sublevantur, huic Religioso plurimum debere, quòd suo exemplo ægrotantibus animum addiderit quòd fidentius eas biberent, & nostris civibus, ut illas ædificio ornarent, quòd nunc extructum conspicitur.

Dom. Mercator Decanus Canonicorum in Ecclesia S. Nicolai Prævinensis, cum per octo an-

nos atrâ bile vexatus fuisset, quæ tenebrosis suis vaporibus illi horrenda insomnia injiciebat, illi quoque frequentes ructus acidos suscitabat, tandem anno 1650 isthæc bilis ita efferbuit, ut in oculum dextrum deflueret, sua acredine corneam corroserit, unde cicatrix pupillæ partem occupans relicta est, quæ ejus visum admodum minuit: anno 1652 nostras aquas appetivit easque potavit; atque ex earum usu tantum emolumenti accepit, ut anno sequente iterum ad eas hauriendas accesserit, quarum ope magnum levamen sensit: nam præterquam quod viscerum obstructions solverunt & ructuum causam eluerunt, multas faeces dejectunt quibus cum bilis exusta effluxit tam copiosa & tam acris ut transeundo anum acriter pungeret: ab eo tempore hoc divino præsidio prævenit morbos quibus singulis annis per quinque aut sex menses affligi consueverat.

R. P. Ratierus Lingonensis Prior conventus Dominicanorum Pruviniensium, cum anno 1653 tibiæ tumore per sex hebdomadas laborasset, ipsum remediis ordinariis sanare tentavi, sed cum adminiculantem naturam non haberem, & malum in dies cresceret ob jecur præfervidum quod sanguinem aciem & serosum suppeditabat quem natura in suas tibiæ deponens ipsi dolores vehementes excitabat; illi consului potum nostrarum aquarum, quibus ardorem sui hepatis contemperaret, ac ipsi ita profuerunt, ut cum per quinque aut sex dies eas bibisset, suæ tibiæ detumuerint, dolores cessarint, atque uno eodemque remedio liberatus est ab hæmorrhagia cûi erat valde obnoxius: & circa finem mensis Octobris anni 1660 dolore lienis adeo acuto correptus est, ut tres dies

dies tresque noctes consequentes insomnes duxerit, atque cum hoc dolore fortiter premere-
tur, me consuluit ut sciret an nostræ aquæ ipsi
forent utiles, cui adstipulatus sum, & primâ ip-
sâ potationis die levamen doloris lienis notabile
persensit, tribus aut quatuor diebus post omnino
persanatus est.

R. P. Henricus Parisiensis Capucinus nomi-
ne Angelus cum per duos annos duplici quat-
tanâ detentus fuisset, quæ ab intemperie jecoris
præcalida originem trahebat, quod initio san-
guinem biliosum & subtilem generabat, qui
suâ tenuitate & levitate sursum latus frequen-
tibus hæmorrhagiis illum vexabat; auctâ verò
intemperie sanguinem crassum & adustum pro-
genuit, cujus excrementum cum sit copiosa bi-
lis atra quæ in alvi venulis moram trahens &
putrescens febrem quartanam suscitavit quæ in-
crescens duplex facta est vel ob copiam bilis a-
træ, vel ob admixtionem alterius humoris:
denum intemperies eò devenit, ut jecur sangui-
nem serolum duntaxat produceret, unde hydrops
ortus est, cui remedia frustra adhibita sunt;
æger enim semper tumidus & coloris flavi pal-
lescentis remansit, neque malum selectissimis
è medicina depromptis remediis cessit, quapro-
pter anno 1653 nostras aquas adiit, quæ ipsi adeo
proficue fuerunt, ut earum ope sanitatem, ci-
borum appetentiam & rubicundum colorem re-
cuperarit. Deinceps aëris mutandi gratiâ ad a-
quas Forgenſes se contulit, ubi tentatus est o-
mnibus Medicis qui tunc illic commorabantur, se:
aquas Pruvinxas aquis Forgenſibus, Pugenſibus,
Mantenſibus & Autneillenſibus præferre, quod
sua viscera obstructionibus omnique humorum
sabburâ expeditissent eis robur addendo, præcipuè
hepati & ventriculo.

F. Dionisius Sezanneus Capucinus anno 1653 colico dolore bilioso affligtus est, cui successit hæmorrhagia immodica ortum ducens è præservido jecore quod non solum producebat copiosam bilem excrementitiam generatricem colici doloris & febris tertianæ quâ singulis æstibus conflictabatur, sed etiam sanguinem calidum & subtilem qui faciliè sursum ferebatur & exitum quærebat per ramos jugularis externæ qui naribus inseruntur unde frequentes hæmorrhagiæ ipsi contingebant : his omnibus de causis nostras aquas hausit & illarum virtute viscerum ardorem ita contemperavit, ut ab omnibus suis infirmitatibus planè liberatus sit.

Antonius Patelotus novem annos natus filius Pateloti mercatoris alutarii Pruviniensis, cum sex annos natus lithotomiâ curatus fuisset, per duos annos ingentibus doloribus ab urinæ acedine excitatis divexatus est, unde ulcus carcinomatofum in extremo mentulæ exortum est, cui remedia topica incassum adhibita sunt; cumque puer per quinquaginta circiter dies ejulasset, parentes dolentes quod tamdiu puer diris cruciatibus torqueretur, eum ad nostras scaturigines deduxerunt anno 1653 ipsique potum aquarum nostrarum præbuerunt, quæ permeando ita ulcus deterferunt, ut illius lordes eluerint, ipsamque consolidarint, & perfectâ cicatrice obduxerint.

Dom. L'Ogre Curioni Sanctæ Colombæ propè Pruvinum, cum à quinque annis colico dolore bilioso subinde vexaretur, cumque per octo aut decem dies pungentibus doloribus vehementer cruciatus fuisset quibus somnus fugabatur, atque etiam ejus ventriculus cibos retinere haud posset ob vomitus frequentes, consului ut
nostra &

nostras aquas adiret anno 1654 & primâ ipsâ die vomitus desuit, tertiâ somno indulſit ac tandem à dolore colico integrè liber factus est, quia nostræ aquæ magnam viscosorum & biliosorum humorum copiam colici doloris fomitem deturbant.

Dom. Gobelinus Regi à secretioribus consiliis anno 1654 usus est nostris aquis tanquam præcipuo remedio contra intemperiem calidam jecoris quâ laborabat, calculum quo torquebatur & colluviem glutinosorum humorum quibus sui renes infarciebantur; harumque aquarum beneficio magnum levamen recepit, quòd aquæ è suis renibus viscosos humores & calculos expellendo, suum quoque jecur temperavit, & viscera præcalida copiosæ bilis excretionem refrigeravit.

Ejus uxor Domina. Gobelina eodem anno nostrarum aquarum subsidio magnopere levavit dolores lienis quibus jamdudum afflicta batur, & istæ aquæ longè facilius & citius per ejus interiora permeant quàm Forgenses, quas anno præcedente hauserat ægreque reddiderat, nostræ verò tam festinè per meatus illius corporis penetrarunt, ut citissimè eas excreverit.

Vidua Bondissa Pruviniensis cum laboraret abscessu in malleolo genito post phlebotomiam, quâ fluxio in hanc partem attracta erat ob malam constitutionem viscerum quæ generabant multos humores excrementitios quæ phlebotomia commoti ob declivem situm ad hanc partem tam abundanter affluebant, ut sæpius ejus incessum præpedirent, ac si forsan progredi tentaret, magnâ molestia maximisque doloribus afficiebatur: verum cum periculum fecisset optimorum remedium ab expertissimis Chirur-

gis Pruvinenſibus ſibi applicitorum , tandem diuturnitatis ſui morbi pertaſa per ſeptem annos integros opem quaſivit in vicinis urbibus ; illius Chirurgus tam diuturno & remediis obſiſtenti malo etiam pertaſus , anno 1654 ipſi conſuluit aquarum noſtrarum potum , quo peracto tibia omnino ſana evaſit.

Eodem anno quidam cognomine Jonchery Pruvinenſis ſex annos fluxum hepaticum paſſus noſtrarum aquarum potu ab eo liber evaſit : & anno ſequenti quendam operarium dyſenteriâ ſimul cum febre correptum ad iſtas aquas miſi , quas cùm per quinque aut ſex dies ebibiſſet ſanatus eſt, tam brevi tempore alvo reſtriçtâ febreque evaneſcente.

Pictor Pruvinenſis Sejourné vocatus cùm anno 1655 brachiorum & manuum paralyſi teneretur , aquarum noſtrarum ope ea verſatilia & robuſtiora reddidit quàm antea fuiſſent.

R. P. Bordeteau Superior Religioſorum Trinitatis Treceſis à longo tempore calculo laborans , cum aquas Pugenſes anno præcedenti hauſiſſet ad curandum hunc morbum, anno 1655 ad noſtras ſcaturigines appulit , quarum aquæ ipſi maximè profuerunt , etiamſi aſſiduâs imbribus earum virtus admodum obtunderetur : calculos tamen & arenulas à ſuis renibus exturbarunt eumque per urinas & dejectiones copioſè expurgarunt.

Dom. Laborator Pariſienſis fervore hepatis nimio vexatus , atque ejus uxor diutino colico dolore cruciata noſtrarum aquarum potu ſuis malis levamen attulerunt anno 1655.

Dom. Du Freſne Subcantor in Eccleſia cathedrali S. Petri Treceſis anno 1656 noſtras aquas uſur-

usurpavit ut ventriculum firmaret & reseraret oppilationes relictas in jecore, liene & mesenterio ab anno 1652 quo febre quartanâ laboraverat : istæ aquæ illius viscerum sordes eluerunt, eumque per urinas, dejectiones & sudores (quod nostris hydropotis ut plurimum usu venit) expurgarunt : denique ejus stomachus firmatus est, ejus quoque manus & brachia corroborata sunt, quæ ante usum aquarum nostrarum debilia & parum firma erant.

F. Eliseus Ambianus Capucinus ab inveterato & remediis obsistenti rheumatismo nostrarum aquarum beneficio anno 1656 liberatus est.

Dom. Bernardus Parisiensis salis transportationi commissus in generalitate Parisiensi, dum Pruvini commorabatur aquarum nostrarum opem à diuturno tibiarum dolore curatus est : postquam verò copiosam bilem excrevit, quæ ventriculus affici solebat, ejus viscera ad pristinum & laudabile temperamentum reducta sunt.

Tulliano Pernoto vinitori Senonensi (cujus brachia zonâ suspensa diu vidimus, cujus etiam mensa alienata fuit à colico dolore bilioso, metastasi factâ humoris biliosi non solum ad originem nervorum brachiorum & manuum, sed etiam ad cerebrum, quo debilitatum est) cum ægrè persuasissem aquas nostras potare, ob propensionem quam vineæ cultores habent ad bibendum ejusdem succum, nihilominus anno 1656 aquas minerales haurire statuit, ex quibus tantum emolumenti accepit, ut liberum manuum & brachiorum usum, mentisque sanitatem recuperavit.

Chirurgum Pruvinensem cognomine Tabu colico dolore bilioso & nephritico vexatum mense Decembri anni 1656 præsidis huic morbo

bo accommodatis sanate suscepi, cumque eum per quindecim dies curaverim absque ulla dolorum remissione quæ illi aliquantisper quiescere permetteret, tandem gelu sistente cursum aquarum vulgarium quæ cum mineralibus miscebantur, hocque modo purioribus factis eas illi bibendas suasi, quibus per tres aut quatuor dies haustis, à suis doloribus immunis factus urinam facilè excrevit, & à renibus omni saburrâ deturbatâ pristinæ sanitati restitutus est.

Vidua Tartesia Junior mercatrix Pruvienensis anno 1659 conquesta est mecum de dolore ventris inferioris quo à quatuor annis torquebatur, illi aquarum nostrarum potum consului, quoniam omnibus alvinæ regionis infirmitatibus medelam afferunt; atque cum per quindecim dies iis usa esset, tum vomitu tum dejectione humores purulentos excrevit tantâ copiâ ut hac immodicâ evacuatione fermè è vivis sublata sit; unde conjeci abscessum in parte superiore mesenterii sedem habere: illi præscriptû remedia ulcus detergentia usquedum vires essent refocillatæ, deinde eam ad aquas remisi, quarum ope perfectè sanata est.

Domicella de Bourgneuf vocata Brachiacensis, cum aquas nostras potasset anno 1654 ad viscerum fervorem contemperandum & præcipuè hepatis, qui adeo vehemens erat ut omnes cibos averfaretur: cùm verò tunc temporis ab usu aquarum aliquid levaminis persensisset, annis 1659 & 1660 eas iterum bibere statuit, ex quibus tantum emolumenti accepit, ut etiamsi à pluribus annis nupta nec prægnans facta fuisset, gravidari inceptit, diutino aquarum nostrarum potu, laudabili temperamento restituto, quia cum intemperies per longum tempus paulatim increverit, ideo pluribus annis hoc remedio
uti

debut quo illa destrueretur & ad statum naturalem sensim reduceretur.

Dom. Melinus Presbyter in Ecclesia S. Crucis Pruviniensis, Privatus Lanio, Mauricius pileorum artifex omnes Pruvinienses, cum brachiorum & manuum paralyfi à colico dolore bilioso ortum trahente detinerentur, harum partium motum & usum liberum miraculosis nostrarum aquarum virtutibus recuperarunt annis 1659 & 1660.

Anno 1663 R. Mater Prior Religiosarum ordinis S. Bernardi montis divæ Mariæ prope Pruvinum nostrarum aquarum usu liberata est à febre quartanâ triennî, cujus paroxysmi adeo vehementes erant, ut convulsionibus eam concuterent; insuper causa hujus morbi adeo altas radices egerat, ut vim omnium remediorum eluderet: præterea duabus vicibus erysipellate simul cum febre correpta est, quod primâ vice faciem diuturno, secundâ totum corporis habitum brevi tempore infestavit: atque hoc divino præsidio tot ac tantis malis quibus afflictabatur finem imposuit, omnium suarum infirmitatum causâ sublatâ, omnium partium in alvina regione contentarum obstructionibus apertis, roboratis & temperatis visceribus, ita ut ad statum naturalem reducta sint.

Nobili puellæ cognomine d'Uly Pruviniensi anno 1664 febre quartanâ correpta certam suæ febris curationem spondi dummodo nostras aquas deglutiret, cujus sponsonis veritatem experientia comprobavit: omnes enim qui istâ febre atque etiam lienis doloribus discruciantur istis salutaribus aquis citò sanantur, quod hujusmodi morbi ortum ducant à copia humorum crassorum & glutinosorum quibus substantia lie-

nis fungosa & spongiosa infarcitur & oppilatur sed nostræ aquæ quæ ob chalybem sibi immixtum operientes sunt, suorumque spirituum beneficio per meatus angustiores penetrant & permeant, lienem maximè petunt (quod nostri potatores manifestè sentiunt) ubi diluentes hunc humorem crassum & viscosum, eum per dejectiones & per urinas deturbant, sublataque causâ statim tollitur effectus: sicque ab omnibus suis infirmitatibus brevi liberantur ægri, quæ aliis remediis difficulter cedunt, quæ etiam quandoque per plures annos perdurant. Nunc ad Peruvium remittenda est radix Chinachina quæ non tam certò febrem quartanam fugat quàm nostræ aquæ; quia præterquam quod illa multum calefacit, febris reditum non prohibet. Quorægrotantes vidi qui vino emetico præparati plures ejus doses sumplerunt, qui tamen in eandem febrem relapsi sunt? sed ex iis qui nostras aquas potarunt, nullus ne minima quidem febris accessione vexatus est post ejus curationem, quæ semper evenit, postquam ægroti per decem aut duodecim dies biberunt.

Arthritici quoque nostris aquis se ingurgitare voluerunt quoniam aliis morbis, præter arthritidem, obnoxii sunt, quibus nostræ aquæ medelam adferunt, quòd a vitio viscerum in inferiore ventre contentorum ortum trahant: quapropter sanant etiam colicos dolores qui sæpe in arthritidem permutantur, naturâ expellente & detrudente humorem partes interiores pungentem & lædentem, in exteriores & distantiore, nempe in articulos (ut testatum habemus in pluribus civibus hujus urbis qui è colico dolore in arthriticum deciderunt): insuper dolores arthritici ab humore bilioso geniti, qui frequen-

tiores

tiores sunt , intemperiem jecoris calidam accu-
sant , quam nostræ aquæ suâ frigiditate tempe-
rant , & hocce modo hujushumoris excremen-
titii in articulos decidui generationem cohibent ,
ac consequenter eos à doloribus liberant , si non
semper, saltem ad aliquod tempus, ut in plerisque
arthriticis perspectum habemus.

Nolo tadium creare lectoribus exempla parti-
cularia referendo , singulorumque morbosex-
ponendo : summam tantum dicam ab anno
1651 plurimos ægrotantes aquarum nostrarum
ope pristinae sanitati restitutos esse ; & experien-
tiâ certiores facti sumus quibus morbis conve-
niant ut vomitui , dolori & debilitati ventricu-
li , inappetentiæ , siti nimia , oris amarori ,
fervori hepatis & viscerum , obstructionibus je-
coris , lienis & mesenterii ; lienis doloribus ,
calculo , urinæ acredini , dysuriæ , gonorrhææ ,
ulceribus renum , vesicæ , virgæ , ulceribus &
fistulis perinæ , hæmorrhoidibus , abscessibus &
ulceribus mesenterii , colico dolori bilioso &
nephritico , hydropi ab obstructione aut præ-
fervida viscerum intemperie ortæ , scirrhis inci-
pientibus jecoris & lienis , ictero , fluxibus bi-
liosus , hepaticis , dysentericis , lumbricis , fluxu
albo , flavo & viridi (nostræ enim aquæ hunc
fluorem rubrum efficere non verentur) men-
struis inordinatè fluentibus , seu parçè seu co-
piosè , ea enim ad fluxum naturalem & mode-
ratum reducant ; illis quibus cum dolore ea
superveniebant , indolenter fluxerunt ; illis
quibus deficiebant , tempore ordinario accide-
runt , atque hoc remedio fœdus faciei color in-
rubicundum versus est : medentur hystericæ
passioni à quacunque causa genitæ : detergunt
& roborant partes generationi dicatas , ita ut ho-
mines generationi aptos reddant qui aut pro-
pter.

pter intemperiem, aut propter obstructionem vasorum quæ his partibus alimentum distribuunt, steriles sunt : utiles sunt vertigini, epilepsiæ, hemicranix, cephalalgix per sympathiam inferioris ventris genitis : cordis palpitationi, melancholiæ hypochondriacæ, vigiliis, nocturnis inquietudinibus, aurium tinnitibus qui generantur à vaporibus qui è præfervidis visceribus sursum tendunt, hæmorrhagiæ, tibiæ ulceribus & doloribus qui à vitioso hepate aut liene foveantur, rheumatismis, ophthalmiæ, faciei rubori vel simplici vel cum pustulis, scabiei, erysipelati, pruriti & ulceribus externis tum intus assumptæ, tum extus applicitæ, atque etiam lotionem membra relaxata & debilitata firmanant : tandem nostræ aquæ non solum manus, brachia & membra debilia roborant, sed etiam partibus omni motu privatis statum naturalem atque pristinum usum restitunt : denique aperiunt, detergent & contemperant omnes ventris inferioris partes iis robur & constitutionem naturalem reddendo, unde tot curæ notatu dignæ proficiunt. Non arbitror omnes Medicos tam antiquos quàm modernos ullum unquam remedium adinvenisse adeo proficuum adeoque amicum humanæ naturæ, quod uno eodemque tempore purgat, deterget, temperat & corroborat omnia viscera ac tot tamque diversis morbis auxiliatur. Nunc oblivioni tradantur panacea, catholicum & panchymagogum, siquidem in nostra aqua minerali veram reperi panaceam quæ penè omnes infirmitates sanat, verum quoque Catholicum & panchymagogum quod omnigenam bilem & viscosos humores expurgat atque etiam serosis se immiscendo eos secum rapit ac eliminat, unde quidam ex nostris potatoribus plus aquæ reddunt quàm assument.

Non

Non dubito quin plerique tot mirabilium nostrarum aquarum effectuum lectione obstupescant, illisque ægrè fidem adhibeant; verum si diligenter perpendant potentes chalybis virtutes aluminis facultatibus associatas, apertè cognoscent quomodo convenient virtutes nostrarum aquarum cum viribus hujus metalli hujusve mineralis. Nunquid verum est crocum martis astringentem roborare stomachum, hepàr, lienem, denique quicquid in regione alvina continetur, atque etiam omnigenum humorum fluxum sistere; & crocum martis aperientem potentissimum esse remedium quo viscera pravà illuvie expurgantur eorum meatus angustiores aperiendo & reserando omnes obstructions partium in alvo conclusarum, ac præcipuè matricis: alumen quoque suà forti adstrictione omnes ventris inferioris partes corroborare, earum ulcera sanare, illa detergendo eorumque putrescentiam corrigendo? Verum omnes curationes insignes fiunt aperiendo, detergendo, roborando & temperando viscera. Hoc quidem magnum est naturæ arcanum, nec mirum si tot præstantissimi Doctores tamdiu laborarint ut remedium hisce facultatibus dotatum invenirent quod suà arte atque industrià nondum assequi potuerunt, sed natura arte longè præstantior liberali manu unum nobis exhibet, quod artificio nobis incognito præparavit, quia in terræ latebris operatur, sed nobis sufficit illud optimè esse elaboratum & secundum omnium Medicorum intentionem, quandoquidem idoneis pollet viribus tot ac tam diversis morbis sanandis, adeo ut perpauci reperiantur, quibus levamen non adferat.

Cùm tot mirabiles aquarum mineralium effectus perspecti sint, illi à ratione alieni mihi esse videan-

videntur qui se earum hostes profitentur, velut illi qui aquam Sequanæ, omnemque aliam aquam communem æquiparandam esse minerali asserunt, quod magna in quantitate ingurgitata alvum æquè laxet ac mineralis: quod quidem verum est de omni aqua facilè permeante: sed observatione dignum est, aquam mineralem, præter plures alias virtutes quibus pollet, citò per meatus corporis pertransire, eamque hoc habere peculiare, ut alvum laxet omnes suas interiores partes corroborando: contrà verò aqua simplex eas relaxat & debilitat: cujus rei periculum in me feci, antequam nostræ aquæ usurparentur: cùm aquam communem jejuna bibi ut nimium viscerum æstum moderarer, sitimque extinguerem, ex ejus potu plus detrimenti quàm emolumenti accepi: etenim cùm aqua vulgaris ob frigus sibi innatum facilè non permeet, meum ventriculum refrigerabat & debilitabat ita ut cibos absque labore & dolore coquere non valeret, unde nausea sæpe & vomitus aliquoties mihi supervenerunt: ardores hepatis, lienis aliorumque viscerum non cessabant, sitis perseverabat ob causam in interioribus partibus resistentem, nempe bilem viscidis humoribus involutam: sed nostræ aquæ minerales quæ istos humores expurgant, fervorem viscerum contemperant & firman ventriculum principiis minerarum chalybis & aluminis quibus constant, quorum ope per meatus angustiores citò transeunt & penetrant ut omnibus partibus refrigerium concilient, quod ita sitim sedat, ut multi è nostris hydropotis reliquâ die nullum alium liquorem deglutiant; ac si forsitan quidam potum appetant, parcè ac minus solito hauriunt. Sanè jucundissimum est istarum aquarum beneficio calorem moderatum &

tem-

temperatum conservare, & cùm universa terræ superficies à canicula exurit, ab ejus ardoribus hoc gratissimo refrigerio letuari. Quis unquam audivit aquam communem sanare omnigenum alvi fluxum, mulierum menstruis ordinem imponere, colicis doloribus mederi, motum brachiis paralyticis restituere, ceterosque morbos fugare, quorum suprà mentio facta est? nihilominus tamen mineralis non verò vulgaris aqua illud habet peculiare ut hos effectus salutares producat.

Deum summis laudibus efferre debemus quod peculiari quadam indulgentiâ nobis largitus sit remedium sanandis tot morbis huic urbi endemicis accommodatissimum, quæ quod in locis paludosis sita sit atque ita vicinis montibus circumvallata, ut venti (qui aërem suâ ventilatione purificant) illam satis liberè perflare nequeant ad dissipandos vapores crassos & glutinosos è stagnantibus aquis elatos: quam nobrem in inferiori urbe quæ est populosior, cives aërem crassum & nebulosum respirando attrahunt, & qualis est aër, tales sunt spiritus; & quales sunt spiritus, tales sunt humores; unde etiam plurimi humores crassi & viscerati coacervantur, qui sunt materiæ idoneæ formandis obstructionibus in hepate, liene, mesenterio, cæterisque partibus alvinis, & quibus sobolescent tot febres tertianæ simplices & duplices, quartanæ, colici dolores omnigeni & alii diuturni morbi, quibus omnibus curandis & præcavendis nostræ aquæ sunt aptissimæ, quòd harum omnium partium oppilationes referent, illarumque pravam illuviem mirificè expurgent. Altera causa nostrorum morborum & dolorum est aqua nostra vulgaris, cujus scaturigines cùm è rupibus emergant, ideo qualitate lapidificâ
dota-

dotatur, ut observamus in canaliculis plumbeis per quos deducitur. quorum in parietibus materies tartari in modum generatur, ipsisque obhæret, quæ aliquando tam immoderatè crescit, ut meatum obturet, atque etiam tractu temporis ipsosmet canaliculos lapidificat, sicut in veteribus notavi, qui ab aliis separati & è terra eruti plutibus in locis lapidificati sunt: quare cum minima est ad calculum dispositio, usu istius aquæ humores viscosos coagulantis calculus efformatur: unde colici dolores nephritici in hac urbe tam frequentes sunt & tam magnus civium nostrorum numerus calculos & arenulas ejiciunt. Cæterum nunc illud verum esse experimur, quod vulgò dicitur, ubi est malum, ibi Deus immensâ bonitate suâ remedium posuit, nempe aquam nostram mineralem, quæ non modò detergit omnesque sordes in renibus, vesica cæterisque partibus excretioni urinæ dicatis contentas deturbat, verum etiam hanc molestam ad calculum dispositionem expungit meatus aperiendo, viscera contemperando & ad constitutionem naturalem omnes partes reducendo. Cum verò cives nostri huic colico dolori non modò sint obnoxii, sed etiam bilioso à quo sæpe brachiorum & manuum paralyfi corripiuntur, ab hoc morbo liberi fiunt nostrarum aquarum potius quàm Borbonensium ope, quod in quibusdam ægrotantibus observavi qui cum hujus morbi curandi causâ aquas Borbonenses hausissent, ex earum potu tam parum levaminis receperunt, ut ad nostras reverti coacti fuerint ad liberum membrorum usum recuperandum, qui in eo non fuere decepti & eventu comprobarunt ad colicos dolores biliosos & partium superiorum paralyfim ipsos subsequentem, aquas ferro & alumine tinctas sulphureis præferendas

rendas esse, quippe quæ calidæ existentes visceribus caliditatem addant, & consequenter causam mali non eradicent sed foveant: quapropter isti ægri aquas minerales frigidas potius quam calidas quærere debent, ut optimè probat J. Cattierus Medicus doctrinâ & experienciâ clarissimus tract. de aquis Borbonensibus c. 5. ubi manifestat errorem eorum qui illas ægris calidâ viscerum intemperie laborantibus præscribunt, veluti vexatis colicis doloribus biliosis qui à præfervido jecore ortum ducunt quod copiosam bilem excrementitiâ generet, quæ in intestinis à viscidis humoribus retenta, atque etiam aliquando inter intestinorum membranas coercita, pungentes dolores suscitât, tum suâ levitate ad cerebrum elata convulsiones terribiles excitât: verum si ad medullam spinalem feratur, nervos superiores semper afficit, eosque ita obturat, ut spiritus animales suis radiis brachiorum & manuum musculos illustrare nequeant, nisi parumper, unde harum partium motus perit, superstitè earum sensu. At nostræ aquæ quæ biliosos & glutinosos humores dejiciunt longè efficaciores sunt aquis Borbonensibus ad extirpandam causam horum dolorum colicorum, quandoquidem deturbando bilem in inferiori ventre latitantem, consecutione necessariâ attrahunt eam quæ medullam spinalem occupat, & quæ nervos in suo exortu offert, quâ demptâ, partibus paralyticis motus restituitur; cum verò naturaliter sint frigidæ immoderatum jecoris fervorem contemperant, & ita roborant ut amplius non generet bilem superfluam qualitate acrem & malignam, sed tantum naturalem quæ intestina clysteris in modum vellicando, ea ad excrementa dejicienda excitât, quæ ipsis sunt oneri & quæ diutinâ mo-

râ iis officerent, ita ut præstantissimo hocce præsidio colico dolore detenti non solum se liberent à præsentibus doloribus, vomitibus & siti continuâ hos comitantibus, convulsionibus & paralyti hos sequentibus, verum etiam immunes fiant ab omnibus symptomatis quibus per intervalla affligi solent.

Non suscepi hunc discursum de nostris aquis mineralibus proutquam plurima eximia sua virtutis experimenta vidissem, earum quoque periculum in me fecissem anno 1653 ob aïdores Hypochondriorum adeo vehementer me excruciantes, ut ore flammam reddere mihi viderer, unde oris amaror, nausæa & vomitus mihi supervenerunt; præterea totius corporis lassitudine spontaneâ & lumborum gravi dolore correptus sum, sompnum inquietum & intolerabilibus caloribus comitatum ducebam; quæ omnia me coegerunt ut numero potatorum me adungerem ad præcavendos morbos in quos certo certius casurus eram: quia anno 1643 post similia signa circa finem mensis Junii febre tertianâ nobîa correptus sum, quæ duplex facta me affixit usque ad finem mensis Octobris, & typum mutans modo tertiana simplex, modo duplex erat; sequenti anno 1649 eadem febre conflictatus sum à mense Augusto usque ad mensem Novembrem; & nostrarum aquarum beneficio isthac incommoda effugi, calor moderatus est, ciborum appetentia mihi restituta & nocte placidè quievi. Me expurgarunt tum per sudores & urinas, tum per alvum copiosa excrementa biliosa & viscida eliminando, quæ sunt materiæ idoneæ generandis febribus similibus iis, quibus annis præcedentibus divexatus fueram, tam obstructions efficiendo in partibus alvinis, quàm putredinem concipiendo: præterea fervorem meorum

meorum viscerum contemperarunt & stomachum firmarunt. Illo anno duntaxat per decem dies aquas nostras potavi, quia nondum perfectè cognoscebam fossilia quibus constabant, quibus explorandis postea sedulo incubui, ut liquet ex his quæ supra scripsi. Hac de causa mensè Martio anni 1654 mineram ferri tanto labore perquisivi, ut vehementi rheumate correptus sim quod à calore hoc motu violento in visceribus excitato originem trahebat, qui ita exarsit, ut propagatus sit ad cor & pulmones qui hoc pacto incaléscentes ad se alliciebant humores, quibus in eos depluentibus tussis valde molesta mihi accidit, unde meus animus phthiseos metu perculsus est, tum quòd rheuma me vere prehenderat (*autumnus enim tabidus malus sicut & ver*) quòd febrem lentam & pulmonum calorem comites habebat. Quocirca omnes nervos adhibui ut me hoc morbo liberarem, tam venæ sectione quàm purgatione ex cassia, observando interim dietam refrigerantem, utendo fero lactis clarificato & hordei à corticibus purgati decocto, quibus præsidii nonnihil levatus sum, & ardor viscerum temperatus est, sed sanitas integra mihi non fuit restituta: quapropter cum magna animi ægitudine expectabam donec nostri fontis ædificium constructum & tempus aptum esset ad nostras aquas bibendas, quas meis experièntiis ferro & alumine constare agnoveram, ac consequenter pulmonibus minimè noxias, quia cum ferrum alumen in nostris aquis adæquet, ferrugineo sapore aluminis saporem & præcipuè ejus acorem ita obtundit ut ægrè percipiatur: unde ex illo præstanti remedio me perfectè sanum fore sperabam: etenim cum ad tempus potandis nostris aquis accommodatum pervenissem, nimirum

ad finem mensis Julii, ob pluvias quæ impedi-
verant quominus ad eas aditus citius pateret,
ad eas me contuli, illasque per spatium tri-
ginta dierum hausi, atque hocce remedio me
liberum reddidi à rheumate, febre lenta, ardori-
busque nimis quibus vehementer cruciatus
fueram, impinguatus sum & annum sequen-
tem cum majori sanitate quàm antecedentes an-
no transegi. Mense Augusto anni 1655 visceri-
bus æstuantibus & rheuma producentibus, no-
strarum aquarum per spatium viginti duorum
dierum potu, refrigerium conciliaui, unde
mea sanitas ita renovata est, ut alius homo esse
viderer, novâ virtute visceribus ab hoc divino
remedio additâ; adeo ut à decem annis minus
incommodi persenserim & pectus à suis fluxio-
nibus ordinariis immune fuerit, quæ tussis &
sputationes molestissimas concitabant. Tandem
mense Julio anni 1656 mihi laboranti duplici
tertianâ ingenti rheumate, oris amaro, dolo-
re capitis, colli ac penè totius corporis comita-
tâ, venæ sectionem, dein purgationem impe-
ravi quò me prepararem ad aquarum nostrarum
potum, quibus per septem aut octo dies epotis,
omniò convalui. Vigesiinâ sextâ die mensis
Octobris sequentis hausi duodecim pocula no-
strarum aquarum quæ alvum mihi quater duxe-
runt homoresque biliosos & viscidos absque ul-
lo labore ulloque dolore copiosè dejecerunt, at-
que harum aquarum ope curatus sum, quia
meæ febres, tussis & fluxiones ordinariæ à vi-
scerum & præsertim hepatis calore oriuntur, quod
copiosam bilem suppeditat quæ circa viscera hæ-
rens ea calefacit adeo ut indefuenter fument &
vapores ad cerebrum mittant, qui ibi conden-
sati & spissiores facti in aquam vertuntur, quæ
deinde distillat aut in pectus & magnam tussim
excitat,

excitat, aut in ventriculum & illum debilitat, quemadmodum mihi accidit annis 1653 & 1654 quibus hisce symptomatis ita conflictatus sum, ut præter dolorem continuum quo istæ partes afficiebantur, omnes ferè cibos averſabar & vomitu sæpe eos rejiciebam: verùm aquarum noſtrarum ſubſidio meo ſtomacho priſtinum robur redditum eſt, mea ſanitas melior facta quàm unquam fuit, potiffimum quia earum uſu alvus ſuam deſcendi facilitatem recuperavit quam perdiderat ob nimium calorem omnem ſæcum humiditatem abſorbentem: unde viſcerum ardor adeo temperatus eſt, ut immunis ſim ab iis caloribus quibuſtot annos divexatus fui. Ex his optimis effectibus exploratum habeo quò plus iſtis aquis utor, eo melius me valere, hoc enim præſtantiffimo remedio mea ſanitas ſingulis annis incrementum capit. Unde obſervavi in morbis pertinacibus & inveteratis neceſſum eſſe ut ægri pluribus annis conſequentibus noſtras aquas bibant, & ſingulo quoque anno per viginti aut triginta dies potent, quia morbus qui paulatim radices egit, ſenſim eradicandus eſt: *omne ſiquidem nimium natura inimicum, paulatim verò quod ſit, tutum.* Præterea virtutes & qualitates mineræ ferri & aluminis, lentè agunt, ſed tutò, unde longo tempore egent ut corporibus infirmis impruuantur eaque priſtinæ valetudini reſtituant, viſcera contemperando & corroborando, quæ deinceps ſuis functionibus liberis ac firmis utentia homines ſanos conſervant, eoſque ſuaviſſimis vitæ oblectamentiſ frui permittunt. Equidem quod vitâ & meliori ſanitate quàm antea potiar, id totum debeo ineffabili benignitati Dei qui his in locis produxit ſcaturigines aquarum adeo ſalutarium & proficuarum omnibus meis infirmitatibus,

ut etiamſi à natura ſim infirmus & valetudina-
 rius, hoc inſonti remedio me tantà facilitate
 levavi ut ab eo tempore quo artem medicam
 exerceo nullum majus naſtus ſim præſidium ad-
 verſus morborum quibus divexabar ſavitiem.
 Id ipſum adhuc iteratà experiencià confirmatum
 eſt; nam cum menſe Majo anni 1663 ictero
 morbo defædatus eſſem, qui à pertinaci folli-
 culi fellei obſtructione originem trahebat, quan-
 doquidem mea urina luteo & fæces albo colore
 tingebantur, ob prohibitum bilis in inteſtina
 deſcenſum: poſtquam uſurpavi remedia præ-
 ſtantiffima ac potentiffima huic morbo curando
 idonea, tandem noſtras aquas adire coactus
 fui ut illarum beneficio iſtum meatum choli-
 dochum aperirem humoribusque in veſicula bi-
 liaria contentis exitum darem, temperarem je-
 coris ardorem, totam bilem excrementitiâ
 expurgarem, & luteum eluendo colorem nati-
 vum mihi reſtituerem. Quocirca ne videar in-
 gratus tot beneficiorum quæ noſtræ aquæ in me
 largiter profuderunt, diligenter inveſtigavi
 principia foſſilium quorum viribus & virtute
 dotantur, earumque optimos effeſtus notavi eo-
 rum divulgandorum gratiâ, ut ægrotantes qui
 iſtis aquis opus habent, abſque illarum notitiâ,
 non utantur hoc remedio tam raro, tam utili
 ac tam grato, ut cætera remedia ſuperet tum ca-
 piendi facilitate, tum qualitatum bonitate:
 quod allicere debet omnes eos qui morbis ſu-
 prædictis vexantur ad inviſendos noſtros fon-
 tes vigentibus æſtatis ardoribus, ut ab iis refri-
 gerium quarant & fruantur gratiis & favoribus
 quæ largiri ſolent illis qui dum infirmitatibus &
 doloribus conſiſtantur, eorum opem efflagi-
 tant, etenim adeo bonæ & beneficæ ſunt naturæ,
 ut nemo ab iis diſcedat quin prius ipſi plenam ſa-
 tisfa-

satisfactionem, suis malis levamen & sanitatis augmentum tribuerint.

CAPUT XI.

QUESTIONES.

QUESTIO I.

Quomodo fieri potest ut aquæ minerales suppressos menses evocent & enormiter fluentes compescant qui duo sunt effectus omnino oppositi ? Respondeo mineralia diversa habere principia, quæ cum diversis facultatibus polleant, diversos quoque producant effectus, quod examinare nobis expedit. Primò causæ quæ cohibent menstruorum fluxum ordinarium sunt duplices, nam id fit vel propter sanguinis crassitiam, vel propter obstructionem vasorum quibus ad matricem sanguis deducitur : dubitandum autem non est nostras aquas utrique affectui mirificè opitulari, crassum scilicet sanguinem incidendo & uteri meatus aperiendo ope spirituum, sulphuris, & salis volatilis faorem mineralium. Secundò quod ad causas fluxus immoderati mensium spectat, hæ sunt vel humorum acrimonia quâ per uteri venas exiunt affectant, vel serosi sanguinis immodico viscerum calore attenuati copia, qui tenuitate viam sibi extus parat, ac vix suis potest cohiberi conceptaculis, vel etiam vasorum imbecillitas. Nostræ vero aquæ suâ qualitate humectante sociatâ simili phlegmatis mineralium qualitati, humorum acrimoniam demulcent, & qualitate refrigerante sociatâ simili phlegmatis & terræ qualitati, nimiam viscerum calidi-

tatem contemperant; virtute adstringente terræ & salis fixi, vasa roborant ac comprimunt: cumque spiritus etiam sulphur & sal volatile ferum per vias urinæ eliminant, sanguini majorem crassitiem & consistentiam naturalem conciliant. Demum nostræ aquæ omnes alvinas partes ad constitutionem naturalem reducendo, & viscera roborando efficiunt ut natura in iis dominium habeat; adeo ut suas functiones cum vigore obeundo, ordinem menstruis tribuat, quæ foeminis benevalentibus moderatè & ordinatè fluere debent.

Q U Æ S T I O II.

QUâ de causâ aquæ minerales Pruvinenfes febres curare dicuntur? cum illi qui aquas metallieas sive calidas sive frigidas potant, febre superveniente iis valedicere cogantur, quod inficiari nequeo, quoniam id denotat corpus nondum esse satis præparatum, neque à copia humorum excrementitiorum & putridorum sufficienter repurgatum, qui vacuandi sunt priusquam quispiam ad fontes minerales accedat, quò aquæ faciliùs & celerius pertranseant. Verùm cum venæ sectionibus & purgationibus necessariis corpus apprimè dispositum est ad usum aquarum, tum mirum non est si nostræ aquæ febres intermittentes depellant, quia earum sedes & fomes posita sunt in alvina regione, in qua virtus nostrarum aquarum maximè elucet obstructions aperiendo, incidendo & diluendo humores crassos & glutinosos ipsosque vacuando & secum rapiendo, viscera roborando & temperando, sicque demptâ causâ, effectus quoque demitur.

CAPUT XII.

De Diata in usu acidularum observanda.

Diatam in usu aquarum nostrarum observandam silentio involvere decreveram, quia non differt ab ea quæ in cæterarum aquarum mineralium frigidarum potu usurpatur, de qua tot docti Medici fusissimè pertractarunt à quibus edisci potest: at cum plurimos vidissem iis consideratè uti rectam vivendi rationem negligentes, unde plures noxæ ipsis eveniebant, quas postea salutaribus nostris aquis perperam imputabant, cum ipsi damnum sibi accerferent, corpus debito modo non præparantes, neque se continentes intra limites potatoribus præscriptos circa rationem victus, exercitationes corporis, usum aëris, somni cæterarumque rerum non naturalium: verum ut his malis obviam irem & impedirem ne quisquam in vivendi norma peccaret, visus sum cogi aliquid tradere de victus ratione quæ in usu istarum aquarum servanda est: si verò hoc in loco à sententia eorum qui de diata in usu acidularum observanda scripserunt, non recedam, mirum non est, quandoquidem in eadem materia eodemque subjecto in quibus eadem sunt indicationes, videndi ratio non est immutanda; si artis axiomatis insistere est animus.

Animadvertendum est igitur an ille qui ad acidulas accedit sit juvenis, plethoricus, constitutione sanguineus, quod testantur color rubicundus, habitus eufarcus; frequentes sanguinis fluxus seu per nares, seu per alium meatum;

tunc ei alvus eluenda est clystere, postridie manè sanguis educendus, dein juxta præscriptum Medici ordinarii catharsi refrigerante humores excrementitii deturbandi sunt: si sit cacoehymus, catharsi duntaxat indiget, postridie manè disponetur ad aquarum potum, incipiendo à sex aut septem cyathorum haustu, & quotidie cyathum addendo & sensim progrediendo usque ad duodecim, quindecim aut viginti cyathos, denique ad eam quantitatem quam quisque haurire poterit absque ullo incommodo procedet, ratione semper habita ætatis, constitutionis fortis aut debilis & capacitatis ventriculi, & sanè quo major aquarum quantitate ingurgitatur, eo plus emolumenti accipitur, modo facile permeent; earum potus continuandus est per spatium decem, quindecim aut viginti dierum, aliquando per mensem, aut sex hebdomadas, ut expostulat magnitudo morbi & longitudo temporis à quo ægrotum cruciat: earum potus usurpari potest per quindecim dies, dein per mensem intermittendus est ut iterum per totidem dies assumatur, atque etiam in morbis contumacibus & inveteratis, anno sequenti ad eas redire necesse est. Quibus aquæ sunt proficua, illi per plures annos consequentes eas usurpare debent, quia ad aliquem morbum gravem & altis radicibus infixum evellendum, per pluriem dierum spatium & per diversa intervalla potandæ sunt, alioquin earum qualitas & virtus mineralis corpori imprimi nequit, quoniam aqua ferro & alumine imbuta non cito sed tuto operatur.

Cùm eas in usum revocamus vel ad præcautionem, vel ad levem morbum sanandum, decem aut duodecim dies sufficiunt partibus naturalibus temperamento restituendis, earumque meatibus.

aperiendis, vacuandis ac pravâ humorum illuvie expurgandis.

Sis in die usurpari possunt, sed vespertino circa horam tertiam, dimidio minus quàm matutino tempore potantur, quod robustis tantùm competit, quorum ventriculus illo tempore ciborum coctionem perfecit: quod tamen probare nequeo, quia chyli distributio tunc plane non est peracta.

Paulatim harum aquarum potui assuescendum, ne corpori noxam inferant. Initio sufficit dimidium dosi aquarum quas potare est animus, quæ augenda est in dies donec perveniat ad dosim quam ventriculus ferre potest absque molesta gravitate, dolore, flatibus, & vomitu; item necesse est ut aquæ facile ac festive per alvum & urinas transeant, ita ut horâ prandii ventriculus sit vacuus & cibos appetat: tum in eadem dosi aliquot diebus perseverandum, ac gradatim rursus descendendum, donec iterum ad primæ dici dosim sit perventum. Nec tam præcipitanter sunt ingurgitandæ, ne ventriculum gravent, ac intra tres horæ quartas aut integram horam tota mensura bibenda, quin etiam post haustum unius aut alterius cyathi cinnamomum vel anisum conditum manducandum, quo his conditis os calefactum cæteros cyathos avidius hauriat, quo etiam flatuum molestia tollatur, tum leviter deambulandum: & consentaneum esset post medix dosi assumptionem, quartam horæ partem interponere, tum reliquos cyathos interpolationi deglutire. Nemo verò haustis aquis ad prandium aut coenam accedat, nisi interposito justo intervallo, horarum scilicet quatuor, donec etiam tota æqua, aut major pars illius excreta sit, & urina quæ antea clara & limpidæ erat, tincta prodeat,

sedulò quoque observandum an aqua quæ die ac nocte per urinas aut per alvum ejicitur potus matutini rerumque potulentarum in partibus assumptarum quantitatem adæquet. Si quis forsitan potus initio agrè aquas reddat, hinc non debet metuerè neque occasionem arripere eas deferendi, sed animosè perseverare debet, quia per aliquot dies potæ meatus aperiant, dein faciliùs permeant: modò etiam intra viginti quatuor horas pertranseant, sufficit. Verum si per dejectiones & per urinas minor aquarum quantitas excernatur quam fuerit assumpta, hoc potatores detertere non debet, quia nativus æstivusque calor semper aliqualem earum partem absomit, præter eam quæ per cutis spiracula evacuat quæ quandoque adeo copiosa est, ut aquæ ferè totæ per hanc viam exeant, tunc verò pauca urina effluit: quod in quibusdam annotavi qui hoc symptomate perterriti admodum verébantur ne quid sinistri sibi superveniret, existimantes istas aquas per urinæ ductus esse vacuandas, atque in eo errarunt, siquidem inde non modò vel incommodi passi sunt, verum etiam à suis morbis liberati fuere. Sed quod omnem admirationem superat, sunt quædam naturæ quæ, licet nostras aquas tam difficulter reddiderint, ut illæ majori ex parte in ventre hæserint, inde tamen nihil damni acceperunt, quod adversatur sententiæ omnium hydrographorum qui autumant aquas in corpore retentas putredinem concipere indeque mille incommoda sobolescere. Certè hîc fatendum est ab experientiâ ratiocinium sæpè numero coargui: verum quidem est istas aquas remediis idoneis eliminandas esse, inter quæ manna calabrinum cæteris antepono. Hæc quæ de nostris aquis reuli, quamvis paradoxa, vera esse testabuntur

R. P. Christophorus Parisiensis-Capucinus , & Dom. Meldensis cognomine Payen , qui usu nostrarum aquarum multum levaminis suis malis attulerunt , quamvis eas vix ac pauca in quantitate reddiderint , id quod rarissimè nostris hydropotis accidit qui eas tantâ facilitate reddunt , ut major pars eorum illas excreverint ante decimam horam matutinam. Insuper observavi vigentibus æstatis caloribus longè minorem harum aquarum copiam per urinas effluere , quam dum aër est subfrigidus , tum ob immodicos sudores , tum ob ardorem solis qui omnia corpora sublunaria , eorum humiditatem absorbendo , exsiccat , unde licet assumamus majorem potus , minorem tamen urinæ quantitatem reddimus æstate quàm hyeme. Alia adhuc restat via per quam nostræ aquæ exitum quarunt , nimirum per sputa quæ omnibus nostris potatoribus frequentissima sunt. Itaque illi qui aquas excretas diligenter trutinare cupiunt , ad has omnes evacuationes , non verò ad solam urinæ excretionem spectare debent , ut inter aquas evacuatas & assumptas proportionem æqualitatemque deprehendant.

Notorium est istas aquas meliores efficacioresque esse prope scaturiginem potas quàm longè translatas quoniam earum pars subtilior protinus exhalat , quâ dissipatâ , minus aperientes & leves minusque vaporiferæ , sed refrigerantiores evadunt. Cum verò aliquid obstat quominus ægrotans ad scaturiginem accedat , aquæ in cubiculum usque asportari possunt , dummodo lagenæ probe sint obturatæ.

Si quis aëri se exponere desideret , ille idoneum eligere debet qui neque calidâ neque frigidâ qualitate excedat , sed qui sit temperatus & à ventis vehementer perflantibus , pluvîâ & nebulis

liber; & extus deambulando cavendum est ne ardentes solis radii caput feriant & aquam ad cerebrum evehant.

Duo pastus, nimirum prandium & cœna valentibus & robustis sufficiunt, verum infirmis & debilibus qui aquas potant ut pristina valetudini restituantur, tribus horis ab aquatum hau-
 stu, horis vetò duabus ante prandium jusculum est assumendum, & merenda sit biscoctum aut macaro, aut panis frustulum condituris quibusdam incruentum, ut cum vires his cibis refocillarint, eandem cum aliis victus normam sequantur. Prandium sit quatuor horis ab aquarum potu circa decimam aut undecimam horam, cœna vero septimâ vespertinâ, si pomeridianis horis potatum fuerit, alioquin hora sexta. Etiam si illæ aquæ famelicos reddant potatotes, nemo tamen cibis se ingurgitare debet, ne cruditates multæ sobolescant quæ mineralium aquarum aditum ad intimos recessus possunt intercludere. In prandio illud præfettim observandum, ut sit ipsa cœna paulo parcior, quia manè partes inferiores ventris aquarum mineralium pondere gravantur, ventri: alius liquoris assumpti copia relaxatus est, nativusque calor à distributione & evacuatione aquarum mineralium, copiosiori cibo non est averteendus: præterea si prandium sit paulò largius, somnus profundus post meridiem invadit, qui sedulò fugiendus est, ciborum enim fumi aquarum vaporibus sociati cerebrum opplent & sensuum organa ita obturant, ut à somno abstinere difficillimum sit: verum cœna largior esse potest tum quia sero aquæ sunt vacuatæ & venter matutino labore refectus, tum quia nocturnus somnus tutus est, & tota nox sufficit ad ciborum cœtionem perficiendam, modo cœna sit fruga-

lis. Cibus in qualitate sit boni succi & concoctu facilis. Quare ex carnibus conveniunt vitulina, vervecina, gallina, capi, pulli gallinacci, columbuli, cuniculi, perdices, coturnices, ova recentiter edita : ex piscibus conferunt perca, lucioli, guardones, brama & vendusia; marinos pisces silentio pratermitto, quia a fluvii calidibus corrumpuntur priusquam ad nos perveniant. Laudatur panis siligineus bellè fermentatus & aptè coctus. Carnes elixata prandio, & tostæ coenæ conveniunt. Ciborum varietas, edulia salsa valdeque aromatizata, farcimina, aliaque gulæ irritamenta fugienda sunt : nocent quoque edulia crassa, lenta, viscosa, dura quod humores prave & oppitulationes generent, quapropter ex carnibus quidem vitanda porcina, bovina, cervina, aprugna : ad hæc pedes, intestina & cerebrum : declinanda quoque lacticia, caseus, olera, acetaria, pisa, faba, fructus seu crudi seu cocti, exceptis passulis damascenis, amygdalis dulcibus ceterisque fructibus siccis aut saccharo conditis : biscoctum aut marcipanes bellatiorum locum teneant. Potus sit vinum delicatum manè album & sero rubellum, minus solito aquâ dilutum, modicè sumptum pro feni, neque ob suavitatem gratumque saporem illi indulgendum : illi enim qui istas aquas epotant tota die vix sitiunt. Major autem pars eorum qui aquas Spadanas bibunt, istidem aquis vinum diluunt, verum censeo medicamentum cum cibo temerè miscendum non esse, ne isthæc aqua sua tenuitate cibos crudos ad jecur viasque urinæ deducat eorumque infarctum obstructions procreet, atque etiam suis copiosis vaporibus cephalalgiam & vertiginem producat.

Lectò decumbendum hora nona serotina &
pla-

placide dormiendum , ut postridie manè alacrius aquæ hauriantur. Istæ aquæ hoc habent peculiare quod somnum suavem inducunt ob copiosos vapores , bilis contemperationem , totiusque corporis refrigerium : sed somnus diurnus & maximè meridianus fugiendus , quamvis magna dormiendi incesserit cupiditas, quia catarrhos, capitis gravitatem doloremque procreat, & aquarum excretioni obstat.

Leviori motu corpus exerceatur ante, in & post potum ut calor nativus exsuscitetur , utpote leni deambulatione , quæ nec calorem nec lassitudinem excitet , vel uestione in equo gradario aut tolutario. Reliquum diei spatium in jucundis confabulationibus enarrandis insumatur , aut aliquid fiat quod nec corpori nec animo sit molestum. Nemo legat neque scribat matutino tempore neque statim à prandio.

Mulieres non incumbant futuræ neque ullis operibus quæ incurvo corpore inclinatoque capite peraguntur.

Diu non ludendum laterunculis , fritillis , chartis , tessæris, quòd hi ludi cerebrum commoveant, ludus etiam palmaris cæteraque violenta exercitia cavenda sunt.

Animus jocis honestis ludisque licitis exhilarandus , ac mœror , tristitia & ira procul ableganda sunt ; neque ludendo magnus denariorum numerus periculo committendus, ne animus metu damni aut spe lucri vehementer agitetur. Omne studium, animi contentio & diuturna contemplatio sunt quoque noxia.

Alvus sit laxa & quotidie aperta : istæ etiam aquæ illam laxare solent : si enim alicui per duos dies restricta sit ; aut enemate serò injecto , aut infusione ℥ j. aut ℥ ij. fol. orient. ante potum manè sumpta laxanda est , aliis diebus ℥ ℔

cry-

crystalli mineralis in primo cyatho solvenda , hocce modo meatus aperti & liberi servabuntur. Si mulieribus menses superveniant potationis tempore , potus est intermittendus donec cessaverint. Conjuges separatim decumbere debent , non solum dum istis aquis utuntur , verùm etiam per mensem integrum ab aquarum usu , ut vires, spiritus, nativusque calor conserventur.

Ex quatuor anni tempestatibus æstas ad aquarum potum aptissima est : nam magna aquarum frigidarum copia quæ tunc ingurgitatur, non modo nullam molestiam corpori adfert, verùm etiam illud liberat ab omnibus incommodis quibus ob immodicos æstatis ardores vexatur, veluti ab inappetentia , siti, vigiliis, suffocationibus. Ita ut diebus canicularibus, cum cætera medicamina purgantia nocent, quia calorem nativum resolvendo corpus debilitant, aquæ minerales mirificè prosunt , quoniam corpus temperantes , calorem nativum fortiolem & vegetiorem efficiunt, eum trahendo & uniendo, unde melior ciborum appetitus suboritur.

Efficaciores quoque sunt sudo serenoque quàm nubilo pluviosoque cælo haustæ, aquæ enim pluviarum & torrentum per telluris rimas scaturiginibus sese permiscentes earum virtutem obtundunt, adeo ut nec tam promptè nec totaliter per venas pertranseant , quemadmodum cælo sereno quod eo tempore puriores sint & magis defacatæ : quocirca pluviosa cælo earum usus suspendendus donec ad pristinam redierint bonitatem.

Consentaneum est inanè unâ aut alterâ horâ ab ortu solis istas aquas haurire.

Et si rectam vivendi normam in usu harum aquarum

aquarum fervendam diffusè satis explicuerim , nihilominus agrotis consulo nihil agant nisi consilio docti cujusdam Medici in usu aquarum petiti , eumque sæpe consulant , ut ipsis necessaria præscribat , veluti clysteres , medicinas , aliaque remedia idonea corporibus ad aquarum potum purgatione præparandis , atque etiam potu peracto repurgandis , illisque levandis à symptomatis quæ potantibus accidere queunt , ut vomitu , spasmo flatulento , convulsione , catarrho , febre , pluriusque aliis : Medici quoque consilio uti coguntur , quod ut plurimum in veteratis & contumacibus morbis detineantur , & corpore sint adeo infirmo & malè constituto , ut in eo pravi humores copiosè sobolescant , qui prius evacuandi , & obstructions , quò melius fieri poterit , reservandæ sunt , quò meatus liberi & patentiores facti per eos aquæ facilem & promptum exitum habeant , ne in hypochondriis moram trahant , vel per venas in totum corpus dispergantur , vel ad cerebrum attollantur . Tandem emenso toto illo spatio aquis bibendis præscripto , ne in primis viis aliqua earum pars vel rubrica remorentur , illæ cathartici sunt educendæ quæ erit con Cincinnati ex ℥j. aut ℥ij. fl. manna calabrini in jussulo dissolutâ , si alvus sit laxa & facilis , si verò dura & difficilis , infusione ℥j. aut ℥ij. fol. senæ dilutâ ; quod iis competit qui per decem vel duodecim dies solum bibunt : iis enim qui ad quindecim vel viginti dies potationem promoveant , in medio potationis cursu idem remedium assumendum : qui vero ad triginta aut quadraginta dies excurrunt , decimo quoque die , ut expellant aquas quæ in partibus alvinis restitantes & restagnantes incommoda adferunt de quibus potationis tempore plerique conqueruntur ; hoc quoque remedium cæteris præferendum est

est quod peculiariter aquas educat, omnesque has partes leviter expurget. Verum cum saepe emolumentum ex aquarum usu perceptum manifestum non sit, nisi sex hebdomadis vel duobus mensibus post, interim recta vivendi ratio est observanda, & sedulo vitanda ea quæ sanitati sunt adversa: hocque modo sana, diuturna, felixque vita conservabitur.

Soli Deo laus, honor & gloria.



Epistola multorum illustrium Medicorum quibus novitias Autho- is opiniones evertere moliuntur cum ejusdem responsis : his addita sunt vna alia epistola in quibus sententia Dom. Clo- sei super aquarum mixtione & thermarum calore lata , in observationibus suis super aquis mineralibus excutitur.

P A R S S E C U N D A.

A N T O N I I S A R T E I

Doctoris Medici Parisiensis

E P I S T O L A

Ad clarissimum virum Dom. Givrium Medicum quâ novitias ejus opiniones evertere nititur.



Agna negotia quibus detinetur Dom. Rainfantius Medicus celeberrimus; obstitit quominus hactenus tui libri lectioni incumbere potuerit, ideo quid de eo sentiat, tibi mandare nequit, ne tamen mora responsi tibi tedium crearet, mihi hoc onus imposuit, ut ad te rescriberem quod etsi nihil non verosimile in eo notaverit, arbitratur tamen quò ille lectoribus utilior sit fu-

futurus, consentaneum esse ut super quibusdam difficultatibus tuam sententiam clarius explices: ut E. G. cum ais Chymistas mercurio mixtorum colorem attribuere, dicere debuisses an Hartmannus hanc opinionem solus aut cum aliis protulerit, aut quam ob rationem istum colorem mercurio, non vero sulphuri tribuerunt, ut plerique alii vel saltem ut Quercetanus. Secundo quare asseris contra sententiam omnium hydrographorum vestras aquas ab aliis acidulis planè esse diversas, quæ omnes juxta sententiam Andernaci, Jordani, Tabernamontani, Libarii, Bacci, Scheuermanni suum acorem habent à vitriolo quo inficiuntur. Et si dicas in vestris terris nil vitrioli apparere, hoc nihil probat, quandoquidem artificiale elicitur ex quadam terra, in qua nullum vitriolum naturale conspicitur: quæcirca si attente considerares vestrarum terrarum colores, ac in memoriam revocares colores quos authores tribuunt misy, fory, chalcitidi & melanteriæ, quæ propriè loquendo sunt vitriola plus aut minus elaborata, quæ ab artificibus minerariis artis suæ beneficio ita depurantur, ut perfectæ vitriola fiant, forsitan dubitares utrum ea quæ reputas ferri principia, sint diversa terrarum strata, quæ Galenus in mineris Cypri notaverat, cum eâ tamen differentiâ, utpote aqua quæ istas terras copioso vitriolo fixo turgidas alluebat, non solum vitrioli virtutibus, verum etiam ipsiusmet substantiâ imprægnabatur, ideo stagnum ex istis aquis congestum solummodo vitriolum videris liquatum videbatur: contra verò vestræ terræ quæ tantummodo vitriolum martis nondum fixum continent, vestris aquis spiritus duntaxat impertiri possunt, ut liquet ex earum virtute penetrante & corrorente, quam in iis tu
ipse

ipse agnoscens, eam aliis causis meritò attribue-
 re non potis es. Hoc ipsum tibi planum facere
 exopto, tibi imprimis demonstrando vestras
 terras vitrioli esse participes, quia hoc semel
 probato, consequenter credendum est vestras
 aquas dum has terras praterfluendo lambunt at-
 que in iis moram trahunt, earum qualitatibus
 imbui. Quod manifestum erit modo Pruvini
 artifices minerarii facere æmulentur id quod fit
 Bagnaræ in Italia ad extrahendum vitriolum ro-
 manum. Sumuntur glebæ terræ diversis colori-
 bus variegata, nempe griseo, viridi & rubeo
 quæ in acervos cumulantur qui per sex menses
 ventis & pluviis exponuntur, ut temporis lapsu
 vitriolum excoquatur (cùm enim nullam ha-
 beat consistentiam & sit totum per materiam
 mollem spirituum in modum diffusum, ut in
 unum corpus concreseat, opus habet aquâ quæ
 eluat hanc materiam spiritibusurgidam, cali-
 dam, siccam & volatilem ut fixa efficiatur) sub
 tecto adhuc per sex menses asservantur (ut
 quod figi jam cæpit, adhuc magis figatur) dein
 lixiviorum beneficio elicitur species vitrioli li-
 quati quod depuratur & coquitur in vasis plum-
 beis in quæ ferri aut æris frustulum injicitur ut
 coaguletur. Vides Pruvini omnia tibi esse in
 promptu ad vitriolum è vestris terris eliciendum,
 nisi dicatur non tantum operæ sumi in hoc ope-
 re perficiendo, sicut in Italia, quod tamen
 non credis: nam terrarum color est æqualis,
 sapor similis ex omnium confesso qui eas degu-
 starunt, nempe austerus, eadem virtus corrosi-
 va, unde in Italia hic succus tantummodo in
 vasis plumbeis concoquitur, & Pruvini aqua
 mineralis non nisi in phialis ex vitro duplici
 conflatis contineri potest. Utque super hac ma-
 teria nulla tibi restet dubitandi ansa, tibi de-
 mon-

monstrare volo, his positis & probatis, non tamen inde sequi apud vos mineram æris potius existere quàm ferri, quia etli vitriolum sit species salis qui cum aliis duobus principiis ad metallorum formationem magis concurrit, hæc tamen distinctio est adhibenda, vitriolum martis ita determinatum esse sui subjecti productioni, ut præter hoc, nihil queat; atqui ab hoc differt vitriolum veneris quod virtute sibi peculiari alterum ita excoquat & perficiat, ut illud sibi assimilet, eodem prorsus modo quo ferrum in æs transformat, adeo ut verum sit dicere, ubicunque est vitriolum veneris, ibi solummodo æs reperietur aut naturaliter productum, aut ex ferro cum hoc vitriolo in minera mixto genitum. Hoc probatur experientiâ & ratione à Chymistis depromptâ, qui asserunt salem vel terram metallicam ex tribus principiis magis conferre quo metallum sit potius ferrum quàm æs, aurum vel plumbum, argentum vel stannum per diversos gradus puritatis aut impuritatis quos mercurio tribuit, & per diversos gradus cremabilisatis aut fixitatis quos sulphuri largitur, unde omnes metallorum differentie nascuntur. Quapropter juxta hoc axioma dubitandum non est ferrum & æs ab invicem tantummodo differre quòd suum vitriolum plus aut minus conferat exaltationi sui sulphuris & sui mercurii, & quemadmodum horum vitriolorum perfectius aliquid hujus virtutis purificantis alteri communicare potest, inde sequitur ut illius beneficio ferrum in æs commutetur. Istæ omnia te de tuâ sententiâ dimovere nequeunt, quia arbitraris metalla ex vitriolis non constare, & Chymistas valde hallucinari dum è metallis vitriolum se extrahere affirmant, siquidem secundum tuam opinionem, cum vident
sa-

sales metallorum solutioni inservientes concre-
 scere, tunc vitriolum è metallis suâ operatione
 se eduxisse putant. Ita sit, mea non interest,
 quandoquidem hanc veritatem ratiocinatione &
 experientia probare cupio, quibus refragari
 minimè potis es. Quis unquam de hujus axio-
 matis veritate dubitavit, omnia ex iis componi
 in quæ naturaliter resolvuntur? verùm cum
 juxta illud ferrum & æs in vitriola naturaliter
 resolvantur, debent ex iis componi. Ut hoc
 axioma ad praxim reducatur, sume rubiginem
 ferri, quæ est solummodo, ut scis, ferrum na-
 turaliter resolutum; fac ut bulliendo evapore-
 tur ad pelliculam usque, dein eam in loco fri-
 gido repone ut in crystallos concreseat, tum vi-
 triolum martis habebis, quod ex nulla alia re
 præterquam è ferro originem ducere non diffite-
 beris. Si forsitan hæc operatio tibi suspecta sit, ca-
 pe ferrum quod in aqua repones per aliquot
 dies, deinde aquam exhalabis & vitriolum tibi
 erit residuum: hujus rei ratio in promptu est,
 quandoquidem sal aqua solvitur, ideo necesse
 est vitriolum, quod salis est species, eodem
 pacto dissolvi. Si ulterius has experientias pro-
 moveas & sumas vitriolum viride apud Pharma-
 copolas, vel illud quod ipse è ferro eduxeris,
 eo quo suprâ dixi modo ignique violento exco-
 quas tibi reddet ferrum, quemadmodum vi-
 triolum veneris æs: si igitur adeo facilis sit
 mutua conversio ferri in vitriolum, & vitrioli
 in ferrum, quare non dicetur ferrum ex vitrio-
 lo esse conflatum? si autem hoc verum sit qui
 fieri posset vestras aquas, quas ferri virtute præ-
 ditas esse agnoscis, vitrioli expertes esse? si-
 quidem nulla extitit unquam minera ferri, nec
 item ferrum cui vitriolum non sit admixtum:
 atque ut melius dicam, ferrum penè totum vi-
 triolu

trium est, ut patet dum rubigine corroditur, quæ nificatio adhibeatur, illud sensim sine sensu consumit omninoque destruit, vitriolum dissipando è quo majori ex parte constabat. Verum enim vero missa fac omnia quæ tibi propono, ut perspectum habeas vitriolum ferro inesse, & solummodo vitriolum aëri humido expositum inspice, hic color rubiginosus quo inficitur tibi necessario persuadebit, id quod in tuam imaginationem hætenus cadere haud potuit. Hæc omnia sedulo perpendo, interrimque credas velim eum qui ex mandato Dom. Rainsantii illa perscripsit esse tibi amicissimum, vale. Lutetix Parisiorum die primâ Martis anni Dom. 1658.

Authoris Responsio ad Epistolam Dom. Sartei Doctoris Medici Parisiensis celebrimi.

EXoptas Vir Clarissime ut paulò clarius me explicem super eo quod dico Chymistas colorem mixtorum mercurio attribuere; illud satis manifestè me probasse arbitrabar experimento in nostris aquis peracto, quibus mercurio, id est spiritibus ferri viduis si gallam addas, illa nullum ipsis colorem communicat, quemadmodum recens haustis & spiritibus turgidis, tunc enim eas tingit eo colore qui à rubro incipiens sensim increscit usque ad violaceum subnigrum: ajo quoque è ferro cum aqua communis & galla soli per aliquot dies expositis me tincturam superiori non absimilem extraxisse, quia dum ferrum dissolvitur ejus spiritus gallæ occurrentes hanc tincturam eliciunt; si verò

capias aquam in qua ferrum fuerit repositum & solutum, ipsique eandem gallam permisceas, non magis colorem suum immutat quam aqua vulgaris, quia dum ferri fiebat dissolutio, ejus spiritus avolarunt: dein cum ferrum recens fabricatum simili colore tingi observassem, credere haud potui ferrum istum colorem à suo mercurio non mutari. Ex his experienciis colligo à mercurio istum colorem nostris aquis & ferro tribui, siquidem originem non trahit à suo sulphure quod rubrum, neque à suo sale volatili qui albus, neque à fixo qui fuscus est, ergo à suo mercurio ortum ducit. Ut isthac veritas magis elucescat, consideremus sulphur nostrarum aquarum mineralium quod pelliculæ in modum super earum superficie concreescens primò album videtur tum ratione aluminis, cujus sulphur est album, tum suæ tenuitatis causa, demum quòd aquis supernatet; deinde densius factum & sua substantia pingui & viscosa retinens spiritus ferri qui sursum tendunt, nobis repræsentat colorem illum variantem æmulum illius qui in collo columbi cernitur, cujus nigredo à mercurio ferri originem habet, qui cum fuerit exhalatus, sulphur ferri suum colorem nativum, nempe rubrum, resumit. Notavi quoque in solutione ferri beneficio aceti facta (quod cum spiritibus prægnans sit, illorum tincturam perfectè elicit, similia enim similibus facilè allociantur) hanc tincturam nigram, quæ si aquæ communi affundatur, tunc tinctura mercurii ferri cum suo sulphure juncta, istum colorem variantem exhibet non absimilem illi qui in superficie nostrarum aquarum conspicitur: cum verò temporis lapsu spiritus dissipati sunt, sulphur rubrum evadit. Præterea isthac tinctura nigra cum aqua simplici mixta adhærescit

rescit parietibus vasis in quod effusa est, deinde spiritibus evaporatis, aquave decrescente, sulphur eisdem parietes colore rubro inficit. Tandem ista tinctura nigra ad parietes vasis agglutinata, aliquot annis elapsis, ab ipsis separatur corrosione salis volatilis sibi immixti qui emergit exitque ab hac nigritie, ut prodatur suum colorem nativum, qui albus est. His omnibus experimentis mea opinio magis ac magis fulcitur, quàm existimo colorem ferri atque etiam tincturam quæ pulveris gallæ admixtione è nostris aquis educitur è mercurio ferri proficisci. Dicendum non est istas tincturas procedere è mercurio aluminis quod in nostris aquis dominium habet, siquidem postquam alumini in aqua communi soluto & aquis Pugenſibus aluminosis pulverem gallæ permiscui, utraq; colorem album induerunt, qui alumini proprius est longeque diversus ab eo quem idem pulvis inducit in nostras aquas ferri spiritibus turgidas; cum enim sunt evanidæ hisque spiritibus destitutæ, istius pulveris admixtione paululum albescunt. Videant Doctores Chymici utrum mercurius vel sulphur, vel sal mixtis colorem tribuat, quandoquidem impræſentiarum meis experienciis ea tantum probare intendo quæ vidi ac observavi in aquis ferro & alumine simul tinctis. Secundò quòd nostras aquas acidulo sapore præditas esse fatear, inde concludis ipsis inesse vitriolum minerale: ego verò acorem aquæ bene ab alumine ac è vitriolo aquis communicari contendo: quod confirmat Thomas Jordanus in descriptione acidularum Moraviæ, qui arbitratur acorem aquis communicari à chalcantho & alumine: idque probat ex gustu. *Nam si quis acidulas gustaverit, animadvertet alumen & chalcanthum primas sibi*

præ cæteris vindicare mineralibus. Si quis etiam simplici aquæ chalcanthum permiscuerit, aciditatem cum acrimonia quadam sentit, cum adstrictione verò, si aquæ alumen addiderit. Andreas Libavius ejus sententiæ adstipulatur l. 2. de judic. aquar. miner. c. 36. duas principales statuit aciditatis causas: alumen & chalcanthum. Alumen enim aquis solum eas reddit acidas cum adstrictione. Fidem faciunt aquæ aluminosæ, tum factitia, tum naturales: albula enim prope Romam copioso alumine infecta sunt, & acore prædita: teste Baccio sive Romano & harum aquarum exploratore lib. de thermis c. 21. chalcanthum evidenter acidum est, & spiritum sive oleum præbet tantæ aciditatis, ut stuporem dentibus adferat maximum, & acetum quoque vincat. Verum si nostræ aquæ quodam acore præditæ sint cum ab alumine mutant quod in earum mixtura ferrum adæquat, ut dissuile satis probavi; & ferrugineus sapor aluminis acorem ita obtundit ac hebetat; ut is vix persentiri, ac vigentibus æstatis ardoribus & siccitatibus tantummodo dignosci possit, quod eo tempore aquæ minerales puriores sint; addo etiam opus esse linguâ admodum sensibili & gustu exquisitissimo præditâ ut percipiatur, ideo pauci è nostris hydropotis eum sapiunt. Licet enim nostræ aquæ exiguo acore sint dotatæ, qui solummodo sentitur cum terra perurentibus æstatis caloribus exsiccata est, nihilo minus tamen cum cum aluminis adstrictione mixtum optimè sensu & gustu distinguo, quamvis sapor ferrugineus, quem ferrum nostris aquis impettitur, aluminis saporem valde obtundat. Quapropter in mentem mihi venire nequit quomodo quispiam ex isto acore vitriolum nostris aquis inesse inferat, siquidem alumen acorem quoque tribuit, cum hac tamen dif-

differentia, si enim simplici aquæ chalcantum permisceas, aciditatem cum acrimonia quadam senties, cum adstrictione verò si aquæ alumen addas: cujus rei veritatem nostræ aquæ, quæ aluminis participes sunt, & postrema mea experimenta satis superque testantur. Etsi asseras nostras terras vitriolo refertas esse, hoc tamen credere nequeo, quoniam nullo artificio ex iis educi potest: *non omnis fert omnia tellus*: unde in nostris campis & præsertim in locis siccis & aridis tantummodo minera ferri granulata, in pratis verò eadem minera reperitur, sed extensa per strata in medio duarum partium terræ, atque ob aquam quâ imbibitur, in grana non induratur: hoc solum inter illas mihi apparet discrimen: utraque enim oritur in terra atque etiam è terra pingui ac primò flavescit, dein rubescit, postremò nigrescit, estque ejusdem naturæ & coloris in locis sublimibus ac in humilibus, ut demonstro omnibus his terris in meo musæolo asservatis & separatim collectis ab eo tempore quo mineralibus explorandis animum applicui. Insuper ex minera aquâ imbuta quam siccata liquavi, solum ferri ustum & ferri recrementa reliqua habui, at è minera ferri granulata ferrum purissimum elici: præterea minera aquâ diluta, quam è parietibus nostrarum fossarum excerpfi, saporem ferri & aluminis refert, quemadmodum nostræ aquæ: istam terram per tres aut quatuor annos in meo musæolo servatam aqua lavî atque ex ea tantummodo extraxi sâlem qui sapore sâlem è ferro eductum æmulatur, quod de alumine, sicut æs de vitriolo participare existimo, ut suo in loco probavi. Tandem in nostris terris nihil mihi occurrit quod prope accedat ad ea quæ Galenus observavit in Cypro insula, nam

in iis neque misyn , neque sotyn , neque chalcitium , neque melanteriam invenimus , neque etiam videmus colores quibus tinctæ sunt terræ quibus in Italia vitriolum educitur , siquidem sunt variegatæ coloribus griseo , viridi & rubro ; nostræ verò primò flavo colore inficiuntur , dein rubro , postremò nigro : quod ad flavum spectat , in dissolutione ferri sua terra flava apparet , suum sulphur rubrum est , ut paret experienciâ : nigredo verò propria est mineræ ferri perfectè coctæ , quæ est tinctura mercurii ferri , ut experienciâ cognovi : at si ex hac terra aqua diluta ac optimè elota vitriolum extrahatur , quare è lixivio ex ea factò & evaporato sal mihi tantum restitit salem ferri gustu referens ? Ex his tibi in promptu est saporem & colorem nostrarum terrarum longè diversos esse ab Italiæ terris è quibus vitriolum educitur ; etenim cum effodiuntur nostræ terræ nullum foetidum halitum eructant , quemadmodum terræ è quibus vitriolum elicitur quæ adeo gravcolentes sunt , ut aperto cœlo fodiendæ sint , ne fossiores foetidis vaporibus suffocati pereant. Et si scripserim spiritus vitrioli , salis & sulphuris duntaxat contineri in phialis è vitro duplici conflatis & obturatis subere cerâ Hispanicâ obducto , non intelligo opus esse similibus phialis ut spiritus nostrarum aquarum coërceantur , sed tantum necesse esse ut obturentur subere cera Hispanica obducto , licet lagenæ & phialæ è vitro simplici & communi constent. Quod ad virtutem earum penetrantem & corrodentem spectat , in tuam descendo sententiam , nempe eam à spiritibus originem trahere , sed à spiritibus mineræ ferri & aluminis , non verò vitrioli , neque ut arbitraris , soli spiritus iis insunt , sed insuper alia harum minerarum principia

cipia ipsis sunt adjuncta, quæ multoties à nostris aquis segregavi : isthæc quoque virtus corrosiva dissimilis est virtuti vitrioli ejusque sapor austero : quod planum fiet illis qui aquas nostras & vitriolatas deglutient, quibus faciliè erit distinguere saporum differentiam quæ inter utrasque intercedit : at si aquas minerales sedulo explores, aquas vitriolatas in Francia raras, ferro verò & alumine imbutas frequentes esseprehendes. Verum quidem est proprie loquendo, vitriolum quod è Marte Chymici se elicere autumant fictitium esse, aut saltem esse spirituum vitrioli qui similitudine substantiæ salis martis adeo intime conjungitur ut uterque simul concreascet. Multis modis vitriolum è Marte educere tentavi, atque ut id assequi possem : primò ferramenta vetera plurima in aquam communem immisi ut commoratione diuturna in ea solverentur, deinde aquam filtro trajeci ac evaporavi & residuum habui salem ferri qui præditus est sapore salis subamari & linguam paululum adstringentis. Secundo magnam ferruginis copiam sumpsi, quæ est ferrum suo sale solutum, eamque per quindecim dierum spatium in aqua madescere sivi, ejusque partem ebullitione consumpsi, nec ulla pellicula in aquæ superficie formata, sed tantum aqua turbida & spissior facta est; ideo illam filtro percolavi & evaporavi, neque dum isthæc fieret evaporatio ulla pellicula mihi apparuit, verum aqua tota exhalata est, & reliquum mihi fuit tantillum salis præcedenti salis sapore & colore similis. Tandem accepi uncias decem martis ita calcinati, increti & recalcinati, ut pulvis impalpabilis factus sit; in prima martis calcinatione solâ aquâ usus sum pro dissolvente (quæ fit multoties illum humentan-

do & movendo) & in postremo igne , adeo ut in partes tenuiores & subtiliores reduci nequirit. Tum putabam me ex eo extracturum esse vitriolum juxta methodum Clavai junioris qui ex marte in hanc formam reducto crystallos virides efformari vult , dummodo prius multoties lotus sit aqua , quæ postea filtro colanda & usque ad pelliculam evaporanda est. Tentare volui an hoc modo vitriolum è marte elicere possem , idcirco martem ter lavi aqua , quam deinde filtro colatam exhalavi , nulla in illius superficie pellicula apparuit & paucula salis maris quantitas mihi solum superfuit qui superioribus non est absimilis : itaque manifeste cognovi , vitriolum martis de quo Chymistæ multa effutiunt , nihil aliud esse nisi salem martis spiritus vitrioli ministerio extractum , id est mixturam intimam duorum salium ; spiritus enim est salis pars subtilior & efficacior vehementis ignis ope educta ; quod patet in vitriolo , sale & vitro quæ sunt sales è quibus spiritus eliciuntur : cum verò hoc dissolvens sit admodum validum suâ vi potenti allicit sibi que associat ferri principia sibi magis cognata ; vel ut spiritus iste è sale fixo provenit , ita etiam ferri principia figit ; sicque vitriolum martis formatur quod viridi est , eò quòd spiritus vitrioli , qui solutioni martis inservit , è vitriolo viridi extractus est , ergo nihil vitrioli in marte continetur , nisi illud quod ipsi adjungitur , quod potius vocari debet spiritus vitrioli mixtione martis re corporificatus , quàm vitriolum martis ; quandoquidem hoc vitriolum è marte eductum pondere superat limaturam chalybis ex qua extractum est : pars verò totum pondere & mensurâ nunquam excedit. Insuper principia vitriolorum mineralium sunt admodum dis-

diffimilia principiis ferri & aluminis, ut constat experientiâ : quocirca illa à nostris aquis rejicere rationi consentaneum esse duxi. Si iniquam de nostris aquis sententiam tulerim, iis liberum est ad vestram celeberrimam facultatem suam causam traducere, cujus sententiæ omnes meas opiniones submitto, si verò quosdam errores in meis scriptis animadvertat, atque de illis me moneat, mihi pergratum erit, quòd cos corrigere exoptem. Caterum demirari satis non possum tuas pulcherrimas disquisitiones, vimque tui ratiocinii, quibus vitriolum nostris aquis restituere moliris. Eas verò nullo vitriolo tinctas esse assevero, quoniam omnibus meis experimentis nullum ejus principium in illis deprehendi. Multum tamen tibi debeo quòd examinando meo manuscripto operam dederis, quodque mihi occasionem præbueris prolixius explicandi duas difficultates de quibus mecum disputas : nihilominus tuam erga me benevolentiam ab hac disputatione alterandam non esse spero, cui meam mutuò respondere cupio. Vale Vir Clarissime & Amicissime. Pruvini die 10 Aprilis anni Dom. 1658.

Isaaci Cattieri in celeberrima Monspeliensium Medicorum universitate Doctoris Consilarii & Medici Regii

E P I S T O L A I.

Ad clarissimum virum Dom. Givrium Medicum peritissimum.

Quod contendit aquæ medicatas ferrugineæ naturæ esse chalcant hosas adversus sententiam Authoris.

JAM quintus ferè volvitur annus quo ad me scriptâ litterâ significabas, te omnia probare quæ de aquis Borbonensibus scriptis mandaveram, si tantummodo excipiam ea quæ de plurium mineralium variâ cum ipsis mixtione dixeram; quibus tunc temporis reluctabaris; variis actis experimentis contendens unum tantum minerale aut metallum in aquarum mineralium mixtione reperiri; veluti ferrum in aquis Forgensibus vel Pruvinxis, alumen in aquis Pugenibus, utrumque in Spadensibus: in thermis verò sulphur bitumenque congregi, quibus aqua per quas serpit canales alluendo, imprægnatur: tunc temporis de hac re sermonem abstinui, hujus experientiam atque demonstrationem sub conspectu nostro ponendam te pollicente. Cùm verò non dudum vir ornatissime Dom. de Masclary mihi tractatum tuum quem de mineralibus acidulas Galliæ nostræ subeuntibus conscripsisti, mihi commiserit, animadverti te penitus vitriolum ab aquarum ista-

statum commercio excludere, acriterque contendere ratione & experimentis adductis, solum alumen aciditatem aquis impertiri.

Cum hoc libello testatus sis te maximè diffentire ab iis qui de acidulis scripserunt, atque etiam te ex nostris partibus defecere, ea rejiciendo quæ de aquis Borbonensibus tanquam vera statueram, per te mihi licebit quasdam animadvertiones in librum tuum, epistolamque tuam factas proponere.

Neque propterea tibi quidpiam derogare cupio, laudesque tibi debitas palam celebrare recuso, cum tantum temporis & laboris impendere volueris in aquarum mineralium mixtione perferenda. Credas rogo me non aliud habere propositum quàm veritatem ubicunque fuerit tecum scrutari atque amplecti.

Vix possum assequi quod quarto capite tui tractatus scribis nempe aquas ferruginosas ab alumine, non vero è vitriolo suam desumere aciditatem, paucaque mineralia earum substantiam subire.

Non facile est decernere quænam substantiæ minerales aquis immisceantur, dum per ductus subterraneos & loca abdita delabuntur: et si ex inspectione locorum in quibus scaturigines sitæ sunt, luti quod in his subsidet, terræ quæ circumjacet, eorumque quæ circa alveos reperiuntur, seu eorum quæ adhærent saxis, vel quæ aquæ istæ alluunt, vel quæ subsident in istis aquis, aut eorum quæ per distillationem evaporationemve extrahuntur consideratione, indicia quædam substantiarum in his contentarum colligi possint: nihilominus tamen adhibitis omnibus his scrutiniis non credibile est posse decerni cujusnam mineralis vel metalli participes sint. Idcirco qui de his scripsere nō

quidquam judicare & pronuntiare ausi sunt, nisi ex effectibus quos in corporibus obtinent, ratio hujusce rei est quia sicut in corpore humano naturaliter constituto nullus continetur humor sincerus & impermixtus; sic in mineris nullum metallum aut minerale reperitur, nisi pluribus aliis junctum, aut cum iis sociatum fuerit, quorum quædam sunt veluti rudimenta atque *εσπερα*; alia verò ulteriorem perfectionis gradum assequuta sunt. In istis terræ speluncis jacent quædam substantiæ quæ sunt veluti matrices mineralium & metallorum: sunt præterea succi quidam liquidi ex quibus alii solidi & concreti producuntur qui cum aquis superfluentibus facile miscentur, atque ita aquæ illæ eorum qualitatibus promptè imbuuntur. His ita constitutis horum substantia in istis aquis deprehendi non potest, quæ adhuc indigesta & cruda manet, & ad evaporationem dissipationemque parata, quæque tunc solummodo in aqua spiritu quodam metallico repleta consistit: adeo ut mirum non sit, si post aquarum istarum evaporationem & dissipationem, nil ferè quidquam relinquatur mineralis, quod in hoc elemento dominari videbatur. Metalla in prima sui formatione nil nisi aquæ speciem representant, cum eorum materia sit sal solutus & liquefactus in aqua communi, qui quidem sensum aciem effugit.

Atque ut pressius agamus, dico aquas sub terra effluentes posse è vitriolo contrahere aciditatem absque ulla vitrioli nota in illis remanente, sive in scaturigine, sive in locis vicinis.

Noane fieri potest ut sub aquis istis delitescat minera in qua sit vitriolata terra, è qua beneficio caloris in terra inclusi vapores attollantur,

qui

qui cum aquis permixti ipsis acorem quem possident impertiantur ? similiter nonne possibile est vaporem istum chalcanthinum in terra productum frigoris externi ope condensari & in aquam acidam converti , quæ deinde mixta cum aliâ aquâ juxta posita , ipsam gratâ aciditate condiat , adeo ut nulla pars solida hujus mineralis huic aquæ immisceatur ? certum enim est vapores retinere saporem eorum è quibus elevantur , ut docet Aristoteles 4. Meteor. Si verò ignis ministerio probetur ista aqua , pars tenuior & spirituosâ exhalabit , nec aliud remanebit quàm terra seu sal earum rerum quas præterlabendo diluerit.

Jam hocce ratiocinio potes animadvertere non necessario inferendum esse ex eo quod nullum inveniatur vitriolum in aquarum Pruviniensium vel aliarum acidularum examine , non ideo illas esse hujus mineralis participes , nec aciditatem suam acceptam referre vitriolo , sed potius alumini quod parem habet aciditatem : quasi non alia dentur mineralia , quæ substantiam valde acidam , quale est sulphur , continent , unde aquæ aciditatem suam depromere possunt.

Deinde quomodo asseriste tantum in iis alumen observasse post earum variam probationem , cum tanta sit hujus mineralis cum illo affinitas ut vix à se invicem distingui possint , sintque ambo species quædam salis impuri & cum aliis substantiis confusi eodem sapore imbutæ : si enim vitriolum acrius dicatur , alumen verò acidius , hoc gustu non ita facile deprehendetur , utroque eandem stipticitatem retinente. Georg. Agricola lib. 3. de Natura fossilium pag. 216. ita scribit , *Alumen magis atramento sutorio cognatum est quàm etiam vitro sal : quod probatur ex eo quod ex vitriolo alumen confici possit,*

Nec-

Neque etiam chalcanthi substantia ex colore dignosci potest, cum dentur atramenta quæ varium colorem variamque naturam sortiantur, possitque reperiri vitriolum quod aluminis colorem referat, quemadmodum datur sulphur vario colore & diversa natura præditum. Andreas Cæsalpinus lib. 1. de Metallicis cap. 22. ita scribit, *In illa terra sunt varia chalcanthum & alumen continentes, quædam subnigra, quædam flava, quædam subruffa, alia candida, omnes sapore acerbo & acri.* Galenus lib. 9. de simpl. medic. fac. cap. 48. testatur se vidisse in metallis Cypri, æternas scilicet zonas in specu in longissimum porrectas alias super alias: infima erat ipsius forcos super quam altera chalciteos, suprema misyos. Conficitur Bagnaræ in agro Romano vitriolum colore viridi quod Romanum vulgò dicitur. Massæ aliud conficitur quod cyprium colore imitatur ex viridi & cæruleo mixtum. Ipse vidi (inquit Cæsalpinus eodem capite) *ad lapidem ararium sponte agglutinatum crystalli modo candidum sentientem violas & æruginem.* Vitriolum Romanum vetustate evadit flavum extrinsecus, ustum rubedinem acquirit atque antequam penitus uratur tingit colore nigro. *Est apud me,* inquit idem Cæsalpinus cap. 23. ejusdem libri, *chalcanthi lapis ex Germania durus & ponderosus cui efflorescit exterius quid cinerei coloris, interius autem sublividum colorem præ se fert, in medietate subrubeus & maculosus, sapore acerbo & mordente.* Mindererus lib. de chalcanth. cap. 1. scribit, *Tot colorum inter se diffidentium varietatem qua in chalcantho ejusque speciebus conspicitur ac observatur, ejus notitiam apud plerosque ambiguum fecit, ejusque sortes in varias considerationes deductas multiplicibus difficultatibus se non involvit, saltem discrepantibus sententiis errore pregnantibus curiose consulit, quandoquidem sententia*

suum persuasioni opinionique propria magis quàm experimento vel factò innixa posteritas, chalcanti distinctas formas ac species in alia quadam mineralium genera dispersit.

Hæ diversæ species & naturæ discrepantes quæ in vitriolo cernuntur ansam dederunt Plinio scribendi lib. 34. hist. nat. cap. 12. vitrioli naturam præ cæteris multa in se admiranda includere. Nec ullius (inquit) æquè mira natura est : ejus usus est ut coagulet spiritus & corpora dissolvat. Leo est iste viridis inquit Riplaus cujus virtutes & operationes nunquam satis laudari & æstimari possunt, In hoc (scribit Mindererus cap. 2. lib. 1. de chalcantho) delitescunt mineralium ac vegetabilium ferè omnium virtutes præcipue, imprimis verò omnes omnium metallorum spiritus, vires ac proprietates in uno vitriolo tanquam in sua origine continentur, maximè verò cuprei seu venerci, de hinc & martiales, lunares, imò etiam solares.

Hæc in medium protuli (Vit Clarissime) ut patefaciam vitriolum cum varias obtineat facies & diversos colores, præcipuè ubi pyritis variis inclusum, variisque succis concretis, seu diversis terræ generibus immixtum fuerit, ex iis quæ apparent, & vario terrarum colore, certum non posse ferri de præsentia aut absentia vitrioli judicium. Neque necessario sequi ex eo quod dicis terræ nostræ non eodem colore sunt imbutæ quo Italiæ terræ : ergo nullam substantiam vitrioli continent

Miror te dixisse vitriolum adeo ferro inimicum esse ut illud continuo destruat, id corrodendo & corrumpendo, quousque ejus speciem mutaverit & in cuprum redegerit ; adeo ut impossibile sit in eodem loco consistere : quæ enim de ferri in cuprum transmutatione adducis tantum magnam ferri cum cupro sympathiam seu convenientiam ostendunt,

dunt, cùm necesse sit ferri naturam ad cuprum accedere, & requisitas habere dispositiones ut facile possit hujus metalli formam admittere, quod nobis indicare voluerunt poëta dum martis & veneris amores unà cum artificio Vulcani qui eos in adulterio deprehenso irretivit, graphicè nobis depinxerunt. Inde sequitur cùm ferrum & alumen inter se conveniant, in eodem loco posse consistere; cùmque vitriolum juxta tuam sententiam cum ære semper concurrat, debere quoque cum ferro aliquando reperiri.

At verò in tuo scripto duo sunt à me observata quibus non possum assentiri, unum est *vitriolum ferrum in cuprum mutare*; alterum *impossibile esse vitriolum cum ferro subsistere*.

Ut prius probetur hoc adducitur: si ferrum in pluribus fontibus chalcanthosis immergatur, ibique per aliquot menses detineatur, tandem ferrum deprehendes colorem mutasse, atque crustam quandam crassiusculam contrahere, quæ postea liquata merum cuprum profundet: si præterea fricetur culter aliquis antea paululum aquâ madefactus tantillo vitrioli, statim culter ille rubedinem concipiet, & æris colorem induet.

Adducitur adhuc dari aquas vitriolatas quæ ferrum in pulvisculum viridem illud corrodendo redigunt, quæ in crucibulum fornaci superpositum injectus, per liquefactionem merum æs reddet, relictis ferri scoriis quæ pristinum ferri pondus facile æquent: at si horum diligens fiat disquisitio comperiemus in omnibus istis operationibus nullam fieri ferri in cuprum conversionem, sed solum tenuium partium æris per aquam dispersam coadunationem & circa ferrum collectionem, quæ apud Chymi-

eos propriè dicitur reductio, non verò transmutatio, quæ est formæ suarumque proprietatum mutatio. Idem accidit in auri dissolutione quæ fit aquæ regalis beneficio, in qua nihil amplius metallici apparet præter colorem quendam flavum instar croci: si verò in eam frustum aliquod argenti injiciatur, confestim aurum ab isto liquore separabitur & adhærebit argento. Hydrargyrum eidem aquæ regali immersum in qua aurum dissolutum fuerit, illud eodem modo ad se allicit, atque hydrargyrum ab ista aqua secretum relinquet aurum in fundo vasis in formam pulveris nigri reductum, quo igni exposito & fuso pelletur hydrargyrum & aurum purum remanebit. Credendum igitur idem auri contingere cui aquâ stygiâ, aut spiritu sulphuris soluto si laminam ferri immergas, totum æs ab isto liquore separabitur, ferroque adhærebit.

Alterum quod improbo illud est, impossibile esse vitriolum cum ferro subsistere. Primo enim si Mathiolo credamus com. in cap. 73. lib. 5. Dioscor. reperitur quoddam vitriolum quod in aqua dissolutum coctione non coagulatur, nisi ferri aut æris projectâ laminâ, quod clarè demonstrat horum alterutrum compositionem vitrioli subire: si verò dentur quædam aquæ chalcanthosæ quæ coagulantur absque ferri aut æris injectione, hoc fit quia quædam aquæ magis imbutæ sunt hisce metallis quàm alix; ideoque quidam Chymistarum dicunt vitriolum nihil aliud esse quàm coagulum salsuginis sulphureæ æris aut ferri. Alii asserunt ex diversis mineralium radicibus productum esse, atque semper particeps fieri naturæ martis. Equidem negare non possumus vitrioli compositionem aliquod metallum ingredi, ejus sapor & color
meta-2

metallicus satis superque id testantur : nec tantum merus est sal, sed sal mixtus substantiæ ferri, vel æris particeps : binæ drachmæ alterutrius mineralis cuique libri vitrioli subsunt. Joh. Guntherus Billichius cap. 13. lib. 1. observationum & paradoxorum chymiatricorum tres modos proponit separandi à vitriolo metalli, & quia hujus authoris liber forsan non tibi erit obviuſ, duos primos modos proponam : aquâ dissolvatur vitriolum, præsto deinde sit lixivium tartari vel cinerum clavellatorum quod aquæ vitriolo inebriatæ largiter insilletur, donec liquor omnis ex viridi evadat limpideſ, & ex turbido clarus pelluciduſque : his ambobus confuſis in imo ſubſidebit ruſſa quædam ochra ſeu argilla quam ſedulo elue, & ſiccataſ aſſerva. Hæc ſubſtantia non eſt ſulphur foetidum vitrioli ut Crolliuſ prodidit, cum fuſio huiuſcæ ſubſtantiaſ demonſtret eſſe metallum quod vitrioli hoſpex eſt & incolæ : hunc pulverem ſi indas crucibulo calcineſque pauliſper, non tantum inſtar croci rubicundus, deinde niger evadet ſumi expers atque incendiï, ſed & ſi pulverem boraciſ aſperſeris, & folle vehementiori ignem ſuſflaveris videbis globulum ex eo metallicum conſari : ſi huiuſ experimentum tentare volueris, poteris nobiſ declarare cuiuſ naturaſ particeps fuerit hocce metallum : ſed credo non ſufficere in uno vitrioli genere hoc experiri. Aliter colcothar ſeu vitriolum aſſatione rubefaſctum ſumitur quod conteratur cum pari pondere ſaliſ armoniaci, miſtura hæc bociâ recipiatur, & ſuperpoſito alembico impervio exponatur aperto igni aliquanto temperatione quàm qui in ſlorum ſulphureorum confeſctione ſolet adhiberi, materiã in ſublime raptã collige ex alembico, & aquâ calente diſſolve, quod ad i-

mum

num descendet nihil aliud esse quàm metallum deprehendes.

Angelus Sala tractatu 2. anatomes vitrioli vult vitriolum corpus esse in visceribus terræ productum ex spiritu sulphureo, aquâ, & minerâ æris, ferri aut utriusque simul permixti compositum, à spiritu sulphuris suam desumit acrimoniam, ab aqua claritatem & fluiditatem, à minera seu æris seu ferri colorem suum & saporem metallicum obtinet: confirmatur hoc quia vitriolum dum resolvitur separatur in has tres substantias, quod arguit necessario ex his constare vitriolum, cum unumquodque resolvatur in ea ex quibus componitur.

Præterea ex his tribus simul junctis spiritu sulphuris, aquâ & minerâ arte conficitur vitriolum quod omnes qualitates & proprietates vitrioli naturalis obtinet. Crollius in basilica chymica pag. 273. docet quomodo vitriolum ex venere aut marte, extrahi possit sine corrosivo, sed cum fiat stratificatione aut cæmentatione sulphuris & laminarum cupri vel ferri, dici potest metalli calcinationem fieri virtute spiritus in sulphure contenti, qui hujus operis præcipuus est artifex.

Quercetanus in tetrade gravissim. capitis affectuum scribit posse ex quibuscumque metallis vitriolum educi omniaque metalla posse in vitriolum reduci: hujus extractionis modum docet pag. 261. tractatus sui gallicè scripti de rariotibus secretis medicinæ metallicæ & mineralis. Potest inquit extrahi vitriolum ex omnibus corporibus metallicis calcinatis beneficio sulphuris & aquæ pluvialis stillatitiæ: hæc enim corpora per calcinationem spiritu chalcantino sulphuris imbuuntur, qui solus est modus extrahendi vitriolum. Sed inquis *quod vitriolum*

trium martis à Chymicis vocatur non est propriè vitriolum, sed est sal è ferro extractus cum spiritu vitrioli, vel potius durum salium conjunctio, cum spiritus sit pars subtilior salis: utque spiritus iste è sale fixo provenit, ita etiam ferri principia figit, sicque vitriolum martis formatur quod viride est, id quod spiritus vitrioli qui solutioni martis inservit è vitriolo viridi extractus est. Sed vix intelligi potest quomodo tanta vitrioli copia in hac operatione producat, adeo ut ex una ferri libra, quatuor vitrioli libras possint educi, arisque libra ejus libram unam cum semisse suppeditare possit.

Respondetur id provenire ex recorporificatione spiritus vitrioli, sed idem peragitur cum spiritu sulphuris & aceti: illud autem quod è ferro extrahetur, unde viriditatem suam accipiet? vitriolum enim martis esse viride asseris, quia spiritus vitrioli quo fit dissolutio martis è vitriolo viridi extractus est, itaque nihil vitrioli in matre contineri, nisi illud quod ipsi adjungitur: unde fit ut exte quæram cur vitriolum quod è cupro extrahitur ope ejusdem spiritus vitrioli est cœruleum; etsi vitriolum è quo spiritus ille extractus est non sit cœruleum. Præterea quod educitur è ferro beneficio vitrioli vel est sal, vel vitriolum: si sit sal cur ais tam paucum è ferro educi, cum integra ferri lamina spiritu quodam acido soluta, magnam hujus copiam suppeditat: si vero sit vitriolum, quomodo asserere potes illud in ferro non reperiri, sed tantummodo alumen.

Quercetanus loco suprâ laudato scribit aquam quæ cum liquore acido miscetur, coagulari & augere pondus metalli è quo vitriolum educitur, hoc est vitriolum in majore copia extrahi, quàm sit metallum: hocque manifestè declarat minerale, quale est vitriolum, esse metal-

tum

lum imperfectum & semicoctum , dum verò recrudesceat aquâ nempe solutum & ipsi immixtum, evadit minerale ope coagulationis quæ virtute ignis perficitur.

Observatione dignum est quod scribit Falloppius lib. 5. fossil. cap. 11. post Plinium & quosdam alios , nempe omnes metallorum venas desinere in chalcanthum , & cum metallum usque adeo effossum est ut appareat vitriolum , non amplius procedendum ; quia vitriolo indicatur inibi nihil amplius metalli esse. Fateor apud Plinium lib. 33. natural. histor. cap. 6. scriptum inveniri *sinu antiqui fodiendi solebat esse alumen inventum ultra nihil quarebatur* : at sciendum est tantam esse inter vitriolum & alumen affinitatem ut indiscriminatim à veteribus usurparentur , atque per alumen nonnulli exponunt terram quandam ustam in terra visceribus quæ est vitriolum vulgare , ut legitur apud Fallopp. pag. 340. editionis Francofurtensis. Hoc idem refert Cæsius lib. 2. de mineralibus cap. 4. pag. 346. sicque cernere potes vitriolum esse metallorum thalamum , atque ideo ferri , vitriolumque cum ferro posse concurrere in iisdem mineris. Falloppius ibidem scribit juxta mentem quorundam Chymicorum metalla in visceribus terræ produci ex mixtione aquæ & terræ mixtumque illud ex aqua & terra inibi exuri , vertique in speciem quandam terræ , quæ est vitriolum vulgare , è quo duplex vapor attollitur beneficio caloris in terra geniti cujus alter est humidus tenax argentum vivum continens : alter terrestris , siccus & pinguis qui sulphur dici potest , quorum uterque penetrans lapides remanensque in ipsis concrevit in metalla : inde fit ut apud Chymistas sæpius legatur metalla ex vitriolo gigni atque ex quolibet metallo posse vitrioli aliquam speciem educi.

Scri-

Scribis vitriolum adeo ferro adversari ut continuè cum eo praelietur, illud corrodingo & corrupendo, quousque illud in aliam speciem cœgerit mutari : sed oportet animadvertere dum vitriolum in visceribus terræ adhuc indigestum, nec perfectè coctum est, mixtumque est cum aliis substantiis mineralibus, crudis, indigestis, vel naturâ frigidis, non tantam acrimoniam obtinere qualem existimas : tunc enim multum phlegmatis comprehendit quod dulce est, ejusque qualitas calida & mordicans frigiditate ferri obtunditur, terraque rubricæ dictæ, quæ propterea vitriolum idoneum efficiunt consociationi cum ferro, juxta hoc Galeni estatum *contrariorum mixtura qualitatum excessus frangunt*. Sunt in vitriolo diversæ partes : in ejus superficie ubi exustum est, reperitur sal quidam acer, qui nitri species quædam existit : ubi hæc nitrosa substantia à colcothare secreta est, si igne reverberii pellatur, ascendet substantia terrestris & gravis, sicque oleum nigrum & acerrimum extrahes : si vero fæces accipias, easque in fornace vitriatorum reponas, ibique per dies decem detineas, tunc cineres acrimoniæ expertes & nigriores obtinebis, è quibus lixivii interventu poteris educere salem albissimum, nullius acrimoniæ participem, quod arguit salem tantum volatilem in vitriolo esse acrimoniæ pacem : ideo Rogerius Baco scribit spiritum acidum vitrioli, non esse ejus genuinum spiritum : sed extrahi ex salibus mineralibus vitriolo adhærescentibus, cum nulla aciditas aut acrimonia, in substantia & natura interna vitrioli reperiat, sed potius magna dulcedo cum odore gratissimo juncta. Sicut autem existimandum non est partes internas corporis nostri cum humoribus eodem modo se habere in corpore viven-

vivente atque in mortuo ; ita non arbitrandum est mineralia succosque concretos easdem qualitates , facultates & colores possidere in visceribus terræ latentes , quos habent ubi ex illis educti sunt : quapropter Falloppius tractatu de thermis & metallis scribit chalcanthum in propria vena non servare colorem illum quem videmus ipsum habere cum est extra venam , nam dilutum aquâ in propria vena inficit ipsam colore albo.

Deinde ut probemus vitriolum cum ferro coire , dicimus dari marchasitas è quibus vitriolum educitur separaturque à ferro : lapis pyrites dictus , hoc est edens scintillas hanc naturam sortitur : varix enim ejus sunt species : quidam datur mollis & friabilis qui imperfectè coctus est in minera , quæ non adhuc formam actualem metalli ipsi communicavit : alius verò est durus qui quo durior est & gravior , tantò plus metalli continet : dantur & vario colore imbuti , quidam colore aureo sunt donati , alii argenteo ; alii verò colore ferri atro scilicet & livido , quidam æri immixti sunt ; alii verò plumbo vel stanno , alii verò ferro , quo fit ut Avicenna dixerit lib. 2. tract. 2. cap. 472. pag. 342. editionis Valgriffii hunc lapidem vel marchasitam tot metalla comprehendere quot colores sortitur : *marchasita est plurium specierum , alia enim est aurea , alia argentea , alia ærea , & alia ferrea , & cætera species similatur substantiæ cui comparatur in colore suo , ut habet versio : nec solum in hoc lapide varix species metallorum inveniuntur (ideo Chymista dixerunt illum esse mineram metallorum illa includentem , veluti nucleus amygdalam) verum etiam in eo concurrunt varia mineralia , diversique succi concreti veluti alumen & vitriolum.* Agricola lib. de

de ortu & caus. subterraneor. pag. 46. id testatur, *Cum aqua pyritæ effusa vel frigore congelascit vel exsiccatur calore fit atramentum sutorium : mox subdit & quidem salsus succus condensatur in salem, amarus in vitrum : ita adstringens & calidus alter in alumen : alter in atramentum sutorium.* Deinde pag. 47. *Sed ex succo acerbissimo non tantum fit alumen & atramentum sutorium, verum etiam sory, chalcitis, misy quod flos esse videtur atramenti sutorii, ut sory melantheria ; cum autem humor corroserit pyriten aerisum & friabilem fit talis succus acerbus, id quod experimentum docet : nam atramentum sutorium viride in capilli figuram formatum sæpenumero ab ejusmodi pyrite procedit per melantheriam quæ eum undique complectitur : at & tali pyrite non atramentum modo sutorium, sed etiam alumen excoquant artifices.* Ex hujus scriptoris verbis qui diligentius naturam fossilium scrutatus est, & qui de his ad eorum naturam accommodatius scripsit : sic juxta tua principia hoc ratiocinium colligo : ubi alumen invenitur, ibi quoque reperitur ferrum ; & ubi est vitriolum, ibi quoque reperitur & æs ; atqui in hoc pyrite reperitur alumen & vitriolum, ergo debet quoque reperiri æs & ferrum : hac ratione duo metalla, duo quoque mineralia in una eademque machinata deprehendes, vitriolumque cum ferro in una eademque minera reperietur, quod tamen acriter negas in tractatu de aquis mineralibus acidis. Matthiolus com. in caput 73. lib. 5. Dioscor. ita scribit, *Chalcanthi vena quæ foditur in agro Senensi pluribus sanè locis præsertim maritimis, in sylvestribus plerumque vallibus, terrea potius quam saxea visitur colore subcinereo, maculis nonnullis respersa, quarum alie ferri rubiginem, alie aruginem colore referunt : quod quidem indicat vitriolum reperiri posse in iisdem locis in quibus ferrum & æs invenitur.*

Patet insuper marchasitas istas de quibus jam à nobis factus est sermo vitriolum & alumen continere (quæ tamen secretis & diversis locis collocas) ex iis Libavius lib. 2. alchym. tract. 1. cap. 46. scripsit, ubi modum docet quo hæc à pyrite extrahi & secerni possint. *Pyritausti solvuntur aquis, solutio coagulatur in cortinu plumbei ad liquorem spissum, hic transfunditur in cupas ubi in superiore parte alumen congelatur, in imo chalcanthum; seorsim exciduntur: ut autem separentur & diversa loca occupent affundenda urina est, ita in terra & lapidibus aluminosis ferè semper est atramentum;* consequenter ferrum cum vitriolo concurret, cum juxta tua dogmata ubi alumen est, ibi quoque potest inveniri ferrum: & reverà non dubium est quin magna sit vitrioli cum ferro societas & convenientia. Vavoccus Biringuccius lib. 2. pyrotechniæ cap. 4. scribit vitriolum quod sub marchasitis jacet videri ferrum agglutinatum, & cap. 5. ejusdem libri vitriolo quinque tribuit qualitates: prima est vis sulphuris, secunda est aluminis operatio, tertia nitri vel salis facultas corrodendi, quarta metalli virtus, quinta ferri proprietas.

Multi quoque existimarunt magnam esse æris & vitrioli cognitionem & affinitatem. Arbitratus est Plinius nomen ejus Græcum ex illa similitudine & convenientia desumptum esse: hæc enim sunt ipsius verba cap. 12. lib. 34. *Græci cognitionem æris nomine fecerunt & atramento sutorio, appellant enim chalcanthum, imo quidam adeo turpiter hallucinati sunt, ut nullum discrimen statuerint inter chalcanthum & florem æris existimantes vitrioli vocabulum utrumque significare: alii verò arbitrati sunt nomen chalcanti æri impositum fuisse propter colorem æris similitudinem referentem.* At Salma-

fius in exercitationibus in Solinum pag. 1158. & 1159 aliam hujusce vocabuli originem investigat, veramque hujus significationem docet scribens, *si nihil habet aris et alcantum nec colorem quidem, cur ab are nomen invenerit non video.* Aitque vetustissimis authoribus dici *χαλκιδος*, ut apud Strabonem lib. 34. & apud Dioscoridem in antiquissimo codice regio eadem vox reperitur cap. 114. lib. 5. non *χαλκιδος* quod colorem habeat *αἰς χαλκῆ*, hoc est aris; attamen aris colorem non possidet: necesse est igitur ut hæc dictio non sit ex his duobus vocabulis composita *χαλκῶς* & *αἰς*, sed potius ex voce *χαλκῶς* quæ purpuram glaucam & cœruleam significat, unde scribit Plinius, *eius color est cœruleus perquam spectabili nitore vitrumque esse creditur.* Straboni tamen *αἰς χαλκῶς* vel *χαλκῶς αἰς* est rubra purpura: ubi observare licet sicut conchylium marinum ex quo purpura inficiebatur, non unius erat coloris, sed pro diversitate littorum in quibus colligebatur; ita varii generis colores fecisse, ideoque hoc vocabulum *χαλκῶς* non unum significat purpuræ genus, nec unius coloris, erat enim atra purpura, livida, violacea, cœrulea, rubra, lutea, atque forsan hac ratione vitriolum dictum fuit *χαλκιδος* propter varios colores quos ex variis mineris ex quibus effossum est depromit: aliud enim est album, aliud viride, aliud cœruleum, luteum & rubrum. Nec extra rem videtur quod de ejusce vocis etymo attuli, cum inde inferendum censeam vitriolum non esse nexu perpetuo junctum ari, sed aliis etiam metallis adjungi posse: propterea non existimandum est hac ratione aris nomine insignitum esse à veteribus, quemadmodum filius cognomine patris.

Cum probaverim vitriolum cum multis aliis
me-

metallis concurrere, præsertim cum ferro & cupro, minerasque nunquam esse synceras, sed semper ex diversis succis tam liquidis quàm concretis compositas esse, unde varii & multi vapores efferuntur, & diversas marchasitas in iis delitescere quæ matres potius quàm vaporum excrementa dici merentur, in quibus pars quædam existit elaborata. Inde sequi videtur aciditatem aquarum mineralium tam vitriolo quàm alumini adscribi posse: potest etiam hæc aciditas tribui sulphuri quod in utroque minerali, in marchasitis & in metallis continetur, quod aciditatis principium dici potest: vitriolum & alumen expirant odorem hujus sulphuris, cum in mineris vitriolum effoditur, in aperto loco fossiores esse debent, ne foetidis & crassissimis vaporibus sulphuris suffocentur, ut Matthiolus observat comm. in cap. 4. lib. 5. Dioscor.

Quæ jam protuli huic veritati stabiliendæ sufficere deberent: insuper tamen quasdam rationes addere cupio quibus dubitationes & scrupuli qui restarent anilino eximantur.

Prima est ubi solum aquis acidis scaturit, ibi quoque vel in vicinis locis vitriolo, vel succis liquidis hoc vapore chalcanthoso imbutis terra luxuriat: sicque aqua illæ suam aciditatem à vitriolo acceptam referre possunt.

Secunda est ubi reperitur alumen, ibi quoque vitriolum vel terram vitriolatam videre est: ratio est quia alumen è vitriolo conficitur, idque satis testatur oleum quod è chalcantho educitur, ignis enim vi elicitum expirat odorem aluminis: à sese invicem non discrepant, ut jam diximus, nisi eo quod vitriolum magis est terrestre quàm alumen, cætera easdem ferè habent qualitates: atqui secundum tua placita

aquæ vestræ Pruvineæ alumine abundant : ergo juxta istam opinionem vitrioli etiam participes fiunt. Si vero absurdum tibi videatur alumen fieri ex vitriolo , nec tibi arrideat hæc propositio, attende iis quæ scribit Georg. Agricola naturæ metallorum magnus percrutator pag. 216. lib. 3. de nat. fossil. *Differunt in hoc quod atramentum magis sit terrenum, minus alumen : id autem ex eo potest intelligi quod ex atramento sutorio fiat alumen, cum enim oleum ex illo, conficitur expirat alumen : quod lutum quo nitrum nitro jungitur concipit, atque hujusmodi lutum cum opere perfecto aqua pura maceratur, in eam alumen deponit, quod paulatim cubi instar concrescit : & paulò infra idem scribit alumen scissum non tantum exudare & excrecere ex alumine gleboso, cujus veluti flos est, sed etiam ex atramento sutorio, ubi in una eademque vena reperiuntur, atque pyriten resolutum esse utriusque parentem. Idem lib. de re metallica docet modum quo ex terra effossa atramentum sutorium ab alumine separetur, si utriusque particeps fuerit. Illud aquâ dilutum in fundo continæ subsidet, hoc supernatat, utrumque seorsum effundere convenit in vasa ut spissetur. Cardanus lib. 5. de subtilitate cap. 13. consentanea iis quæ ex Georg. Agricol. adducta sunt, scribit : in atramento sutorio inquit continetur alumen, nam si lutum ejus aquâ diluatur, concrescit in eo alumen, & oleum atramenti odorem aluminis spirat.*

Tertia ratio est quia lixivium ex quo fit vitriolum similem saporem refert quem aquæ Pungentes vel Spadanæ, & quia duæ vel tres guttæ olei vitrioli in aquâ communem injectæ aquarum istarum saporem redolent : ergo verisimile est vitrioli illas omnino esse participes.

Quarta

Quarta ratio est quia dejectiones eorum qui aquas Pugenſes vel Spadenſes hauriunt, ſunt nigricantes : atqui color iſte non aliunde proficiſcitur quàm ex vitriolo, ſive aliqua ejus ſubſtantix particula aquâ ſit diluta, ſive tantùm partes ejus tenuiores & ſpirituofæ, (quod veriſimilius eſt) mineræ chalcanthosæ ignis ſubterranei vi elatæ, cum aqua æqualiter confuſæ ſint, eaque de cauſa aqua pugea in puteo bullat, & in cratere effuſa ſcintillas agit, præſertim ſi aqua ſiccâ tempeſtate hauſta ſit : quod inſuper patet hoc experimento : ſi aquam iſtam è puteo hauſtam igni lento ſuperponas, hæc a-
corem ſuum mox deperdet, abſque inſigni quantitatſis ſux jactura, quod maniſeſtè declarat vapores ſpiritusque chalcanthinos potius quàm ejus ſubſtantiam iſtis aquis immixtos hanc aciditatem iſtis aquis impertiri, Ad hanc rem non inutile erit obſervare quod ſcribit Andreas Baccius lib. 6. de thermis cap. 21. tres eſſe cauſas aciditatis aquarum : prima eſt minera acida quam aqua lambit & cujus ſapore inſcitur, ſicut metallum quod in ea reperitur, ſucci concreti & liquidi, marchasitæ & terræ. Ad ſecundam cauſam refert vapores è minera ſurſum elatos cum aqua præterlabente in iſtos, in terræ poris frigidis concretos & in aquam converſos, qui eaſdem illi qualitates communicant, quas horum matrix & origo obtinet, juxta illud Ariſtotelis 2. meteor. cap. 3. qualis eſt terra, talis quoque eſt aqua quæ per illum fluit, *παλαιστὶ φασι, δι' ὧν αἱ γῆ βέβη ὕδωρ ποιεῖ το καὶ εἶναι.*

Quinta ratio deſumpta eſt ab experimento à multis medicis indigenis acto circa aquarum Spadenſium anathomen. Philippus Særingus (libello inſcripto fontium acidorum pagi Spa accurata deſcriptio à gallicâ latina facta à Thoma

Ryctio Principis Electoris Colonienſis Medico , edita Leodii an. 1592. cap. 2.) ſcribit ſe pluribus rationibus foſſilia ab utriuſque fontis aquis ſecernentem certo comperſſe ſavenirium continere rubricam (matrem ferri) ochram , æs ſulphur , chalcanthum & nitrum ; alterum verò pouhontium dictum qui in pago ſitus eſt , poſtquam examini ſubjecerit , ferri , æiſ , plumbi , chalcanthi , ſulphuris , aluminis , nitrī , ceruſæ & rubricæ participem deprehendiſſe ; & cap. 3. ſcribit ſavenirii aquam foſſilium ſpiritibus reſertam eſſe , pluſque de foſſilium viribus retinere , quàm de eorum ſubſtantia , unde ſit ut à ſcaturiginis loco ſine virium jaſtura transmitti nequeat , & ad pagum vicinum translata gravior efficiatur , ejuſque meſura minuatur propter tenuium iſtarum partium diſſipationem : atque ut probet fontem iſtum vitrioli maximè participem eſſe , reſert quod paucis abhinc annis in locis fontibus hiſce vicinis chalcanthi ac ſulphuris venæ eæque ſœcundæ repertæ ſint : hiſ adde quæ ſcribit de ſapore iſtarum aquarum , ſcilicet eas reſerre ſaporem atramenti ſutorii , qui primâ fronte linguam afficit , non verò in fine potus (ut ſcribit Plinius loquendo de hiſ fontibus lib. 31. hiſt. nat. cap. 2.) ut & de odore fumi caput & guttur feriente quem retinent , quod ad vitriolum præcipue referendum eſt ,

Joannes Banc Medicus Moſinenſis libro gallico cui titulus eſt nova comemoratio admirandorum in aquis naturalibus cap. 9. lib. 1. ſcribit poſt evaporationem iſtarum aquarum in balneo maris factam , feces ſuperſtites acidas eſſe , & linguam pungentes quemadmodum vitriolum iſſum , naturalemque earum ſaporem potando videri ſaporem facis vini æmulari & aciditatem .

ditatem adstrictioni junctam habere, quam qualitatem è vitriolo ducit.

Paulus Dubé Medicus montis argi de qua fontis des escharlis prope Montargium verba faciens, præterquam quod ex odore & sapore aquam hujus fontis ferri & vitrioli misturam in se continere agnoscit, atque ex colore croceo quo lapides tingit quos lambit, insuper ait lintea lixivio purgata hacce aquâ lota luteum colorem contrahere, quem nullo pacto deponunt, quod non nisi vitriolo potest adscribi.

Antonius Faber tractatu suo gallicè scripto de aquis mineralibus regionis Vivarez dictæ cap. 2. ita scribit *vitriolam quod in aqua hujus regionis continetur plus martu quam venter possidet*, & cap. 3. pag. 13. *analysis & anatome quam quotannu aquarum fontium nostrorum instituiimus nobis vitriolam exhibet; cumque juxta principium in schola admis- sum corpora ex in compendantur in qua resolvuntur, cum tantummodo reperiamus in fontibus nostris saltem vitriolatum & sulphureum variè digestum coctum & mixtum, nullum aliud minerale in hu admittere debemus quam illud quod visu & gustu deprehenditur, etsi ut jam declaravimus soli sensuum testimonio non sit fidendum.*

Dices forsan te non adhærere & assentiri iis quæ scripserant authores, sed potius te insistere tuis experimentis: adverte tamen rogo ne ea sint fallacia. Inferis ex iis quæ supersunt post destillationem aut evaporationem satia contineri: sed hic experientix modus non est certus inquit Falloppius qui doctè de aquis mineralibus & fossilibus egit: ita enim loquitur tractatu de thermis & metallis cap. 9. *non est modus dissolutionis per coctionem aquæ factus utilis, quoniam licet per ipsum cognoscantur tenuissima corpora, non tamen omnia possunt cognosci; sunt enim quadam ita*

aqua commixta, ut nec etiam per coctionem possint ab aqua separari : eorum quæ in aquis istis continentur sponte & absque artis auxilio fit segregatio, dum circa alveos quos aquæ istæ alluunt materia in his contenta colligitur, veluti sal in alveis fontis Aponi : nitrum & alumen in balneo Puteolano, rubrica in balneo S. Petri : sed tamen hæc ratio cognoscendi materias commixtas est fallax ; sal enim alumen & vitriolum adeo exactè & exquisitè permiscentur ut hac naturali separatione dignosci non possint.

Poteris adhuc quando voles hoc experimentum agere quod proponit Falloppius, ut cognoscas an aquæ vestræ habeant aliquid chalcanti vel aluminis. Accipe verzinum (gallicè du Bois de Bresil, sic enim illud etiam appellat Brassavolus in examine simplic. med. pag. 588. edit. Lugdun. 1546.) bulliat in aqua ita ut hæc colore nigro inficiatur, deinde coletur, & aquæ hujus portio inspergatur supra sedimentum vel residentiam aquarum vestrarum : si illæ contineant alumen deprehendes colorem illum atrum clariorem & lucidiorem reddi, si verò non adsit alumen, color non erit magis perspicuus.

Restat ut examini subjiciamus quod in epistola ad me scripta proponis, nempe *quod ad thermas spectat in iis tantum sulphur & bitumen contineri quod fixum redditur beneficio lixivii quod fit aqua præterfluente quæ illa alluit*. Optarem ut id demonstrares si id nobis persuadere velles. In memoriam revoca (si lubet) quæ jam antea diximus, nimirum mineras nunquam esse synceras, sed plures substantias heterogeneas complecti. Ubique ferè alumen reperitur quod est stratum metallorum, sal & nitrum : quapropter

propter Guintherus Andernacus commentario de balneis & aquis medicatis dialog. 1. scribit nullas ferè aquas medicatas ex una re fossili tantum, sed interdum duabus, interdum tribus constare, & quemadmodum in visceribus terræ rarò metallum simplex & purum reperitur, sed sapius mixtum cum lapidibus, terris vel quibusdam succis, sic aquæ minerales ex diversis rebus constant quæ varias qualitates & sæpe contrarias obtinent, sese invicem destruentes. Sulphur in aquis Borbonensibus admittis, nihilominus tamen arbitror paucum admodum te deprehendisse in earum residentia vel extracto: non propterea negandum est illius participes fieri: ratio est quia hæ aquæ plus vaporum & spirituum sulphuris quàm ejus substantiæ continent, qui quidem vapores è materia accensa in terræ visceribus assurgunt, quorum odore & sapore hæ aquæ imbuuntur, qui statim his refrigeratis evanescent: deinde sulphur accensum ab it in auras: hujus enim partes tam arctè junctæ sunt & colligatæ ut pars subtilior & ignea non possit efferri, nisi secum abripiat partem terrestrem, ut doctè Baccius proponit cap. 2. lib. 4. de thermis.

Igitur si negari non possit quandam substantiam sulphuream immisceri istis aquis, etsi non appareat post evaporationem, cur vis inferre nullam aliam substantiam mineralem inesse ex eo quod non nisi salem deprehendisti post evaporationem? sed putasne esse salem purum & simplicem cui nihil aliud admixtum sit, ex lixivio tantum productum quod sit aquæ beneficio sulphur & bitumen præterfluendo alluentis? ego quidem non credo. Verisimilius est esse salem fossilem qui in mineris solet reperiri, quique nitro & alumini adjungitur, quæ di-

versæ sunt salis species cum quibus confunditur, & quæ magnam inter se cognationem habent, ita ut multi existimarint nitrum esse salem fossilem : & sane videtur nihil vel paucum inesse salis sulphuris vel bituminis, cum partibus tantum spirituosiss, quæ promptè dissipantur, atque istæ imbuantur. *Nec hallucineris destillatione* (inquit Bartholom. à Clivolo lib. 1. de balnearum Aquensium historia cap. 4.) *si enim non salis genera vitri & similium facile solubilia habeant vena per quam hac aqua transit, sed dura alicujus materia, nil substantia secum adferent : idem prorsus accidet quod aquæ in qua sæpius extinctus fuerit chalybs, quæ deinde igni lento superposita in vaporem fuerit resoluta : in ea enim nihil substantiæ chalybis reperire possibile esse existimo, & tamen nolles inficiari virtute chalybis eam esse imbutam.*

Nolo de hac re longiorem sermonem instituerè cum mihi tantum sit animus epistolam scribere. Fac quæso (vir clarissime) ne tecum de causis acidularum pugnando acrimoniam ullam in me capias, & cogita me tui semper esse observantissimum. Vale. Lutetiæ Parisiorum ann. Dom. 1665. die 5. Julii.

Authoris responsio ad epistolam 1. Dom. Cattieri in celeberrima Monspeliensium Medicorum universitate Doctoris, Consilarii & Medici Regii spectatissimi.

NON solum meus animus in te acrior factus non est tecum disputando de causis acidularum, imò verò benignior & gratior eò quod non tantum lectioni mei manuscripti incubue-

ris, sed etiam quod tanta sedulitate atque industria omnia authorum testimonia, omnesque rationes perscrutatus sis quibus evertas atque destruas meam de aquis ferrugineis opinionem, quâ contendo eas suum acorem ab alumine non verò à vitriolo trahere, atque etiam vitriolum ferro ita adversari, ut illud destruat, ac in aliam metalli speciem, nempe in æs commutet. Tux rationes adeo me urgent, ut nisi fortiter adhererem principiis vitrioli, ferri & aluminis aliorumque mineralium quorum experimenta egi, sanè tuis authorum testimoniis, tuisque rationibus cederem.

Vix credis quod dico cap. 4. mei tractatus nempe aquas ferruginosas ab alumine non verò è vitriolo tuam desumere aciditatem paucaque mineralia earum substantiam subire. De hac re agens proponis *non facile esse discernere quam substantia minerales aquas immisceantur dum per ductus subterraneos & loca abdita delabuntur.* Hac in re tecum convenio, neque immerito, siquidem causas plurimas retuli cap. 1. quarum 1. est, quia diversa authorum de mineris sunt judicia. 2. quia raro, imò fere nunquam unâ re fossili aquæ sunt imbutæ. Tandem quia minera in minutissimas particulas dividuntur, ut quid fiat ne lyncei quidem oculi interdum perspiciant, & illæ difficillimè separantur ab aqua, cum qua ita confunduntur, ut unum & idem corpus esse videantur: præterea quædam mineralia tantam inter se similitudinem habent, ut agere admodum internosci queant: quapropter in illorum investigatione multum laboris & multumque temporis insumpsi. Ex hac difficultate concludis plurimos authores qui de his scripsere, de earum mixtura nil quidquam judicasse & pronuntiare voluisse, nisi ex effectibus quos in corporibus

bus obtinent. Nonne utilius fuisset ægrotis, ut ab aquis fossilia segregassent, eaque separatim considerassent quò tutius earum usum ipsis consulerent, quàm eas præscribere sub opinione horum aut illorum fossilium, sicque vitam & sanitatem ægrotantium fortuitis casibus committere.

Hanc profers rationem ex mixtura mineralium desumptam scilicet, ut in corpore humano naturaliter constituto nullus continetur humor syncerus & impermixtus; sic in mineris nullum metallum aut minerale reperitur, nisi pluribus aliis junctum, aut cum eis sociatum fuerit. Tibi assentior, modò illa convenient inter se, ut alumen cum ferro, vitriolum cum ære.

Verum quidem est succos esse liquidos, ex quibus alii solidi & concretæ producuntur qui cum aquis superfluentibus facilè miscentur: quod probo cap. 3. quia mixtio mineralium cum aquis non esset integra & perfecta, si mineralia dura essent & solida.

*Dicis aquas sub terra effluentes posse è vitriolo contrahere aciditatem absque ulla vitrioli nota in illis remanente, sive in scaturigine, sive in locis vicinis: atque ut hoc probes, ais fieri posse ut sub aquis istis delitecat minera in qua sit vitriolata terra, è qua beneficio caloris in terra inclusi vapores attollantur, qui cum aquis permixti ipsis acorem quem possident impertiantur: similiter possibile esse vaporem istum chalcanthinum in terra productum frigoris externi ope condensari, & in aquam acidam converti, qua deinde mixta cum alia aqua juxta posita, ipsam grata aciditate condiat, adeo ut nulla pars solida hujus mineralis huic aquæ immisceatur: certum enim est vapores retinere saporum eorum è quibus elewantur, ut docet Aristoteles 4. meteor. Attente perpendamus rationes quas Helmontius adducit contra istam
opinio-*

opinionem paradoxo 4. Denique prout non nisi extrema ignium tortura oleum è vitriolo acidissimum elicit, sic fontes hinc, nec alias accescerentur in terra videlicet ejusmodi arderem, spiritus chalcanti acidus, ad terra superficiem concitare, qui ibidem à frigore coacti & in acidam mutati, vicino fonti commisceantur. Quam positionem multa comitantur anxietates, 1. è quod nulla sit ejusmodi spontanea distillatio in universo. Deinde quod saltem æstate frigeant intrinseca terra juxta Hippocrat. quando Spadana nimirum optima, tertio quid spiritus chalcanti, terram aut saxa quæ attingit, nequeat non erodere, atque idcirco aciditatem omnem eruere dicatam fontibus. Quod æstate terra frigus non sit in superficie tantum, quod sit condensando spiritus magnus, quàm interiora, unde caloris vi, fugatos spiritus comminiscuntur. Ego vero assequi possum quomodo detur ignis subterraneus, qui vapores & spiritus vitrioli pellat sursum, sicque cum aquis frigidis permisceantur, ne tamen ipsis ulla fiat caloris impressio, quia ejus vis deberet esse maxima ad spiritum fixum vitrioli eliciendum: nihilominus aquæ ferrugineæ, quas vitriolatas esse vis, sunt penè omnes frigidæ. Insuper si spiritu vitrioli aqua imbueretur, injecto gallarum pulvere, ejus color immutaretur. Miror cur silentio involveris tincturas quæ è vitriolis ferroque extrahuntur hujus pulveris ope, quæ aptissimæ sunt ad distinctionem mineralium quibus aquæ sunt infectæ. Si solvas vitriolum album in aqua simplici, huncque pulverem in eam immittas, color incipit à griseo nigricante & ad violaceum pervenit: si vitriolum viride, statim nigror apparet qui paulatim augescit, donec tota aqua nigro colore tincta sit: si vitriolum cœruleum, color fit subviridis, dein si sinas istum pulverem residere, color

cœruleus reviviscit : aquæ verò ferruginæ incipiunt à venulis rubris quæ per aquam sese diffundentes & sensim colorem suum permutantes aquas colore violaceo nigricante inquinant, cum copiosa minera ferri aquis inest, si enim mediocris adsit, solummodo colore rubello tinguntur, ut videre est in aqua scaturigii un Remensium, B. Mariæ, Escarleiarum, quem Paulus Dubé vitriolo tribuit, cujuncturas istius pulveris ope extractas (quarum nulla vinum rubellum æmulatur) ab ipso observatas esse non puto : sic ait. *Tinctura quippe vitriolum prodidit, nam galla in pulverem redacta aquam hanc colore communi pradam, rubellam roseamque mixture dedit, & lintea lixivio purgata, hacce aquâ lota luteum colorem contrahunt quem nullo pacto deponunt, licet aquâ nitidâ eluantur, quod non potest nisi vitriolo adscribi.* Cæterum quod spectat ad colorem luteum quo lintea hacce aquâ lota inficiantur, à terra ferri procedit, quæ est lutæ, quæ ipsis adhæret; quemadmodum videmus aquas ferruginosas quales sunt nostræ & Spadanae, hunc luteum colorem imprimere lagenis quibus includuntur & diu continentur, atque etiam lapidibus quos fluendo lambunt. Cum autem parum de minera ferri, multum verò de alumine participant, veluti aquæ Pugenses, Ancossenses & S. Reginae, si pulverem gallæ ipsis permisceas, tunc illæ sedimentumque suum colorem album induunt, deinde repositæ clarificantur, & isthæc albedo quæ ex terra aluminis provenit, sedimento inhæret. Insuper observo differentiam insignem in extractione tincturarum vitriolorum & aquarum ferruginearum istius pulveris gallæ ministerio factâ, scilicet pulverem istum tincturam ex aquis ferruginosis elicere spirituum earum sali volatili

sociæ.

fociatorum adminiculo , quandoquidem istæ aquæ cum sunt evanidæ & suis spiritibus viduæ , istius pulveris admixtione colorem suum non mutant : contrà verò vitriola quæ cum sint sales fixi , fixos quoque habent spiritus & tenaciter suis salibus annexos , ideo quamvis ea separatim liques in aqua vulgari & aëri diutius exponas , nihilominus omnes istæ aquæ vitriolatæ coloribus supradictis istius pulveris admixtione inficiuntur.

Ut meam opinionem confirmem , non modo tincturarum ex his mineralibus extractarum diversitatem considero , sed etiam his adjungo differentiam quæ est inter sua sulphura , suos sales , suas terras & suos sapes , adeo ut in tot principiis totque variis qualitatibus decipi mihi difficillimum esse videatur. *Magnam inter alumen & vitriolum affinitatem esse asseris* ; has tamen inter ea discrepantias noto , nimirum aquam simplicem in aqua alumen solutum est , eundem colorem in se admittere atque aquæ aluminosæ , de quibus supra , qui admodum dissimilis est vitriolorum colori ; suum sulphur & suam terram esse alba , hæcque principia in vitriolis esse alterius coloris , ut satis fuscè explicui cap. 4. salem vitriolorum parvâ aciditate donari cum magna acrimonia , & acumen cum adstrictione & salis sapore tantillo , qui in vitriolis non percipitur : idcirco sal ferri qui aluminis est particeps , eodem salis sapore tantillo præditus est , præter amaritiam quæ illi peculiaris est propter mineræ ferri adustionem , quam suæ substantiæ nigredo satis superque demonstrat : deînum terram ex alumine extractam esse insipidam , & terram è vitriolis eductam suâ acrimoniâ non esse destitutam.

Dicis *aquas à sulphure aciditatem suam deprorare posse*, nempe à substantia valde acida quam continet; quod tamen non credo quia illud gustando nullâ aciditate linguam ferit, & aquæ sulphuratæ, ut thermæ, nullâ aciditate dotantur: at si id ex quo substantia aliqua acida extrahitur suam aciditatem aquæ cui admixta est communicaret, necesse esset cum terebinthina vel mel in aqua communi dissolverentur isthæc acorem quendam huic impertiri, quia ex his spiritus acidus educitur; nihilominus tamen terebinthina suo odore suoque sapore & mel sua dulcedine aquam inficiunt; adeo ut non satis sit quoddam minerale substantiam acidam in se continere, ut eam aquis largiatur, sed etiam debet esse sal saporis acidi, ut vitriola & alumen, qui in aquis facile funditur. Opinio est Thomæ Jordani in descriptione acidularum Moraviæ, arbitratur enim acorem aquis communicari à chalcantio & alumine, idque probat ex gustu. *Nam si quis acidulas gustaverit, animadvertet, alumen & chalcantum primas sibi præ ceteris vindicare mineralibus. Si quis etiam simplici aquæ chalcantum permiscuerit aciditatem cum acrimonia quadam sentiet; cum adstrictione verò, si aquæ alumen.* Andreas Libavius eandem sententiam sequitur lib. 2. de judic. aquar. miner. c. 36. nam duas principales statuit aciditatis causas, alumen & chalcantum. *Alumen enim aquis solutum eas reddit acidas. Eidem faciunt aquæ aluminosa tum factitia, tum naturales. Albulæ enim prope Romam copioso alumine infectæ sunt & acore præditæ teste Baccio cive Romano & harum aquarum exploratore l. 6. de thermis c. 21. chalcantum evidenter acidum est, & spiritum sive oleum præbet tantæ aciditatis, ut stuporem dentibus adferat maximum & acetum quoque vincat.* Equidem iis adstipulor

pulor & opinor aciditatem aquis mineralibus ab alumine aut à chalcantio communicari, hæcque mineralia totâ suâ substantiâ in hisaquis liquari : nam imaginari eas solis spiritibus tingi, hoc chimæricum reputo, experientiâ enim constat partes horum mineralium istis aquis inesse, siquidem ab ipsis separantur sulphur, sal, terra, spiritusque dignoscuntur diversis tincturis quas admixto pulvere gallæ exhibent.

Miraris quod asseram vitriolum adeo ferro inimicum esse ut illud continuo destruat id corrodendo & corrumpendo quousque ejus speciem mutaverit & in cuprum redegerit, adeo ut impossibile sit in eodem loco consistere. Quod satis probatur & transmutatione ferri in æs vitrioli beneficio factâ : atque inde concludis æs cum ferro cognationem habere. Equidem fateor sympathiam esse inter duo hæc metalla, siquidem ferrum ope vitrioli in æs commutatur : sed nego vitriolum unâ cum ferro aquas minerales subire, quandoquidem in aqua liquatum ferrum corrodit, corrumpit atque in æs transformatur. P. J. Faber meam probationem confirmat in suo palladio spagyrico cap. 17. *Ad-sunt & fontes quamplurimi, qui ferrum transmutant in cuprum, vidique in profundo minera Pyrenensis stagnantem aquam in cujus lacu ferrum depositum per aliquantulum temporis in rubiginem mutabatur metallicam, quam violentissimo igne liquatam cuprum optimum reperiunt qui tanti thesauri sunt conscii : bujus rei causam retulimus ad vitriolum cujus maxima quantitas diluta est per poros ipsius aquæ. Vitriolum autem mutat ferrum subito reliquæque metalla longo tempore in cuprum, quod vitriolum habet cupri spirituosæ & fixæ substantiæ maximam copiam, cujus ope ferrum convertunt in vitriolum.*

trallum, quod cum habeat spiritus metallicos liquatione forti transit in cuprum potius quam in aliud metallum, quia id postulant tunc temporis spiritus vitrioli propter innatam ad cuprum propensionem. Georgius Agricola l. 9. de natura fossil. f. 345. notat ferrum atramento sutorio illitum, aeri simile fieri. Id quod mirum videri non debet. Nam Smolnizii quod oppidum est Carpati montu, ejusque partu Hungaria, qua olim Dacia dicta, aqua extrahitur è puteo, inque canales triplici ordine locatos infunditur, in quibus posita portiones ferri vertuntur in æs. Ferrum autem minutum, quod in fine canalium collocatur, talis aqua ita exedit, ut quasi lutum quoddam fiat. Id verò omne postea excoctum in fornacibus fit aspurum & bonum. Ex verbis horum authorum tibi planum est vitriolum ferrum exedere ac in æs aut in propriam substantiam convertere & per consequentiam simul subistere hæud posse. Non inficior id quod referes ex Matthioli comment. in cap. 73. lib. 5. Dioscorid. (quoddam vitriolum in aqua dissolutum coctione non coagulari nisi ferri aut aris projecta laminâ) verum esse; inde tamen inferre non debes ferrum inesse vitriolo, siquidem illud destruit atque in suam propriam substantiam convertit; quod ex hac coagulatione vitrioli non solum nobis liquet, verum etiam è vitriolo martis quod spiritus vitrioli subsidio educitur, qui concresecit & recorporificatur martis ope, qui suam deponens adversarii formam induit.

Quartis à me unde viriditatem suam accipiat vitriolum martis spiritus sulphuris ministerio extractum. Respondeo illud hunc colorem mutare à spiritu sulphuris viridis, cujus beneficio educatum est: ut colligo è verbis Dioscorid. cap. 80. lib. 5. Probaturn in genere sulphuris ignem experti, quod viret ac prapinque spectatur. Plurimum in Melo

& *Lipara gignitur.* Ex hoc sulphure major spirituum copia elicitur. Dicis aceto vitriolum martis extrahi. Equidem scobem ferri aceto dissolvi, nullum tamen vitriolum ex hac dissolutione extrahi, verum habui salem colore album, sapore subdulcem, propterea quod sulphur aceti (in quo soluta est scobs ferri, priusquam aqua simplici immisceretur) est dulce, cum sit quoque fixum, hac qualitate sali fixo ferri sociatur, illique suam dulcedinem imprimit: atqui sal iste colore & sapore admodum dissidet à vitriolo martis, quod est coloris viridis, saporis austeri; sal verò iste albi coloris & saporis subdulcis.

Alteram adhuc mihi proponis quæstionem, nempe cur vitriolum quod è cupro extrahitur spiritus vitrioli viridis ope, est cœruleum, et si vitriolum è quo spiritus ille extractus est non sit cœruleum: id fit quia vitriolum cœruleum in are abundat, quod est acrius & fixius vitriolo viridi, quocirca cœruleum viride in suam substantiam convertit: fixitatis eorum differentia in spirituum extractione cognoscitur, cum triginta aut quadraginta horis spiritus è vitriolo viridi eliciatur, & ad educendum spiritum è vitriolo cœruleo tres dies requirantur: eorum quoque sapore majorem vitriolo cœruleo quàm viridi acrimoniam inesse dignoscimus.

Afferis in vitriolo solummodo salem volatilem acrimoniam capacem, fixum autem dulcedinis participem esse, sal tamen fixus quem è vitriolis elicui, quique pluribus solutionibus, filtrationibus, coagulationibus & evaporationibus à suis terris optimè est repurgatus, præditus est exigua aciditate cum magna acrimoniam quæ vitriolo est adeo intrinseca, ut licet ejus terræ pluries lotæ sint, illæ tamen aliquid innatæ acrimoniam

monix semper retineant. Faber Tricassinus Chymista insignis mihi demonstravit quomodo terræ è vitriolis restitantes post spiritus & olei extractionem, tractu temporis naturam & acrimoniam vitrioli resumerent; ergo isthæ acrimonia in sale fixo residet qui istis terris inhæret, siquidem volatilis unâ cum spiritu evolavit. Si verò sal fixus qui etiam sit dulcis è vitriolo educatur, oportet ut hæc dulcedo è suo sulphure fixo sali adhærenti proveniat, non secus ac sales saturni & martis aceti ministerio extracti, suam dulcedinem mutant à sulphure fixo aceti quod ipsis jungitur atque intrinsecè permiscetur.

Refers Falloppium tractatu de thermis & metal. scribere *chalcanthum dilutum aquâ in propria vena insicere ipsam colore albo*. Hæc est opinio istius authoris, quæ vera esset, si omnes aquæ minerales (quas vitriolatas esse opinaris) quæ è terra minerali emergunt, essent albæ, præsertimque nostræ, quæ exeunt è terra in medio prati minera referti: verùm cum hætenus nulla aqua mineralis hocce colore tincta mihi apparuerit, ideo illi fidem non adhibeo.

Dicis pyriten, qui est marchasita, continere ferrum, vitriolum, alumen pluraque alia metalla & mineralia, chymistas quæque putare marchasitam metallorum mineram esse: fieri potest ut simul repellantur in succis concretis, quia ob suam durtiem in sese invicem agere nequeunt: sed in succis liquidis, quales sunt illi qui aquas subeunt, nego ferrum cum vitriolo consistere posse, sicuti patet in lacu Pyrenensi de quo Faber loquitur, ac in fonte Hungarico de quo Georgius Agricola, in quibus vitriolum ferrum corrodit atque in cuprum convertit.

Aquas Spadenses & Pugenſes quod spectat,

eas tantummodo ferro & alumine tinctas cognosco : Spadanis plus inest ferri quàm l'ugentibus , quapropter pulveris gallæ permixtione colorem mutant, uti nostræ, incipiendo à venulis rubris color sensim augetur donec tandem ad violaceum subnigrum perveniat : si sint spiritibus orbæ, hujus pulveris mixturâ nullam tincturam in se admittunt : cùm verò mineræ ferri valde abundantes sint, excrementa eorum qui has potant colore atro inficiuntur, quia ferrum hanc tincturam tribuit, sicuti notatur in iis qui limaturâ vel croco martis utuntur, quorum stercora atro colore tinguntur. Aquæ verò Pungentes nullo colore dejectiones inficiunt ; ut rescivi à plurimis viris fide dignis qui istas aquas hauserunt, quia paucò ferro sunt præditæ, quod in illis abundare debet ut atrum colorem facibus imprimant, quemadmodum in aquis fontis S. Crucis & Spadanis, nam aquæ fontis B. Mariæ & S. Reginæ, nulla nigredine excrementa inquinant quòd pauca minera ferri earum compositionem intret. Si aquæ Spadanæ periculum facere velis, illi admisce pulverem gallæ priusquam spiritibus sit vidua, tum coloris mutationem perspicias, deinde illam in vase figulino positam aëre expone, ad superficiem pellicula pinguis attolletur quæ spiritus retinebit, quapropter secundâ die tincturam adhuc suscipis, at si istam pelliculam disrumpas ut spiritibus pateat exitus, tertiâ tantillum rubescet, quartâ verò albescet instar aquæ aluminosæ, tinctura aluminis emergens ferri spiritibus exhalatis, quæ eò est candidior quò minus ferri cum alumine mixtum est ; aqua verò simplex in qua vitriola solvi, postquam illam aëri per quindecim dies exposui, sulphurque ipsi superstitans excepsi, colores quos suprà descripsi, in se recepit.

cepit. Facile segregantur substantiæ minerales ab aqua Spadana, dummodo eam in vase fictili reponas & per tres aut quatuor dies spiritus evanescere sinas : terra ferri proprio pondere ad fundum descendet, dein aqua filto colanda & evaporanda, & reliquum habebis alumen albisimum, quod sapore se prodit, neque in illa invenies ullam ex terris vitriolorum neque aliorum mineralium quæ eam subire hydrographi autumant : at si salem ab ista terra distrahas, illa insipida remanet, è contra terra vitriolata semper chalcanti acrimoniæ particeps est : vel permitte ut hæc aqua, terrâ ferri prius sublatâ, in vase figulino temporis progressu exhaletur, tum in fundo vasis reperies alumen coagulatum, colore album ob multam terram excrementitiâ aluminis, quæ est alba, illudque sapore facile dignosces.

Nescio quâ de causâ aqua Pugenſis dejectiones denigrare dicitur, cum illi qui nunc eam epotant contrâ affirmant : verum quidem est J. Piduxium, qui primus de ea scripsit, hoc ita litteris consignasse, quod impræſentiarum amplius non apparet : dubito vitriolum esse in alumen conversum, quod nullam tincturam facibus tribuit ; cum verò pulvis gallæ huic aquæ admiscetur, simili colore tingitur ac aqua in qua alumen est solutum eodem pulvere ipsi permixto. Si sinas hanc aquam quiescere ad superficiem attollitur sulphur album quemadmodum supra aquam in qua alumen est liquatum : ejus terra post evaporationem est alba, sicut terra aluminis & saporem præ se fert aluminis æmulum : verum terræ, sulphura & sales vitriolorum ab hujus aquæ principiis admodum discrepant : præterquam quod aquæ vitriolatæ pulveris gallæ mixturâ alio colore tinguntur quàm alu-

aluminosa. Quamobrem his omnibus differentiis attentè consideratis sedulòque perpensis, fateri haud possum aquas Pugenſes vitriolo verum alumine inquinari. Adducis experimentum quo probas eas vitriolo infici, nimirum si istas è puteo haustas igni lento superponas, acorem suum mox deperdent: hoc ipſo experimento eas ferro & alumine, non vero vitriolo præditas eſſe probo; siquidem vitriolum in aqua communi solutum sæpius igni imposui ut bulliendo aqua exhalaretur, nil tamen aciditatis neque acrimoniæ amittebat, quoniam sal est fixus cujus spiritus sunt quoque fixi: eadem est ratio quam supra attuli, ob quam aquæ vitriolatæ, quamvis per longum temporis spatium aëri fuerint expolitæ, pulveris gallæ admixtione colorem mutant. Cæterum alumen & ferrum salis volatilis divites sunt qui spiritibus volatilibus sociatus levi de causâ cum ipsis effugit, ideo istæ aquæ tam citò suâ aciditate privantur quæ pendet ab istis principiis quæ promptè evolant ab ignis calore pulsa; atque etiam sine igne disperduntur & dissipantur, quod aquis vitriolatis non evenit ob salis & spirituum fixitatem. Vidi experimentum quo cognovi alumen sale volatili eſſe præditum; nam aquam S. Regiæ in lagena inclusam in vas fictile infudi, ut temporis lapsu exhalaretur. Sulphur ad superficiem est elatum, ubi retinuit & inviscavit suâ visciditate spiritus & sales volatiles ferri & aluminis (quod licet sit sal fixus, salè tamen volatili non destituitur) & spiritus coagulantis salis aluminosi subsidio, hi sales volatiles coagulati sunt & formati in granula alba instar sabuli tenuia & sapore aluminis dotata: ea excerpſi unà cum sulphure ipsa suâ substantiâ viscosâ implicita detinente; insuper agnovi salem volatilem aluminis, postquam illud in aqua

qua liquavi, diuque in vase figulino reliqui, sal enim volatilis, qui est in superficie aquæ, vasis parietibus adhæsit parvulorum crystallo-
rum in modum. At sal volatilis ferri mihi apparuit, postquam ferrum in aceto dissolvi, quod cum sit spiritibus prægnans, tincturam spirituum ferri promptè elicit: isthæc tinctura est atra, quam in vasaquâ plenum infudi, cujus parietibusobhæsit, & aliquot annis elapsis, ab ipsis separata est corrosione salis volatilis tibi immixti, qui emergit exitque ex hac tinctura ut prodatur suum colorem nativum qui albus est. Cum hæc mineralia sale volatili abundant, qui unâ cum spiritibus aquis mineralibus saporem conferunt, mirum non est si cum illi vel ignis calore pulsi sunt, vel aquis extra scaturiginem per aliquod tempus aëri expositis evolarunt, tunc aquæ suum saporem amittant. Si aquam Pugensem in vase quiescere sinas, in illius fundo granula quædam terræ subflavæ conspicias, quæ est terra ferri, hæcque terra lapidibus inhæret quos fluensaqua lambit, ipsisque suum colorem imprimit: si verò eam evapores, habebis copiosum alumen album impurum ob multam terram excrementitiâ quâ scatet, & sapore alumen non verò vitriolum esse dignoscēs. At si istam terram aquâ laves atque ab ea salem secernas, tibi supererit terra alba insipida, terræ aluminis non absimilis: terra verò vitriolorum alterius est coloris & semper acrimonie particeps, quamvis eodem modo salem ab ea segregaverim. Si tractu temporis in vase fictili aquam exhalari sinas, uti feci, idem alumen reperiēs quod notabis impurius & majorem terræ excrementitiæ copiam possidere, quam alumen aquarum Spadanarum eodem modo coagulatum, terrâ ferri prius ab ipsis secretâ.

Quod

Quod ad thermas spectat ingenuè fateor me eas non explorasse, neque hactenus ad eas mentem meam convertisse, sed ad aquas frigidas, à nostris aquis occasione captâ. De illis tamen meam sententiam libenter proferam, quæ est thermas bituminis aut sulphuris esse participes, & salem qui in iis invenitur, procedere è lixivio factò aquâ quæ alluit cineres istorum mineralium adustorum, lapidum & rupium ignis in terra inclusi ministerio calcinatorum. Hæc non dico studio tibi contradicendi tuamque sententiam oppugnandi, cuique enim libera est de his rebus sententia, sicut etiam de mea opinione, quâ contendo aquas, quas examini subjeci, solummodo imbui ferro & alumine à quo suam desumunt aciditatem, ferrumque cum vitriolo consistere non posse, quia illud corrodit, corrumpit atque transmutat aut in suam substantiam aut in æs, sed alumen convenit cum ferro actantam inter se affinitatem habent, ut ea semper in aquis mineralibus simul associata repererim, sed diversâ in quantitate, alumen excedens ferrum in aquis quæ sensibili & manifestâ aciditate donantur.

Ex his omnibus experiencijs à me peractis potes judicare an meritò fidem adhibeam iis quæ vidi, palpavi & gustavi, an etiam differentiarum quæ sunt inter spiritus, sulphura, sales, terras, sapes & tincturas vitriolorum, aluminis & ferri ad meæ opinionis confirmationem sufficiant. Qui vitriolum aquas subire contendunt spectant ad aciditatem & tincturam nigram quæ conspicitur cum pulvis gallæ aquis mineralibus admiscetur, atque etiam ad dejectiones nigras eorum qui istas aquas deglutiunt. Verùm constat alumen aciditate quoque donari, & ferrum nigredinem conferre quam pauci animadvertunt,

runt, illamque & modo & colore à vitriolis longè diversis, aquis imprimere, ut satis prolixè explicui. Helmontius tamen in suo supplemento paradox. 3. apposite notavit nigredinem facum eorum qui aquas Spadanas epotant à ferro ortum ducere. *At si ferrum vel acies*, inquit Helmontius, *in liquore acri nobis tamen non hostili, dissoluta poterit (puta Spadanas) natura absumptis* & penitus intro admissis liquoribus ferrum mox (utpote ad alimoniam ineptum) à commisto separat & perire festina amandat, ut videre est in stercoreum Spadanorum nigrore. Non solum tincturam nigram è ferro aceti subsidio extraxi, verum etiam ex ferro cum aqua communi & galla soli xstivo per spatium unius alteriusve diei expositis elicui tincturam similem illi quæ in nostris aquis apparet eadem gallâ ipsis admixtâ, quod fit ministerio spirituum, qui dum solvitur ferrum in aqua, è suo subiecto emergentes gallæ occurrunt, cujus ope hanc tincturam violaceam subnigram eliciunt, non secus ac spiritus nostrarum aquarum illam extrahunt: nigrorem facum quod spectat, quicumque limaturam aut crocum martis usurpant, illi per alvum eliminant excrementa colore non ablimilia iis quæ nostri hydropotæ deiciunt.

Vehementer lætatus sum (vir clarissime) cum ex tuis litteris didici te non aliud habere propositum quàm veritatem ubicunque fuerit mecum scrutari atque amplecti. Certo enim scio te animò esse tam generosò tamque præcellenti, ut aliter regere nequeas. Tua merita, tua virtus, tuæque singularis doctrina id apertè testantur. Rationi maximè consentaneum esse arbitror, cum tuæ rationes tot illustrissimorum & doctissimorum virorum testimoniis fulciantur, ita ab antiquâ opinione ad novam tam faciliè non tran-

transire, præsertim si nondum optimè stabilita tibi videatur, meaque experimenta animum tuum non convincant. Ingeuè fateor omnem operam, quam in examinandis aquis mineralibus impendi, me suscepisse eo consilio ut explorarem utrum vitriolum aquas nostras subiret; quia si eas vitriolo tinctas esse cognovissem, earum potum fugissem quod fluxionibus in pectus depluentibus sim obnoxius præfervidisque visceribus præditus, quibus omnibus vitriolum valde adversatur. Atque ut clarius mihi innotescerent fossilia quæ in nostris aquis dominium habent, perferutatus sum mineralia quibus alia aqua frigida inquinantur. En mea mens nuda nullâ novitiæ opinionis cogitatione præoccupata: verum cum operando plurima nova atque hætenus inaudita mihi occurrerint, ea quantum potui perspicue exposui, atque ad te misi, ut de his quid sentiret, ad me rescriberes, quod eum feceris, gratias tibi ago infinitas. Caterum te rogo ut ad has litteras respondeas, si tibi per otium liceat. Vale Vir Clarissime & amicissime, Prævidi die 30 Augusti ann. Dom. 1663.

*Isaaci Cattieri Doctoris Medici Monspelien-
sis, Consilarii & Medici Regii ad
Dom. Givrium Medicum eruditissi-
mum.*

EPISTOLA SECUNDA.

Renuerem in manus adhuc sumere calamum ad sententiam tuam oppugnandam, nisi posteriori tuo scripto responsum à me expeteres, etiam quam ad te scripsi epistolam te benevolè excepisse testatus fuisses. Mitto igitur ad te quædam

dam à me observata in posteriori tua dissertatione, potius ut expostulationi tuæ respondeam, quàm ut bellum tecum susceptum extendendi & prolatandi desiderio indulgeam. Non potui ea citius ad te mittere quadam ægitudine affectus & negotiis gliscentibus implicatus.

Primò dicis te non sine difficultate assequi posse quomodo detur ignis subterraneus qui vapores & spiritus vitrioli pellat sursum, sicque cum aquis frigidis permisceantur, nectamen ipsis ulla fiat coloris impressio, quia ejusvis deberet esse maxima ad spiritum fixum vitrioli eliciendum. In his verbis tria observo. Primum est te ignem subterraneum ponere in dubio: secundum est dato igne subterraneo non posse spiritus vitrioli propelli, nisi aquæ quibus immiscerentur incalescerent: tertium est requiri magnam in eo potentiam ut spiritus fixos vitrioli educeret.

Quod primam spectat difficultatem, facile probari potest ignes subterraneos esse qui variis in locis effulgent, & qui è montibus copiose erumpunt, certa sunt & manifesta hujusce rei testimonia: exhalationes fervidæ & suffocantes fosfores, quæque ipsos loco decedere cogunt, hanc veritatem omnino confirmant. Præterea multi hoc sæculo arbitrantur in centro terræ ignem delitescere cõstioni & digestionì materiæ metallicæ & mineralis inservientem, atque forsân ab hoc igne exhalationes calidæ in terræ visceribus suscitantur.

Quoad secundam de quo tecum lis est, non major est difficultas: vapores enim & spiritus isti chalcantiosi propelli possunt ignis & caloris vi, venis vitrioli & aquis cum quibus confunduntur multò inferioris, nullam caloris notam ipsis inutendo: hæ namque hujus partici-

pes esse nequeunt celeriter meatus & canales huic igni superpositos vel adjacentes percurrendo, qui etiam potest per quædam spiracula alibi posita exhalare, & de suo vigore aliquid remittere.

Quoad tertium, non opus est ignem istum esse tam violentum quemadmodum supponis: at sufficit eum indefinenter agere in materiam non adhuc induratum in visceribus terræ in qua spiritus sive substantiæ tenuiores non ita coëscuntur, quin à mediocri calore continuo in eam agente educi possunt. In vitrioli destillatione ceruimus ipsum multos spiritus volatiles includere, qui accedente igne primi facillè attolluntur, humiditatis internæ in vitriolo consistentis ope, quæ ipsis est instar vehiculi, quo possint à vitrioli corpore separati: equidem postquam isti spirituseducti sunt nihil amplius extrahitur, nisi igne continuo agente, non quòd spiritus qui restant naturâ differant à prioribus, sed quia nulla superest humiditas in vitriolo cujus ope attollantur, & quia in ejus sale fixo inclusi sunt & coësciti.

Scribis deinde si spiritu aqua imbueretur injecto gallarum pulvere, ejus color immutaretur. Paucis respondeo aquas spiritibus tantum chalcanthosis imbutas non adeo esse idoneas ad gallæ tincturam extrahendam, sicut illæ sunt quibus ejus substantia admixta est: hujus rei ratio est, quia spiritus dissipantur, nec diu in aqua morantur: è contra vitrioli corpus inibi subsistit & aquæ perpetuò spiritus viresque suas communicat, quod à Libavio fœliciter observatum est cap. 7. lib. 1. partis 4. singularium, *spiritualis vitrioli tinctura potestatem atrandi non habet*: equidem spiritus vitrioli ad aliarum substantiarum molliorum & teneriorum tincturam

eliciendam confert, veluti ad rosarum tincturam rubram extrahendam : nec forsan tardius & inutilis erit hicce digressus, non omitendo observationem quandam cui forsan multi operam dederunt, si nempe super rosas in aqua infusas instilles oleum tartari, tinctura viridis extrahetur ; si super easdem rosas partes æquales utriusque effundas, pars altera erit rubra, altera verò viridis fiet. Harum tincturarum varietas pendet ex eo quod spiritus vitrioli calidus est, & colorem rubrum exhibet in certo quodam coctionis gradu ; vel ex eo quod vitriolum hunc colorem intrinsecè retinet, ut quidam celebres inter Chymistas existimantur : contra oleum tartari crudis partibus abundans, rosæ substantiam decoquit, atque ut ex vegetabili promanet, sic etiam colorem stirpis unde originem trahit, communicat : sive ut quidam exponunt, quia tartari ejusque olei proprium est tincturas è profundo elicere, vitrioli verò exteriores ; cumque rosa intrinsecus sit viridis, extrinsecus verò rubra, priorem colorem evocat oleum tartari, posteriorem verò oleum vitrioli. Sed ut redeamus illuc unde divertimus, ubi spiritus vitrioli in substantiam duriorem & solidiorem agit, non facile ex ea tincturam elicit, præsertim si multâ aquâ diluatur quæ ejus acumen obtundit : & reverà necesse est aquas exacui ut tincturis eliciendis inserviant : sic infectores urinam adhibent cum aquæ mediocri quantitate ad colorem rubrum floridum è verzino extrahendum, addendo cineris aut salis tantillum : simili modo alias tincturas extrahunt alicujus lixivii ope aquâ infusionis calcis additâ.

Varia quæ proferunt in medium experimenta variorum colorum quibus aquæ inficiuntur in quibus dissolutum fuerit vitriolum album, viride,

ride, cœruleum cum gallarum pulvere mixtum hoc idem confirmant, nimirum substantiam vitrioli ad tincturas istas eliciendas aptiorem esse, quàm spiritus chalcanthinos quibus aquæ minerales imbuuntur. Quod verò spectat ad ea quæ dicis de colore flavo quo lintea immersa in aquam fontis des escharlis juxta montem argi sita infecta sunt postquam lixivio purgata sunt, ex vitriolo provenire non posse, nihil aliud opponam quàm maculas ab atramento linteis inustas, in colorem flavum degenerare postquam lixivio mundata fuere, quod aliunde proficisci non potest quàm ex vitriolo quod misturam atramenti scriptorii ingreditur, vel saltem ex sulphure in ipso contento: quapropter Caneparius scribit vitriolum Romanum multum sulphuris & ferri in se habere. Non licet inferre alumen istis aquis inesse ex eo quod sedimentum album in ipsis conspiciatur, quod etiam in aquis chalcanthosis videre est, ut observavit Joannes Banc lib. 1. de aquis naturalibus cap. 19. *quisquis inquit distillaret vitriolum, ejus facies alba remaneret.*

Videris improbare magnam esse vitrioli & aluminis cognationem, cum scribas in multis differre: nihilominus tamen hoc adeo certum est ut alterum ex altero fieri possit. Perpende ea quæ scripsit Libavius cap. 8. lib. 1. partis 4. singularium. *Vicinum chalcantho adeo alumen est ut alterum ex altero fieri queat, & videatur chalcanthum quoddam ex lapide fieri, & chalcitindi inde quod intelligimus ex pyrite atramentoso, in quo sæpenumero & alumen est, & vitriolum, ut & Agricola docuit quoddam infici denigrarique gallâ & succo mali punici, quod item putamus atramento sutorio miseri esse:* in his verbis adhuc observari potest genus quoddam aluminis esse quod in aqua cum galla vel succo granatorum mixtum tincturam nigram

efficit, quod tamen negas. Audi Cæſalpinum cap. 21. lib. 1. de metallis, *vis inficiendi colore nigro tribuitur aluminibus, ut chalcantio & melanteria.* De magna inter utrumque hoc minerale affinitate ſermonem perſequor, dicens poſſe confici vitriolum miſcendo ſeni vel æris ſolutionem cum alumine atque ex hoc eodemque vitriolo poſſe fieri alumen ſeparatione partis terreſtris & æroſæ. Deinde ſpiritus vitrioli naturam habent aluminis, *ſi vim habeant coaguandi in cryſtallos* inquit idem Libavius. Conveniunt inter ſe ratione ſubſtantię, conſiſtentię, ſticticitatis, acrimonię & aciditatis: alumen quidem minus habet aciditatis quàm vitriolum, paucique ex alumine ſpiritus acidi, multumque phlegmatis inſipidi extrahuntur, quod opinioni tuæ adverſatur, quæ aciditatem aquarum mineralium tribuit alumini. Dum oleum vitrioli per deſtillationem extrahitur, odorem aluminis ſpirat: ſi aquâ in qua vitriolum fuerit ſolutum manus abluas illæ aſperæ & rugoſæ evadent: idem præſtat aqua in qua alumen ſolutum fuerit, ut ritè notat Falloppius. Ex alumine naturali & gleboſo reſudat alumen ſciſſile ut & vitriolum pariter, atque ambo in eadem matrice generantur & conſervantur, quæ eſt pyrites, & cujus ſolutione utrumque educitur. Itaque hæc duo mineralia poſſumus fratres appellare inter ſe ſimiles parumque diſcrepantes.

Deinde ſcribis te non exiſtimare ſulphur poſſe ullum acorem aquæ communicare, ex eoque ſpiritum acidum extrahi negas. Non video igitur cur dicatur ſpiritus acidus ſulphuris: qui nihil aliud eſt quàm ſal volatile ſulphuris, cujus fit reſolution in humiditatem acidam: attendo ea quæ Guntherus Billichius in ſuis paradoxis & obſervationibus chymicis ſcribit cap. 6. lib. 1. *ad ſales pertinet*

tinet sulphur, in fronte resina est, in recessu nil nisi fuligo, nil nisi sal in fuligine, merum in sale acetum: atque se fuliginem per quandam alembici fistulam in capax receptaculum eduxisse ad inediam usque partem aquâ replem, aquamque illam temporis progressu admixtione hujus fumi sulphurei acorem magnum contraxisse: deinde ait se aquam illam spiritibus sulphuris inebriatam in balneo maris excoxisse, eousque ut visâ sit refrigeratione in salem candidum solidescere, qui postea obliquâ stillatione in arena resolutus est in acerrimum acetum: nec rectius assimilari potest hic liquor quàm spiritui sulphuris purissimo. Est sulphur acidum (inquit idem) non aciditate chalcantiosa, sed chalcanthum acidum aciditate sulphuris; est enim sulphur vitriolo generatione prius.

Hanc rationem subjicis, nempe thermas sulphureas omnis aciditatis expertes esse: sed causam affero primo quia aqua quæ per sulphur illud accensum vel per loca ei proxima decurrit, ejus tantum vapores transcurrento excipit, sicque aciditatem à sulphureis halitibus non potest accipere, pariter atque quieta & immota aqua. Secundo potuit aqua aciditatem in sua scaturigine contrahere, quam postea deponeret, spiritus sulphureos alveis per quos decurrit adherentes deferendo. Tertiò vapores isti sulphurei non ita sunt coerciti & inclusi in visceribus terræ, ut per aliquod spiraculum exitum habere non possint, præsertim cum sulphur flammam conceperit, sicque aciditatem suam huic aquæ impertiri non possunt.

Hanc rationem alterâ non minus dubiâ corroboras dum scribis, si id ex quo substantia aliqua acida extrahitur suam aciditatem aqua communicat, necesse esset, cum terebinthina vel mel in aqua

communi dissolverentur, illa acorem quendam huic impertiri, quia ex his spiritus acidus educitur. Sed adverte quæso mixtis inesse substantias quasdam quæ à se ipsis separatæ, qualitates habent contrarias & diversas à mixto è quo promanant quæ quidem non percipiuntur manifestè dum remanent in mixto; cum sint refractæ & vinctæ contrariarum misturâ: sic vitriolum crudum & integrum est atramentum propter atrandi facultatem quam possidet, cujus expertus est oleum ex ipso extractum, cujus si guttam unam instilles in oleum tartari vel aquam vitæ, hæc conspicias colore albo infici: si verò hocce oleum atramento scriptorio admisceas, huic suam nigredinem detrahet. Vitriolum crudum & integrum vomitum ciet quem ejus oleum sistit. Sic sulphur crudum combustibile creditur; contrà verò ejus oleum acidum igni valde resistit, impeditque quominus pulvis pyrius eo irrigatus flammam concipiat. Hic igitur non fit sulphuris crudi & integri cum aqua commixtio; sed tantum vaporum sulphureorum ignis subterranei virtute clarorum, qui frigore coerciti, nec in sublimis rapti caloris ope ut fit in thermis, aciditatem aquis cum quibus miscentur communicare possunt.

Instas ferrum in ær transmutatur vitrioli virtute, quod demonstrat hoc cum ferro non posse subsistere quin illud solutum hoc corrodat: sed me his abundè satisfecisse in priori mea epistola existimo, cum manifestè demonstraverim ferrum cum vitriolo consistere, & quod voca transmutationem esse potius æris particularum per aquam dispersarum, vel in ære contentarum reductionem.

Ignotum est mihi quomodo hæc duo quæ adducis cohæreant; scilicet spiritum vitrioli coagulari & in corpus reduci beneficio martis, dum

extra-

extrahitur vitriolum hujus metalli nomine insignitum, & quæ mox subdis nempe vitriolum martis quod spiritu sulphuris educitur mutuari colorem suum viridem ab illo spiritu quæ viridis est: si enim hæc vitrioli è Marteeductio provenit ex eo quod spiritus vitrioli corporationem resumit, unde igitur vitriolum originem ducet quod è ferro spiritus sulphuris ope educitur, necesse erit in sulphure spiritus chalcanthinos admittre, quod dici non potest, quamvis dici possit sulphur inesse vitriolo, vel admittendum erit vitriolum in ferro reperiri cum non aliunde quam è ferro aut sulphure in hac operatione educi possit.

Affirmas te non potuisse vitriolum martis extrahere aceti interventu. Ut te hocce labore eximam ad Mindeteram te remitto qui cap. 2. lib. de chalcantho modum extrahendi vitriolum è venere, è Marte & tincturam utriusque aceti ope proponit: quod ex aræ fit colorem saphiri refert (cœruleum deberet esse juxta doctrinam tuam quæ statuit æs vitriolo cœruleo abundare) quodque fit è ferro viride apparet, quia ferri substantia non adeo est pura, nec adeo excocta ut cupri: si verò color cœruleus è cupro proficeretur quemadmodum dicis, cur ærugo viridi colore infecta est nescio: & cur ejus tinctura quæ aceti virtute elicitur, postquam in vaporem fuerit partim resoluta, & in loco frigido reservata crystallos smaragdi colorem referentes exhibeat. Fatendum est vitriolum esse verum Protheam quæ varias figuras, variosque colores induit: aliquando cœruleo colore gaudet, aliquando verò albo, viridi, luteo, rubro & livido inficitur. Si Caneparium consulas (descript. 3. de atramento futuro) hæc colorum varietatem in vitriolo observabis.

Huic verò quod negas *salem* nempe vitrioli , *acrimonia expertem esse* , oppono tantum experimentum in mea priori epistola propositum , quo ex cineribus vitrioli usti & calcinati in furno re-verberii qualis est vitriariorum , extrahitur sal candidus & dulcis : si autem acrimoniam quandam perceperis post lotionem terrarum , illud tribuendum spiritibus volatilibus qui vi ignis non omnes ab his propulsi & fugati sunt, qui quidem ignis violentus esse debet & in longum tempus durans.

Cum scripto tuo priori dixeris *ferrum cum vitriolo non posse permanere* , quia hoc ferrum destruit ; nunc illud contrahas aisque posse hoc reperiri in succis concretis quæ in se invicem non agunt , sed cum ferro vitriolum non posse consistere , si nimirum aquis solutum sit , quia ferrum destruit & absorbet. Ad hoc respondeo aquas vitriolatas non esse tantarum virium ut fluendo dissolvere & corrodere valeant integram mineram ferri , & quamvis aqua acore prædita partem hujus dissolvere potuerit , tamen horum metallorum matrix adeo fœcunda est , ut multò plus hujus reponere valeat , quàm antea fuerit deperditum ; nobis compertum est sulphur quod igne promptius consumitur , quàm ferrum aquis acidis destruitur ; non posse tamen in montibus penitus absorberi , ubi hoc elementum vorax tamdiu regnat , cujus perpetua fit generatio , cur igitur acidularum copia exigua abundantes ferri mineras absorbere poterit , quarum generatio fit continua.

Scribis te in aquis *Spadensibus & Tugensibus* nil quidquam reperisse quàm ferrum & alumen ; hoc impugnare volo , sed dico non propterea concludendum esse non dari vitriolum in locis illis subterraneis quæ pervadunt , cujus crassior pars cum aquis confusa saxis & silicibus adhærebit ,
atque

atque alveorum lateribus quæ adlambunt : sicque in istis aquis nihil ferè remanebit quàm facultas & virtus. Consule ea quæ scripsit Henricus de Meers pag 60. *Ex fontibus Spadanis saveniri-
nus maximè pellucet sincerus , & certè chalcantbi
mineram secum non rapit , crassio-rem enim haberet
substantiam , ipsiusque minera odor vapore nec iu-
cundo nasum feriret : accedit quod cum substantia mine-
ralium crassior fontibus se miscet , ut plurimum circa
fontis scaturiginem lapidibus vel tophis adherendo se
prodit , ut in agro Neapolitano, à puzzo alla solphorata
videre est, ubi quæ maximè bulliente aqua feriuntur sa-
xa, sulphuris substantiam exhibent.*

Succi liquidi qui cum aquis confusi sunt & qui adhuc mineralis principium generationis non attigerunt sensibus percipi non possunt , gummi in arbore latens nil aliud est quàm aqua, nec induit formam gummi nisi postquam ab ea secretum & induratum fuerit. Metalla & mineralia in prima sua origine speciem aquæ præseferunt, eorumque materia est sal solutus & liquatus in istis aquis qui sensibus non patet inquit Palissius libro gallico de aquis & fontibus. Piduxi tractatu suo gallico de virtute & usu fontium Pugeacorum cap. 2. scribit sibi videri aquas istas suam præcipuam virtutem mineralem desumere ex minera vitrioli. Huic fidem non adhiberem solo suo testimonio innixus, nisi id sequentibus rationibus confirmaret. Sapor earum acidus & acris cum quodam fastidio, similis est ei quem aqua præberet in qua vitriolum solutum fuisset. Lixivium ex quo conficitur vitriolum ejusdem ferè est saporis, aquæ cyathus cui duæ vel tres guttæ olei vitrioli affusæ sunt eundem ferè saponem redolet, eorumque dejectiones qui hæc aquas hauriunt sunt atra, quia vitriolum dejectiones hoc colore inficit. Quod verum esse, possum affirmare cum Pugæum moratus per tres

hebdomadas & amplius, dejectiones eorum qui has aquas potabant, hæc colore imbutas observaverim, nec mirum videri debet cum vitriolum cum ferro concurrens nigriorem colorem inducat quàm cum alio metallo mixtum. *Hæc vitrioli cum aqua mixtura*, inquit Viduxius, non est totius substantiæ ut si aqua dilutum esset, sed solum partium tenuiorum, subtiliorum & volatiliorum quæ à vitrioli minera ignis subterranei ope suscitantur, quarum opera aqua in poculum vitreum effusa saliens conspicitur, si nimirum tempestate sicca hausta sit, quod patet ex eo quod aqua hæc aëri exposita & igni superposita saporem suum acidum mox perdit, abque insigni quantitatis immutatione: nec in ejusdem aquæ coctione, evaporatione, destillatione & sedimento, neque in locis unde effluit & quæ præterlabitur quidquam apparet vitrioli aut metallici, alteriusve mineralis, nisi color ille flavus quo saxa quæ lambit inficiuntur, oriturque ex sulphure in hac aqua contento, quod ex odore quem spirat cognoscitur, hujusque sulphuris vapores cum vitrioli vaporibus artissimè conjuncti sunt: hunc colorem præcipuè observavi in faxis quæ fons Briffonius irrigat dum ad Pugnum commorabar.

Adducis experimentum quo contendis ex eo me inferre voluisse aquas illas esse vitrioli participes, nempe aquam illam à puteo haustam ignique lento expositam statim acorem suum amittere: eoque modo probare conatis eas esse aluminosas & ferrugineas, non verò vitriolatas, quia scribis te vitriolum cum aqua communi multoties decoxisse, nec propterea acrimoniam & aciditatem suam deposuisse: sed imprimis notum facio me hoc experimento nihil aliud probare voluisse: quàm vitas aquas aciditatem suam non aliunde quàm ex spiritibus vitrioli desumere, non verò ex crassa ejus substantia quæ illis non est admix-

ta. Secundo non mirum esse si aqua in qua vitriolum bullierit acida remaneat, etsi illam igni exposueris, cum vitrioli corporatura restiterit, omnesque spiritus acidi illo pelli non possint, nisi igne violento & continuo, ut antea declaravi.

Existimas te omnia reperiisse quæ in aqua Spadensi continentur post ejus filtrationem & evaporationem dicendo te nihil in ea deprehendisse quàm terram ferri quæ in fundo collecta est, deinde alumen albiſſimum, neque ullam terram chalcantissam invenisse: addendo si salem ab ista terra abstrahas, illa insipida remanet: è contra terra vitriolata semper chalcanthi acrimonia particeps est. Sed animo volvas ea quæ jam à me dicta sunt, nempe aquas minerales terras & lapides percurrendo, quod terrestre & crassum ex mineralibus in earum origine, aut in earum cursu acceperant, deponere: sicque neque ex earum aquarum residentia, neque ex filtratione aut evaporatione terram ullam chalcantiosam potes deprehendere. Si autem terram ferri adinveneris hoc fit quia hæc reperitur ubicunque hæc aqua præterlabitur, cum sit propriè loquendo terra sulphuris ferri colore tineta, quod ipsi colorem flavum tribuit. Admitto Iubens alumen in aquis Spadensibus, sed nil obstat quin vitriolum quoque in earum scaturigine, aut cursu, aut locis proximis reperiatur, cum demonstraverim hæc mineralia simul concurrere. Non mirum est igitur si terram istam à sale suo separatam insipidam deprehenderis, cum sales vitriolati in scaturigine remanere potuerint: sic acrimonia & aciditas chalcanthi in luto quod in puteo aquarum Pugenſium subsidet, præcipuè observatur: cum enim lutum illud tollitur, puteusque repurgatur, tunc de aciditate sua multum aquæ detrahitur, ut
inde

inde pateat vitrioli substantiam subsidere & facillè terris admisceri.

Scribis colorem nigricantem qui cernitur in dejectionibus eorum qui has aquas hauriunt è ferro procedere posse, quod nigro colore inficit. Hisque addis te nigram tincturam è ferro beneficio aceti extraxisse, atque adhuc è ferro cum aqua communi & galla soli expositis. Non dubito, sed putasne ferrum vitrioli expertum esse, ejusque compositionem salerni vitriolatum non admittere? hoc denegabunt celebriores chymistæ qui circa hoc metallum studiosè laborarunt.

Jam tempus instat colophonem huic disceptationi addere, & te rogare ut credas prætermisissistis controversiis, quæ nullum excitare debent utrique irritamentum, me æstimationi atque observantiæ quâ te suavissimè colo nunquam defuturum. Vale Lutetiæ Parisiorum die 12 Octob. ann. 1665.

*Autoris responsio ad epistolam secundam
Dom. Cattieri Doctoris Medici Monspeliensis Consilarii & Medici Regii
celeberrimi.*

VEhementer doleo quòd te ab optimis tuis negotiis, meis importunis efflagitationibus, distraxerim; tu verò tantâ me benevolentiam prosequeris, ut omnibus negotiis posthabitis, spretoque sanitatis incommodo, mihi satisfacere non renuisti, ad novissimam meam dissertationem respondendo. Sanè non immeritò super hac materia tuam sententiam expostulo, quod cum de ea doctissimè scripseris in tuo tractatu de aquis Borbonensibus gallicè edito, in eâ scientior sis, quod abundè testantur tuæ investigatio-

nes doctissimæ & curiosissimæ ratiocinationibus solidissimis stabilitæ ; quapropter meum manuscriptum in meliores manus cadere non poterat , ut ejus defectus etiam minutuli detegerentur.

Super eo quod dico me non sine difficultate assequi posse quomodo detur ignis subterraneus qui vapores ac spiritus vitrioli pellat sursum sicque cum aquis frigidis permisceantur , nec tamen ipsis ulla fiat caloris impressio , quia ejus vis deberet esse maxima ad spiritum fixum vitrioli eliciendum. In his verbis tria observas. Primum est *me ignem subterraneum ponere in dubio* : secundum est *dato igne subterraneo non posse spiritus vitrioli propelli*, nisi aqua quibus immiscerentur incallescere : tertium est *requiri magnam in eo potentiam ut spiritus fixos vitrioli educeret*. Quod primum spectat difficultatem , nulla probatione indiges , quia in dubium non revoco ignem esse subterraneum , verum cum posse pellere vapores & spiritus vitriolatos , quin unâ calefaciat aquas quæ ipsos admittunt , quod ad secundam pertinet difficultatem. Dicis enim *aquam nullam caloris impressionem suscipere posse*, quoniam *celeriter meatus & canales huic igni superpositos vel adjacentes percurrit*, qui etiam potest per quadam spiracula alibi posita exhalare , & de suo vigore aliquid remittere. His assentiri nequeo præsertim cum attente consideraverim majorem partem aquarum metallicarum scaturire in locis uliginosis ex terra pingui quæ vera est materia ex qua mineralia continuo sobolescent , quæ istæ aquæ alluentes , eorum partibus tenuioribus imprægnantur , & cum iis ita incorporantur , ut inde exoriatur aqua limpida , pura & pellucida. Cæterum in istis locis paludosis , non video aquam celeriter decurrentem , verum per totam paludem lentè
scatu-

scaturientem : nullum quoque deprehendo spiraculum quo ignis exhalari queat , aquâ ubique scatente , adeo ut si minimus meatus aquæ pateret , hæc illum subiret , ignem subterraneum suffocaret ac extingueret , quia hæc scatutigines sunt perennes. Dubitandum non est aquam , ut mineralis fiat , debere in minera scaturire : cum enim fossas egimus ut aquas nostras extra paludem deduceremus quò eas in loco commodiori constitueremus , nostris fossis extra terram mineralem productis , aquam simplicem tantum invenimus. Nescio cur tanto labore alembici subterranei perquirantur , quandoquidem exploratum habemus alumen & vitriolum totâ suâ substantiâ aquis permisceri quò eas sua aciditate condiant : cur etiam tantâ pertinaciâ contendatur vitriolum aquis inesse , in quibus principia aluminis tantummodo repetiuntur. Fateor equidem aquas reperiri vitriolatas , sed aquas ferrugineas vitriolatas esse inficio , ob rationes suprâ allatas ac sæpius in meis scriptis repetitas.

Quoad tertiam , dicis non opus esse , ignem istum esse tam violentum , sed sufficere eum indefinenter agere in materiam non adhuc induratum in visceribus terra in qua spiritus sive substantiæ tenuiores non ita exerceantur quin à mediocri calore continuo in eam agente educi possint. Ad quod respondeo vitriolum seu solidum seu liquidum semper habere spiritus fixos suo sâli tenaciter inhaerentes , & opus esse igne violento ut ex eo eliciantur , qui haud dubiè calorem aquis vitriolatis induceret. Insuper vel minera vitrioli longè ab aquis distat , vel illis est vicina : si ab iis distet : ignis mediocris , quamvis indefinens , non potest hos spiritus ad aquas longè distantes propellere , atque etiam tot terras transeuntes totam virtutem suam de-

per-

perderent, acorque eorum potius terræ vicinæ mineræ imprimeretur, quàm sursum ad aquas ferretur: si verò minera vitrioli aquis sit vicina, vitriolum quod est sal, totaliter liquabitur & cum iis incorporabitur quemadmodum accidit aquis vitriolatis. De ista mistura spirituum vitriolorum cum aquis, non vero de ignium subterraneorum existentia dubito.

Nondum periculum feceram utrum spiritus vitrioli tincturam è pulvere gallæ extraheret cum ad primas tuas litteras respondi, verùm cum hunc pulverem in aquam immisisssem, eique affudissem spiritus vitrioli quantitatem sufficientem ad tincturam extrahendam, colorem tamen non mutavit, adeo ut illi spiritus nisi sint suo sali immixti, nullam tincturam ex hoc pulvere eliciant. Inde concludo, dum quædam tinctura ex aquis vitriolatis hujus pulveris interventu educitur, illas non solum vapores vitriolatos, sed etiam rotam vitrioli substantiam in suam recipere compositionem.

Quod verò spectat ad ea quæ dico de colore flavo quo lintea immersa in aquam fontis deseccharlis juxta monrem argi siti, infecta sunt, postquam lixivio purgata sunt, ex vitriolo provenire non posse, nihil aliud opponis quàm *maculas ab atramento lintei inustas in colorem flavum degenerare postquam lixivio mundata fuere, quod aliunde proficisci non potest quàm ex vitriolo quod mixturam atramenti sutorum ingreditur.* Quà super difficultate noto atramentum ex multis rebus constare, ita ut difficilis sit cognitio illius quæ lintea hac maculâ luteâ inquinat: at si lintea madida lixivio mundata ferto imponas, maculam luteam inde contrahunt, quæ deinceps lixivio expungi nequit, quæque nulli rei nisi ferro tribui potest, æquum igitur non est vitriolo dare id quod

quod in hac aqua al ferrum legitimè pertinet. Insuper probo huic aquæ ferrum inesse tincturâ rubellâ quæ admixto pulvere gallæ ex ipsâ extrahitur, quandoquidem cum mediocri copiâ ferri aquæ imbuuntur, hujus pulveris permixtione rubeo duntaxat colore tinguntur qui sulphuri ferri nativus est, ut liquet ex eo quod in meo mustolo reservo: cum vero copioso ferro aquæ sunt prædita, color incipit à venulis rubris & augetur donec ad colorem violaceum nonnihil nigrum pervenerit, qui est color spirituum ferri, uti probavi multis in locis mei tractatus: nullum verò ex vitriolis similem colorem hujus pulveris ope exhibet, ideo vitriola ab istis aquis rejicienda sunt.

Dicis non licere inferre alumen istis aquis inesse ex eo quod sedimentum album in ipsis conspiciatur, quod etiam in aquis chalcantosis videre est, ut observavit Joannes Bancus lib. 1. de aquis naturalibus cap. 19. quisquis inquit distillaret vitriolum, ejus facies albæ remanerent. Ad hoc respondeo distillatione vitrioli fæces ignis violentiâ alterari & mutari, hancque methodum ineptam esse explorando vitriolo in aquis mineralibus; verum in aqua simplici vitriola, nempe album, viride & cœruleum liquanda atque in diversis vasis reponenda sunt, tum nullum ex istis vitriolis hypostasim proferet albam, sed talem qualem cap. 4. fustissimè descripsi. Ad hoc sedimentum album non solum spectro, ut ex eo inferam aquas alumine inquinari, sed insuper considero sulphur iis repositis superstitans, quod colore est album, quale est illud quod ex aquis Pugenlibus excerpti, eorum salem, saporem & tincturam albam quæ educitur pulveris gallæ beneficio: adeo ut cum in quadam aquâ omnia hæc principia, omnesque hæc qualitates à vitriolorum principis

&c

& qualitatibus longè diversa mihi prostant, qualia refero cap. 4. illa hanc aquam potius aluminosam quàm vitriolatam esse satis comprobare mihi videantur.

Concedo magnam esse vitrioli & aluminis cognationem ac alterum ex altero fieri posse, nihilominus tamen duæ sunt mineralium species, neque negari potest, magnum esse discrimen inter illorum terras, sulphura, sales, sapes & tincturas: hæc affinitas in causa esse potest cur alumen in aquis mineralibus vitriolum sit reputatum, quod omnes hæ differentia, quæ inter utrumque intercedunt, sedulo non fuerint examinata. Non demiror quoddam minerale in aliud commutari, siquidem idem evenit metallis, ferrum enim vitrioli ministerio in æs transformatur, quæ duæ sunt species metallorum inter sese admodum discrepantes.

Ad id quod refert ex Agricola quoddam alumen infici denigrarique gallâ & succo mali punici, quod item putamus atramento sutorio mistum esse. Ais in his verbis adhuc observari posse genus quoddam aluminis esse quod in aqua cum galla vel succo granatorum mistum tincturam nigram efficit: respondeo hoc quidem verum esse cùm vitriolum alumini est permixtum, ut in atramento scriptorio; ideo addit, quod putamus atramento sutorio mistum esse. Quamvis Cæsalpinus dicat cap. 21. lib. 1. de rebus metall. vim inficiendi colorem nigro tribui aluminibus ut chalcantho & melanteria, debet intelligi sicut Agricola, alumen scilicet chalcantho permixtum denigrare. Ut explorarem utrum alumen in succo mali punici liquatum atrum colorem proferret, multa experimenta egi: primò cultello grana mali punici detraxi, qui ejus succo humectatus mihi exhibuit tincturam

nigram instar atramenti scriptorii, quâ mei digiti inquinabantur, quæ est spirituum ferri tinctura, ut alibi pluribus experimentis patefeci: deinde succum expressi, cujus pars in stanneo vase posita est, tum hic succus rubeus infectus colore argenti vivi extincti quod compositionem stanni subit, qui est coloris grisei subnigri, hac misturâ violaceus evasit: demum istum succum expressum in vase fictili excepi; ne metallico alteraretur, qui erat coloris rubicundi, atque illum in duos cyathos effudi, in unum immisi alumen quo color rubicundus non est immutatus, in alterum vitriolum viride, cujus ope nigredinem suscipiens factus est ruber nigrescens. His experimentis in succo mali punici actis non contentus, isthac in ejus cortice promovere statui: quapropter corticem in pulverem redactum in aquam vitriolo viridi imbutam injeci, ex qua tincturam nigram elicui, hoc enim præ cæteris vitriolis majorem nigredinem promit: deinde eundem pulverem in aquam alumine infectam immisi, & aqua subviridi colore tincta est. Ista experimenta facile peragere potis es, ut ipsorum veritatem explores, quâ cognitâ te autoritate horum doctissimorum virorum non movendum, imò potius meæ sententiæ assentiendum esse spero, fidem scilicet non habendam esse iis omnibus quæ illi scriptis mandant, nisi experientia ipsa confirmet, quæ non modò eorum errorem in succo mali punici, verum etiam in galla detegit; aqua enim quæ hanc cum alumine in se recipit alba, non verò nigra fit, alumen ipsi albedinem suæ terræ impertiens: atque in atramento scriptorio, vitrioli viridis, non verò aluminis subsidio tinctura nigra educitur.

Non dissiteor scripsisse me non existimare sulphur

phur possit ullam acorem aquis communicare, quia illud gustando nulla aciditate linguam vellicat, & aqua sulphurata, veluti therma, nulla aciditate donatur. Verum ais me negare ex eo spiritum acidum extrahi, sanè de hac re ne verbum quidem scripsi, neque autumo me usum esse aliis verbis in descriptione quam ad te misi, quàm in autographo quod apud me reservo: meam responsionem revisere potes, in qua certè non invenies me inficiari spiritum acidum è sulphure extrahi. Verum quidem est me non censere hunc spiritum eo quo dicis modo aquis metallicis permisceri, quia ut istum spiritum educas, sulphur comburendum est, ideo omnes aqua sulphurata sunt calida, nulla tamen aciditate praeclata. Quam rem ut probes tres rationes in medium affers, quarum 1. est *aquam qua per sulphur illud accensum vel per loca ei proxima decurrit ejus tantùm vapores transcurrendo excipere, sicque aciditatem à sulphureis halitibus non posse accipere pariter atque si esset quiescens & immota aqua.* Ad hoc respondeo hanc rationem non esse admittendam, quia vapores & spiritus rapidius quam aqua defluunt, unde etiam promptius quàm ea disperduntur & evanescent. 2. *potuisse aquam aciditatem in sua scaturigine contrahere, quam postea deponeret, spiritus sulphureos alveis per quos decurrit adherentes deferendo.* Hac ratio non potior est primà, siquidem nihil est fluidius spiritibus, qui difficillimè retinentur, quomodo alveorum parietibus adhærerent? 3. *vapores istos sulphureos non ita esse coercitos & inclusos in visceribus terra ut per aliquod spiraculum exitum habere non possint, praesertim cum sulphur flammam conceperit.* Si hoc verum sit, aqua sulphurata non erunt amplius calida, spiraculum habentes quo aërem frigidum recipiant calidioresque partes expellant.

Hæ

Hæ rationes sunt inanes, neque aciditatis aquarum causa in aliis rebus querenda est, nisi in salibus acidis qui in ipsis facile solvuntur & totâ suâ substantiâ cum iis incorporantur, veluti alumen & vitriolum: neque credendum est solos spiritus à suo sale divisos in illis remanere, quoniam adeo subtiles ac leves sunt, ut facile avolent, nisi vinculo quodam forti & solido retineantur, quale est sal horum mineralium. Hæc est sententia Thomæ Jordani in *descriptione acidularum Moraviae*. Andreas Libavius ei adstipulatur l. 2. de judic. aquar. miner. Baccius quoque lib. 6. de thermis c. 21.

Equidem fateor me in eadem assertione perseverare, nempe ferrum in æstransmutari vitrioli virtute, quod demonstrat hoc cum ferro non posse subsistere, quin illud solutum hoc corrodat. Conversio martis in venerem vitrioli ministerio & testimonia Fabri & Georg. Agricolæ satis abundè hoc confirmant: nihilominus majoris perspicuitatis gratiâ addam in Sinensi Provincia Fokien vocata juxta urbem Tinegcheu dictam, esse collem Kin appellatum, qui tria parva stagna continet quorum aquæ ferrum crudum in cuprum transformant, quia sunt chalcanthosæ. Tandem ea quæ doctissimus Sennertus refert lib. de Galenic. & chymic. consensu & dissensu cap. 2. de veritate & dignitate chymix, mihi ita urgentia videntur, ut histe assensurum esse arbitrer. In Hungaria, inquit, ad oppidum Smolnitium, in monte Carpatho, fontes sunt, in quos ferrum conjectum in cuprum optima nota vertitur. Idem fit Goslaria. Neque hoc saltem aqua naturales præstant, sed & arte idem fieri potest. Ferro enim in aquam vitriolatam conjecto pulvis rubeus adhærescit, qui igne fusus cuprum evadit. Et propterea æppologia Stavorias laborat Nicolaus Guibertus Lotharingus Medicus

dicus qui nihilominus ista in dubium vocare, & tot experientis totâ Europâ notissimis convictus etiam de transmutatione ferri in cuprum scribere audet; id apud alios semidoctos (tales scilicet sunt, si Guiberto credimus, Agricola, Wernerus, Mathesius & alii) fidem invenisse: missionem quidem esse & temperaturam satis exactam, quæ dederit mendacio locum, non esse formam mutationem. Qui si ad examen iudicii & rationis prius hoc revocassent, longè aliter sensissent. Quasi verò per totum imperium Romanum fide publicâ omniumque artificum & docimarum consensu non esset notissimum, cuprum illud genuinum esse, imò eo quod multis in locis è terra effoditur præstantius; & Guiberto, nescio quas ratiunculas in contrarium asserenti, plus quàm tot artificum censura & non unius sæculi experientia fidei habendum, & umbratilis ad pulpitem speculatio experientia tot artificum præferenda sit. His omnibus testimoniis sedulo perpenſis, hisque omnibus experientis diligenter examinatis, poterisne adhuc vocare reductionem partium tenuissimarum æris vel in aqua dispersarum vel in vitriolo contentarum, mutationem totalem unius speciei metalli in alteram? ferrum enim vitrioli adminiculo æs evadit, & chemistæ hanc operationem nominant conversionem martis in venerem, quia unum metallum in alterum specie diversum commutatur.

Quæris unde vitriolum originem ducet quod è ferro spiritus sulphuris ope educitur. Respondeo illud vitriolum improprie, & salem martis propriè denominari, siquidem mars vitriolum non habet, nisi ipsi adjungatur: chemistæ enim dicunt salem aut vitriolum martis, & metallorum sales vitriola nuncupant, quamvis solus sal cupri verum sit vitriolum, sal verò martis à me extractus nihil de vitriolo, sed aliquid de

alumine participat, nam exiguo sapore salis dotatus est, quemadmodum alumen, hocque sapore caret vitriolum.

Ut vitriolum martis extraham aceti interventu ad Mindererum me remittis qui cap. 2. lib. de vitriol. proponit modum extrahendi vitriolum è venere, è Marte & tincturam utriusque aceti ope : quod ex xre fit colorem sapphiri refert, & dicit illud cœruleum debere esse juxta doctrinam meam que statuit *as vitriolo cœruleo abundare* : at quaeso quo colore sapphirus tingitur ? Matthiol. comment. in Dioscorid. lib. 5. cap. 114. asserit sapphirum lapidem coloris esse cœrulei admodum pellucidi, quod confirmatur à Garcia ab Horto lib. 1. Histor. de aromat. Indicis cap. 50. & à Renodxo lib. 2. de mater. medic. sect. 2. cap. 2. Quoad vitriolum ferri quod viride apparet, nescio utrum Mindererus illud hujusce coloris eduxerit ; sed certò scio cum solvi martem in aceto, me tincturam atram extraxisse, dein cum in vas figulinum aquâ repletum eam infudi, atque in illo per longum temporis spatium reliqui, aquam filtro percolavi ac evaporavi, tunc residuum habui salem non viridem, qualis est sal Mindereri, sed album & dulcem qualem graphice depinxi ; illum adhuc habeo in pixide reconditum, & tincturam nigram in phiala, & magis meis oculis meisque experienciis quàm alienis credo. At si ex tinctura martis aceti ope extracta vitriolum viride formaretur, qui fieri potest ut à decem aut duodecim annis, quibus eam servo, nullum vitrioli granulum mihi apparuerit, præsertim cum tam longo temporis spatio illa sit admodum diminuta.

Scribis, *si color cœruleus è cupro profisceretur, cur arugo viridi colore infecta est, te nescire*, ideo est quod sulphur vitrioli cœrulei est subviride (quemad-

admodum exposui cap. 4.) quod ad aris superficiem attollitur, simili modo quo sulphur ferri, quod rubrum est, in sua rubigine apparet. Nescis etiam *cur tinctura aris qua aceti virtute eluitur, postquam in vaporem fuerit partim resoluta & in loco frigido reservata crystallos smaragdi colorem referentes exhibeat.* Ad quod respondeo i. menfiruum quo xs solutum est à vegetabili originem ducere, quod suæ plantæ colorem communicare potest; dein partes vitrioli cœrulei crudiores virides sunt. A te me doceri vehementer exopto, cur dicas è tinctura aris aceti ministerio extracta, vitriolum educi colorem sapphiri cœruleum referens, cum verò ejus pars exhalata ac in loco frigido reposita est, ex ea formari crystallos colorem smaragdi viridem repræsentantes.

Si sal vitrioli quadam dulcedine præditus sit, tibi illius rationem reddidi: è contra contendo illum acrimoniæ esse participem, quod probo ex eo quem ex vitriolis à suis terris repurgatum elicui: præterea vitriolum terræ, postquam spiritus & oleum ex iiseducta sunt, temporis progressu naturam vitrioli acrem resumunt, isthæc igitur acrimonia radicem egerat in sale fixo, qui in illorum terris restiterat.

Asseris *aquas vitriolatas non esset antarum virium ut fluendo dissolvere & corrodere valeant integram mineram ferri.* Hoc non ita fit, aquæ enim ut plurimum in terra minerali scaturiunt, ut supra retuli, & circulantur per mineralia quæ alluunt, ac incorporantur cum tenuissimis eorum partibus; insuper minera ferri mollis est in loco naturali, idcirco ejus natura ab aquis chalcantosis facilius destruitur ac immutatur: tandem si aquis ferrugineis vitriolum esset permixtum, ejus principium aliquod inveniretur, verum cum

— in illis solummodo aluminis principia reperiantur, ab iis vitriolum excludere rationi consonum esse mihi videtur.

Aquas Spadenses & Pugenſes quod ſpectat, earum naturam & compositionem ſatis prolixè deſcripſi, ac donec contrarium mihi demonſtretur, experimentis meis adhærebo. Quicquid enim dicat Henricus de Heers lib. ſuo de fonte Spadano pag. 60. *aquam Saveniri chalcanti mineram ſecum non rapere*: mente concipere nequeo qui fieri poteſt ut vitriolum, quod cæterorum ſalium inſtar totum in aqua ſolvitur ac confunditur, ejusdem tamen aquæ curſum non ſequatur ipſamque inſeparabiliter non comitetur. Hanc illius reddit rationem, quod aquæ craſſiorem haberent ſubſtantiam. Ad quod reſpondeo etſi aquæ Spadanæ ferro & alumine inſiciantur, craſſiores tamen non apparent, omnes enim aquæ minerales claræ & limpidaſunt in ſua ſcaturigine, mineralibus ita cum ipſis incorporatis ut conſpici nequeant niſi earumdem ſpiritus evanuerint: ſi iis ferrum inſit, ſua terra ſegregatur & pondere ſibi proprio ad fundum vaſis præcipitatur, ſuum ſulphur ad aquæ ſuperficiem attollitur: ſi vero illarum compositionem ſubeant ſales ſeu vitriolati, ſeu nitroſi, ſeu aluminofi, conſuſi & per totum corpus aquæ diſfuſi remanent qui aquarum evaporatione coagulantur, adeo ut planum ſit eos cum ipſis totâ ſubſtantiâ commiſceri. His videriſeniti probare aquas Spadanas ſpirituum vitrioli ſolummodo eſſe participes, attamen dejectiones atro colore inquinant, & tincturam nigram è galla extrahunt, quamvis ſpiritus vitrioli Libavii teſtimonio, tuo ratiocinio ſuper tincturis atque etiam experienciâ non polleant virtute excrementa tingendi nigredine eamque è galla educendi,

ducendi, nisi suo soli socientur. Satius est animum ad veritatem reducere & agnoscere à minera ferri hanc tincturam elici, quandoquidem illi qui vel croco vel limatura martis utuntur, faeces nigras dejiciunt; cum etiam ferrum cum galla in aquam immittitur, & soli æstivo exponitur, educitur tinctura violacea subnigra non dissimilis illi quæ ejusdem gallæ beneficio ex aquis ferrugineis extrahitur: præterea authores qui de aquis Spadanis pertractarunt, in eo conveniunt omnes, eas ferro esse præditas, quamvis de aliis mineralibus inter se dissentiant.

Dicis succos liquidos qui cum aquis confusi sunt & qui adhuc mineralis principium generationis non attigerunt sensibus percipi non posse. Atque ut hoc probes refers gummi in arbore latens nil aliud esse quam aquam, nec induere formam gummi, nisi postquam ab ea secretum & induratum fuerit. Perleveras in tua assertione, nempe metalla & mineralia in prima sua origine speciem aquæ præ se ferre, eorumque materiam esse saltem solutum & fusum in istis aquis qui sensibus non patet juxta Palissii sententiam libro gallico de aquis & fontibus. Ad quod respondeo si sit aliquis sal solutus & fusus in aquis mineralibus, his exhalatis ejus species apparere debet: aquæ etiam minerales non componuntur ex mineralibus in fieri, sed in facto esse, siquidem ex ipsis educimus principia magis essentialia, nimirum sulphur, saltem & terram, eorumque spiritus se manifestant diversis saporibus & tincturis quibus aquas iuficiunt. Quemadmodum enim gummi arbori inexistens adhuc est aqua ad formam gummi recipiendam disposita, non verò gummi perfectum, nisi prius ex arbore exeat & è solis calore cocta, densata & ad gummi consistentiam redacta sit: isthæ quoque aqua

ex qua mineralia generanda sunt nondum satis cocta, neque in minerale formata, mineralis nomine donari non meretur, neque virtutem ullius mineralis aquæ imprimere potest (nemo enim dat quod non habet) atque etiam oportet ut mineralia sint integra & tantum perfecta quantum esse possunt in sua minera ut suam virtutem aquæ impertiantur cum ipsâ tam exquisitè sese miscendo & incorporando, ut unum duntaxat corpus aquosum esse videatur, quod si per partes & principia divides, in eo reperies principia mineralia : adeo ut credendum non sit aquam mineralem quidquam virtutis habere, nisi ex mineralibus perfectis quibus impragnatur. Nonne dum terra foderetur, ut nostris scaturiginibus liber exitus pateret, mineram ferri perfectè coctam observavi : verum quidem est me quandam animadvertisse quæ fieri & formari incipiebat, quæ primò flavescebat ; dein magis cocta rubescebat, & in ultimo coctionis gradu nigrescebat, ex hac enim ultima & perfecta nostræ aquæ omnes suas potissimas qualitates mutantur, atque etiam ex alumine quod semper ferri compositionem intrat, idcirco utriusque principia in aquis ferruginosis invenimus, non verò principia vitrioli quod adeo ferro adversatur ut continuo cum illo prælietur, illud corroden- do & corrumpendo ubicunque viribus illo superius est.

Nescio quomodo conciliare potero ea quæ dicis de aquis Pagenfibus, quippe qui observasti dejectiones eorum qui has aquas epotant, atras esse, nihilominus illi cum quibus de his sermonem habui quique easdem prope scaturiginem hauserunt, mihi contrarium affirmarunt : si enim faeces atro tingant colore, quare pulveris gallæ misturâ albecunt ? quandoquidem vis
cum

cum cæteris Hydrographis hujus pulveris ope aquas vitriolatas nigrescere. Ratio propter quam hujus pulveris permixtione istæ aquæ albescent, est propter albedinem terræ aluminis quo sunt imbutæ, unde etiam aluminis in aqua soluti saporem præ se ferunt, suum sulphur est album instar sulphuris aluminis. Color verò luteus quo inficiuntur saxa quæ istæ aquæ lambunt, oritur è terra ferri quæ ob gravitatem adhæret saxis quæ aquæ præterfluentes alluunt : ex quibus colligo in istis aquis alumen, non verò vitriolum primas tenere. Arbitraris istas aquas partibus tenuioribus, subtilioribus & halituosis è vitrioli minera ignis subterranei ope suscitatis, id est solis vitrioli spiritibus imprægnari, nihilominus asseris excrementa ab iis denigrari, ob ferrum vitriolo permixtum. Piduxi tamen ferrum ab iis rejicit : & ait se ad stipulandi non posse opinionem corum qui eas metallicas & ferratas esse autumant, quia neque ferrum neque ejus minera unquam exhiberet saporem hujus aquæ saporis æmulum, & sub terra nil acidum cum ferro invenitur, sed cum ære, vitriolumque alterat ferrum & æri assimilatur. Sanè nesciebat cognationem quam habet alumen cum ferro, quæ tanta est, ut ferè semper unà coëant : quod verò vitriolo aluminis locum tribuerit, ideo ab istis aquis ferrum excludit, quia exploratum habet ferrum cum vitriolo consistere haud posse. Quoad ferrum, istæ aquæ quantitatem tam exiguam ejus recipiunt, ut hanc tincturam nigram facibus conferre nequeat; opus enim est ut aquæ copiosâ minera ferri prægnantes sint quò atrum colorem excrementis indant, veluti aquæ nostri fontis S. Crucis & Spadani. Spiritus enim vitrioli colorem atrum imprimere nequeunt, ut appositè notavit Libavius cap. 7.

lib. 1. partis 4. singularium, *spiritualis vitrioli tinctura potestatem atrandi non habet* : tandem à quo fossili istæ aquæ potestatem atrandi dejectiones accipient ? eam à vitriolo deducere rationi consentaneum non est, quandoquidem pulveris gallæ permixtione album non verò nigrum colorem suscipiunt, neque inquinantur ulla tinctura propria vitriolis sed alumini quod earum compositionem subit. Equidem nescio quare tam pertinaciter contendatur stercorum nigredinem è vitriolo proficisci aquis immixto, siquidem ægrotis vitriolum præparatum imperavi, ipse quoque sumpsi, neque deprehendi meas aliorumve dejectiones atro colore tinctas, licet non solum per vomitum, verùm etiam per alvum excrementitios humores depulerit; sæces verò eorum qui crocum vel limaturam martis usurpant, nigredine inficiuntur.

Refers Piduxium asserere *mixtionem vitrioli cum aqua Pugenſi, non eſſe totius ſubſtantie quaſi in aqua ſoluti, ſed ſolùm partium tenuiorum, ſubtiliorum & halituoſarum è vitrioli minera ignis ſubterranei ope elatarum quarum opera aqua in poculum vitreum effuſa ſaliens conſpicitur, ſi nimirum tempeſtate ſicca hauſta ſit, quod patet ex eo quod aqua hac aëri expoſita & igni ſuperpoſita ſaporem ſuum acidum omox deperdit abſque inſigni quantitatis imminutione : nec in ejuſdem aquæ coctione, evaporatione, deſtillatione & ſedimento, neque in locis unde effluit & qua præterlabitur quidquam apparet vitrioli aut metalli, alteriuſve mineralis, niſi color ille flavus quo ſaxa quæ lambit inficiuntur.* Equidem credere nequeo ſolos ſpiritus vitrioli cum aquis commiſceri tum ob rationes à me ſuprà allatas, tum ob eas quas infra referam : ſi aqua Pugenſis in poculum vitreum effuſa ſaliens conſpiciatur, id ſit quod in ea ſpiritus aluminis & ferri abundant ; ſi aëri

exposita & igni superposita saporem suum acidum mox deperdat, ejus rationem reddidi in mea præcedenti responsione: demum si nulum vitriolum in locis à te notatis reperias, mirum non est si ipsa eo sint vacua, alumine verò referta, quod cum sit sal in aquâ solutus fluit unâ cum eâ paucò ferro tinctâ, cuius terra adhæret saxi quæ hæc aqua transeundo alluit, iisque istum colorem flavum imprimit.

Ais sulphur tribuere colorem flavum quem annotasti in lapidibus & silicibus quos aqua fontis Brissonii lambit, quæ est opinio Piduxii, qui asserit *hunc colorem flavum nonnihil pellucens-tem qui adhæret saxis quæ præterlabendo ista aqua alluit, originem trahere ab illa pellicula pingui quæ aqua reposita supernat & à sulphure ortum ducit*: quod quidem verisimile non est, quandoquidem hæc pellicula pinguis ex aquis excepta & desiccata est alba instar sulphuris aluminis, ergo colorem flavum largiri non potest, sed istum colorem confert terra ferri quæ est flava & quæ pondere sibi innato fundum alveorum petit & adhæret lapidibus & silicibus canalium per quos aquæ ferruginæ effluunt, quod in eorum alveis semper observavi: insuper terra ferri colorem ejus terræ æmulatur quâ aquæ ferruginæ saxa & silices inquinant, color verò sulphuris est subflavus, sed à terræ ferri colore longè diversus. Prædictus enim Piduxius hanc pelliculam pinguem sulphur minerale esse censet, si quidem ait hanc aquam continere quasdam sulphuris particulas ejusque odorem repræsentare, qui tamen non nisi in potu percipitur. Hac opinione satis testatur se chemiæ proflus esse imperitum, siquidem ejus principia minimè callet, putatque sulphur mineralium quæ aquarum Pugen-
sium compositionem subeunt, esse sulphur

mineralè. Equidem in istis solummodo tentio alumen quod in ipsis principatum tenet, atque hoc sulphur album quod ab iisdem sejunxi, est unum ex principiis utilibus aluminis, non vero sulphur minerale quod alterius est coloris, saporemque admodum dissimilem saporì hujus aquæ exhibet, quandoquidem suus sal est acris & fætidus, & aquæ sulphureæ nullo acore sunt prædita. Tandem sulphur naturaliter ad aquarum superficiem attollitur, idcirco suaderi non possum ejus terram inhærere lapidibus & silicibus qui in imo alveorum resident, iisque suum colorem imprimere, verùm terra ferri ad ipsos agglutinatur illisque adhæret, quam manifestè agnovi in vase figulino in quo aquam Pugensem reposueram; vidi enim quædam granula terræ lutæ in fundo vasis, quæ similis est terræ ferri; si vero hæc terra in aqua fontis Brissonii copiosior appareat, id fit quod in eâ minera ferri magis abundet quàm in altera quæ potari solet; quæque paululum de minera ferri, plurimam verò de minera aluminis participat.

Mente comprehendere nequeo quomodo vitriolum, quod est sal cujus tota substantia in aqua funditur atque cum ea miscetur & incorporatur, relinquat suas partes terrestres agglutinatas ad lapides & terram canalium per quos istæ aquæ serpunt, cùm alumen quod alter est sal, in iisdem totaliter solvatur, & aquis exhalatis ejus terra separata remaneat. Hæc est omnium salium natura ut totaliter in aqua dissolvantur ac per totam ejus substantiam diffundantur, quod multoties expertus sum, dum explorandis vitriolis incumbēbam. Quoties ea in aquâ soluta filtro trajeci, ut eorum salem purum & à suis terris exactè separatum haberem, quod ut exquisitè fieret,

fieret, illa decies & amplius filtro percolavi ? Etenim si terræ vitriolorum per filtrum transcant, longè facilius transibunt per meatus latiores & apertiores, per quos aqua labitur : ex his colligo fieri non posse ut vitriolum cuidam aquæ minerali insit suâ terrâ nudatum, ob suam naturam salis qui in aqua totaliter liquatur. Quod sic probo, quia non solum ab eo segregavi terras & salem, verum etiam suum sulphur, postquam illud in aqua solvi, & solutionem filtro trajeci ut illud a sordibus repurgarem, dein in vas fictile ipsam effudi, sulphur ad aquæ superficiem elatum, & terra crassior tractu temporis ad fundum devoluta est ; quod non fieret, si aqua decurreret per loca subterranea aëri impervia, ubi spiritus qui substantias minerales cum aquis intrinsecè mixtas continent, deperdi & dissipari nequeunt, præsertim cum tenaciter suo sali coherent, ut in vitriolo. Contendis tamen hunc salem vitriolatum suos deferere spiritus, ipsumque resistere in scaturigine & lateribus canalium quos aquæ permeant, solisque vitrioli spiritibus aquas vitriolatas imprægnari, quod naturæ hujus mineralis maximè adversatur. Si enim hoc verum esset, necessum quoque esset ut aqua à longinquis locis oriretur ac per longum terræ spatium decurreret, tunc amplius mineralis non esset, quia per terras filtrata, non modò suum salem & suam terram, sed etiam quidquid habet minerale deponebat suamque naturam aquæ communis resumeret, quemadmodum aqua maritima trans terras colata salledinem suam exuit, edulcoratur & potabilis fit. Etsi luto sublato & puteo repurgato de aciditate multum aquis Pugenfibus detrahat, hoc non probat illud lutum potius provenire è partibus terrestribus & crassioribus vitrioli quàm a lym-
nis.

Equidem fateor me scribere colorem nigricantem qui cernitur in dejectionibus eorum qui has aquas hauriunt è ferro procedere, quod nigro colore inficit, & addere me nigram tincturam è ferro beneficio aceti extraxisse, atque adhuc è ferro cum aqua communi & galla solivativo expositis. Super iis quæ à me an putem *ferrum vitrioli expersesse, ejusque compositionem salem vitriolatum non admittere.* Ad quod respondeo me non solum illud credere, verum etiam exploratum habere tot experimentis à me peractis, quibus didici salem ferri educi ex alumine non verò è vitriolo, quod est sal cupri. Quoad tincturam nigram quæ è ferro, aquisve ferrugineis extrahitur, ejus causa vitriolo minimè tribuenda est, sed solum advertendum mineram ferri perfectè costam esse nigram, eumque colorem ferro & aquis ferrugineis communicare, ut liquet ex experimentis supra allatis: hæcque tinctura à spiritibus ferri aquarumque ferruginearum ortum trahit quæ adeo illis est intrinseca ut opus sit artificio ad eam ex ipsis eliciendam; longè etiam diversa est ab eâ quæ è vitriolis provenit, unde persuasum non habeo illam procedere è vitriolo ferro inexistenti, ejus enim omnino expers est, siquidem in omnibus ferri dissolutionibus quas feci, nullum vitrioli principium inveni, sed natus sum terram aluminis & aliquid in suo sale alumini simile, nempe exiguum salis saporem qui sali ferri & alumini communis est; atque etiam cum aquas ferruginosas examini subjicio, eadem ac in ferro principia reperio, adeo ut nunquam credam eas esse vitriolatas, nisi in illis vitrioli principia mihi demonstrantur: si enim ad spiritus vitriolatos me remittis, eos in aquis metallicis chimæricos esse arbitror, nisi cum aliis vitrioli princi-

piis

piis sint conjuncti. Caterum si vel vitriolum, vel sal vitriolatus ferro inesset, uti volunt chemistæ, quare sal ferri exiguo salis sapore donatur, sicut alumen, non vero exigua aciditate, ut sal vitrioli? quare etiam cum ferrum in aqua est solutum, sui que spiritus evaporari sunt, pulveris gallæ misturâ, aqua nullo modo denigratur, idem quoque accidit aquis ferratis evanidis & spiritibus orbis? nonne hæ probationes testantur ferrum à vitriolo saleque vitriolato prorsus esse immune? si enim ejus esset particeps, ex ipso aliqua tinctura pulveris gallæ subsidio extraheretur; cujus rei periculum feci, cum vitriolis in aqua solutis ac per spatium quindécim dierum aëri expositis eundem pulverem admiscui, eorum tamen tinctura apparuit, licet istæ aquæ aëri expositæ spiritibus privari potuissent. Spiritus enim ferri, non verò vitrioli tincturam nigram eliciunt, siquidem spiritus vitrioli, ut refert Libavius & probat experientia potestatem atrandi non habent, nisi suo sali immixti; at spiritus ferri dum præsentés adsunt nigrorem conferunt, qui ipsis absentibus non apparet; quod manifestum est experientis toties citatis, quas faciliè peragere potes earumque veritatem agnoscere, quæ haud dubiè (siquidem illius amore ductus ipsam tanto studio tantoque labore queris) tuam mentem illustrabit quò facilius detegas errores illorum authorum qui multa scriptis mandant quæ experientiâ falsa deprehenduntur. Quibus diligenter perpensis, te illam sententiam amplexurum esse spero, quæ tot experientiis & ratiocinationibus comprobata est.

Demum cum videam tuum animum pacis cupidissimum esse, huic bello finem imponemus, in quo læsus non fui, nèque te lædere conatus

fur. Non tamen retrocedo neque certamen refugio, sed vereor ne à melioribus negotiis te distraham: nam existimo meam opinionem experientiis ità stabilitam, ut ea everti non posse mihi videatur, potissimum post tuos in ea evertenda conatus. Verum quidem est super hac re meis sensibus me non credidisse, quia quilibet sua opera demereri solet, quapropter ipsa submissi examini & censuræ virorum in hac materia doctissimorum, inter quos te elegi tanquam in ista versatissimum. Satis tibi manifestare non possum gratias ac venerationes quas tibi rependo quòd mei ergò tot labores susceperis, neque opinionem quam habeo de tua doctrina tuisque meritis; tantum re certum facio me tibi esse amicissimum atque devinctissimum. Vale Vir Clarissime & Colendissime. Pruvini die 20 Januarii ana.Dom. 1666.

*Isaaci Cattieri ad clarissimum virum
Dom. Givrium Medicum peritissimum*

EPISTOLA TERTIA,

*Quà contendit non fieri veram ferrì in æs
transmutationem.*

Cltius tibi rescripsissem nisi litibus implicitus fuisset, possumque asserere ab eo tempore quo novissima nostra disceptatio peracta est, me non nisi de pace tecum agenda cogitasse, neque enim controversiam nostram ulterius promovendam esse arbitrabar, sed cùm ad novum certamen me provocet super quadam difficultate oborta in questione quæ tunc inter nos agitabatur; utrum scilicet ferrum ope vitrioli in cuprum

prum commutari possit, cumque in medium proferas Fabri & Georg. Agricolaë testimonia, atque exemplum è relatione quadam Sinensi petitum, aquarum chalcanthosarum trium parvorum stagnorum quæ ferrum crudum in cuprum transformant, adductis etiam Sennerti verbis quæ eandem transmutationem confirmant lib. de Galenic. & chemic. consensu & dissensu; dicam tibi me tunc temporis non contendisse hanc metamorphosin plane impossibilem esse, cum illud ad præcipuam litem dirimendam nihil conferret: at solum demonstrare conabar si aliquod ferri frustum vitrioli solutione intinctum protinus colorem cupri induceret, quemadmodum scribis pag. 42. libri tui gallicè editi, aut si ferro aquis stygiis vel vitriolatis corroso aut dissoluto, deinde pulvere ejus ad fusionem disposito, inde æs verum eductum fuisset, hanc operationem, ferri in cuprum transmutationem non esse, sed tantummodo additionem vel attractionem partium tenuissimarum æris ad ferrum, quæ hac consociatione judicant ferri cum cupro convenientiam: potest quoque vocari reductio dum omnes cupri particule in unum coeunt, & ferri contactu fundum petunt. Hanc veritatem experientia comprobat, si enim cuprum aquæ stygiæ aut spiritus sulphuris beneficio dissolvas, & postea ferrum in hac dissolutione immergas, totum æs ab isto liquore separari & ferro adhærescere deinceps animadvertes.

Si quæras unde æs extrahatur post dissolutionem ferri in aquis vitriolatis. Respondebo extrahi ex vitriolo, quippe quod in hoc minerali abundet, atque ut ostendam vitriolum ex ære educi, observandum est vitriolum quoddam esse æris expers, quod ex ferro producitur, quo si
illi.

illinas ferrum aquâ madefactum, illud colorem non mutabit, neque quovis modo alteratum remanebit, adeo ut fateri cogamur vitriolum nequaquam ferrum in æstransmutare, sed solummodo ipsi qualitates suas communicare atque ipsi æris subitantiâ quæ in isto inclusa erat adjungere : hac ratione impulsus pag. 238. tui libri gallicè editi professus sum me non esse tibi ἐμὸς φησιν, scilicet vitriolum ferrum in æstransmutare : etsi Johannes Matthesius in sâ-rept. suæ conc. 3. pro hac transmutatione fortiter pugnet, nihilominus tamen in meam sententiam descendit, nempe dari aquas vitriolatas quæ ferrum in pulvem viridem corrodingendo redigunt quæ deinde in fornace excocta liquidum æs profundit, relictis scoriis ferreis quæ pristinum ferri pondus facile æquent : legenda sunt hæc verba Antonii Billichii lib. 1. paradoxorum chemicorum cap. 13. *Haud improbabili conjectura capitur æs illud non quidem transmutatione ferri in æs produci, sed ex aqua vitriolata duntaxat extrahi, idque beneficio abstrusa illius sympathiæ, qua inter æs & ferrum reciprocè commeat : atque paulo antea ita scribit sic quando per viam cementationis cum vitriolo, plumbum in cuprum mutatur ærisque hujus artificialis portiunculam sibi dono datam ab amico fuisse scribit Matthias Untzerus anat. mercur. lib. 1. cap. 17. haud abs te suspicetur quispiam factitium illud æs non tam ex plumbo quam vitriolo ortum, nec tam transformationem quam solam secretionem constaturamque intervenisse : paulo supra scribit adhuc nec metalli experti esse vitriolum : fidem faciunt tum metallicus sapor, tum color : Caneparius descript. 3. de atramento futuro cap. 1. scribit vitriolum Romanum plurimum sulphuris & ferri continere, neque etiam esse cupri experti, atque existere in Cypro insula plures minetas in quibus reperitur*

vitriolum veride continens æs : alterumque luteum continens aurum, aliud verò lividum & nigricans quod ferri particeps est. Ubi obiter notandum adhuc tibi est vitriolum posse cum ferro coire abique sui corrosione & adstrictione.

Quod verò ad relationem Sinensem & auctoritatem Sennerti spectat, responderi potest non esse integram perfectamque substantiæ ferri in æris substantiam conversionem, at solummodo communicationem quandam suarum qualitatum veluti coloris & saporis, quod admittere quodammodo videris, cum pagina 41. dicis *vitriolum alterare ferrum & æri assimilare*, quo fit ut dicam sicut quod auri similitudinem refert, aurum propterea non esse censendum, ita quod æri simile fit non æs tamen esse pronuntiandum.

Non miros quæ ex Sennerto profers cùm ea tantum vestigia premas quæ antea posuerant Georg. Agricola lib. 2. de natura eorum quæ effluunt ex terra pag. 12. & lib. 9. de natura fossilium pag. 347. Cardanus lib. 6. de subtilitate, Andreas Libavius in defensione alchemiæ transmutatoriæ pag. 218. & Johan. Porta lib. 5. magiæ natur. cap. 4. ex quibus colligere possumus magnam partem eorum quæ scriptis auctores mandaverunt, ex præcedentibus scriptoribus mutuasse, unumque efficere potuisse, ut multi alii postea cæspitarent : quocirca Claudius Salmasius libro posthumo de Homonymis hylesiatricæ, cujus primordia Divioni edita videre licuit, ita scribit, *expertus tam multu rebus fidera veterum fallacem esse, plurimum remitto de illa pertinacia quâ quidvis illi credendum arbitrantur.* Certè Libavius adversus Nicolaum Guibertum facultatis Parisiensis Medicum acriter disputat, hancque transmutationem possibilem esse contendit,

fretus

fretus testimoniis Georg. Werneri de admirandis Ungariæ aquis, Weckeri lib. 11. secret. cap. 5. Evaldi Wolgesi, Matthæi Theologi, Baccii lib. 5. de thermis, Lazari Erkeri, Andreæ Cæsalpini lib. 1. de metallic. tract. 2. c. 4. quibus addo quod apud Mindererum memini me legisse tractatu de chalcantho qui tres clavos olim ferreos se vidisse testatur qui in ducatu Bavarix in puteum quendam atramentosum injecti temporis progressu in perfectissimum cuprum conversi fuerunt. Sed unum præ multis tibi opponam Angelum Salam inter chemicos scriptorem ingenuum cujus verba fides sequitur, qui in anatome vitrioli tract. 2. pag. 352. editionis Rothomagens. ita loquitur, *Ferrum transmutari in æs in dictis fontibus opinionis sue mirum ac miserum in modum decipiuntur: ferrum enim semper manet ferrum aut abit in scorias excrementaque petrosa dum funditur, quale naturaliter existit, & in hac operatione nullus alius ferri est usus, quam ut ad se attrahat dictum æs, quod est in istis scaturiginibus aquosis & reducat id tanquam in formam tartari, quando inde exemptum fuerit, ita ut separari à sese invicem per fusionem commodè possit, ita tamen ut ferrum ipsum nullo modo transmutetur, aut pondus æris augeat. Ibi denique pag. 354. scribit. Quocirca asserere possumus vanam esse opinionem illorum qui credunt vitriolum vim habere transmutandi ferrum in æs, & hoc perinde est ac si quis consequenter velit valde absurda sustinere, pertinaciterque asseverare æs transmutare posse ferrum in æs: nam in vitriolo arato nulla alia substantia metallica reperitur quam æs ipsum, quod ubi separatum ab eo fuerit, vitriolum hoc amittit nomen suum, & nihil ejus superest quam aqua & spiritus acidus sulphureus, oleum vitrioli nuncupatus, quod ipsum oleum non magis obtinet facultatem transmutandi ferrum in æs, quam aqua fortis convertendi plumbum in aurum.*

Supereſt ut probem converſionem iſtam fieri in æs non ita facilem eſſe quemadmodum multi ſibi falſo perſuadent. Transmutatio eorum quæ ſpecie differunt impoſſibilis eſt : atqui ferrum ſpecie ab ære , nec tantum quibuſdam accidentibus veluti gradu puritatis & coctionis aliisque diſcrepat : ergo transmutatio iſthæc impoſſibilis eſt.

Sic minor probatur , ſi metalla à ſe invicem diſtinguerentur tantum ſecundum quædam accidentia , illa tribuerent eſſe ſuum metallis ; at accidentia non dant eſſe metallis ſed forma , ergo non differunt metalla à ſe invicem tantum ſecundum quædam accidentia.

2. Si natura ex ſeipſa poſſet ferrum in æs transmutare propter affinitatem quæ inter utrumque reperitur , poſſet pariter cuprum vel quodvis aliud metallum imperſectum in aurum transmutare : atqui nunquam natura aliquod metallum in aurum potuit transmutare , ergo converſio ferri in æs impoſſibilis eſt.

Minor facile probatur : ſi namque iſthæc mutatio fieri poſſet , illa per gradus perficeretur , ſicque aliquod metallum ex dimidio in aurum transmutatum videre licuiſſet quod nunquam contigit.

3. Species non poſſunt transmutari in alias ſpecies ejusdem generis proximi , niſi antea priori forma deſtitutæ ſint , fiatque reſolutio uſque ad materiam primam omnibus metallis communem : atqui ubi ferrum aquis iſtis vitriolis immerſum & diſſolutum fuit , vel clavi iſti in æs transmutati fuere ut aſſerit Mindererus , nulla facta eſt reſolutio uſque ad materiam primam , nec dici poteſt iſthæc reduci potuiſſe in aliquam materiam proximam : quemadmodum pullus non amplius ovi formam re-

sumere, nec caro in sanguinem redire potest.

4. Si ferrum in cuprum posset transmutari, necesse esset ut formæ naturales ab uno subjecto in aliud sese promoverent quemadmodum primæ qualitates : atqui non possunt sese promoveri ab uno subjecto in aliud, quia subjectum, determinatum postulant : at verò primæ qualitates in materia qualibet inesse possunt, ergo &c.

Præsentisco aliquem objecturum triticum in lolium mutari, populum albam in nigram, sisymbrium in mentham transire, juxta Theophrastum cap. 21. lib. 2. de causâ plantarum. Verum respondebo hanc mutationem fieri tantum secundum quædam accidentia, non verò secundum substantiam : mutatio tritici vel hordei in lolium fit per modum quandam corruptionis vel vitio terræ, καὶ ἡ αἰτία δ' ἐκ τῶν πυρρῶν καὶ κραιπνῶν διαδοιζομένων πέφυκα, inquit idem cap. 3. lib. 8 de histor. plantarum degenerantque stirpes juxta telluris differentias, culturæ defectum, & vires seminis. Si sisymbrium in mentham mutetur, id fit tantum coctione odoris, non vero ratione formæ quam non admittit ἐκ τῆς δὲ μερῆς καὶ λαμβάνου, ἀλλ' ὅσοῦ ὁμοιοῦται καθαρυνταὶ γὰρ ὡς. addit Theophrastus mutationem istam imaginariam & apparentem esse.

Quod dictum est de dejectionibus quæ epotis aquis Pugenſibus atræ cernuntur, possum affirmare me tales observasse per tres hebdomadas quibus in vico illo commoratus sum, ubi plures ægrotos his aquis proluentes præcordia invisi.

Cæterum te rogo, credas ubi de rebus ad te spectantibus agetur, quæ mihi commendabis semper prompto & hilari animo me accepturum.

Vale

Vale Vir Clarissime & Amicissime. Lutetiae Parisiorum, die 10. Aprilis ann. $\alpha\pi\theta\omicron$ τῆς πρὸς ἀρχῆς ἐκστρωμένης. 1669.

*Authoris responsio ad epistolam tertiam
Dom. Cattieri Doctoris Medici Monspe-
liensis eruditissimi.*

CUM sumpsi calamum ut te rogarem mihi mandares tuam sententiam super quibusdam animadversionibus opinionem meam confirmantibus, de instaurando bello non cogitavi, cum meus animus ad pacem sit admodum propensus: quocirca nullius autoritate nos indigere arbitror ut controversia nostra componatur, quæ parvi momenti mihi esse videtur. Nam inter tuam meamque opinionem nullam aliam noto differentiam, nisi te velle ferrum ad se attrahere partes æris tenuissimas quæ vitriolo insunt, idque beneficio abstrusæ illius sympathias, quæ inter æs & ferrum reciproce conmeat; me vero asserere vitriolum ferrum in æs transmutare propter affinitatem quæ inter utrumque reperitur, sed hanc transmutationem speciei metalli in alteram planè impossibilem esse judicas. Nihilominus tamen Palissius libro gallico de aquis & fontibus ait *salem cuperosæ aut vitrioli nomine insignitum omnia quæ sibi in minera occurrunt naturaliter in æs convertere*: & doctissimus Sennertus epitom. l. 5. cap. 2. de salibus dum vitrioli mentionem facit, inquit. *Est hoc salis genus mirabilis & ignea natura plane & sulphur ardens in se continet, inde in metallis solvendis, tingendis & generandis plus præstat quam alii sales, spiritusque ejus ferrum in cuprum mutat*: his adjungendo Fabri & Georg. Agricolæ testimonia, explora-

ploratum habemus aquas vitriolatas ferrum in æs transmutare, quæ illud corrodingo, ut vis, in pulvem viridem redigunt, quæ deinde in fornace excocta liquidum & purissimum æs profundit: licet enim scorix ferreæ ex ea remaneant, hoc non probat ferrum in æs non conversum sed impurum fuisse, & fusione impurum, nempe excrementa ferruginea, ab ære puro ferri transmutatione producto secretum esse. Etiamli Angelus Sala dicat eos decipi qui ferrum in æs transmutari putant, & scorias excrementaque petrosæ quæ post æris artificialis fusionem videntur demonstrare ferrum ab ære omninò separari, contra verò dubito ne istæ scorix illum deceperint, nunquamque observaverit, dum fusores æsigni liquefactionis exponunt, ab eo quoque seccerni excrementa ferruginea prorsus similia iis quæ è ferro restitant, dum funditur & deputatur: adeo ut concludendum sit recrementa ferruginea maximam habere propensionem ad æs deserendum, ac fusionis istius metalli occasione arceptâ, non modò ab artificiali orto è ferro aquarum vitriolatarum ope in æs mutato, verum etiam à minerali seeliberant: Equidem censeo materiam ex qua æs generatur esse mineram ferri quæ concurrens cum minera vitrioli liquidi æris formam induit, spiritumque vitriolatum adeo efficacem esse, ut hanc materiam ferrugineam purificet, immetet & convertat in æs, ut videre est in aquis Hungaricis, Pyrenensibus & Sinensibus, hinc evenit ut cum funditur semper scorias deponat, quemadmodum observavi Charlei & Castrotheodorici, ubi habitant æris fusores. Non possum non credere id quod cernitur quodque palpatur, atque in hac re amplectar sententiam horum insignium virorum doctissimorum æquè ac peritiss-

peritissimorum, neque detrectabo pugnare sub vexillo Georgii Agricolæ magni in re metallica genii, ejusque opinioni cum tot viris illustribus adstipulari: verum in sententiam Claudii Salmasii libenter descendo, & cum illo puto fidem non adhibendam esse omnibus iis quæ scriptis authores mandarunt, nisi experientia ipsa confirmet, quæ est lydius lapis quo eorum veritas exploratur.

Ad quid tot argumenta ut probes conversionem metalli in alterum specie diversum, esse impossibilem? Equidem Sennertus mihi erit instar omnium qui ratiocinio mirabili æquè ac docto probatissimorum authorum testimoniis illustrato contrariam sententiam tuetur epitom. 1. §. cap. 5. de metallis. Hoc loco inquit, ut hac de metallis concludamus, pratercunda non est controversia de metallorum transmutatione, è qua ut breviter nos expediamus, cum ut Aristoteles rectè 8. physic. censet, infirmitas quadam mentis sit, querere rationes & dimittere sensus: nullo modo chemie imperitorum ratiunculas experientia præferendas censemus. Notissimum autem est in Hungaria ad oppidum Smolnitium in monte Carpatho sentem esse, in quem ferrum conjectum in optima nota cuprum vertitur. Idem fit Goslaria. Neque hoc saltem aquæ naturales præstant, sed & arte idem fieri potest. Etenim si ferrum in aquam vitriolatam conjicitur, pulvis ei adherescit rubens, qui igne fusus cuprum evadit. Et lib. de Galenic. & chemic. consensu & dissensu cap. 2. de veritate & dignitate chemiæ probare perseverat hanc transmutationem esse possibilem, ubi sic ait. Ita mercurium in plumbum verti docet Johannes Rhenanus in dissertatione pro chemia veritate, hoc modo. Recipe cinerem plumbi vel lithargyrum vel minium, affunde phlegma aceti, & per noctem maceretur. Postea in aqua forti dissol-

ve

ve mercurium, in solutionem aliquot guttas illius aceti infunde, & confestim pulvis ad fundum præcipitabitur qui in igne reductus plumbum evadit. Verùm cùm de metallorum reliquorum in aurum mutatione præcipuè loquitur, & circa hanc chemia maximè occupetur, de ea aliquid dicendum. Et si verò ea plurimò impossibilis videatur, testatur tamen contrarium experientia. Ut de antiquioribus Arnoldo de Villa Nova, Raymundo Lullio & aliis nihil dicam, talia specimina nostrà & patrum memorià aliquot edita sunt ut pertinacis sit, experientia tam certa refragari. Quid Pharmacopola Tarvisius coram senatu Veneto, quid Paracelsus, quid ille Alexander Sidonius Scotus, quid Anselmus Boëthius Casareus Medicus pulvisculo, quem in libri antiqui asserere confracto invenerat effecerit, quid Edoardus Kellius Anglicus, & alii præstiterint, fide digni testes, non aurum solum, sed & oculati confirmant & eloquuntur. Qua de re videantur Historie transmutationis metallica ab Evaldo de Hoghelande descripta, & defensio alchemie transmutatorie ab Andrea Libavio Nicolao Guiberto opposita, Wolfgangus Dinheim de universali medicina cap. 4. Nicolai Barnaudi commentaria in enigmaticum quoddam epitaphium Bononicense, Bernardi Penoti præfatio Apologetica contra Guibertum, tractatui de denario medico annexa. Ut jam Zuingeri & aliorum, qui vivunt & nuper vixerunt testimonia taceam.

Cùm ergo de experientia constet, opera pretium non est, ut multum in rationibus in contrarium allatis laboremus. Et sunt ea fundamenta non ita solida, ut refutari non queant, & ab Andrea Libavio in defensione utraque chemie transmutatorie contra Guibertum, & à Rulando in progymnasmatibus chemicis quæst. 67. & aliis satis refutata.

Hoc præcipuè nonnullos movere solet, quod metalla quæ specie differunt, inter se transmutari non possunt. Verùm

Verum quid obftet, non video. Forma quidem ferri in formam cupri, & plumbi in aurum non vertitur; sed formâ ferri decedente, forma cupri; & formâ plumbi decedente, auri forma introducitur. Et quidem inter metalla facilior est transmutatio, cùm communem habeant materiam, atque inter ea quæ symbolum habent, facilior fiat transmutatio. Et si hac de causa metallorum transmutatio neganda esset, plurimæ alia rerum transmutationes negande essent. Ut jam de elementorum transmutatione nihil dicam: triticum & alia planta in suo censu & suâ formâ sunt perfectæ species, nihilominus in chylum mutantur: sanguini sua forma est per quam est, quod est, nihilominus in carnem, os, membranam mutatur. Atque idem alii etiam accidit, & vulgatissimum est, ex rebus in sua specie perfectis ad alias formas suscipiendâs dispositis alias res ab alio principio generari.

Deinceps eodem lib. cap. 9. de formis, semînis, seu astris rerum, aliis experienciis hanc transmutationem confirmat, ita loquitur. Sic argentum in cumulu plumbi cinerei, ubi prius nullum inerat argentum, certo tempore maturatur & perficitur. Item vena plumbi in Sclavonia quadragesimo anno transit in argentum. Squama aris in arena sicca anno trigesimo in aurum.

Vides ex iis quæ refert vir præstantissimus transmutationem metallorum in alia specie differentia ita esse possibilem, ut illa tam à natura quàm ab arte perficiatur, plurimosque authores celeberrimos fateri pulveris projectionis beneficio metalla imperfecta in perfectissimum, nempe in aurum converti: hæc operatio rarissima est & difficillima, at aquæ vitriolatæ suorum spirituum vi ac virtute ferrum in æs longè facilius mutant, ob magnam convenientiam quæ inter utrumque intercedit, uti jamdudum

cernimus & experimur in metamorphosi martis in venerem. Et si in aris fusione scoria ab eo fecernantur, id sit quod illius ministerio omnia metalla purificentur suaque excrementa depellant: neque mirum est si copiosa reperiantur in hac prima fusione, siquidem ex quatuor mineræ libris eduxi circiter ferri uncias duas, reliqua in scorias abierunt: unde appositè dicis in prima tua epistola pag. 239. mei libri gallicè editi, isthac excrementa ferruginea pristinum ferri pondus penè æquare, non verò simpliciter æquare, ut volunt Matthesius & Angelus Sala, qui illa satis exactè non trutinaverunt, ideoque in horum excrementorum quantitate decepti sunt.

Post tot experientias & rationes quibus metallorum transmutatio confirmatur, pro colonide hujus questionis addam verba quæ super hac materia refert Cassius l. 5. de metallis cap. 1. *Quæres quarto utrum generatio metallorum ad se invicem sit circularis, ita ut ex se, & in se invicem possint transmutari? Respondeo affirmative. Ita Albertus Magnus lib. 3. mipur. tract. 2. cap. 6. qui id probat primò auctoritate Hermeti Trismegisti, quem notat vocari Prophetam Philosophorum. Secundo experientiâ Chymicorum qui unam metalli speciem transmutant in aliam. Tertio ex naturalibus metallorum mineris, in quibus interdum visitur ab una origine vena fluens. quæ in quadam parte est aurum purum, in alia parte est argentum habens sibi admixtam calcem lapideam; idque se vidisse visu proprio testatur Albertus & dixerunt mihi, inquit Albertus, fossiles & depuratores metallorum, quod hoc frequentissimè contingit, & ideo dolent se invenisse aurum, quia aurum est prope originem & tunc desinit vena.*

Asseris quoddam vitriolum ferrum in æs non venire, non est igitur vitriolum, quia verum
vitrio-

trium liquifactum, sicut in aquis mineralibus inesse debet, ferrum vel in æs vel in suam propriam substantiam convertit, quod tot testimoniis & experienciis probavi, ut meam sententiam mutare non possim, nimirum aquas minerales quæ ferrum continent vitrioli expertes esse. His addam sententiam Beguini qui lib. 2. de chymia element. dum tractat de modo extrahendi spiritum vitrioli, vult omnium vitriolorum præstantius esse illud quod ex ære aque vulgaris ope educitur, atque ad illud virtute proximè accedere cæruleum, quod plus ferri in ære commutat, contra opinionem Antonii Guntheri Billichii & Angeli Salæ. Si autem aliqui authores quendam salem vitrioli nomine insigniant: illi est improprium, quandoquidem sal cupri propriè vitriolum nuncupatur, quod, ut referunt tot authores celebres quos citavi, habet facultatem transmutandi ferrum in cuprum; si verò alii sales quos vitriola vocitas ista virtute careant, cur vis illos in vitriolorum albo contineri?

Si dixerim vitriolum alterare ferrum & æri assimilare, nullam inde consequentiam deducere debes, quia sunt verba quæ excerpti è Piduxii tractatu gallico de virtute & usu fontium Pugeacorum cap. 3. verum multis in locis mei libri reperies vitriolum ferrum vel in suam substantiam vel in æs mutare.

Quod ad dejectiones spectat quæ epotis aquis Pugenſibus attræ cernuntur; accepi à quodam ex meis amicis, qui diversis temporibus aquas Pruvinienses & Pugenſes ebibit, Pugenſes excrementa parum denigrare Pruviniensium respectu, quæ cum copioso ferro præditæ sint, colore admodum atro fæces inquinant, qui illum æmulatur quo tinguntur excrementa eorum quæ croco aut limaturâ martis utuntur, ut optimè

notavit N. Faber tractat. de chym. l. 2. cap. 9. de vegetabilibus eorumque præparatione chymica, sect. 8. de succis; cum loquitur de præparatione tartari dissolubilis & purgantis, quem ait conferre cachexia, & præcipue dum mars in usum revocatur, nam hic sal detergit, vacuat & rapit se cum extra ventriculum & intestina, quicquid acidum contra naturam dissolverat è martis substantia quâ stercorea nigredine insiuntur, quam major pars eorum qui chymia suorumque mysteriorum sunt ignari, evacuationi humoris melancholici tribuunt, quem hoc colore depingunt. Mercurialis in eorum albo locum habet, qui lib. 3. cap. 22. de scirrholicis, docet modum præparandi vinum cum chalybe, cujus vini accipiuntur unc. iij. vel v. summa mane, & calidè, & ubi accepta sunt exercetur corpus per tres horas post quas alvus incipit ejicere faeces nigras & melancholicas: & tractat. de febribus circa finem cap. 10. loquendo de iis qui chalybis pulverem sumpserunt, quem duobus modis diversis præparat, ait ejus utilitas exploratur ex ipsis facibus, quia sine fastidio & agrorum detrimento solent educi faeces copiosæ, nigrae, tam à priori pulvere quàm à posteriore. Disco adhuc ex Cælio ferrum suo contactu nigrorem inducere, quandoquidem l. 3. de mineralibus cap. 2. sect. 10. cum tractat de salibus, sic ait, niger tantum est Norvegicus is qui coquitur in ferreis ollis. Hæc testimonia hæque experientiæ tam bellè probant ferrum impertiri nigredinem rebus quas tangit, quibusque permiscetur, ut ad hanc tincturam ex aquis ferrugineis educendam vitriolo opus non sit.

Quoad causam nigredinis quam aquæ Pugenſes facibus indunt, eam vitriolo attribuere non possum, siquidem in illi tantummodo aluminis principia reperio, neque ferro, cum ipsis
tam

tam exigua ejus quantitas admisceatur, ut hanc tincturam proferre nequeant. Sed ingenuè fateor hanc causam me diu latuisse & magnopere laborasse quò eam detegerem, quia cum pulverem gallæ in aquam Pugensem immisi, colorem album contraxit, terra ex eâ collecta & sulphur exceptum ex eadem aquâ sunt alba; præterea quidam homines fide dignissimi mihi retulerant ab ipsâ dejectiones atro colore non inquinari. Menre concipere non poteram quomodo inter tot principia aluminis albedinem conferentia, unum reperiretur quod nigrorem tribueret. Licet enim Piduxius autumet vitriolum dominari in aquis Pugenlibus, hocque minerale denigrare excrementa eorum qui istas deglutiunt, nihilominus tractatu suo gallico de virtute & usu fontium Pugeacorum cap. 2. fatetur pelliculam oleaginosam albam huic aquæ supernatare: & cap. 3. inquit, *et si isthæ aqua videatur clara & pura, miscetur tamen cum terra & rubrica tenuissima, quæ levi decoctione apparet: nam aqua protinus turbida & spissa sit lactis in modum.* Massiacus asserit in illa vitriolum & nitrum gustu, oculis bolum album & conjectura ferrum se deprehendisse. Nescio quomodo isti authores persuadere putant hanc aquam vitriolo imbuti, ipsi aluminis principia attribuendo, nempe suum sulphur album quod aquæ superstat, & bolum album quæ est sua terra, arque etiam suam tincturam quæ est alba instar lactis. Haud dubiè isti authores neque viriola neque alumen in partes & principia resolverunt, neque eorum principia chymica tincturas & sapes considerarunt quæ ab invicem multum dissident, quemadmodum illa descripsi cap. 4. & 8. mei libri. Scripserunt more aliorum Hydrographorum de rebus apparentibus, isthæ mineralia in partes & princi-

pia non dividentes , quapropter in tam gravem & supinum errorem delapsi sunt , ut aquis Pugenſibus attribuerint vitriolum loco aluminis quod in iis primas obtinet.

Tandem peculiari Patris luminum gratiâ in alumine detexi illud quod nigrorem communicat , nempe ſuum ſalem fixum quem ſegregaveram à ſuiſ terris , ſuo ſulphure , ſuo ſale volatili & ſuis ſpiritibus per ſc̃x diverſas ſolutiones , filtrationes & coagulationes , ita ut ſal fixus mihi reſtiterit , qui ſuis ſpiritibus omnino viduus non erat , quemadmodum cognovi hac experienciâ. Iſtum ſalem ſolvi in aqua ſimplici , deinde in eam pulverem gallæ injeci , atque iſta aqua paululum denigrata eſt , parvaque nigredo adhæſit parietibus poculi vitrei , in quo hujus ſalis ſolutio facta fuerat : ſed quod meum animum admiratione perculit , illud eſt quod trans iſtam aquam ſubnigram bullulæ albæ (in quibus aluminis ſpiritus includebantur) ad aquæ ſuperficiem elatæ ſunt , ex quibus colligo aluminis ſpiritus promere tincturam albam , ſuum verò ſalem fixum , ſubnigram , qui facultate cathartica pollet juxta N. Fabrum tract. de chym. l. 2. ſect. 5. de ſalibus , dum loquitur de ſalificatione aluminis , ait *interius ſumptum convenire iis quibus ventriculus inſa us eſt humoribus viſcidis & putridis qui appetitum evertunt , nam eos incidet & attenuabit ac per alvum eliminabit* : quocirca mirum non eſt ſi ſal iſte , quam intimè poſſidet nigredinem , dejectionibus quas deturbat , communicet : atque etiam cum aquæ Pugenſes copioſâ aluminis minerâ imprægnentur , hac copiâ majorem adhuc nigrorem conferunt : quod confirmo aquis San-reginſibus , quæ minori mineræ aluminis copiâ præditæ quàm Pugenſes , ſolummodo ſubgrifeo colore tingunt

gunt excrementa eorum qui ipsas epotant. Ex istis probationibus nobis manifestum est salern fixum aluminis plus aut minus nigredinis tribuere secundum diversam aluminis quantitatem quæ aquis mineralibus permiscetur, sed hæc nigredo longè minor est eâ quam vel ferrum vel vitriolum impertitur, quamobrem ab istis mineralibus illam promanare, minimè dicendum.

His omnibus experièntiis in alumine peractis nondum plenè satisfactus, volui denuò operam navare ut referarem illa quæ in intimo ejus gremio conclusa & abditæ tenentur. Hac de causa liquavi duas uncias aluminis in aqua simplici, deinde eam filtro percolavi & mihi remansit terra coloris grisei sordidi, propter sordes quas alumen contrahit cum diu asservatur & multorum manibus contrectatur, tum aquæ partem evaporavi, rursusque aquam affudi quâ istam materiam diluerem quæ evaporatione spissior evaserat, ut fieret fluidior, quò eam iterum filtro trajicere possem, & reliquam habui terram albißimam: hoc modo ter & decies operatus sum ut probè à suis terris salern fixum aluminis depurarem, atque istæ omnes terræ sunt coloris secundæ æmuli, id est albißimæ: si enim aquam exhales usque ad siccitatem materiæ, alumen exurit, & post solutionem & filtrationem, terræ albæ loco, terram griseam nigricantem habes, propterea quod alumen densum est: idoneum ergo tempus auferendi tuum vas ab igne, est cum alumen crepitat & exilit; si hanc methodum sequaris, semper tibi supererit terra alba post tuas diversas solutiones & filtrationes. Notavi insuper fibras aluminis esse albas, cum aluminis solutionem in vas fictile effudi ut in crystallos concreşceret, parte

aquæ prius evaporatâ, atque etiam parte suâ terrâ ablatâ : excepi crystallos, deinde sivi quiescere istam solutionem per mensis spatium, dein ipsam contemplanz mihi apparuerunt veluti flocci lanæ albæ; qui sunt fibræ aluminis, quas hamulo ferreo ex aqua extraxi. Adeo ut in alumine solummodo substantias albas inveniam, & duntaxat suum salem fixum nigredinem communicantem qui à sua terra alba probè mundatus esse debet, quò perfectiùs eam conferat, quod cognovi diversis meis experimentis; nam in primo, sal iste nondum sufficienter erat à sua terra alba defæctus, cum eam tantum per sex vices secrevissem, quocirca in ejus solutionem pulvere gallæ projecto, paululùm albulit initio, dein subnigra evasit; verum hic sal à quo per tredecim vices diversas terram separavi, ita à sua terra alba depuratus est, ut eodem pulvere in ejus solutionem coniecto, protinus colorem nigrum susceperit, qui sensim auctus est usque ad griseum nigricantem.

E meis experimentis colligere potes, vir ornatissime, quod etiam videas atro colore inquinari dejectiones eorum qui aquas minerales hauriunt, inde semper concludere non debes ipsis inesse vitriolum, quandoquidem ferrum & alumen nigredine quoque fæces inficiunt, sed modo prorsus diverso : ferrum suum nigrorem communicat ministerio suorum spirituum & sui salis volatilis qui eos inseparabiliter comitatur; alumen sui salis fixi beneficio; nitrum & vitriolum suæ totius substantiæ subsidio, adeo ut non modo ad hanc tincturam nigram spectare debeamus, ut probè distinguamus fossilia quæ in aquis dominantur, sed etiam attentè nobis consideranda sunt eorum terræ, spiritus, sulphura, sales & sapes, eorumque differentiæ
sedulo

edulò observandæ juxta methodum quam do-
ui, alioqui non poteris etiam dignoscere om-
nes aquas vitriolatas, quandoquidem vitrio-
lum cœruleum, quod est perfectius & purius
omnium vitriolorum mineralium acorem ma-
nifestum, nullum verò nigrorem confert, vi-
triolum album mediocrem nigredinem, nul-
lam verò aciditatem, sed acrimoniam; & vi-
triolum viride magnam acrimoniam, acidita-
tem verò vix sensibilem, sed tribuit veram tin-
cturam nigram quæ mentes Hydrographorum
tantâ caligine obduxit, ut fossilia in aquis non
nisi confusè videant, quapropter istam tinctu-
ram omnibus vitriolis indiscriminatum tri-
buunt, omissis ferro, alumine & nitro, ex
quibus etiam tinctura nigra elicitur. Quòd au-
tem vitriolorum aciditas semper comitem ha-
beat magnam acrimoniam, ideo aluminis aci-
ditas quæ tam parvam habet, longè gravior est,
ut sæpissime expertus sum aluminis solutionem
gustando; unde colligo omnes aquas gratâ a-
ciditate conditas non vitrioli, sed aluminis
esse participes, veluti Pugenſes & Spaden-
ſes.

Equidem fateor impigro indefessoque la-
bore opus esse ad dividenda & separanda omnia
principia chymica, omnesque eorum qualita-
tes dignoscendas in materia quam nullus hacten-
us attigit: & postquam istorum principiorum
subsidio tot arcana aperui, certò asseverare pos-
sum verum non esse illud quod vulgò dicitur,
nil novi inveniri quod antiquis notum non fue-
rit, de quo etiam non sint loquuti. Scaliger in
exercit. 306, suam sententiam super hac re o-
ptimè explicat, quum ait, *nihil infelicius iis ingo-
nis qua mordicus sentiunt majores nostros nihil igno-
rasse. Dies diem docet, & multa in lucem protrahuntur*

hantur quæ antiquis parum cognita fuerunt. Niimirum ut Seneca ait l. 7. quæsit. natur. cap. 31. *Retum natura sacra sua non simul tradit. Illa arcana non promiscuè nec omnibus patent reducta & in interiore sacrarioclausa; ex quibus aliud hac atas, aliud quæ post nos subibit accipiet. Multum egerunt qui ante nos fuerunt, sed non peregerunt, multum adhuc restat operis, multumque restabit, nec ulli nato post mille secula præcludetur occasio aliquid adhuc adiciendi. Unde spero aliquem post me venturum quem summus bonorum largitor majoribus dotibus cumulabit, quibus illustratus evidentiora addet principia manifestioresque qualitates mineralium quæ in aquis dominium habent, dummodo adhærescat principiis chymicis quibus solis æbdita naturæ mysteria panduntur & illucescunt. In hoc opere ista principia secutus sum, cum verò viam iniverim nondum tritam, mirum non est, si aliquando à recta via aberraverim, sed in eam reversus ingenuè fateor me errasse, libenterque retracto omnia quæ meis novissimis experièntiis vera non esse comperi. Quà in re vestigia illustrissimorum virorum calco, ut S. Augustini & Hippocratis Medicorum principis, qui cum errorem suum agnovisset, ut legitur in Historia Autonomi lib. 5. epidem. posteristradidit se à futuris capitis fuisse deceptum; unde de hac ingenua sui erroris confessione non modò non vituperatus, sed contrà laudatus est à viris illustrioribus totius antiquitatis. Hippocrates latinus his verbis illum extollit. *A futuris se deceptum esse Hippocrates memoriæ prodidit, more scilicet magnorum virorum & fiduciam magnarum rerum habentium, nam levia ingenia, quia nihil habent, nihil sibi detrahunt, magno ingenio multa quæ nihilominus habituro, convenit etiam simplex veri confesso erroris, præcipueque in eo ministerio quod utili-**

tatis causâ posteris traditur, ne qui decipiantur eadem ratione quâ quis ante deceptus est. Ob easdem rationes Quintilianus eandem laudem tribuit Hippocrati his verbis : *nam & Hippocrates clarus arte medendi videtur honestissimè fecisse qui quosdam errores suos, ne posterî errarent, confessus est : & M. Tullius non dubitavit aliquos suos jam editos libros, aliis postea scriptis ipse damnare.* Et paulò post de hac re optimam reddit rationem. *Etenim supervacaneus foret in studiis longior labor, si nihil liceret invenire melius prateritis.* Sane tempus & operam perdidissem in perscrutanda causâ nigredinis excrementorum eorum qui aquas Pugeses epotant, nisi illam in sale fixo aluminis novâ experienciâ detexissem, quâ cognovi me deceptum fuisse, cum istas aquas atro colore dejectiones tingere non arbitrabar.

Tibi admodum devinctus sum quod tuis curiosis indaginibus tuisque ratiociniis doctissimis super hac materia plurimum me adjuxeris. Equidem neminem tibi scientiâ & doctrinâ parem existere arbitror : neque etiam poteram eligere virum qui melius te omnes has difficultates dilucidaret, nam meam opinionem impugnando, lucem mihi præbuiisti quâ plura abdita naturæ arcana detexi, ad quæ mentem meam nunquam converissem ; quamobrem multum tibi debeo, tum etiam quod tantam operam dederis editioni mei libri gallicè scripti, qui nihil habet præstantius tuis pulcherrimis epistolis referatis tantâ doctrinâ, totque rationibus adeo validis & urgentibus, ut me sæpius commoverint, & nisi meis experienciis fortiter adhæsissem, haud dubiè illis cedere coactus fuisset. Postquam hæc omnia quo magis potuimus invicem perspicua fecerimus, materiam controversiæ à me nunquam inveniendam esse autumo, quæ

proptet te rogo me excuses si tibi haecenus tant
 laboris ansam dederim , atque etiam credas , si
 occasio mihi occurrat tibi beneficium rependendi
 tibi quae aliquod officium reddendi , me toto
 animo illud effecturum. Vale Vir Clarissime
 & Amicissime. Pruvini die 22. Aprilis ann.
 Dom. 1669.

*Isaaci Cattieri Doctoris Medici Monspe-
 liensis ad D. Dom. Givrium*

EPISTOLA QUARTA.

NE tribuas quaso meae negligentiae si prom-
 ptius ad postremam tuam epistolam non re-
 sponderim , id potius adscribendum est negotiis
 quibus implicatus sum , atque litis instructioni
 quae vacuum tempus non dederunt. De metallo-
 rum metamorphosi controversia ad quam me
 provocas alterius generis litigium est , difficilis
 adeo resolutionis , ut per otium non mihi liceat
 huic diligenter attendere.

Antequam de hac re quae magnorum virorum
 ingenia huc usque torfit , sermonem instituam ,
 sufficiet si dicam me de possibilitate hujusce
 transmutationis planè dubitare , etiamsi pluri-
 ma in contrarium testimonia afferas. Dixi &
 adhuc assero diligenter nobis cavendum esse ne
 decipiamur , simplicem separationem vel redu-
 ctionem particularum cum aliis confusarum pro
 vera transmutatione sumendo. Haec ferrugineo-
 rum excrementorum secretio in aris fusione ex
 crassarum & impurarum partium adustione , &
 ab aliis instar crassaminis separatione provenit ,
 vel à ferri cum cupro commixtione , cujus fit
 per ignem separatio , oritur. Haec ferri in as

conversio si vera esset, facilius in minera, ubi materia quæ mollis adhuc & tenera reperiretur, vi spirituum ærosorum qui illi characterem suum imprimerent, perficeretur, quàm in ferro perfecto & completo; & quamvis possibilis esset hæc mutatio, non posset tamen hæc dici ferri in cuprum conversio, cum in hoc primo suæ generationis gradu conditiones non adhuc assequeretur, ut posset ferri titulo insigniri.

Si verò opponas authoritates Agricolæ atque Sennerti qui hanc transmutationem non tantum possibilem, sed etiam verè factam contendunt. Respondeo illos falli potuisse, atque cuprum vocasse illud, cujus tantum vana species offertur, ratione verbi gratiâ coloris quem ferro vitriolum tribuit. Observavi guttâ atramenti scriptorii in aurichalcum effusâ & postea detergâ, maculâ quadam ad rubedinem vergente illud infectum fuisse: idem atramentum in ferrum projectum rubiginem nigram producit. Nec magis verisimile est quod referunt isti authores, quàm quod scribit Albertus Magnus, nimirum in parte superiori cranii humani pulvisculum aureum repertum fuisse quod Julius Cæsar Scaliger refellit exercit. 102. contra Cardanum num. 1. *humanum caput offissum scribit Albertus aurea scobe plenum: in eo aurum vel natum vel generatum credere puerilis aut cucullata dementia est: fortassis ambitiosus nebulo id curaverat testamento.*

Crederem potius quod scribit Franciscus Mirandulanus cap. 7. lib. de auro, nempe suo tempore in quarundam perdicum ventriculo grana aliquot auri reperta fuisse, quod tamen in animum minimè inducere debet hæc fuisse producta in earum ventriculo ex herbis quas degluti-
verant, imo verisimile est hæc grana cum arena mixta absorbuisse.

Rationi magis consentaneum est aurum in secunda aëris regione produci posse ex materia idonea & calore solis preparata & disposita proportionē respondente materiae quæ in terræ visceribus reperitur, juxta illud Scaligeri exercit. 23. ad Cardanum. *Da igni convenientem materiam, pyraustam gignet; da ignis calori in vaporariis convenientem materiam pulices gignet, pediculos gignet:* (nisi forsan auri semina deessent, sine quibus aurum produci non posset, atque matrix id est locus aptus istis seminibus de potestate in actum reducendis) si nempe celebris Historici verbis fides adhibeatur: is est Ammianus Marcellus qui lib. 17. ita scribit, *Anaphe & Rhodus, Ophiussa & Pelagia prioribus sæculis dictitata aureo quodam imbri perfusa.* Ubi notandum est Rhodum insulam olim dictam fuisse Ophiussam à serpentibus quibus abundabat: ὀφίεσσα ἢ Ρόδος διὰ τὸ πλῆθος τῶν ὀφίων (sic enim legendum apud Hesychium & Phavorinum, non vero ὀφίος ἡ ῥόδος, ut habent exemplaria utriusque edita.) & apud Stephanum de urbibus. Ρόδος ἵστοι ἐπιφανέσταται ἐν παλαιότητι ὀφίεσσι, hujus autem scriptoris narratio fabulæ tantum innixa videtur, ut legere est apud Homerum Iliad. 2. ubi de Rhodiis & Jove loquens ita scribit.

καὶ σφίσι θετώετο πλῆτον κατέχευε κερνίαν,
id est ex ipsis ingentes divitias dimisit Saturnius. Eustathius in hunc locum notat Rhodios primos omnium Minervæ ἐ Jovis cerebro natæ sacra fecisse, ideoque Jovem aureâ nube supra Rhodum insulam extentâ aurum pluuisse. Idem canit Claudianus lib. 3. de laudibus Stiliconis his versibus,

*Auratos Rhodiis imbres nascente Minerva
Indulsiſſe Jovem perhilarant.*

Strabo lib. 14. Geographiæ ad hos Homeri versus

ſus reſpiciens ita ſcribit οἱ δὲ εἰς μῦθον ἀνέγαγον
τὸ ἐπὶ καὶ χρυσὸν ὑδρῶα φασὶν ἐν τῇ νήστει
κατὰ τὴν τῆς Ἀθηνᾶς γένεσιν ἐκ τῆς παραλίας τοῦ
Διὸς id eſt , Quidam hos verſus ad fabulam re-
ferunt quod ſcilicet aurum pluerit Jupiter in hac
inſula cū Minerva ex ejus capite genita eſſet :
ejusdem fabulæ mentionem facit Pindarus Ode
7. Olympicorum certaminum.

Βεργε θεῶν βασιλίδις ὁ μέγας

χρυσῶνς νιφάδρασι τέλει

id eſt , quondam irrigavit deorum ille rex
magnus aureis nivibus urbem ſcilicet Rho-
dum.

Quæ de virtutibus & effectibus mirandis lapi-
dis Philoſophici , ſeu projectionis pulvere qui
metalla imperfecta in aurum & argentum tranſ-
mutat nobis narrantur ejusdem ſunt farinæ.
Cardanus eſſi in aliis nimium ſe præbeat credu-
lum ; non tamen potuit huic metallorum tranſ-
mutationi aſſentiri. Eſſi (inquit lib. 7. de
ſubtilit.) ſiant metalla ex eadem materia nihilomi-
nus tranſmutari non poſſunt : quod ſi vir & mulier &
mola ex eodem ſiant ſanguine & in eodem loco , non
poſſunt tamen alterum ex altero generari : non enim
quæ ex iſdem generantur poſtquam genita fuerunt ne-
ceſſe eſt poſſe in vicem commutari.

Nulla pulchrior imago animo concipitur
quam lapidis Philoſophici , ſed nihil eſt eo in-
certius atque fallacius. Notum eſt omnibus
quot fraudes detectæ ſunt , dum ad examen re-
vocatus eſt ille. Fruſtra idolum hoc colimus , &
pro corpore umbram tantum ſectamur & ample-
ctimur. Ita loquitur Chriſtoph. Hornius in ſuo
de auro Philoſophico Dialogo. Auripeta illi fruſtra
ſemper hiantes ore cum Tantalos illo poma fugacia ca-
ptant , ut Naſonis verbis utar.

Scrutari diligenter oportet an experimenta
tan-

rantopere jactata & à te proposita rationi sint consentanea, quæ nobis dicitur opera naturæ artis efficaciam non posse produci, quæ quidem eam tantum imitatur, non verò illius perfectionem consequitur : atqui aurum opus est naturæ, igitur artis virtute produci non potest.

2. Si ars metalla imperfecta in aurum transmutare hisque gradum hunc perfectionis communicare posset, potiori ratione natura quæ arti prævalet id præstare posset, atqui natura id non potest præstare, ergo ars non potest hanc mutationem efficere.

Sic minor probari potest quia si natura posset metalla imperfecta in aurum transmutare, semper aurum produceret, cum ad illud quod perfectius est tendat.

3. Omne agens agit propter aliquem finem quo assequuto cessat ejus actio : atqui formæ substantialis consecutio finis est cujus gratia operatur agitque natura in mixtorum productione; ergo post introductionem hujus formæ substantialis in materia non debet amplius agere natura, sed debet quiescere cum finem suum sit consecuta, ut si materia formam stanni induerit, non potest deinceps formam argenti consequi.

Utque difficultates quæ hanc metallorum transmutationem prohibent tueamur, hoc dogma quod veluti pro fundamento hujus transmutationis statuitur, evertendum diruendumque est, nempe metalla à se invicem non differre nisi secundum quædam accidentia, & secundum magis & minus.

Cum mixta proprietates & qualitates differentes & individuas obtineant, quibus cetera destituta sunt, necesse est ea differre secundum substantiam, non verò tantum secundum acciden-

tia :

tia : neque enim possumus appellare accidentia proprietates quæ ex natura mixti oriuntur, & quæ illud semper comitantur, ut sunt gravitas, color, firmitas igni resistentia, puritas metalli, quod nunquam manus inficit, & incorruptibilitas quæ in auro reperiuntur : cum hæ proprietates ad unum tantum genus metalli semper pertineant. Necessè est igitur metallorum substantiam, eorumque species differre.

Pro hujus veritatis stabilimine adducitur, dari quasdam qualitates quas forma conservat & quæ non nisi cum illa destrui possunt.

Hæc substantiæ discrepantia in argento & in plumbo animadverri potest hoc experimento, si plumbum nigrum in argentum liquefactum injicias, plumbum argento supernatare videbitur : ratio est quia plumbi substantia rarefit, & in vaporem vi ignis resolvitur : è contra argenti substantia fixior & firmior est.

Has rationes his quæ præcedente epistolâ conscripseram addere volui, ut tibi de hac re cumulatè satisfacerem.

Nescio quâ ratione ductus statuis salem tantum æris propriè esse vitriolum : è contra affirmari potest vitriolum non verum esse salem, cum non sit corpus simplex si cum aliis salibus conferatur ; imò compositum esse ex variis substantiis quæ simul concurrunt, veluti spiritu sulphuris, aquâ, & ferri vel æris minerâ. Deinde asseris vitriolum quod ferrum in æs non transmutat, non propriè esse vitriolum : ejus tantum resolutione opus est ut possit dignosci an sit vitriolum, cum illud sit congeries plurium substantiarum, ut jam diximus, & aliquam substantiam metallicam contineat veluti ferri aut æris ; hocque differt ab aliis salibus è

me-

metallis extractis. Quæstio igitur est facti quod denegas. Lege quæ scribit Angelus Sala in anatomicæ suæ vitrioli : *si quæ madefactum ferrum asfricet vitriolo cui nullum as insit (dictum enim est à nobis vitriolum reperi i quod è ferro provenit) ferrum istud colorem suum non amittet, sed nullo modo alteratum reperietur.* Tandem instas dicere saltem tantum æris propriè vitriolum appellari, quod probatissimi negant Chæmisti, *as ac ferrum sola ex metallis intrant compositionem vitrioli*, inquit Billichius lib. 1. cap. 13. observationum chæmicarum. Paulus Bonus Ferrariensis in tractatu suo de rationibus principalibus artis dixit atramentum croceum & ruffum vim ferream continere, & in viridi atramento vim æream esse. Hinc factum est ut quidam vitriolum martis ac veneris thalamum dixerint in quo hæc duo metalla recumbunt, & è quo aliqua eorum portio educi potest.

Tuâ novissimâ epistolâ, novisque experimentis perlectis quibus sententiam tuam firmas, non possum non laudare tuam diligentiam atque industriam. Interim cum bonâ tuâ veniâ hæc animadvertam.

1. Adeo parvam ferri quantitatem aquis Pugenibus inesse dicis, ut nigro colore inficere non possint, quod non admitto, cum plurimum rubiginis circa lapides & saxa quæ aquæ istæ alluunt observaverim. Si tibi licuerit per aliquod tempus huic pago Pugæo diversari in fonte Brissonio dicto multam rubiginem saxi aquâ istâ irrigatis adhaerentem animadvertere potuisti.

2. Scribis alumen compositum esse ex spiritibus, terrâ albâ, sulphure & sale fixo qui ab aliis sejunctus colorem nigrum communicat, quod observasti sale isto in aqua communi solu-

to & in hunc pulvere gallæ injecto, sic enim paululum nigredinis contraxit aqua: inde inferre contendis eundem salem fixum aluminis qui cum aquis Pugenſibus mixtus est, colore nigro dejectiones inficere. Hæc omnia videntur Hypothesi cuidam à me oppugnata innixa, nempe aquas Pugenſes vitrioli expertes esse, cui non possum annuere, cum rarissime aliquod minerale reperiatur quod cum alio mixtum non sit, ut vitriolo & alumine: ex his (nempe pyritis) *alumen & atramentum futorum plerumque conficiunt: succi enim cognati sunt*, inquit Georgius Agricola lib. 2. de re metallica pag. 465. *alumen* inquit Eneclius lib. 2. de re metallica cap. 9. *substantia est media inter chalcanthum & sal.* Idemque Agricola scribit *omne vitriolum continere alumen*: itaque cavendum est ne quod tribuis alumini ad vitriolum referendum sit.

Sed ut pateat alumen includere in se vitriolum, idem Agricola modum docet alumen è vitriolo fecernendi cum simul in terris aluminosis concurrunt, si nempe ipsis affundatur aqua & deinde urina pueri: si namque vitrioli sint participes, tunc chalcanthum quod plus terræ obtinet, subsidebit: alumen verò minus terrestris supernatabit.

Præterea sal ille fixus qui in alumine continetur, paucus est respectu substantiæ illius albæ, cumque substantia illa prævaleat cum spiritibus & sulphure aluminis, deberet potius colore albo excrementa inficere, si modo sal ille fixus ab illa substantia alba non sejungatur.

Has animadversiones quaeso, vir clarissime, benignè excipias: non enim studio tibi contradicendi perpetuo incensus, sed difficultatibus quæ
in.

in re offenduntur circumventus hæc scripsi, quæ tamen non me dinovebunt de studio tibi interveniendi. Vale Lutetix Parisiorum die 4. Junii ann. Domini 1570.

*Authoris responsio ad epistolam quartam
Dom. Cattieri Medici Monspeliensis peritissimi.*

UT eventam rationes à te additas quò magis probes transmutationem metallorum esse impossibilem, te remitto ad verba & rationes quæ deprompsi è scriptis tot doctorum & illustrum virorum quos laudavi in mea præcedenti dissertatione: quibus tantum addam ea quæ excerpsti è Michaelis Majeri viatorio, hoc est de montibus planetarum septem seu metallorum cap. 4. de monte Veneris. Præterea cum constet, veneris ex ferro generationem aut eductionem medio vitrioli, vel vitriolæ aquæ fieri, veluti jam dicto monte Ramma usu receptum oculis ipsis annotavimus. Misochymici (inter quos Guibertus quidam) negant hanc transmutationem esse veram, sed saltem cupri atomorum aut insensibilium particularum per aquas vitriolatas collectarum & absconditarum in iis vel vitriolo congregationem fieri ferro aquæ imposito, cujus sententia se quoque diu fuisse testatur Erkerus, nisi vidisset in subterraneis aris fodinis clavos ferreos cuicunque ligno infixos, tempore intercedente longiori, in putrum putrumque cuprum transmutatos fuisse, quod adeo evidens est, ut nullam refutationem admittat. Concedendum itaque hanc transmutationem ferri in cuprum esse possibilem & fieri dicto modo. Credas velim me animo esse adeo pacifico ut hanc controversiam ulterius promovere, meque hoc litigio implicare minimè cogitem, sed solum de mon-

strare

strare vitriolum in aqua liquatum ferrum corrodendo destruere neque unà coire posse, quod ut fiat magis perspicuum, conversio martis in venerem examini subjicienda est.

Solve libram unam vitrioli cœrulei Hungarici, aut Romani aut Chessi prope Lugdunum, in tribus libris aquæ bullientis, deinde fac ut in ea quoque bulliat scobis ferri libra dimidia, & aquæ evaporatione hanc materiam exsicca, quam postea igni fusorio expones, tunc mars in venerem commutabitur. Potestne inficiari in hac operatione ferrum suâ forma fuisse exutum? siquidem ex hac fusione nullum aliud metallum prodit præter cuprum & excrementa ferruginea, quæ à ferro in eo differunt quòd non sint malleabilia, neque sonitum, neque colorem, neque soliditatem ferri habeant, neque fusione ad hujus metalli formam reduci queant. Quid igitur formam ferri destruxit? vitriolum, quod sui spiritus beneficio hac vi hacque virtute pollet. Vis esse reductionem particularum cupri quæ in vitriolo inclusæ sunt, quæ sit ope ferri, ego verò partem vitrioli & partem ferri in æs verti existimo; & si ab iis separantur scorix, mirum non est, quia in fusione æris mineralis semper secernuntur. Si verum sit ferrum ad se reducere particulas æris quæ vitriolo insunt, ut suâ fusione eas exhibeat, quare dum fudi mineram è lateribus nostrarum fossarum collectam (quam nostræ aquæ alluunt, à quâ etiam potissimas suas qualitates mutuunt) tantum ferrum exutum & scorias habui, non verò cuprum? cum credas nostras aquas ferri vitriolique esse participes.

Forssan mihi rursus objicies quoddam esse vitriolum quod ferrum in æs non convertit, illudque aquas ferruginosas imbuere. Sciendum r.

an plures ipsum viderint. 2. an sit verum vitriolum : equidem de eo valde dubito, nec sine causa, quia si corrodingo ferrum destruere non valet, quemadmodum bona & vera vitriola illud destruunt, paucis spiritibus præditum est, & consequenter nullum acorem neque ullam virtutem aquis mineralibus communicare valet, quæ potiores suas qualitates à spirituum vi deducunt, quod in nostris aquis experimur quæ effectibus suis mirabiles sunt, ob spirituum copiam quos iis minera ferri & aluminis abundè largitur. Puto hanc salis speciem perperam numero vitriolorum adscribi, siquidem vitrioli qualitatibus non potitur : neque fides habenda est omnibus quæ authores litterarum monumentis consignant, nisi illa confirmentur experientia; id est in manibus habendus esset sal iste (qui fortassis non est in rerum natura) ut ejus partes & principia dividi possent, quibus an verum sit vitriolum agnosceremus. Centè plurimi authores sæpe nobis imponunt, modò illis fidem adhibere velimus : quod verò mihi magis persuadet ab iis illa quæ scriptis mandant experientia non fuisse comprobata, ideo est quodd inter se non conveniant. Laudas novissimâ tuâ epistolâ Paulum Bonum Ferrariensem qui in tractatu suo de rationibus principalibus artis dicit *atramentum croceum & ruffum vim ferream continere, & in viridi atramento vim arcam esse* : verum lego in manuscriptis Clavxi junioris cap. 26. de Phlegmate, spiritu, oleo, sale & terra vitrioli, *vitriolum viride è natura ferri, cæruleum vero è natura cupri participare*, quod in ejus scriptis legere potes, quæ ad te misi ab aliquot annis. Caneparius descriptione 3. de atramento futorio cap. 1. scribit *vitriolum Romanum plurimum sulphuris & ferri continere, neque etiam esse cupri ex-*

pers,

pers, atque existere in *Cypro* insula plures mineras in quibus reperitur vitriolum viride continens *as*, alterumque luteum continens *aurum*, aliud vero lividum & nigricans quod ferri particeps est. Concilia istos authores si possis, unus ex iis vult vitriolum croceum & ruffum vim ferream continere, alter vitriolum viride è natura ferri participare, tertius verò vitriolum lividum & nigricans ferrum continere. Consideremus si lubet vitriola quæ in nostras manus facilè veniunt (ut sunt illa quorum mentionem feci in metamorphosi martis in venerem) eorumque effectus diligenter perpendamus fidem non habentes istis authoribus qui cum inter se non conveniant nihil certi nos docere possunt. Quanam de causâ quærimus vitriola in terris alienis & à nostro climate longissime distans? quandoquidem tractamus de aquis mineralibus in Francia scatulentibus, & verum sit soli diversitatem, solisque diversos aspectus diversa mineralia producere. Quocirca frustranea mihi videtur ratiocinatio quæ fit super his diversis vitriolis quæ in alieno non verò in nostro solo generantur. Quidquid enim dicant isti authores de illis vitriolis, cum iis cateamus ea in partes & principia dividere nequimus, unde planum est nullas certas consequentias nos deducere posse è ratiocinatione super istis mineralibus habita. Si verò exploremus vitriolum quod *Chessi* in agro *Lugdunensi* effoditur, in eo inveniemus quidquid bonum & verum vitriolum componit, quodque liquatum in aqua ferrum corrodingo destruit atque in *as* vertit.

Ut ad tuam objectionem respondeam, referam ea quæ anno præcedenti præstiti ut cognoscerem an id meis primis experimentis deceptus essem, & tandem an vitriolum in nostris aquis mi-

mineralibus deprehendere possem. Ut voti compos fierem evaporavi aquas quæ in sexdecim lagenis continebantur, quatum unaquæque triginta octo uncias aquæ includebat, ut ex iis educerem salern, quem teperi æmulari illum quem in meo Arcano descripsi, qui verus est sal ferri & aluminis longè diversus à vitriolo: & si in his aquis quædam vitrioli species inesset (quod est sal, siquidem in aqua funditur, & aqua exhalata concrefcit) haud dubiè illud invenissem, tanta aquarum copia ignis calore consumpta.

Dicis quoddam vitriolum continere ferrum, jamdudum hîc te expecto, atque inopinatò in meam descendis sententiam, quippe quæ asserat vitriolum ferrum in suam substantiam commutare; at in ista mutatione ferrum ita suam formam exuit, ut è metallo fiat minerale. Tunc enim cum paucum est ferrum, vitriolum hoc metallum in suam substantiam convertit: quod liquet ex iis quæ refert Matthiolus commentar. in cap. 73. lib. 5. Dioscorid. ubi ait *esse quoddam vitriolum quod in aqua dissolutum colligere non coagulat, nisi ferri projectâ laminâ*; quæ protinus in vitriolum vertitur. Sed cum copiosum est ferrum cum quantitate proportionata boni vitrioli, æs producit quod planum est in conversione martis invenirem: in utraque mutatione ferrum sua forma prorsus destituitur, licet enim velis in postrema hac mutatione, ferrum nihil aliud efficere, nisi ad se adducere & circa se cogere cupri particulas in aqua vitriolata dispersas, nihilominus in ista operatione ferrum ita sua forma metallica orbatur, ut ex hujus materiæ fusione æs purum & excremeuta ferruginosa formam ferri nullo modo referentia duntaxat prodeant; adeo ut verisimile sit ferrum vitrioli

trioli ministerio fuisse dissolutum & sua form^a exutum. Mea non interest si istam mutationem potius vocites reductionem particularum cupri circa ferrum, quàm conversionem ferri in æs, dummodo consentias in hac operatione vitriolum ferrum corrodingo destruxisse, adeo ut forma ferri sit prorsus orbum : cum vero id sub visus & tactus sensum cadat, te illud negaturum esse non arbitror : & hoc est de quo jamdiu disputo, nempe vitriolum liquefactum in aqua ita esse ferro inimicum-ut illud corrodingo destruat, adeo ut vel in cuprum, vel in suam propriam substantiam mutet, vel illud quoquo modo suâ formâ privet. Hæc est mea opinio cuprum in terræ visceribus generari, dum minera ferri mollis coit cum vitriolo liquido in proportionem convenienti ad producendum istud metallum; dum verò pauca est minera ferri cum magna vitrioli copia, tum vitriolum paucam istam ferri mineram in suam propriam substantiam convertit. Quocirca ex his omnibus ratiocinationibus atque experienciis seriò consideratis concludo aquas vitriolatas non posse simul esse ferrugineas, neque ferrugineas esse vitriolatas, quia vitriolum liquidum ferrum destruit ejusque naturam immutat, quod mihi est manifestum tot experienciis diffusè satis in meo arcano descriptis. Tandem cum nullum ex principiis vitriolorum in nostris aquis, sed tantummodo ferri & aluminis principia nactus sim, idcirco assero illas non vitriolo, sed duntaxat ferro & alumine esse imbutas eâ in proportionem quam in meo Arcano retuli.

Quandoquidem aquas Pugenſes paucò ferro esse tinctas non credis, docebo te modum quo hujus rei veritatem facillimè explorabis. Repone in catino fictili aquam Pugenſem è lagena

depromptam per spatium octo aut quindecim dierum, & tunc videbis in fundo vasis aliquot granula terræ subflavæ, si multum ferrum aquæ inexistet cum sua terra sit crassa & ponderosa, multa in fundo vasis appareret; sed cum pauca reperiatur, hinc colligo istas aquas paucio ferro esse præditas. Fontem Brissonium quod spectat in responsione ad tuam epistolam secundam p. 358. mei Arcani gallicè editi, tibi concessi eum copiosiori ferro inquinari, quàm ille cujus aquæ potari solent: quamvis observatio quam fecisti, nimirum plurimum rubiginis adhærere locis ipsi adjacentibus & saxis quæ ista aqua lambit, non sufficiat ad probandum in eo ferrum abundare, sed solum hanc aquam ferri esse participem: quandoquidem aqua nostri fontis B. Mariæ quæ paucio ferro imbuitur, rubigine inficit lapides quos transeundo alluit, & aqua fontis juxta molendinum à stagno cognominatum sibi, quæ paucissimum ferrum in se recipit, eos pariter rubigine tingit: quod fit quoniam terra ferri quæ gravis est, fundum alveorum petit & adhærescit lapidibus & silicibus canalium per quos aquæ ferrugineæ defluunt; & licet unaquæque pars aquæ paucissimò ferro sit imprægnata, quia istæ partes aquæ fluxu continuo sese consequuntur & permeando suam terram ferruginosam deponunt, mirum non est si isti silices & lapides hac terra adeo inficiantur: verum ut exactè dignoscas quæ ferri quantitas istas aquas subeat, meâ methodo uti debes, quam si seceteris non solum tibi manifestabuntur metalla & mineralia quæ in acidulis dominium habent, sed etiam qua in proportionem cum ipsis miscentur. Hac enim methodo, id est principis chemicis cognovi alumen in aqua Pugenfi principatam obtinere, quia in alumine eadem princi-

principia , easdemque qualitates ac in ista aqua invenio : nam terra , sulphur , spiritus , sal , tinctura & sapor in utroque similia sunt , quemadmodum prolixè descripsi cap. 8. mei Arcani & novissima mea ad tuam epistolam tertiam responsione.

Sal fixus in alumine abundat & est catharticus juxta N. Fabrum , quapropter mirum non est si atro colore inficiat dejectiones eorum qui hauriunt aquas aluminis divites , quales sunt Pugenses. Insuper sal est principium activum , terra verò principium passivum , unde hic sal à calore naturali in actum redactus superior & efficacior evadit , sicque suam dejectionibus tincturam imprimit potius quàm terra aluminis : spiritus autem & sulphur faeces non expurgant , sed per urinas effluunt.

Dubito te animadvertisse illud quod observavi : nimirum alumen suum nigrorem diverso prorsus modo à vitriolo communicare , atque ad distinguenda fossilia quæ aquis mineralibus vim & virtutem impertiuntur nos non solum debere spectare ad istam tincturam nigram quam illa conferunt , sed etiam diligenter examinare suam terram , suum sulphur , suum salem , suos spiritus , suum sorem , atque eorundem differentias sedulò annotare. E. G. sal fixus aluminis à suâ terrâ albâ probè depuratus in aqua simplici solutus pulveris gallæ admixtione tincturam nigram exhibet admodum similem illi quam tribuit vitriolum album eodem modo dissolutum , & dissimilem illi quam impertitur vitriolum viride , in eo quod hæc multò est nigrior : inde tamen inferre non debes vitriolum in alumine esse inclusum , quia vitriolum album suum nigrorem communicat ope totius suæ substantiæ , & alumen beneficio

fui salis fixi qui est unum ex suis principiis utilibus sejunctum ab aliis principiis; vitriolum verò album est mixtum quod continet terras colore differentes, quibus segregatim, tam parum salis fixi restat, ut nulla alia in eo experientia fieri possit, nisi illud gustando (quod illi cum vitriolo seu viridi seu cœruleo commune est): contrà verò alumen salis fixi abundans est, & alterius saporis quàm sal vitrioli, atque hac copiâ salis fixi à calore naturali in actum redacti aquæ aluminosæ dejectiones eorum qui ipsas deglutiant, atro colore tingunt: præter suum salem & suas terras; suum sulphur, sui spiritus & suus sapor nullo modo cum aluminis principiis & qualitatibus conveniunt, isti tamen principiis & qualitatibus ab invicem facile distinguuntur.

Vix etiam credere potes aquas Pugenſes vitrioli esse expertes: hoc quidem mihi sufficienter persuadent experientia quas peregi in vitriolis atque in alumine quæ principiis & qualitatibus proſus diverſis donantur. Et licet Agricola dicat vitriolum & alumen succos esse cognatos, ista cognatio in eo solum apparet quòd sũt sales qui in aqua liquantur, qua exhalata concreſcunt, sed eorum principia & qualitates sunt admodum dissimilia: idemque Agricola scribit omne vitriolum continere alumen; nisi mihi demonstrarentur principia aluminis in vitriolo (quod nullum habet principis aluminis simile) hoc non credam; sed potius amplectar sententiam Aristotelis qui l. 3. de gener. animal. c. 10. monet *sensui plus tribuendum fidem quàm rationi*: quocirca iis adhærebo quæ cognovi & detexi meis experimentis, donec contrarium mihi demonstretur.

Modus quem docet Agricola separandi alumen

men à vitriolo urinæ pueri ministerio, valde est suspectus, quia sal, spiritus & hypostasis quæ in ipsa continentur, possunt alterare, mutare & præcipitare crassiorem aluminis partem illamque suâ mixtione vitriolo assimilare.

Equidem non demiror quod mea sententiæ subscribere nequeas, quia meas experientias non conspexisti, sed si illas considerasses & observasses omnes differentias quæ intercedunt inter principia & qualitates vitriolorum, aluminis & aliorum metallorum & mineralium quibus operam navavi, persuasum habeo te è tua sententia decessurum esse. Qui enim credere posses aquas Pugenses vitrioli esse participes, si postquam vidisses & examinasses omnia principia vitriolorum & aluminis, nullum ex principiis vitriolorum in his aquis agnosceres, sed tantummodo principia & qualitates aluminis, quæ in istis aquis tam perfectè representantur, ut negari non possit in iisdem alumen prædominari? Cæterum si vidisses discrimen quod inter principia reperitur, sicut illa explico cap. 4. & 8. mei Arcani, in meam sententiam te descensurum esse arbitror, nempe fidem non adhibendam esse iis quæ scriptis auctoribus mandant, nisi illa confirmentur experientia. Hic appositè recensetur hoc adagium, *quo semel imbuta recens servabit odorem testa diu*, liquidem tam difficultet eradicatur hæc opinio erronea, quod sit inveterata, omnes scilicet aquas minerales vitrioli esse participes, quia vulgò existimatur illud inesse metallis & mineralibus quæ earum compositionem subeunt: & sanè non minus quàm alii hoc errore implicatus, adhuc detinerer, nisi impigro labore experientisq; quamplurimis me ab illo extricassim.

Ago tibi gratias pro tuis optimis animadversionibus quæ sensibus meæ opinioni contrariis me eò adigunt ut novis experièntiis novisque rationibus illam magis ac magis illustrare & stabilire cogar ; quamobrem tibi plurimum debeo , hasque animadversiones tam benignè excipio , ut inde non solum mea in te benevolentia nihil detrimenti patiatur , verum etiam ad eam magna accessio fiat : Vale Vir Clarissime. & Colendissime. Pruvini die 10. Martis ann. Dom. 1671.

*Dom. Falconeti filii Doct̃oris Medici
Monspeliensis , & in Collegio Medicorum
Lugdunensium aggregati*

E P I S T O L A

*Ad Dom. Givrium Doct̃orem Medicum
quâ novitias ejus opiniones impu-
gnat.*

NEcessum non est ut de tuo op̃ere quidquam dicas , siquidem loquitur & prædicat ubique eruditionem & indefessum in acidularum scrutinio laborem : non dubito quin omnes qui illius lectioni operam dabunt , in meas partes descendant : non enim hætenus perscrutatæ aquæ minerales hacce methodo fuerunt , mirabunturque cuncti te earum principiis tam exactè separandis fœliciter invigilasse.

Quamvis in tuo libro omnia clarissime explicueris , cum tua bona venia Vir Ornatissime aliquas difficultates proponam : quatum pri-

ma & vulgatissima est, vix fieri posse ut manifestè cognoscantur mineralia quæ aquas minerales frigidas vel calidas ingrediuntur: spiritus volatilis mineralium aliquando ita ab eorum materia separatur, ut in ea nihil reperiaturo quo dignosci possit minera è qua exhalat, nisi respectum habeamus ad eum qui ex illa prius ductus fuit. Exordior ab hac propositione, quoniam chimærica tibi videtur in tua responsione ad Dom. Cartierum, nihilominus tamen in verè Physicis inficiandum non est saporem tribuendum esse puriori parti salis volatilis qui super lingua dissolvitur, eandemque partem subtilem posse ita attolli ut corpus deserat in quo includebatur quò sese cum aquis miscet, in quibus sua terra, suum lutum & suum *principium* frustra quærentur, siquidem absunt, aqua subiens locum subjecti, refrigeratorii & medii quo hic sal congeneri uniatur: nonne enim cum Cosmopolita dicere possumus principia mineralium & metallorum inter se discrepare duntaxat variâ materiâ quâ terminantur? Præterea assero illis dissolutis & evocatis, vix locum unde eruperunt dignosci posse: ferè idem accidit saporibus ac odoribus, discrepant tantummodo, quòd postremi à volatiliori parte pendeant, saporis verò à fixa & volatili simul: nam quidquid dicas, quòd plus inest salis fixi in aliquo mixto, eò magis & illud diutius sapit: nihilominus lingua non tam citò percipit saporē ac illum sentit, cum solum salem volatilem habet dissolvendum qui momento solvitur: sic dicimus dum idem sal volatilis satis habet levitatis ut ad processus mammillares propellatur, tunc temporis odorem illis communicat, unde acidum æquè odoratu ac gustu percipimus. Cum hoc sub sensum cadat, quis negabit

in minera molli reperiri vitriolum, alumen, ferrum, sory. melantheriam, nitrum &c. intelligo ipsorum rudimenta mollia etiamnum liquida necdum concreta? Ais Vir Clarissime in responsione ad primam epistolam te hoc concedere, modo hæc mineralia inter se conveniant; verum cum Hippocrates agnoscat in microcosmo *amarum, acerbum, austereum, acidum, salsum, aruginosum & alia sexcenta*, quia illa dinumerare minimè poterat: quare in dubium revocabimus in macrocosmo reperiri non posse in eadem minera & in iisdem canalibus parem multiplicitem succorum? dicendum non est Hippocratem intelligere illos esse diversis in locis, siquidem postea lib. de veteri medicina sic loquitur, *qua si benè misceantur hominem non laedunt*: dixi vitrioli, ferri, aluminis rudimenta mollia & liquida, nam consentis ea in marchasitis reperiri, & ratio quam affers, est quod ob duritiem in sese invicem agere non possent: hæc ratio ab Hippocrate deprompta probat majus esse prælium inter succos liquidos, sed nullum à commixtione excludit, siquidem cum eos dinumerare nequeat, ait, *& alia sexcenta*: excluderem potius hæc aut illa mineralia à marchasitis quàm à succis liquidis, quoniam illa dura corpora non formantur nisi cum paulatim simul uniuntur, & cum fortius & potentius ab aliorum commercio debilius excluderit, aut aliquo modo in suam converterit substantiam: hoc quotidiana probat experientia, corpora solida minus repleta esse partibus heterogeneis quàm liquida; hæc potior est ratio (ut mea fert opinio) maris fluxus & refluxus qui nonnisi à fermentatione omnium rerum heterogenearum in sinu terræ contentarum oritur: sic verisimilius est dicere plures esse hos-

tes

res ubi majus est bellum : succi liquidi hæc de causa debent potius imprægnari diversis mineralibus, quàm succi concreti. Cum subjectum succorum liquidorum sit aqua, facillimum erit demonstrare non solum ferrum, alumen, vitriolum, nitrum eam subire, sed etiam plurima alia mineralia.

Accipe situlam aqua plenam, in eam immitte salem, ejus satis magna quantitas in illa dissolvetur, pars verò ejusdem salis non dissoluta remanebit; ei adde alumen, aqua etiam quandam illius partem in se recipiet, eodem modo partem sulphuris, nitri, limaturæ chalybis, atramenti metallici, sicque omnium penè salium: quicquid dicas, inficiari non potis es in aqua inesse magnam pororum multipliciter, quorum differens proportio cum differentibus corporibus promoveret dissolutionem eorum salium usquedum pori commensuri & proportionari sint adimpleti: hoc posito, fatendum est illud menstruum commune posse imprægnari infinita tincturarum multitudine, quarum confusio & mistura producent sapes longè discrepantes ab illis qui solent notari in tincturis ab unoquoque sale singulatim extractis: verum de hac re te mihi adstipulari existimo: cumulatè tibi satisfaciam si demonstrem facilius reperiri differentia mineralia in succis liquidis quàm in concretis. Cum aqua sit referta infinità multitudine pororum commensurum suis corpusculis, cumque hoc sit certissimum etiam quidam dissensus & quædam discrepantia inter illa intersint, menstruum tamen subeunt, sicque semper asserere possumus istam aquam minerallem admittere posse vitriolum, alumen, ferrum &c. Cum ista mente revolve, mihi affulget satis luminis quo discutiam tenebras & obscuri-

tates dubii illius quod proponis circa affinitatem quæ est inter ferrum & vitriolum quam omnino rejicis, asserens tantum esse adductionem partium vitrioli ferri contactu factam. Ratiocinarius eodem modo Vir Clarissime, cum vocitas vitriolum martis, *spiritum vitrioli mixtione martis re-corporificatum*, potius dicendum esset, *salium vitrioli & martis unionem*: hoc tamen non competeret propositioni quam protulisti, nempe *vitriolum ita ferro adversatur ut ipsum perpetuò corrumpat & exedat*, nihilominus cum constet ea ingredi idem menstruum, restant tantum examinandæ convenientiæ & proportiones quæ inter eorum sales intercedunt, ut inde judicemus an simul uniri possint; quas ut cognoscamus unico modo uti debemus, nimirum examine figuræ salium; verum experientiâ discimus figuram omnium salium acidorum figurâ acutâ terminari, basim & latera habere angulos magis aut minus pyramidales, id est alios aduncos, alios penè obtusos; inde differentiæ exoriantur illius acidii penetrantissimi, (ut patet in aceto Genevensi quod paratur cum fermento) acidii amari, ferruginosi, austeri, vitriolati, vegetabilis & mineralis. Ut finem huic dissertationi imponamus (ut ajunt) sal artificialis qui æstate coagulatur evaporatione nobis indicavit concursum horum differentium corpusculorum, penetrationem & implicationem horum, & simplicem annexum aliorum, sicque dubitandum non est acidum martis cum acido vitrioli in istis canalibus subterraneis simul uniri posse, quandoquidem ipsemet notasti inter utrumque sympathiam quæ est principium invisibile omnium unionum.

Experimentum quod agis permiscendo pulverem gallæ cum aquis Pruvinsibus & cum iis
 quas

quas ferratas & aluminosas reputas, vitriolum ab earum commercio non excludit ; sed inde inferre possumus, minus illius in eas ingredi, nam violaceum paululum rubicans, pallescens, griseum nigricans, & quidquid tibi libebit ; isthæc coloris mutatio minor aut major nobis indicabit majorem aut minorem vitrioli cum aqua mixturam. Colorum scientia hætenus adeo latuit, ut potius tenebras offundamus quàm lumen addamus rebus quas hæc differenti refractione stabilire conamur : præterea magnum discrimen est inter educationem tincturæ vitrioli, & educationem tincturæ rei vitriolatæ : cum etiam admittas maximam sympathiam inter ferrum & cuprum, nonne dici potest has venulas rubeas & hoc violaceum rubicans ab utroque pendere, siquidem alumen & ferrum similem tincturam promere nequeunt : *multa tegit sacro involucto natura, nec sat est ulli mortalium scire omnia.* In hac incertitudine pariter affirmare possumus sulphur aciditatem vestris aquis largiri, quandoquidem arbitror cum Gunthero Billichio ejus aciditatem antiquiorem esse vitrioli aciditate, etiamsi parte quadam resinosa obveletur, nihilominus eam gustu percipimus statim ac illud linguam attigit : nemo etiam inficiari potest thermas Vichenses atque thermas Borbonensibus æquiparandas, habere plus aut minus aciditatis, quam earundem thermarum aquam potando manifestè deprehendi ; atque adeo verum est illam pendere à sulphure, ut cum id in vapores resolutum est, aqua fiat insipida, quod animadvertentur cum temporis momento poculum aquam continens libero aëri committitur : unde etiam concludo illud quod saporem liquoribus communicat : debere attribui rei subtilissimæ, cujus resolutio citius

in aërem facta est, quàm illius subiectum reperiatur, quò ejus partes & principia ab invicem sejungantur; *spiritus est principium actionis, materia verò passionu.* Sulphur constans ex partibus friabilibus citius suam aciditatem communicat, quàm vitriolum sive alumen quod est corpus compactum; & quamvis dicas, etiamsi corpus ex quo aliqua substantia acida elicitur, suum acorem communicaret aquæ cum qua permiscetur, necesse esse ut terebinthina & mel suum acorem impertiantur liquori in quo dissolvuntur. Hæc ratio tamen ab illa longè dissidet, nam præterquam quod revera aliquid aciditatis in sulphure percipitur, potissimum cum repurgatum est suis excrementis terrestrioribus, sicuti patet in ejus flore, sal ejus longe facilius se aquæ communicat quàm sal terebinthinæ & mellis qui in materia viscosa & humiditate copiosissima sepelitur, quarum sulphur vivum etiam *ἀπύργον* experta est, cum penè totum sit sal, quod in ullo alio minerali minimè cernitur; unde iterum concludo ejus acorem esse antiquiorem acore aluminis sive vitrioli: non tamen me fugit è melle educi spiritum adeo acidum ut cataractas tollat & lapides dissolvat: si sufficiens quantitas illius cum oleo tartari misceretur, certò scio, quamvis cura & labore adhibitis, nihil inde extrahendum esse, unde cognosci posset aliquid in ea mistura è melle elicitum delitescere. Hanc pono hypothèsim, Vir Clarissime, hæcque mea est opinio, cum spiritus istorum mineralium imperfectorum, succorum liquidorum, mineralium pinguium quæ bitumina nuncupantur, sunt circulati in alembicis subterraneis, penè impossibile esse distinguere materias ex quibus elati sunt: longè facilius est dignoscere quomodo te felicissimè distinxeris
ab

ab omnibus illis qui de aquis mineralibus scripserunt, quandoquidem explicuisti plurima quæ nondum animadverterunt, immensosque labores suscepisti ut Arcanum sanitati adeo proficuum detegeres: tandem te certiorum facio me tui esse amantissimum. Vale Vir Amicissime. Lugduni die 25. Junii ann. Dom. 1673.

Aukoris Responſio ad epiſtolam Dom. Falconeti filii Doct̃oris Medici Monſpeliensis & in collegio Medicorum Lugdunenſium aggregati.

A Liquas difficultates deprehendis in meo Arcano, Vir Clarissime, quibus (licet ipsis abundè satisfecerim meis responſionibus ad Dom. Cattierum, satisque dilucidè eas explicuerim in meo libro) nihilominus majoris perspicuitatis gratià, breviter respondeo.

Primo animadvertis in mea responſione ad Dom. Cattierum me aſſimare chimæricum spiritum volatilem mineralium quem appositè vocas puriorem partem salis volatilis, siquidem spiritus est sal in vapores resolutus, qui in recipiente excepti & condensati in liquorem spiritus nomine insignitum convertuntur. A te peto, Vir Clarissime, ut attente consideres me in multis mei Arcani locis spiritum & salem volatilem metallorum & mineralium non solum admittere verum etiam evidenter probare ipsummet inesse tincturæ ferri aceti ministerio extractæ, quæ ad parietes vasis illam recipientis agglutinatur: tum etiam alumini, ubi loquor de aquis Sanctæ Reginæ; tum etiam aquis Forgensibus, cum dico colorem qui à spiritibus & saporem qui à sale volatili dependent, uno eodemque tempore e-

vanescere, quod intrinsecè uniantur, tum quoque in prima responsione ad Dom. Cattierum cum aquarum Pugenſium mentionem facio, assero tecum ſalem volatilem unà cum ſpiritibus aquis mineralibus ſaporem conferre, ipſasque aquas extra ſcaturiginem per aliquod tempus aëri expoſitas ſuum ſaporem amittere: ſed chimæricum cenſeo ſolos ſpiritus vitrioli cum aquis mineralibus commiſceri, quia corporeæ ſubſtantix vitrioli tam intrinsecè uniuntur, ut opus ſit igne violentiſſimo & diuturno quo ab ea educantur; quapropter omnes aquæ vitriolatæ forent calidæ, quæ tamen ut plurimum frigidæ reperiuntur.

Equidem non arbitror ſolos ſpiritus metallorum & mineralium cum aquis permiſceri, quoniam aquæ ſuas facultates, ſuaſque qualitates optimas à mineralibus perfectis mutuantur, quæ omnia principia in ſe continent, ex quibus aquæ ſubſidio extractum elicitur tot morbis utiliſſimum: atque cenſeo illa cum aquis totaliter miſceri, quandoquidem ex illis eorum principia educuntur: quamvis enim illorum ſal volatile unà cum ſpiritibus evolet, ſal fixus remanet, ſulphur ad aquæ ſuperficiem attollitur, atque facilè ab ea ſeparatur, terra fundum petit, & cuncta hæc principia attentè conſideranda ſunt, ut benè diſtinguas metallum aut minerale; neque negligenda eſt tincturarum differentia, quæ non modò nihil obſcuritatis, verum lucis plurimum aſſert ad diſtinguenda non ſolum metalla & mineralia cum aquis permixta, ſed etiam quâ in quantitate cum ipſis miſceantur; ſiquidem cum illis multum ferri ineſt, ſi in ea pulvis gallæ immiſtatur, tinctura incipit à rubro colore, & augeſcit uſquedum ad violaceum nigricantem pervenerit; & cum me-

diocriſ

diocris ferri quantitas cum illis permiscetur, aquæ solummodo rubescunt: quod confirmatur experientiâ à me multoties repetitâ. Sume aquas nostras aut Spadanas, quæ sunt ferratæ, iisque insperge pulverem gallæ, induent colorem violaceum nonnihil nigrum, cum sunt recentet haustæ & suis spiritibus repletæ, deinceps cum pars spirituum illarum evanuit, tantummodo rubescunt, unde cognoscimus aquas minerales recentet haustas quæ pulveris gallæ permixtione rubescunt, minori spirituum ferruginosorum copiâ dotari, & consequenter minori etiam mineræ ferri quantitate infectas esse, ut experientiâ constat in fonte Sanctæ Crucis cujus aquæ pulveris gallæ misturâ colorem violaceum subnigrum proferunt, in fonte verò Beatae Mariæ ejusdem pulveris admixtione, aquæ ruborem exhibent, quoniam mediâ mineræ parte fontis aquæ Sanctæ Crucis illas superant. Tincturarum differentia tribuenda non est majori aut minori vitrioli quantitati, siquidem ferrum, nitrum, & alumen nihil vitrioli possident, ex quibustamen tincturas elicui in meo Arcano notatas.

Acorem suum aquæ minerales à vitriolo & alumine desumunt, quæ sunt sales qui in acidulis facillè liquantur; & tu Vir Clarissime, illas à sulphure suam aciditatem trahere vis, quod (cum paucio sale sit præditum, ut testatur experientia à me relata cap. 4. mei Arcani) etiam si diu in aqua commoretur; in ea tamen non colliquescit, nequè ullum acorem ipsi imprimit, quemadmodum alumen & vitriolum: quapropter acidulæ frigida, de quibus scribo, sulphuris mineralis minimè participes sunt, cujus sal acer & foetidus est, sed tantum sulphuris mineralium quæ in ipsis prædominium obtinent,

nent, salisque eorum, cujus sapor maxime discrepat à sapore salis sulphuris mineralis. Cur dicas sulphur acore præditum esse nescio, potissimum si à crassioribus ac terrestrioribus excrementis depuretur, ut in ejus flore videre est; nam cum ipsam piuries degustaverim, nihilominus in eo nullam aciditatem persensi, verum primo gustu nullo sapore, sed brevi tempore post, tantillâ acrimoniâ linguam imbuunt: degustavi etiam sulphur vivum & vulgare unâ cum quodam ex meis amicis, nullam in utroque aciditatem, verum acrimoniam percepimus, non secus ac in illius flore. Sebizius meæ sententiæ adstipulatur, siquidem posit. 62. dissert. 4. sect. 1. asserit sulphur aciditatem aquis non impertiri, sicut enim ait: *Sulphur integrum subdulce initio sentitur: postea nonnihil amariusculum: cum scilicet linguae diutius insederit. Quomodo igitur aciditatu causa in aquis?* posit. verò 63. ejusdem dissert. & sect. illius floribus aciditatem non inesse censet, hæc sunt ipsius verba. *Flores sulphuru nihil acori habent: alias perniciosus eorum usus foret in asthma, in quo tamen, ut & in dyspnœa, & tussi frigida atque humida, usurpantur frequentissime. Thermae quæ à prædominio sulphureæ, acidæ non sunt.*

Non autumo cum aquis tot metalla ac mineralia permisceri, ut tua fert opinio Vir Clarissime, quoniam terra quæ apta est ad producendum metallum aut minerale quoddam, omni-gena metalla ac mineralia indiscriminatim generare non potest: non enim omnis fert omnia tellus: quapropter hanc metallorum ac mineralium confusionem in acidulis non admitto, cum mea experimenta agens, illa in ipsis non repererim; nam in nostro solo tantummodo mineram ferri nactus sum, & in nostris aquis

mine-

mineram ferri & aluminis, quod est sal ferri; atque etiam in ceteris aquis à quibus mineralia segregavi, ea pauca numero ipsis inesse comperi, ut videre est in meo Arcano. Etiam si aqua pluribus & diversis salibus infici possit, nihilominus tamen nulla tellus idonea est ad illa omnia producenda in eodem loco, idcirco hæc multitudo salium naturaliter à sese invicem discrepantium in eadem scaturigine coire nequeunt.

Concedo operosissimum esse distinguere omnia metalla & mineralia quæ aquarum substantiam subeunt, quoniam *multa tegit sacro involucro natura, nec fas est ulli mortalium omnia scire, sed Felix qui potuit rerum cognoscere causas.*

Et si vis detegere metalla & mineralia in aquis latitantia, id efficies, modò eorum principia divides ac ab invicem separes: hac enim methodo cogitur natura multa arcana in lucem prodere quæ in aquarum profundo inclusa retinebat. Cum verò agatur de his principiis dignoscendis in aquis, ideo ad illa separanda semper aquâ usus sum, ne ullam alterationem paterentur.

Contra meas novitias opiniones semper aliquem dicturum existimo, unde ansam capiam hanc acidularum materiam semper magis ac magis illustrandi. Equidem plurimum debeo omnibus iis qui quasdam animadversiones in mea scripta faciunt, easque mihi communicant, sed tibi præsertim qui tantâ benevolentiam me prosequeris, ut toto vitæ curriculo futurus sim tuus ad omnia paratissimus. Vale Vir Ornatissime & Colendissime. Pruyini die 20. Augusti ann. Dom. 1673.

Dom.

*Dom. Guevini Doctoris Medici Parisien-
sis celeberrimi*

E P I S T O L A I.

*Ad Dom. Givrium D. Medicum qua no-
vitias ejus opiniones evertere mol-
litur.*

V I R C L A R I S S I M E ,

Nunc attentè lego litteras tuas quas lætitia ge-
stiens citius evolvissem, nisi urgentia qua-
dam negotia in mora fuissent. Optas super iis
mentem meam aperiā, faciam lubens ubi
primum eas legero. Interim dicam tibi mihi
semper in animo esse in urbis tuæ aquis chal-
canthum viride contineri. Nam cum in earum
cyathum & parem molem aquæ communis cui
atramenti futorii granum indideram, & gallæ in
pulverem redactæ tantumdem conjeceram, am-
bæ pariter nigrantes apparuere; tu verò eundem
colorem ejusdem mixtionis indicem eorum-
demque principiorum sobolem nosti. Ais ex a-
tro colore quo gallæ pulvis aquas inficit de mi-
neralibus iis abditis perperam judicium ferri,
quoniam chalcanthum cœruleum hujus pulve-
ris occurſu non nigrescit. Sed quamvis fatear ex
nigritudine gallis induc̃ta cuncta mineralia in a-
quis latitantia non detegi, contendo tamen ipsa
patere quod tali aquæ viride chalcanthum ineſt.
Ais insuper ex ferro, nitro, & sale fixo alumi-
nis, nigram tincturam elici, proindeque ipsam
occulti in aqua chalcanthi notam esse penitus
obscuram. Verum ferrum corpora denigrat cum
in

in atramentum sutorium quo constat resolvitur, quâ ratione qui ejus scobem carpunt nigra per alvum reddunt; cum verò nullum principiorum diremptum adhuc expertum est, conjectis in aquam qua capitur gallis nihil nigrum oculis exhibet, sed quid rubidum & vineum quod duodecim horarum spatio planè saturum evadit. Nitro pariter nigrat aqua cum chalcanthum album ipsi interdum admistum ab eo secernitur, alioquin aquæ quæ ipsum admisit gallis infusis atrum colorem non indipiscit. Quoad salem fixum aluminis crediderim eum à terra sua disjunctum posse aquam nigro colore tingere, sed ipsummet in aquis à terra sua discedere non placet, cum omnes aquæ aluminosæ gallarum aspersione exalbescant. Deinde quamvis faterer ferrum, nitrum, & salem fixum aluminis posse nigrum colorem producere, non inde sequeretur ab his nigritem ei quam viride chalcanthum profert omnino similem proficisci, siquidem chalcanthum album viridi magis finitimum quàm tria mineralia de quibus mox verba fecimus, non eundem cum ipso nigrorem, sed quadantenus violaceum edit.

Petiisti abs me aquarum urbis tuæ originem & misturam anquirente. cur spiritibus suis defectæ gallis injectis nigrum sibi colorem non asseiscunt? Dixi chalcanthi spiritus duntaxat per eas fusos esse. Id responsi fastidis quoniam juxta Libavium *spiritalis chalcanthi tincturam vim nigrandi non habet*, sed quid est quod Cardano respondeas qui lib. 8. de subtil. cap. 68. notat cum chalcanthi spiritu confici atramentum scriptorium quod post sex menses è chartis prorsus evanescit. Demum aquæ tuæ idem sapiunt ac aqua communis in aqua solutum atramentum sutorium est: earum terra flavum colorem exhibet
assimi-

assimilem ei quem id minerale aëri diu expostum induit : & ea terra alba quæ post ipsarum evaporationem remanet , salemque habet (te referente) amarum & salsum ad nitrum quam ad alumen propius accedit. Vides an rectè aquis tuis chalcanthum viride continericeuseam , te ipsum iudicem facio ; forsan mutabo sententiam ubi librum tuum epistolasque tuas legero : sed quomodo se res habeat certior sis velim me semper tibi addictissimum fore. Vale Lutetix Parisiorum die 14. Novembris ann. Dom. 1675.

*Authoris Responsio ad epistolam primam
Dom. Guerini Doctoris Medici Parisiensis celeberrimi.*

VIR CLARISSIME ,

TAnto studio tantoque labore perscrutor mineralia quæ aquas ingrediuntur , ut abstinere non possim quin ad singula mihi super hac re objecta respondeam.

Si animum tantùm advertas ad tincturam nigram quæ educitur ex aquis mineralibus pulveris gallæ mistura , nunquam perfectè cognosces mineralia quibus inficiuntur , siquidem non modò vitriolum viride & vitriolum album hanc tincturam conferunt , verùm etiam ferrum , nitrum , & sal fixus aluminis : idcirco Dom. Falconetus suâ epistolâ meritò asserit colorum scientiam admodum fallacem esse , quapropter non solum debemus attendere ad istam tincturam nigram , verùm etiam ad differentiam quæ reperitur inter sulphura , sales , terras , & sapor-
res mineralium quæ compositionem aquarum
su-

subeunt : hanc differentiam principiorum mineralium videre potes cap. 4. mei Arcani.

Tincturam nigram , quæ è ferro elicitur , ex ejus vitriolo suam compositionem ingrediente proficisci vis , si vitriolum ferro inesset , illud invenissem tot experimentis in hoc metallo perfectis , quæ leguntur cap. 4. mei Arcani : leges quoque sub calce meæ secundæ responsionis ad Dom. Cattierum quomodo tinctura nigra extrahitur è ferro suorum spirituum , non verò vitrioli beneficio , siquidem ejus expertus est , uti probò cap. 4. mei Arcani.

Supponis nitrum continere vitriolum album , hi duo sales à sese invicem multum dissident , sicuti demonstro cap. 4. mei Arcani : præterea experimentum quod egi in nitro ad eliciendam tincturam nigram gallæope , illud erat nitrum purissimum vitrioli planè expertus. Nescio quare hos duos sales simul conjungis , qui qualitatibus à sese invicem adeo discrepantibus præditi sunt , quandoquidem chalcanthum est calidum , & nitrum est sal cujus qualitas frigida manifestissima est , ut testatur Guido Broilius Medicus celeberrimus tractatu gallico , de natura , virtute , & utilitate plantarum lib. 2. cap. 8. sic enim loquitur : *Nec etiam simplici qualitate frigida ventus septentrionalis congelat , sed virtute causa materialis , nempe nitri : quod nitrum æstate in puteis angustis & profundis , congelat pari soliditate aquam lagenâ inclusam , ac hyeme : & id factum non est difficile. Cum solus æstu terra exurit paululum calefacienda aqua fontana , eaque implenda lagena sive è vitro , sive ex aliâ materiâ conflata , & aperta & tepida in puteum ad summam aquam demittenda , eam tamen non attingat , hora spatio omnino congelabitur : nitrum in aqua solutum tam cito refrigerat ,*

gerat , ut aliud vas aliquem liquorem continens in eadem aqua positum , tam citò refrigeretur ac si in fontem frigidissimum immergeretur.

Sal fixus aluminis non nigrat aquam cui inest gallis injectis , nisi cum suis terris albis exutus est , unde certissimum est aquas aluminosas mixtione gallarum albescere ; sed iste sal fixus nigro colore tingit fæces eorum qui aluminosis aquis se proluunt , ut probo tertia quartaque responsione ad Dom. Cattierum.

Quæris à me quid sit quod Cárđano respondeam qui lib. 8. de subtil. cap. 68. notat cum chalcanthi spiritu confici atramentum scriptorium , quod post sex menses è chartis prorsus evanescit. Ut ad hoc appositè respondeam , operæ pretium est ipsius verba referre , illaque optimè ponderare. *At nigrum quod commune est sic fit : galla confracta recentiu lib. 1. lachryma Arabica, florum cum corticibus mali punici , singulorum libra dimidium octo diebus in sex libris aqua macerentur , post coquantur , donec aqua pars tertia consumpta sit , ferventi amotoque ab igne addatur chalcanthi tenuissimè triti lib. 1. misceanturque omnia donec frigescat. Et post dies decem coletur ac servetur. Scio qui fecerit optimum quod tamen post sex menses ex toto evanesceret è chartis magnà fraude. Vides ipsomet Cardano teste illud atramentum è multis rebus componi , atque etiam huic atramenti compositioni totum corpus chalcanthi , non vero ejus spiritus tantum admisceri , sed experientià veram esse sententiam Libavii cognoscimus , cujus hæc sunt verba , *spiritualis vitrioli tinctura potestatem atrandi non habet : illius rei periculum facere potes , quemadmodum ipse feci , ex quo cognosces me nihil scriptis mandare quod non confirmetur experientià : quocirca Claudius Salmalius libro posthumo de homonymis hylesjatricæ , cujus*
pri-*

primordia Divioni edita videre licuit, ita scribit, *expertus tam multu rebus fidem veterum fallacem esse, plurimum remitto de illo pertinacia quâ quidvis illi credendum arbitrantur.* Præterea si spiritus chalcanthosi nostris aquis immiscerentur, insigni aciditate dotatæ essent teste Baccio lib. 6. de thermis cap. 21. *chalcantbum evidenter acidum est, & spiritum sive oleum prabet tanta aciditate ut saporem dentibus adferat maximum & acetum quæque vincat :* verum nostræ aquæ manifesta aciditate non sunt præditæ; quod verò impedit quominus percipiatur aciditas aluminis aquarum compositionem ingredientis, id sit quòd ferrum pari quantitate cum eo aquas subeat; idcirco Sebizius in tractatu de acidulis posit. 83. dissert. 4. sect. 1. merito ait, *levi ac vix sensibili sunt aciditate donata, quando prædominantur corpora metallica qua aciditate carent, veluti ferrum quod aciditatis omnino expers esse demonstravi cap. 4. mei Arcani.*

Miror te dixisse nostras aquas idem sapere ac aqua communis in qua solutum atramentum sutorium est, cum illud minimè verum esse cognoveris, cum Pruvini eas explorares? deinde quomodo fieri potest ut eodem sapore infectæ sint ac aqua communis quæ totum corpus chalcanthi in se recipit, siquidem solis spiritibus chalcanthosis nostras aquas inquinari existimas; & valde dubito quin alius præter te hanc propositionem in medium afferre aulit, quoniam gustando nostram aquam & aquam vitriolo infectam, differentiam saporum quæ inter utramque intercedit optimè dignosceret.

Postquam tantummodo spiritus vitriolatos in nostris aquis admisisti, vis earum terram flavum colorem exhibere assimilem ei quem id minerale aëri diu expositum induit, ergo spiritus

tus vitrioli non soli insunt nostris aquis, siquidem ejus terram flavam in illis admittis. Non hocce modo terram vitrioli viridis detegere potis es: liquandum est vitriolum in aqua vulgari, deinde aqua filtro percolanda, & tibi supererit terra subviridis, non vero subflava, uti est terra nostrarum aquarum, inde cognosces ab experientia saepe ratiocinium coargui. Revera semper chimæricum putavi hanc mixtionem spirituum vitrioli cum aquis, nam ita corpori hujus mineralis inhærent, ut opus sit igne violento quo ab invicem sejungantur; quocirca nostræ aquæ cum sint chalcanthosæ juxta tuam sententiam, deberent quoque esse calidæ, quæ tamen sunt frigidæ: & certè hallucinantur maximè illi qui autumant vitriolum, quod est sal non totaliter in aqua liquefieri.

Dicis eam terram albam, quæ post aquarum nostrarum evaporationem remanet salemque habet amarum & salsum ad nitrum quam ad alumen propius accedere. Ad hoc respondeo meis experimentis comperisse in nitro terram albam non inesse, ut in alumine, ejus etiam salem à sale aluminis dissolvere, quandoquidem magna acrimonia frigiditate intermixta præditus est, sed sal nostrarum aquarum quæ continent alumen & ferrum mutuatur saporem salsum ab alumine, & amarum à ferro, propter adustionem suæ mineræ, quod probat Georgius Agricola lib. 5. de ortu & causis subterr. fol. 78. ubi ait, *ferrum amarum est, sicut & as, amaritudinis causa est terra adusta.* lib. 1. de natur. fossil. fol. 169. eundem saporem eidem tribuit inquit, *quem quodque metallum saporem habeat liquor quedammodo indicat cum aliquandiu steterit in vase metallico, nam in eum se inducit sapor metalli.* *Aëris autem saporem vehementer ingratum & amarum deinde ferri.*

Spero

Spero Vir Clarissime meis scriptis attente perceptis, meisque ratiociniis & experimentis sedulo perpensis (quæ de nostris aquis mineralibus agunt, in quibus solummodo reperi principia aluminis & ferri) te mecum consensurum, duo illa mineralia tantum earum compositionem ingredi: verisimile enim non est cum aquis permisceri spiritus vitrioli, rejectis aliis partibus ejusdem mineralis. Dic amabo cur existimas spiritus vitrioli suæ substantiæ tam tenaciter inhærentes ab ea separari ut cum aqua jungantur? cum ceteri sales totaliter in aqua liquantur, ut videre est in fontibus salis Lotharingiæ & comitatus Burgundiæ, atque etiam in fontibus Pugæis & Spadanis qui alumen continent: quare vitriolum, quod etiam est sal, præ ceteris hoc habebit peculiare ut suos spiritus duntaxat cum aquis misceat?

Si alias rationes atque experientias proferre possis quibus mihi persuadeas aquas nostras esse chalcanthosas, mihi pergratum erit, si earum me facias participem. Hæ disceptatiunculæ quæ eo animo sunt susceptæ ut veritas magis elucescat, non impediunt quominus sim tibi addictissimus. Vale Pruvini die 24. Novembris ann. Dom. 1675.

*Dom. Guerini Doctoris Medici Parisiensis
peritissimi*

EPISTOLA II.

VIR CLARISSIME,

Quamvis circa colorum causas hallucinari promptum sit, ut in iis perspicacissimi plerique cæcutiant; compertum tamen est aquam

M

quæ

quæ chalcanthum viride continet gallarum infusione nigrescere, ex quo planum fit Pruvinienses aquas ab ipsomet habere quod gallis injectis atrore inficiantur. Equidem fateor scobem ferri inditam aceto vel aquæ gallis foetæ moxque ad diem vel biduum soli expositæ, ea denigrare : fateor etiam scoriam quæ ferrariæ aquæ inest gallis immistis magis quàm ante saturum nigrorem proferre ; sed quàm fortè ferro tribueres, atramento futorio in quod illud abit nigrities debetur.

Alleris in ferro nihil chalcanthi esse, quoniam in illo hoc non invenitur, nihilominus metallum istud atramento futorio constare plurimi adstruunt, imprimisque Guntherus Andernacus dial. 2. de balneis fol. 1. his verbis : *ferrum cui chalcanthum, nunc rubrica & præsertim synopica quæ mater ferri est, nunc sory, aut misy, aut chalciti, addita : & Sennertus lib. de sale cap. 2. in hunc modum. Etsi enim omne vitriolum aru naturam participet, & propterea aqua vitriolata ferrum in cuprum vertit, quod fit in Ungaria, item Geslaria ; aliud tamen plus de aru seu cupri, aliud de ferri natura participat, unde aliud est cærulei, ad viridis coloris, ejusque saturi vel diluti, cæruleum cupri naturam participat, viride ferri.*

Eorum opinioni ratio assipulatur : etenim cur acetum è ferro nigram tincturam protinus elicit, nisi quia cognationem habet cum chalcantho quo illud constat ? cur chalybis limatura (hoc uti vocabulo liceat) aceto abluitur priusquam ex ea parentur tabellæ, nisi ut cum chalcanthi tenuiore parte quod in illa valde acre & emeticum est dematur ? cur scobs chalybis subtilior vomitum excitat, nisi quia in chalcanthum solvitur antequam ventriculum præterierit ? cur ipsamet splenem juvat, nisi quia

quia chalcanthoso, si ita loqui fas est, acore humori melancholico compari eum rapit, quemadmodum scorpius contritus & admotus parti, ipsi inflictum ab ejusdem animalis aculeata cauda virus exigit.

Insuper chalcanthosæ quædam aquæ ferrum in cuprum vertunt, ut notat Baccius lib. 5. de thermis cap. 12. ideoque chalcanthum in ferrum agit, ac proinde hoc illi aliquatenus simile est; nam inter ea quorum unum alterius actioni patet communitas quædam intercedit. Quin etiam solum ob chalcanthum ferrum in cuprum abire potest, nam cum cuprum in chalcanthum solvatur (ut Rochas autopsia fretus asserit, asseruntque qui Cyprum, Ungariam, & Italum agrum Bagnara dictum colunt) eo constare debet, at ferrum in cuprum vertitur, chalcanthum ergo continet.

Demum ut quod hodie nitrum flexibile reddere aut auripigmenti specie quadam aurum conficere nequeamus malè quis concluderet alterutrum haud possibile esse, siquidem illud ætate Neronis inventum fuit teste Petronio pag. 67. hoc principis Caji referente Plinio lib. 3. cap 4. sic quod è ferro nihil chalcanti educere poteris, id chalcantho carere perperam quis asseveraret.

Contendo semper (pluries id expertus) aquam non inficere nitrum nisi chalcantho albo permistum, taleque reor esse quod aquæ cui gallas injeceris atrum colorem induxit.

Non existimo, ut mihi suadere vis, chalcanthum album inesse nitro, sed assero sales istos commisceri quandoque posse, quamvis contrarii essent, ut elementa & humores corporis nostri, ut sal volatile catharticum & igneum rhei, & ejusdem sal fixum, astringentium, &c.

terrestre, ut partes temperatas sulphuris quæ in ejus butyro & floribus percipiuntur, & ejusdem partes acres & urentes quæ in ipsius oleo sentiuntur; ut partes mites & innocuas arsenici quæ in ejus butyro fixo reperiuntur, & ejusdem partes causticas quæ in ipsius oleo deteguntur. At verò nitrum & chalcanthum penes primas qualitates sibi non adversari inde patet, quia ex ambobus chrysulca, caloris & siccitatis excessu cathartica, conficitur. Adhuc nitrum calidum videtur quia citò flammam concipit, & ut rarefciens erumpensque è tormento bellico in causa est cur aer tormentum istud bellicum vi subiens id ipsum retroagat, sic è vivi hominis corde exiliens cum serum eo turget efficit novus humor incitato appulsu cor concutiens id submoveat, sic ut id ipsum costas aliquando perumpat.

Nec animum induxerim calidam lagenâ inclusam & in puteum ad summam aquam demissam frigescere ut nitri quod in puteo fatuaque ejus aqua minimâ mole extat; crediderim potius eam insigniter mutari ab algido aëre, qui eam eò potentius alterat, quod in eadem majorem contrarietatem exuperandam nanciscitur, vel quod facilius ipsammet attenuatam pervadit, eique se immiscet: fortassis etiam non sit frigidior quam si haud calefacta in puteum indere-tur, sed talis percipitur quia cum tenuior sit frigus ejus altius penetrat. Et certè putei aërem in calidam sibi commissam agere non ibis inficias, si adverteris eam frigidiorē evadere, cum ipsa referta ampulla in putealem aquam non immergitur, quoniam aer in exiguam quàm in vastam aquæ molem vim suam luculentius exercit. Si nitrum aquam refrigeraret, nix eo sale abundare deberet, quandoquidem cum in eam

ampullæ calidâ plenâ immittuntur hæc illic o
perfrigescit : talis aquæ potus Neroni familia-
ris , ut testatur Juvenalis satyra 5. his carmini-
bus,

Cura stomachus Domini ferus potuque ciboque

Frigidior eticis petitur decocta pruinis.

Fassus sal fixum aluminis non nigrare aquam
cui inest , ais ipsum nigro colore tingere faeces
eorum qui aluminosis aquis se proluunt , sed
fortasse quod chalcanthi est , putas esse alumi-
nis ; nam hi succi maximè cognati : fiunt am-
bo ex lapide pyrite , à quo cum urina discrimi-
nantur ; chalcanthum quoddam æquè albet ac
alumen , & in chalcantho alumen continetur ,
ut hujus fæx & oleum ostendunt , illa enim ab-
luta dat alumen , hoc ipsum redolet , authore
Cardano lib. 5. de subt. pag. 169. cujus hæc sunt
verba. *In atramento sutorio continetur alumen , nam
solutum ejus aquâ diluatur , concrefcit in eo alumen ,
& oleum atramenti odorem aluminis spirat.* Quin
etiam chalcanthum ustum aut ab aqua cui inest
luculento igne fervefacta confestimque discussa
secretum aluminis colorem induit , ut obser-
vant Brassavolus in examine terrarum pag. 470.
& Rochas in aquarum anatomia cap. 2. Qua-
propter cum Plinius & alii scriptores asseruerunt
finem fodjendi esse alumen inventum , pro eo
chalcanthi terram quandam in terræ visceribus
ustam acceperunt , ut notat Fallopius lib. 5. fossil.
cap. 15.

Atramentum scriptorium quod Cardanus
conficit cum chalcanthi spiritu solum eo constat
& re quapiam viscida , non verò multis rebus
ut arbitraris : en qui apud ipsum lib. 8. de sub-
til. 281. textus habetur : *vitriolum in spiritum re-
ductum efficere potest optimum atramentum scripto-
rium quod tamen post sex menses evanescit.*

Quamvis admodum acidus sit chalcanthi spiritus, Pruvinenses aquas acidas non reddit, quia ejus minimum obtinent.

Non memini me dixisse eas aquas odore differre ab aqua communi in qua solutum chalcanthum est; naris haud emunctæ fuerit qui id protulerit, earum isdem prorsus odor, vestrarum tamen paulo luculentior, quia chalcanthi spiritus majorem vim vaporum profundit.

Cùm aquarum Pruvinensium terram subflavam asserui, eam intellexi per quam vestra aqua fluunt, eamque distinxī ab ea quam continent, & quæ his in auras vaneſcentibus superest. Ea terra quam vestra aqua alluunt flaveſcit quia sulphur terramve chalcanthi viridis continet, quæ ipſo multo minus colorata flavum colorem facile aſciſcunt, non ſiccitate ut frumenti palea, ut fructuum quorundam tunica, & arborum folia, ſed humectatione ut integrum chalcanthi corpus dum aëridiu exponitur, ſolumve in aqua ſolvitur; vel etiam nitri admittione, ut linteum atramento ſcriptorio infectum cum lixivio eluitur. Non dubitabis quin chalcanthum viride ejusque partes omnes humo testæ flaveſcant, modo fidem non deroges Rochæ, qui cap. de chalcanthosis aquis, ait ſe nihil invenisse niſi quid rubiginis colorem gerens effoſſa ſcaturigine, cujus aqua lentè diſcuſſa chalcanthum viride reliquerat. Si chalcanthum album in vestris aquis admitterem, non explicandum mihi eſſet quomodo ejus sulphur terræ flavum colorem induunt, ea enim naturaliter flava eſſe compertum eſt.

Miraris quod Pruvinenses aqua chalcanthi spiritum, non alias hujus mineralis partes contineant; ſed id fieri exiſtimo quia iſtæ aqua poros ſoli

foli-chalcanthi spiritui pervios habent, aut terram ejus & sulphur quæ jam jam abriperunt, mox eundo deserunt, quia lentè fluunt, aut terreno pingui & saxoso percolantur.

Autumo semper terram albam quæ vestris aquis discussis restat, cujusque sal amarum simul & salsum est, ad nitrum quàm ad alumen propius accedere: nitrum enim sali sic affine, ut vulgò sal petræ nominetur, eaque in ciborum condimentis plurimi confundant; amaritie tamen à sale discrepant: *habet*, inquit Sebizius *differt. 4. de acidulis cap. 56. saporem salsum sed cum quadam amaritudine, & liquatùm in aqua non acido sed sals-amaro sapore imbuat.* Ais te in nitro nullam albam invenisse, sed vide quæ Plinius lib. 3. cap. 10. de nitro naturali profert. *Exiguum* (inquit) *fit apud Medos canescentibus siccitate convallibus, quod vocant halmirhaga.* Agricola lib. 3. de natur. fossil. pag. 207. tria nitri albi genera constituit his verbis: *nitrum differt à nitro primum colore, nam aliud candidum ut chalastrum, apipronitrum spuma simile, & spuma nitri.* Amabo aperi quomodo nitrum album esse potest absque eo quod colorem à terra sua mutuetur, aut eundem ipsi impertiat.

Cùm eos omnes scrupulos quos in hac epistola proposui ex animo meo evelleris, haud dubiè assentiar tibi, hoc ipso testificaturus quantà te observantiâ prosequar. Vale Luteiæ Parisiorum die 6. Decembri: ann. Dom. 1675.

*Autho is Responsio ad epistolam 2. Dom.
Guerini Medici Parisiensis peritissi-
mi.*

VIR CLARISSIME,

CUR tincturam nigram, quam nostræ aquæ contrahunt gallæ misturâ, è vitriolo viridi procedere existimas nescio : siquidem fateris ferrum, cujus illæ participes sunt, eandem tincturam aquis conferre, indeque concludis vitriolum ferro inesse. Ad quod jam respondi, si revera ferrum vitriolum contineret, certissime ex eo illud extraxissem, tot experimentis in eo peractis, quibus ferrum solvi diversis modis, quod si vitriolum in se comprehendisset, cum sit sal qui in aqua solvitur, quâ exhalatâ rursus concrevit, illud procul dubio invenissem tot tamque diversis solutionibus ferri actis, ex quo tantum elicui paululum salis fals-amari & coloris fusci. Cum dissolvitur ferrum in aqua, & ejus spiritus dissipati sunt, hæc aqua gallæ admixtione colorem non mutat, non secus ac nostræ aquæ minerales, cum spiritibus suis destitutæ sunt, quod sint ferro imbutæ : quod non accideret si ferro aut aquis vitriolum inesset, quia ubi in aqua fufum est (licet diu aëri exponatur ut ejus spiritus evanescere possint) hæc tamen aqua mixtione gallæ nigritiem contrahit, quoniam ejus spiritus tenacissimè suæ substantiæ inhaerent : neque è ferro vitriolum educitur : nisi ei adjungatur, id est nisi solvatur spiritu vitrioli, qui ejusdem vitrioli corpus resumit martis ope. Hæc quæstio fufius exposita est cap. 4. mei Arcani, & primâ secundæ responsione ad Dom. Catterum.

Quæ-

Quæris à me cur acetum è ferro nigram tincturam protinus elicit? id fit quod acetum spiritibus abundans est, quorum ope illico spiritus ferri elicit, eorumque colorem induit (similia enim similibus gaudent) & hic color niger est, uti probavi cap. 2. mei Arcani.

Vis scire quare limatura chalybis tenuissima vomitum provocat? id fit quod in chalybe partes terrestres & crudissimæ abundant, quæ cum ventriculo sint oneri, illum ita irritant, ut eas vomitu rejicere nitatur, etiamsi major parseorum, qui limaturam aut crocum martis usurpant, non vomant: verum quidem est vitriolum martis nonnunquam vomitum excitare, sed id fit quod spiritus vitrioli interventu fit præparatum, cujus naturam resumit simul cum suo corpore martis beneficio.

Exoptas etiam cognoscere cur eadem chalybis limatura lieni sit adeo proficua? id fit quod suo sale suisve spiritibus, qui aperientes sunt, lienis obstructions solvat ejusque infarctus tollat, hique spiritus suâ tincturâ nigrâ dejectiones inficiunt.

Præterea dicis quasdam aquas chalcantosas ferrum in cūprum vertere; id ipsum in meo Arcano probavi: inde infero ex eo quod ferrum in æ vertatur, ideo ferrum vitriolum continere: quod nego ob rationes & experientias suprà allatas & fufius explicatas in meo Arcano.

Perpetuò contendis aquam non inficere nitrum, nisi chalcantho albo permistum; sed certè illud è quo tincturam nigram misturâ gallæ eduxi, purissimum est, ejus pars adhuc mihi residua est in qua idem experimentum peragere quis potest.

Asseris nitrum quandoque cum vitriolo albo

permisceri posse, concedo id arte, non verò naturâ fieri, siquidem terra quæ apta est ad nitrum generandum, ad vitriolum producendum est inepta; quapropter diversis in locis reperiuntur: nitrum sal petra nuncupatur, quod in ruinofatum ædium muris invenitur; & vitriolum eruitur è terra quæ tam foetidum halitum eructat, ut aperto loco fodienda sit ne operarii foetidis vaporibus suffocati pereant: si verò nitrum citò flammam concipit, id fit sui sulphuris interventu; siquidem ejus sal est frigidus, ut quisque experiri potest particulam crystalli mineralis suæ linguæ imponendo: mihi adstipularis in tua doctissima responsione ad Dom. de Saint Yon pag. 8. in qua sic te explicas. *Plures nitri atomi pariunt febres epialas per quas quaviv corporu particula eodem tempore calor frigusque percipitur; sulphur enim nitri calidissimum est & citissimè flammam concipit, ejus verò sal frigidissimus, ut liquet ex crystallo minerali qui lingua admotus eam frigore perstringit: præterea sal nitri à suis terris sejunctus magnâ acrimoniâ frigiditate intermixtâ præditus est: & si ex nitro & vitriolo chrysulca conficiatur, id fit ob insignem utriusque acrimoniam.*

Non arbitraris calidam lagenâ inclusam & in puteum ad summam aquam demissam frigescere vi nitri quod in puteo fatnaque ejus aqua minimâ mole extat: addis, minimâ mole, quod in textu Guidonis Brosii à me allegata non invenitur: & credis potius eam insigniter mutari ab algido aëre: verum quidem est algidum aërem qui ex aquis nitrosiss effertur, id efficere, qui suo frigore maximo istam aquam lagenâ inclusam congelat, quod minimè contingit in aliis puteis nitro destitutis: sed nihil respondes ad id quod refert idem Brosius, nempe nitrum in aqua solutum eam

tam citò refrigerare, ut aliud vas aliquem liquorem continens in eadem aqua positum tam citò refrigeretur, ac si in fontem frigidissimum immergeretur. Addis, si nitrum aquam refrigeraret, nix eo sale abundare deberet, quandoquidem cum in eam ampulla calidà plena immittuntur, hæc illico perfrigescit: sufficit illam esse congelatam vento Septentrionali qui suum frigus mutuatur à nitro quod est frigidum, ut probat. Dom. Germanus Medicus Parisiensis doctissimus tractatu suo gallico de abusu antimonio, nii, sermone 3. ubi sic ait. Nitrum esse frigidum potissimum dum exhalatur, experientia demonstrat. Reple nitro vas angustiorificii, deinde illud igni exponere, ita ut nitrum fundatur, tum è vase exhibit ventus frigidissimus. In illa parte regionis Tectosagum quam vicini montes regionis Galalorum & Helviorum à vento Septentrionali tutantur, vigentibus astatu ardoribus, ab hora undecima usque ad tertiam vespertinam, ventus adeo frigidus excitatur, ut boream hyemalem frigiditate adequet, & viatores contra frigoris impetum vestibus semunire cogat. Verum quidem est illum ventum ab istis montibus nitro turgido promanare, cum solis aestu fustum & solutum est. Videmus etiam aquam in qua tantum nitri liquatum est, quantum comprehendere potest, semper suam frigiditatem conservare, etiamsi solis radius ardentissimus exponatur. Tandem nemo nescit crystallum mineralem (qui nitrum est à suis sordibus repurgatum) potenter refrigerare.

Ais me fateri salem fixum aluminis non nigrescere a quam cuisneft; obmittis Vir Clarissime, id quod est in mea responsione, nisi cum a suis terribilibus segregatus est; tunc enim inficit aquam eo imbutam gallæ admixtione.

Afferis me fottasse quod chalcanthi est putare esse aluminis: hi tamen sales valde à se se invicem discrepant, quandoquidem sal vitrioli

sapore acerrimo parvæ aciditati sociato præditus est, sal verò aluminis aciditate gratissimâ parvæ acrimoniæ sociatâ conditus ; præterea in vitriolo paucus, in alumine verò multus sal fixus reperitur.

Scribis in chalcantho alumen contineri, nihilominus tamen eorum principia multum à se se invicem dissident, ut refero cap. 4. mei Arcani. Addis etiam chalcanthum ustum aut ab aqua cui inest luculento igne fervefacta confestimque discussa secretum aluminis colorem induere. Ut exactè segregentur chalcanthi principia, illud fundendum est in aqua communi, ejusque terra, sulphur, & sal sejungenda sunt eodem modo quò ipse sejunxi ; qui modus legitur cap. 4. mei Arcani ; nam si illud exuras, ipsum alteras ac permutas.

Dicis atramentum scriptorium quod Cardanus conficit cum chalcanthi spiritu, solum eo constare & re quapiam viscida, est tamen plurium rerum mixtio ; quod verò è Libavio refero nullam aliarum rerum misturam admittit, & loquitur de solo chalcanthi spiritu qui nullam tincturam nigram tribuit. Retuli locum Cardani meâ novissimâ epistolâ, illumque excerpti è lib. 8. de subtil. pag. 367. ubi sermonem habet de hoc atramento, quod post sex menses evanescit, quod è multis rebus confatur, atque etiam in se admittit totum corpus chalcanthi, non verò tantum ejus spiritus : & perlecto toto hoc libro, solum hunc locum inveni, in quo tractat de atramento nigro, nihilominus tamen refert primâ tuâ epistolâ hunc locum esse in lib. 8. de subtil. cap. 68. & postremâ illum esse in eodem libro pag. 281.

Quamvis admodum acidus sit chalcanthi spiritus, Præviuenses aquas acidas reddere non existimas, quia
ajna

ejus minimum obtinent : dic potius illud nullo modo eas ingredi, ut probavi totia lœcis mei Arcani, & si acor in iis non sentiatur, id fit ob rationem allatam meâ novissimâ. epistolâ.

Cùm aquarum Truvinensium terram subflavam asseruisti, eam intellexisti per quam nostra aqua fluunt, eamque distinxisti ab ea quam continent, & qua his in auras vanescentibus superest. Ea terra quam nostra aqua alluunt flavescit, quia sulphur terramve chalcanthi viridis continet. Quandoquidem duntaxat spiritus chalcanthi admittis, quare illis adjungis ipsius sulphur terramve ? Enim verò ejus sulphur innatat aquæ, nec terram alveorum attingit, estque subviridis non secus ac illius terra, ut experientia testatur; sulphur verò nostrarum aquarum, quod est sulphur ferri, rubro colore tingit, quemadmodum visitur in superiori parte lapidum nostri fontis, quæ colore rubro infecta est à sulphure ferri quod eam adlambit; & nostrarum aquarum terra est subflava, non secus ac terra ferri; non verò subviridis quemadmodum terra vitrioli viridis. Mea præcedenti epistola te monui fidem non esse adhibendam iis quæ authores litteris consignant, nisi illa comprobet experientia.

Scitis me mirari quod Truvinenses aqua chalcanthi spiritum non alias hujus mineralis partes contineant, & id fieri existimas quia nostra aqua poros soli chalcanthi spiritui pervios habent, aut terram ejus & sulphur quæ jam jam abripuerunt, mox eundo deserunt, quia lente fluunt, aut terreno pingui & saxoso percolantur. Multoties solvi chalcanthum in aqua vulgari, quam deinde filtro percolavi, tum eam in vase figulino quiescere sivi, ejus sulphur ad aquæ superficiem elatum, terra ad fundum vasis devoluta est: unde infero hanc o-

mnium salium esse naturam, ut totaliter in aqua dissolvantur & cum ea uniti effluant.

Tibi respondi meâ præcedenti epistolâ ad id quod rationibus & experienciis à tua mente excuti non potest, nempe *istam terram albam quæ nostris aquis discussa restat, cujusque sal amarum simul & salsum est, ad nitrum quàm ad alumen propius accedere.* Eadem quoque epistola tibi dixi cur sal ferri sit amarus, addo etiam illum esse coloris fusci, sal vero nitri est coloris albi. Tandem à me quæris *quomodo nitrum album esse potest colorem à terra sua non mutuando, aut quomodo eundem ipsi impertiat;* ad quod respondeo terras quas è nitro eduxi non esse albas, siquidem prima est coloris grisei nigricantis, & hæc nigredo in sequentibus sensim minuitur, ideo secundo minori nigræ tincta est, & tertia est grisea albescens; sed ejus sal à suis terris segregatus, est coloris albi à quo nitrum suam albedinem desumit: si vero nitrum nostris aquis inesseret, cum sit sal qui in aqua funditur, & aqua exhalata concrescit, illud haud dubiè nactus essem, quoniam plus quàm centum lagenas aquis nostris repletas diversa experimenta peragendo evaporavi.

Tandem Vir Clarissime si tibi abundè non satisfecerim hac responsione, spero te lectione mei Arcani quid reperturum quod tuam mentem adeo illustrabit ut omnes difficultates quas mihi objicis tu ipse enodare valeas, quia major pars istarum quæstionum in eo agitantur, ad quas fuisse satis respondeo. Magni facio tua ratiocinia, tuaque authorum testimonia, verum nisi aliis experimentis mea experimenta destruas, meæ sententiæ semper insistam, eroque tuus ad omnia paratissimus. Vale Prævini die 15. Januarii. ann. Dom. 1676.

Dom. Guerini Medici Parisiensis doctissimi

EPISTOLA III.

VIR CLARISSIME,

Veritatis agnoscendæ desiderio flagrans ausim abs te petere ut quæ opinionibus tuis adversantia in præcedente epistola proposui paulo enucleatius diluas.

Dixi terram quam Pruvinienses aqua alluunt flavescere, quoniam chalcanthi viridis terram sulphurve continet. Respondisti hujus mineralis partes eas viridantes apparere; novi quidem ipsas metales esse naturâ suâ, sed easdem humorectas flavas fieri vel humectatione vel nitri admixtione quibusdam experimentis probavi, quæ nullatenus impugnasti.

Ut ostenderem chalcanthi spiritu confici posse atramentum scriptorium quod è chartis post sex menses penitus obliteratur, attuli verba quæ de ipso Cardanus habet lib. 8. de subtil. cap. 63. fateor tamen quod cum ille referat se hominem novisse qui optimum atramentum scriptorium parabat quod è chartis sex mensibus elapsis prorsus evanescebat, idque chalcanthi spiritum efficere posse. Dixi ipse chalcanthi spiritu fieri posse atramentum scriptorium præstantissimum cujus characteres papyro inusti ultra sex menses nullatenus apparent: sed mihi fas sit advertere te Cardani textum non ad amissum exscripsisse, sed ex eo præterivisse quod mihi favet & tibi adversatur. Textum illum integrum hic transcribam ut nullam amplius disputandi ansam præbeat, parum sollicitus an pag. 467. vel 281. legatur.

gatur cum præclaris hujus Medici opera variis typis mandata sunt. *At nigrum quod commune est scio fit. Gallæ confractæ recentis lib. 1. lachryma Arabica, florum cum corticibus malipunici singulorum libra dimidium, octo diebus in sex libris aqua macerentur; post coquantur, donec aqua par tertia decedat, serventi amotoque ab igne addatur chalcanthi tenuissimè triti lib. 1. misceanturque omnia donec frigescat, & post dies decem linteo densiore coletur ac servetur. Antiquo tempore pro scribendis libris fuligo balneorum in usu erat. Et nunc ad excudendos libros fuligine olei lini cum ipso lino utuntur: scio qui fecerit optimum. quod tamen post sex menses, ex toto è chartis evanesceret magna fraude. Quærenda igitur ratio hujus, scimus quoniam terrea manent, & quæ tenuia sunt evanescent celerrime, unde aqua ardens statim diffugit. Chalcanthum igitur in spiritum redactum, & humida tenacique materia mistum hoc efficere potest.*

Existimas nitrum arte non naturâ cum chalcantho permisceri posse, sed dicamabo cur isti duo sales hac potius quàm aliâ ratione conjunguntur, quandoquidem mistio ad naturam pertinet, ut confusio vel appositio ad artem. Verum quis facilè animum induxerit utrumque à pyrite produci, ut notat Agricola lib. 3. de ortu & causis subterr. pag. 46. his verbis. *Cùm igitur aqua pyritæ effusa vel frigore congelascit vel exsiccatur fit atramentum sutorium, & quidem salsus succus condensatur in salem, amarus in nitrum: ita astringens & calidus alter in alumen, alter in atramentum sutorium. Nitrum non solum ut arbitraris in ruinosarum ædium muris invenitur: sed aliud nativum vel è terra effoditur cælaturque lapidis modo, vel extra terram speluncarum cameris stiris inftar adhærescit, vel ex his liquidum decidit, vel in convallibus, campis, & lacubus reperitur. Aliud factitium Græcis chrysocola,*

Arabibus borax dictum, fit ex nitrosa aqua, vel aqua dulci in qua infunduntur vel coquuntur rudera & cineres nitrosi, quales potissimum ex crematis ossibus & roboris ramis nusquam fluctuatis proveniunt. Nativum quodlibet sed maximum liquidum ἀφ' ἑσῆς ἐστὶν εἶναι dicitur, factitium verò non omne sed quod levissimum & spumæ simile ἀφ' ἑσῆς ἵκεται. Et quidem nitrum nomen traxit à Nitrea insula ubi primò fuit inventum, vel à Nitria Ægypti regione ubi copiose colligitur. Uno verbo nulla tellus, nulla aqua, nulla stirps est ex qua salis hujus pauxillum non eliciatur.

Ais nitrum ignescere ratione spiritus sulphurei, non ratione salis cujus frigida natura est; sed si nitri sal frigidum, cur non impedit quominus minerale istud statim inflammetur? & si fateris salem illum acrem esse, cur calidum non fateberis? quandoquidem Galenus *acria & amara calida esse docet* lib. 4. de simpl. med. facultatibus cap. 14. *amara calida sunt, se! acria his calidiora*: idemque Baccius asserit lib. 1. c. 2. de thermis in hunc modum. *Acres igneam magis & siccam indicant qualitatem mistura*. Agricola & Sebizius probè tenebant nitro plus salis quàm sulphuris inesse; ambo nihilominus minerale istud calidum & siccum agnoscunt. Alter lib. 5. de mineral. cap. 7. sic habet: *nitrum est calidum & siccum: & quidem in fine ordinis secundi, vim habet aperiendi, attenuandi, abstergerendi, discutendi, evocandi, & attrahendi*. Insuper nitri sal calidum esse patet ex eo quod ad seminum & hominum foecunditatem confert, Virgilius 1. Georgic. legumina nitrosâ aquâ perfusa uberiores & locupletiores siliquas proferre notat his carminibus:

*Semina vidi equidem multos medicare serentes
Et nitro prius & nigra perfundere amurca
Grandior ut siliquis factus fallacibus esset.*

Notum est in Livonia succensarum sylvarum cineres solere tritico conseri lætasque meti messes. Anatomia constat venam spermaticam sinistram ab emulgente exoriri ut nitrosum sit semen ; ratioque suadet eos salaciores esse quibus utraque spermatica ab emulgentibus emergit. Agricola versus initium lib. 2. de natur. eorum quæ effluunt è terra de nitrosis aquis sic habet : *vulvas præterea faciunt conceptioni habiles.* Cæsius lib. de miner. cap. 6. sect. 5. scribit Philadelphum Ægypti regem voluisse filiam suam Berenicem Antiocho Asseriorum regi desponsatam , aquam Niloticam duntaxat , quam ad eam deferri magnis impensis curabat , bibere , ut citius maternis fulgeret honoribus dulcesque gnatos Veneris præmia posset. Ipsi ultro assentior , videturque mihi Plinius lib. 7. cap. 31. foetiferum potu Nilum aptè dixisse , siquidem nitrosæ ejus aquæ sunt , teste Agricola lib. 2. de natur. fossil. pag. 207. cujus hæc sunt verba : *factitii nitri plura sunt genera , unum sit in Ægypto ex Nili aquis quæ nitrosæ sunt in nitrarias infusis.* Hujus salis beneficio Niliaca aqua potulenta est , quamvis moveatur semel tantum in anno , scilicet ad solstitium æstivum , quo exæstuans inundat , oblimat , & opimat Ægypti terram , alias pluvix defectu infelicitissimam futuram.

Encelius lib. 2. cap. 15. de re metallica nitrum salis speciem astruit , at sal ad stirpium & animalium foecunditatem valde conducit. Fimus sale quo scatet terris benefacit , stirpes maritimæ præ cæteris luxuriant , Græcique summam fertilitatem explicant his verbis *ἀλάσιν ὄφ.* Ex cap. 2. lib. 4. Regum constat Elisæum Hyericonis a-

quas

quas sale fecundasse, videmusque salum piscibus abundare. Apud Ethnicos Marini Dii olim petulantissimi fingebantur; naves sale onustæ murium feraces sunt; dato sale canes effecti catuliunt; oves aquam salisam bibentes maturius uterum gerunt, nec injuria Venus ex spuma maris nata fertur, vocaturque ἀλγερὴς siquidem sal commiscendorum corporum libidinem sic inflammat, ut hac de causa Ægyptii sacerdotes eum in totum in cibis abdicarent, ut refert Plutarchus lib. 5. sympos. quæst. 10.

Vis credam nitrum frigidum, quia crystallus mineralis gustu frigidus sentitur, & aqua fervida ampullâ vitrea inclusa, & in aquam in qua nitrum solutum sit, aut in puteum nitrosum immersa valde frigeſcit. Verum in crystallo minerali quid acidum est quod linguam contrahit, istiusque partis calorem intro cogit sic ut ejus extremum eo defectum aëris incurſione statim frigeat; & aqua cui nitrum inditum aut quæ natura sua nitrosa est, impense refrigerat, quia nitrum aquæ frigus acuit, magisque penetrabile reddit: si sal istud nativo frigore aërem & aquam alterare valet, cur putei & speluncæ mediâ hyeme calent? & cur Sequana qui satius habet ut his qui nuper ad nostram urbem appulerunt alvum subducatur, summa æstate non friget?

In nitro terram albam non admittis tua experientia fretus, ego verò admitto juxta Joannis Banci experimentum qui lib. 3. de miraculis aquarum naturalium cap. 13. de aquis nitrosis hæc habet: *earum aquarum evaporatione restant facies alba, ejusdem saporis & odoris ac ipsum nitrum.*

Reor te hæc omnia quæ tuis opinionibus obſtant ita luculenter explanaturum ut contentio-

ni-

nibus supersedeam , miratusque consummatam doctrinam tuam , tuus esse gaudeam. Vale Lutetiæ Parisiorum die 26. Januarii ann. Dom. 1676.

*Authoris Responsio ad epistolam 3.
Dom. Guerini Medici Parisiensis do-
ctissimi.*

VIR CLARISSIME,

PETIS à me ut quæ opinionibus meis adversantia in tua secunda epistola proposuisti paulo enucleatius diluam , faciam lubens ad singula respondendo.

Primò mihi objicis terram quam Pruvinenses aquæ alluunt flavescere , quoniam chalcanthi viridisterram sulphurve continet ; ad quod respondi partes eas viridantes apparere ; & consentis ipsasmet tales esse naturâ suâ , sed easdem humo rectas flavas fieri vel humectatione vel nitri admistione. Si sulphur terrave vitrioli viridis sub terra humectatione flavescant , quare aquis nostris exhalatis , vitriolum viride mihi non superfuit , ut Rochæ ? & si id fiat nitri admistione , quare iisdem aquis evaporatis duntaxat reliquum habui salem colore fusco infectum , salis ferri in modum , non verò albo in modum salis nitri ? Tibi facilè demonstrabo terram & sulphur vitrioli viridis esse subviridia , & tu ipse hujus rei experimentum agere potis es , fundendo vitriolum viride in aqua vulgari eaque reponendo in vase figulino è terra minime porosa confecto , deinde illam sinendo quiescere per spatium plurium dierum , tunc videbis sulphur ad aquæ superficiem efferri , quod cochleari

chleari ab aqua sejungere poteris, deinde siccare, & tunc illud subviride conspicias: at si terram in fundo vasis repositam ab aqua separes, illam ejusdem esse coloris ac sulphur comperies: sed indubium revoco te mihi posse demonstrare illa esse in sinu terræ subflava, licet frustra, siquidem spiritus vitrioli in nostris aquis tantum admittis.

Non arbitror textum quem excerpisti è Cardani lib. de subtil. adeo tibi favere, & mihi adversari quemadmodum existimas, etiamsi in eo reperiantur hæc verba, *chalcantimum in spiritum redactum & humida tenacique materia mixtum hoc efficere potest*, quæ in meo libro non reperiuntur: attende quæso Vir Clarissime ad ea quæ dicit; nempe *hoc efficere potest*, non verò *hoc efficit*, unde colligo ea de re illum dubitare, nec immerito, quoniam in hac atramenti compositione totum corpus vitrioli miscet, non verò solum spiritum; quapropter censendum non est spiritum vitrioli nigredinem atramenti tribuere (siquidem juxta Libavium, *spiritualis vitrioli tinctura potestatem atrandi non habet*) sed totam ejus substantiam.

Quod substantiam, qualitates, & mixtionem nitri cum aliis mineralibus attinet, de iis meis præcedentibus epistolis fusè satis me loquutum esse arbitror, de quibus Lectores judicent; sed tuæ sententiæ semper insistis, nempe nitrum nostris aquis inesse, cui nunquam assentiar, cum sit sal, qui in aqua liquefcit, & aquâ exhalatâ concrefcit illum centissimè reperissem tanta aquarum nostrarum quantitate evaporatâ, quantam notavi novissima mea epistola; & de hac re agitur, non verò de istis diversis nitri speciebus, ejusque qualitatibus, de quibus tua postrema epistola sermonem habes,

quæ

quæ nihil ad rem. Illud verò notatu dignum est, quod postquam tuis præcedentibus epistolis nitrum calidum esse acriter contendisti ratiociniis, experimentis, & authorum testimoniis, postea fateris in tua responsione ad epistolam Dom. de Saint Yon pag. 8. *ejus salem frigidissimum esse, ut liquet ex crystallo minerali qui linguæ admotus eam frigore perstringit* : atque etiam in tua dissertatione adversus principia chymica pag. 2. refers vaporem elatum è nitro fuso in vase angustiorificii, adeo esse frigidum ut quibusdam suaserit ventum borealem qui perſentitur vigentibus æſtatis ardoribus ab hora undecima usque ad tertiam vespertinam in illa parte Tetosagum vicina montibus regionis Helviorum, ab istis montibus nitro turgido promanare, cum solis æstu fustum & solutum est; & ais hunc vaporem à nitro procedentem ejusdem mineralis esse spiritum : concilia tuos textus, si lubet, eodem ore nitrum calidum frigidumve esse affirmas.

Afferis aquam Sequanæ ventrem solvere ob nitrum in ea contentum, ego verò existimo id fieri ob suam humiditatem quæ fibras facultati retentrici inservientes relaxat, idcirco hæc aqua eosdem effectus non producit ac aqua Nili, quæ nitro turgida dicitur; siquidem mulieres non sunt fœcundiores Parisiis quàm in aliis Galliæ locis.

Scribis me non admittere terram albam in nitro meâ experienciâ fectum, tu verò in ipso eam admittis juxta Johannis Banci experimentum qui lib. 3. de miraculis aquarum naturalium cap. 13. de aquis nitrosis hæc habet : *earum aquarum evaporatione restant facies alba, ejusdem saporis & odoris ac ipsum nitrum* : nihilominus tamen meo experimento nullam in nitro inveni terram albam, quocirca semper adhærebo iis quæ conspiciam in metallis mineralibusve, donec

nec quis contrarium mihi demonstraverit : *oculis enim*, ait Hippocrates lib. 1. de dextra, *magis credendum quàm opinionibus.*

Tanti æstimo tuas pulcherrimas æquè ac doctissimas disquisitiones, atque etiam te ipsum, ut toto vitæ curriculo futurus sim tui amantissimus. Vale Pruvini die 30. Januarii ann. Dom. 1676.

Dom. Foveti Doctoris Medici eruditissimi ad Dom. Givrium D. Medicum

EPITOLA

De sale thermarum Vichensium.

Quandoquidem toti reipublicæ iatricæ manifestum fecisti te ad intimos naturæ recessus tuo sagaci ingenio penetrasse ; permittite Vir Clarissime ut te consulam de mysteriis illius secretæ operatricis, quæ non se pandit omnibus qui suorum arcanorum investigationi sedulam operam navant ; & quamvis tibi sim ignotus, id non impediet quominus votis meis annuas examini subijciendo paucum salem quem genitus tuus à me accepit, & si ejus discessus tam præceps non fuisset, unà cum eo hanc epistolam ad te detulisset. Hic sal derafus est è parietibus thermarum, unde aliquid impuri contraxit : illum ad te mitto, sicuti è parietibus eraditur, ut ipsum explores. Tua sententia erit mihi legis instar, & finem imponet desceptatiunculæ quæ exorta est inter me & Medicum qui à paucis diebus prelo excudendum curavit has aquas tres mineras differentes permeare ; nimirum sulphuris, quod probat odore, vitrioli quod

quod probat istarum aquarum aciditate, & nitrū quod confirmat effectibus catharticis. Verū quoniam eodem tempore quo hoc impressum luci datum est, quibusdam famosissimis Medicis hujus urbis etiam dederam autographum de istarum aquarum natura, in quarum analysi solummodo sulphuris principia repereram, meam opinionem stabilire coactus fui famæ & honoris stimulo impulsus, ut veritatem tuerer quam ut mearum actionum finem semper spectavi. Ergo refuto consequentiam quam ex istarum aquarum aciditate deducit, arbitror enim probari posse sulphur & alumen æque bene has aquas ingredi ac vitriolum. Sermonem non extendam longius cum meo Magistro (id est tecum) ut probem id quod me docuit: equidem ingenue fateor me à te acceptam habere cognitionem aquarum mineralium quā calleo: ad alteram mei antagonistæ consequentiam venio, nempe has aquas esse catharticas, ergo ipsis inest nitrū. Vitium hujus consequentiæ tibi manifestius est quàm mihi, nam ut mea fert opinio, omnia mineralia atque etiam sales vegetabilium quæ possunt partes irritare earum fibras vellicando, ad purgandum sunt apta. At forsā operæ pretium erit observare Vir Clarissime, meum antagonistam præstantiorem esse Oratorem quàm Physicum aut Chymistam: non est Physicus, siquidem in sua quadam epistola fatetur se judicasse de pluralitate mineralium ex ipsorum effectuum multitudine: adverte quæso Vir Clarissime, illum ignorare divisionem causarum & effectuum æquivocorum & universalium. Quod chymiam attinet; illius admodum est imperitus, siquidem arbitratur sulphur vulgare esse corpus simplex & cujus actiones sunt determinatæ: & tu optimè cognoscis Physica Analytica quo-

quotidie separati principia istius mineralis, quorum unumquodque differentem effectum producit. Hoc tibi propono Vir Clarissime ut judices utrum ejus opinio aut mea sit rationi consentanea : cum pene de exteris sit convictus, ad hunc salem recurrit, & illum vult esse natrum, ego vero illum esse salem volatilem sulphuris in his aquis dominantis, qui etiamsi corpus aquæ relinquat, aliquid tamen ejus humidi secum rapit cujus pondere gravatus his parietibus adhærescit, ibique paulatim exsiccat, nec etiam sapore nec acrimonia nitri præditus est, neque in prunas conjectus fulminat, cæterisque nitri qualitatibus orbat. Tuam sententiam de hac re cito ad me rescribas velim, quoniam intra octo dies ex hac urbe discessurus sum, interim sum tuus ad omnia paratissimus. Vale Lutetiæ Parisiorum die 12. Aprilis ann. Dom. 1676.

Authoris Responsio ad epistolam Dom. Foveti Medici eruditissimi.

VEhementer lætatus sum Vir Clarissime cum è tuis litteris didici me habere discipulum qui tantum progressum fecit in cognitione mineralium quæ cum aquis permiscantur, ut ea perfectè à sese invicem separaverit in thermis de quibus agitur. Equidem si facultas mihi concessa esset diplomata distribuendi magistrum in hac arte constituentia, ea protinus ad te mitterem, quandoquidem illo titulo insigniri optimo jure mereris.

Veniamus nunc ad quæstionem quam mihi proponis, quippe quæ sint mineralia à quibus producitur hic sal qui adhæret parietibus therma-

rum, quas silentio involvis. Vidi & gustavi sale-
lem istum quem ad me misisti, est colore al-
bissimus, sapore acris & acidulus, quapropter
in tuam descendo sententiam, nimirum hunc
salem proficisci e sale volatili aluminis & sul-
phuris, & eum à spiritibus illorum mineralium
elevari, & quoniam illis ponderosior est & quid
humidi retinet ex elemento è quo egreditur, i-
deo parietibus thermarum inharet ibique paula-
tim exsiccat. Alumen se prodit colore isto al-
bissimo, istoque parvo acore; suam verò acri-
moniam hic sal trahit à sulphure & alumine :
nam asserere hunc acorem à vitriolo procedere,
rationi non est consonum, siquidem in nullo
vitriolo, sed duntaxat in alumine hanc substan-
tiam albissimam reperi. Ut ea quæ hic sal abdita
recondit in lucem protraherem, illum in aqua
communi dissolvi, quam effudi in vas figuli-
num igni superpositum, quo ejus solutio exa-
ctior fieret : annotavi istum salcm vasis fundum
ac parietes colore albo infecisse, non secus ac al-
lumen, cum eodem modo illud dissolvi. Hanc
salem aqua solutum gustavi, in eo non percepi
magnam vitrioli acrimoniam, sed tantum par-
vam exiguæ aciditati sociatam, quæ sunt quali-
tates quibus linguam afficit alumen aqua com-
muni solutum : verum si in ista solutione aci-
ditas non est adeo manifesta, id fit quod illa
tantum complectatur sales volatiles aluminis &
sulphuris, non vero totam solius aluminis sub-
stantiam. Quo etiam sal iste purior evaderet &
separarentur corpora extranea, quibus cum per-
mixtus erat, illius solutionem filtro percolavi,
& mihi restitit terra alba terræ aluminis non ab-
similis, cui admixtæ erant quædam particulæ
saxorum ex quibus thermarum parietes sunt fa-
bricati, quæ unà cum hoc sale ablata fuerant.

quod ipsis tenacius adhæreret. Sulphur quod spectat nulla inter vos controversia oborta est : at nitrum in eo sale non agnosco , quia illud gustando non solum acrimonia , verum etiam tantillâ frigiditate linguam afficit , quod non efficit saliste ad me missus ; præterea carbonibus ignitis inspersus ignem non concepit , quod tamen sali nitro peculiare est : & si istæ aquæ sint cathartice , inde inferendum non est ipsis nitrum inesse , quoniam omnes sales sunt cathartici partes irritando earumque fibras vellicando , ut appositè refers ; & N. Faber tract. de chym. lib. 2. sect. 5. de salibus , dum loquitur de salificatione aluminis ait , *interius sumptum convenire iis quibus ventriculus infartus est humoribus viscidis & putridis qui appetitum evertunt , nam eos incidet & attenuabit & per alvum eliminabit ;* cui operationi quantitas aquæ quæ ebibitur non parum confert , quia quò plus aquæ potatur , eò plus salis fixi & volatilis mineralium deglutitur. De mineralium pluralitate judicare ob effectuum multitudinem , de illis fortuito judicare est , atque in hunc errorem omnes hydrographi lapsi sunt , non advertentes diversitatem effectuum è diversis mineralium partibus proficisci , ut annoto cap. 6. mei Arcani , de generalibus nostrarum aquarum virtutibus. Sulphur vulgare quod attinet , corpus est mixtum quod in sua quinque principia chymica dividitur , quemadmodum cætera mixta. Ad me scribas velim quænam fiat thermæ è quibus hunc salem excerpisti , quænam etiam sit urbs in qua medicam artem profiteris , eo animo ut si mecum communicare exoptes , invicem ad nos epistolas mittere possimus. Sex adhuc mihi supersunt epistolæ trium illustrium Medicorum , ad quas respondi , in illis alumen & nitrum ad amissum explorantur.

optarem ut eas perlegisses, inde horum duorum mineralium majorem cognitionem hausisses, illas typis mandandas brevi curabo. Si tibi adhuc restat aliquod dubium super aquis mineralibus, mihi pergratum facies si de eo me consultas, quia aquarum mineralibus dignoscendis semper magis ac magis operam dare cupio; non quod meo genio tribuant omnes illustrationes quibus donatus sum super hac materia, sed immensæ Dei bonitati qui eas mihi tempestivè elargitur cum super hac re quædam dubia mihi proponuntur: ad has respondeas velim Vir Clarissime. Vale Prævini die 16. Aprilis ann. Dom. 1676.

Dom. Guerini Medici Parisiensis Scientissimi ad Dom. Givrium D. Medicum

E P I S T O L A

De mineralibus quæ aquis Pugenſibus insunt.

VIR CLARISSIME,

Quandoquidem in rem communem est ut quæ aquis mineralibus insunt, diligenter penitusque perspecta habeantur (nam in earum cognitione potissimum vertitur salubris ipsarum usus) operæ pretium esse duco tecum adhuc unam disceptationem habere quâ omnibus pateat, an Pugenſes aquæ ferri terram integrumque alumen, ut asseris, contineant, an verò ferrum *σίδηρα*, chalcanthum, nitrum, & bolum *ῥαάριον*, ut pluribus Medicis videtur.

Quoad ferrum, ais ejus terræ grana quædam flava

flava sublidere in vase in quo Pugenses aquæ asservantur ; sed an credibile aquas istas ferri terram sine sale ejus assumere ? an non verisimilius flavam hypostalam de qua agitur ferri rubiginem esse ? At verò nullus dubitandi locus est quin aquæ Pugenses quæ tellure ferro refertissimâ percolantur ejus vim mutuentur , maxime cum respiciant vulgarem aquam in qua ferrum candens subinde extinctum est.

*Addant vim forti chalybes substantia ferri
Arte potest nulla letici commissa probari ;
Suspicionem tamen conspergi creditur undis ,
Nam venis dives chalybum vicina turget.
Hos fontes alii referunt præbere saporem
Qualem nidor aquæ candentem extinguere lammam
Assuetâ.*

Ad chalcanthum quod spectat , rubigo illa quâ inficiuntur canales per quos dictæ aquæ decurrunt hujus mineralis crassamentum est , quo se exolvunt ut materiæ illius minimum , spiritus verò plurimum advehant : quocirca iis acor inest assimilis succo mali medici seu citrei , aut aquæ communi cui spiritus chalcanthi aliquid injectum est, eumque saporem discusso suo spiritu, ut ita dicam, chalcanthoso amittunt.

*Proluviem credunt alii infecisse canales
Quæ pungat fusca niveus ferrugine chartas
Hunc nisi chalcantho mavisti tribuisse colorem.
Vim quoque chalcanthi nobis ars chymica mon-
strat*

*Quam solvit flammis, humor qui limpidus exit ,
Fluctibus immixtus acidum gustantibus offert ,
Incusoditus vires exhalat in euros :*

*Martia non aliter linguam tua flumina pungunt,
Nec fugis in fumos aliter ventosque volucres ,
Mасса tibi chalcanthi parva est at si spiritus uber.*

Asseris Pugenses aquas acore defici dum resol-

vitur sal volatile aluminis quod continent ; sed cur sal ejus fixum quod id tibi detexit in terra alba quæ expiratis illis aquis remanet , eas acidas non reddit : siquidem priuquam ex aquæ in auras vanescant , per ipsas undiquaque futurum esse debet ; ut salis fert natura , præsertim cum à terra sua separari possit , nec enim incalsum ais lib. tui pag. 294. si sal istud à terra sua sejangatur eam prorsus insipidam esse.

Ad nitrum quod attinet , id Pugenſibus inesse aquis probatur , earum hypostasi falsa , quæ plumbum non inficit ut chalcanthum , linguam non contrahit ut alumen , nec aquas istas acidas reddit ut chalcanthum aut alumen.

Materies qua se succo commisit aqueoso

Nitrata facis , nebulam exhalantibus undis

Proditur , & salso compungit acumine linguam ,

Conspergit grata salsedine lingua palatum

Mollius , ast illam si mox astringeret arctè ,

Non nitri speciem forsân signaret alumen :

At ne quis facem chalcanthi judicet albi ,

Nec livens plumbum , nec stannea vasa perurit.

Insuper chalcanthum & nitrum dictis aquis inesse conjicitur , quia illæ potæ alvum solvunt & faeces denigant.

Chalcantho & nitroæpotis abducitur alvus

Tunc viridem aut nigrum referunt excreta colorem ,

Demum palam est Pugenſes aquas refertas esse bolo alba seu creta quæ his expiratis in fundo vasis subsidet , quæque his quiescentibus in earum superficie araneum delineat , ita ut si prior decantetur statim altera in ejus locum subeat , & sic deinceps , donec istæ aquæ prorsus absumptæ sint.

Copia sed locuples boli reperitur in unda ,

Nullò opus ingenio est , oculo vel indice cernes :

Scu

*Seu tu subjiciis solvendis fluctibus ignes
 Invenies imos multam petiisse lebetas :
 Seu jubens per se labris consistere lymphas ,
 Sublimes ferri terras , crustasque natantes
 Videris Idmonia quæ telam imitentur Arachnes :
 Tolle lacu crustam , nec erit male grata palato.
 Est quoniam insipida , atque iterum si lympa quiescat*

*Crusta renascetur quoties subduxeris actam ,
 Donec aqua fuerint absumpta, terrea tanta
 Vis conjuncta subest .*

Si vis insipidam istam nebulam quæ in aquis Pugen-
 sibus ad earum compositionem identidem
 emergit sulphur esse aluminis , nullam illius vel
 ferri terram in iisdem invenies. Hæc quæ tua im-
 pugnant tam explicatè tamque illuminatè discu-
 tias velim , ut omnes uno ore concinant

*Multa dies variusque labor mutabilis ævi
 Rettulit in melius.*

Sic omnes demerebis meque tibi in perpetuum
 devincies. Vale Lutetia Parisiorum die 6. Julii
 ann. Dom. 1676.

*Authoris Responsio ad epistolam Dom.
 Guerini Medici Parisiensis scientissimi ,
 qua de mineralibus quæ aquis Pugen-
 sibus insunt dissertat.*

VIR CLARISSIME,

EQuidem nullum unquam fore putabam qui
 de aquis Pugen- sibus mihi quidquam objice-
 ret, cum meis responsionibus ad Dom. Cat. ierum
 earum mineralia satis dilucidè explicuerim , ni-
 hilominus tamen quæsis à me an ista aquæ ferri
 terram integrumque alumen , ut assero, conti-
 neant ;

neant ; an vero ferrum ; & ex. chalcanthum , nitrum , & bolum *ἰπέρλας*. Ad quod respondeo post sedulam harum aquarum explorationem me in iis tantummodo reperisse parum ferri & multum aluminis , nihil vitrioli , nihilque nitri , verum bolum albam quæ est terra aluminis ejusve principium. Isti authores qui ipsis addunt vitriolum & nitrum deberent non solum illa ab invicem separare , verum etiam ea in sua principia chymica dividere , sicut ipse divisi alumen , si suis scriptis fidem adhiberi cupiant , non vero judicare de mineralibus quæ aquas ingrediuntur ex iis quæ vix apparent , aut ex effectibus qui sæpissime sunt equivoci : & revera principis chymicis Arcana naturæ panduntur & innotescunt.

Quoad ferrum ais me dixisse *ejus terræ grana quædam flava subsidere in vase in quo Pugenses aquæ asservantur* ; hujus rei periculum facere æquè tibi facile est ac mihi. Repone in catino fictili aquam Pugensem è lagena depromptam per spatium octo aut quindecim dierum & tunc videbis in fundo vasis aliquot grana terræ subflavæ , quæ est terra ferri. *Quæris an credibile sit aquas istas ferri terram sine sale ejus assumere* ; id non inficio , sed cum paucis ferro donatæ sint , parum etiam de ejus sale participant. *Addis an non verisimilius flavam hypostasim de qua agitur ferri rubiginem esse ?* Quare vis illam esse rubiginem hujus metalli ? siquidem in sinu terræ ferrum elaboratum non invenitur , sed tantum illius minera quæ aquæ interventu resolvitur in sua quinque principia , nimirum in salem , sulphur , spiritum , terram , & phlegma. *Dicis nullum dubitandi locum esse quin aquæ Pugenses quæ tellure ferro refertissima percolantur , ejus vim mutuentur , maximè cum resistant vulgarem aquam in qua ferrum cadens subinde*

extinctum est. Hic quidem odor à me non est animadversus necdum meas nares fexit : sed id non fit hocce modo, in terræ visceribus, in quibus minera est mollis & totaliter miscetur cum aqua quæ eam dissolvit, ejusque multum rapit, cum est multa, & parum cum est paucæ, quemadmodum videre est in aquis Pugen-
tibus, quæ multo alumine & paucò ferro præditæ sunt.

Ut probes chalcanthum istis aquis inesse dicis rubiginem illam quæ inficiuntur canales per quos dicta aqua decurrunt hujus mineralis crassamentum esse, quo se exolvunt ut materia illius minimum, spiritus verò plurimum advehant, atque idcirco vis acorem inesse assimilem succo mali medici seu citrei, aut aquæ communi cui spiritus chalcantbi aliquid injectum est, eumque saporem discussio suo spiritu chalcanthoso amittere. Hæc rubigo quæ adhæret canalibus per quos aquæ luges decurrunt est terra ferri suo pondere illis canalibus inhærens, quæ non est absimilis terræ cæterarum aquarum ferratarum ; neque est crassamentum istius mineralis quod relinquunt ut illius minimum, spiritus verò plurimum advehant ; siquidem jam tibi respondi vitriolum quemadmodum cæteri sales, totaliter liquari in aquis, sicuti probavi meâ secundâ responsione ad Dom. Cattierum : quod verò earum acorem spectat, similem efficere potis es ex alumine in aqua communi soluto : & si citò eum saporem discussio suo spiritu chalcanthoso amittant (non est dicendus chalcanthosus, quandoquidem chalcantbo sunt orbæ, sed aluminosus) ejus rationem reddidi primâ meâ responsione ad Dom. Cattierum.

Asseris meduere Pugenfes aquas acore deficiendum resolvitur sal volatile aluminis quod continent. Hæc sunt mea verba è primâ meâ responsione ad

Dom. Cattierum excerpta. Caterum alumen & ferrum salis volatili divites sunt qui spiritibus volatilibus sociatus levi de causâ cum ipsis effugit, ideo ista aqua tam cito suâ aciditate privantur quæ pendet ab istu principis quæ promptè evolant ab ignis calore pulsa, atque etiam sine igne deperduntur & dissipantur, quod aquis vitriolatis non evenit ob salis & spirituum fixitatem. Quæris à me cur sal fixum istius mineralis quod id mihi detexit in terra alba quæ expiratis illis aquis remanet, eas acidas non reddit? siquidem priusquam ea aquæ in auras vaneant, per ipsas undiquaque fusum se debet, ut salis fert natura, præsertim cum à terra sua facillè separari possit, ut patet ex lixivio earum à me actò, ex quo illarum terra insipida remansit. Tibi respondeo aluminis aciditatem potissimum pendere à suo sale volatili suisve spiritibus, qui cum sunt expirati, aqua suâ aciditate orbatur. Scribis salem fixum aluminis facile separari à suâ terrâ, experienciâ contrarium dilici, ut refero meâ tertiâ responsione ad Dom. Cattierum.

Ad nitrum quod attinet id Pugenfibus inesse aquis probas earum hypostasi falsâ quæ plumbum non inficit, ut chalcanthum, linguam non contrahit ut alumen, nec aquas istas acidas reddit ut chalcanthum aut alumen. Hæc omnia probant istis aquis nitrum inesse, nam hypostasis falsa ex alumine, non verò è nitro promanat, quemadmodum experienciâ cognovi. Aquam Pugensem filtro percolavi ut ab ea terram ferri sejungerem, deinde illam reposui in catino fictili quem probè chartâ operui, & tractu temporis aqua est absorpta, & mihi superfuit sal aluminis, non verò nitri; in carbones ignitos illum conjeci, nec ignem concepit, sicut concepisset, si nitri particeps esset, quod ipsi peculiare est præ cæteris salibus, sicut & parva frigiditas quæ illud

gu-

gustando perſentitur : cùm verò afferas tuis præcedentibus epistolis nitrum noſtrarum aquarum compositionem ingredi, earum ſalem iisdem carbonibus inſperſi, nec arſit non ſecus ac ſal aquarum Pugenſium.

Conjicis *chalcantimum* & nitrum dictis aquis inefſe, quia illæ potæ alvum ſolvunt & facies denigrant. Si itæ aquæ ſint catharticæ, inde inferendum non eſt iſtis nitrum inefſe, quoniam omnes ſales ſunt cathartici partes irritando earumque fibras vellicando, ut refert N. Faber tract. de chemia l. 2. ſect. 5. de ſalibus, dum loquitur de ſaliſificatione aluminis ait, *interius ſumptum convenire iis quibus ventriculus inſartus eſt humoribus viſcidis & putridis qui appetitum evertunt, nam coſ incidet & attenuabit & per alvum eliminabit* : cui operationi quantitas aquæ quæ ebibitur non parum confert, quia quò plus aquæ potatur, eò plus ſalis fixi & volatili; mineralium deglutitur. Nigredo verò excrementorum eorum qui aquas Pugenſes epotant, proficiſcitur è ſale fixo aluminis, uti probò tertiâ quartave reſponſione ad Dom. Cartierum. Scripſiſti tuâ primâ epistolâ omnes aquas aluminofas gallarum aſperſione exalbefcere, cujus propoſitionis veritatem confirmant aquæ Pugenſes, quòd ſint aluminofæ, & ideo gallarum admixtione exalbefeant : verùm ſi nitri, vitrioli albi aut viridis participes eſſent, nigredine non verò albedine inſicerentur, ſi vitrioli cœrulei, colore ſubviridi: ferrum quòd attinet, tam pauco ſunt donatæ, ut ex eo nulla tinctura gallarum beneficio extrahi queat.

Tandem aſſeris palam eſſe Pugenſes aquas reſertat eſſe bolo albâ ſeu cretâ quæ his expirant in ſando vaſis ſubſidet, quæque hi queſcentibus in earum ſuperſiſſe araneum d-lineat, ita ut ſi prior æp̄ſiſſe videatur ſtatim altera in ejus locum ſubeat, & ſic deinceps.

ceps donec ista aqua prorsus absorpta sint. Verum quidem est illas refertas esse bolo alba, quæ est terra aluminis quæ suo pondere ad fundum vasis devolvitur, his aquis quiescentibus; earum vero sulphur araneum delineans ad superficiem attollitur, & quamvis prior ægrius dematur, altera tamen in ejus locum non subit, ut arbitraris, etiamsi hæ aquæ temporis progressu prorsus absumantur; ista etiam duo principia ab invicem longe discrepant, alterum enim in altum effertur ob suam levitatem caliditatemve, alterum ad imum præcipitatur ob suum pondus frigiditatemve: alterum est pingue & viscidum, alterum siccum & friabile.

Si forsitan aliquod dubium super hac materia tibi superveniat, consule mea scripta in quibus certo certius ejus solutionem facile invenies, sicque non cogar repetere rationes & experimenta quæ iniis fusissimè explicata sunt: ne credas tamen ideo me recusare laborem, imò potius me præsto esse ut tua vota expleam, quò cognoscas me tibi esse devotissimum. Vale Pruvini die 1. Augusti ann. Dom, 1676.

*Dom. Givrii Doct̃oris Medici ad Dom.
Cattierum Consiliarium & Medicum
Regium*

E P I S T O L A

Quæ quadam observationes super aquis mineralibus à Dom. Closeo facta ventilantur.

Attentè legi observationes super aquis mineralibus plurimarum provinciarum Gallix in
Aca-

Academia Regia scientiarum à Dom. Closeo factas, quæ mihi videntur pulcherrimæ, indaginis novorumque repertorum plenæ, siquidem nullus author hætenus istam materiam hocce modo exploravit : at cum istæ observationes super aquis mineralibus duntaxat spectent earum saltem terramve subtilem, quæ est mineralium materia confusa ; arbitrò principiorum chemi-
corum disquisitionis auxilio, mineralia quæ in aquis dominantur apertius & distinctius detigi posse : nihilominus tamen hocce modo utentibus infinitæ difficultates occurrent, quas solvere non est facile : quapropter in hac materia sicuti in pluribus aliis homo imbecillitatem sui ingenii suamque ignorantiam ingenuè fateri debet.

Refert aquam Pruvinaam è fonte Sanctæ Crucis sub finem æstatis depromptam, esse turbidam & saporis ferrugini. Dum igne lentè discutiebatur, ejus superficies pluribus pelliculis griseis ab invicem separatim cooperiebatur ; terra etiam quadam subtili, coloris rubiginis ferri præcipitabatur, quæ vasorum parietibus adhaerebat, quæ aquæ expiratu eâ incrustati remanserunt, & huic incrustationi rubiginis pellicula grisea superposita erant. Pars hujus terre flava quæ circuli in modum obhaerebat, paululum salsa erat, & aëri exposita humescebat. Tota materia exsiccata ponderabat tantum $\frac{1}{10}$ Huic crassamento aqua af-

194

fusa est, quâ sal quo imbuta erat dissolveretur, deinde filtrata dissolutio per chartam emporeticam, & discussa majori aquæ parte, hypostasis remansit grisea, & liquore in aliud vas transfuso, quo rursus partim in auram vanesceret, deinde aëri exponeretur, in eo paucus sal in grana lata & plana, saporis salis communis concrevit. Sal iste neque aluminis neque vitrioli particeps erat, tantummodo respiciebat partem salis aquæ marinæ, quæ frigore nec non etiam in humido coa-

gulatur. Terra sedimenti hujus aquæ Pruvinæ in aceto stillatitio partim solvebatur, eique flavum colorem inducebat. Igne inflammata colorem fuscum induibat, qui rubigini ferri consimilis videbatur.

1. Aquas Pruvinæ examini subjeci eodem modo quo Dom. Closeus : his aquis expiratis remansit terra subflava paululum salsa ; cum etiam temporis progressu ferrum in aqua communi solvissem, tum aquam vaporassem, tunc reperi ejus terram eodem ac terra istarum aquarum sapore infici : quæcirca inter nos convenimus has aquas ferratas esse. Verùm cum illas potando alium præter ferrugineum saporem perceperim, cum etiam aquam recentem haustam, & suis spiritibus adhuc turgidam filtro percolaverim, hacque discussa, restiterit terra alba cum tantillo terræ flavæ permixta, quæ erat subtilior pars terræ mineræ ferri quæ spiritu mineralium vehiculo filtrum pertransierat. De his rebus sic ratiocinatus sum ; spiritus materias minerales adeo exactè cum aqua mixtas continent, ut illa in sua scaturigine æquè pura, clara, & pellucida appareat, ac aqua communis : quocirca spiritibus expiratis, terra ferri pondere suo ab aqua separatur, & sal cujuscunque sit speciei, cum tota aquæ substantia commixtus remanet. Hoc ratiocinio sic peracto istam aquam in vas figulinum infudi, tum quiescere sivi, dum verò ipsius spiritus in auras vanescebant, ejus sulphur in aquæ superficiem efferebatur, terra ferri à corpore aquæ sejungebatur, suoque pondere ad valis fundum ruebat : quò etiam terram aluminis ab ea segregarem, hanc aquam filtro percolavi, dein discussi, & superfuit materies alba, quam aqua vulgari dissolvi, eamque per filtrum trajeci, & remansit terra alba non dissimilis terræ aluminis ; hacque dissolutione va-

porr-

porata reflitit paucus sal coloris fusci, saporis verò falsamari, assimilis illi qui è ferro in aqua tractu temporis soluto elicitur. Hæc amarities promanat è ferro ob adæstionem suæ mineræ, & sapor falsus ab alumine, quod salis sapore præditum est.

2. Aliud experimentum egi quò melius cognoscerem isthæc mineralia in aqua Pruvinesi latitantia: nimirum gallam conjeci in hanc aquam spiritibus adhuc fœtam quæ colorem violaceum subnigricantem suscepit, & ista tinctura à ferri spiritibus proficiscitur: deinde ipsammet aquam in vase figulino positam aëri exposui, in ejus superficiem pellicula pinguis elata est, qua spiritus minerales retenti sunt, quapropter hæc aqua secunda die colorem adhuc suscepit, sed minus nigrum, & tertia tantillum rubuit, demum quarta albuit aquarum aluminosarum in modum, tinctura aluminis emergens ferri spiritibus expiratis, quæ eo est candidior, quò minus ferri cum alumine mixtum est. Inde concludo ferrum unà cum alumine in aqua Pruvinesi dominari, quoniam in ea reperio terram subflavam ferri, & albam aluminis; saporem amarum salis ferri, & falsum aluminis, tincturam violaceam subnigram è spiritibus ferri eductam gallæ mistura, quibus discussis tinctura alba aluminis ei succedit; hæc omnia ratiocinia & experimenta fusius explicata sunt in meo Arcano cap. 4.

Cùm jamdiu nostras aquas minerales examini subjecerim illas vaporando, eo animo quò cognoscerem quibus mineralibus inquinarentur sedimento ab ipsis residuo; cùm etiam oblivioni voluntariæ tradidissem quæcunque in hoc examine observaveram, quòd huncce modum aquas examinandi ineptum existimarem ad adi-

pitendā veram & integram cognitionem mineralium quæ in aquis dominium obtinent; ideo rursus illas eidem examini subjeci, quo mihi manifestum foret an futurum esset conforme examini quod egit Dom. Closesus in iisdem aquis. Igitur statim atque nostræ aquæ puriores sunt factæ discussi aquas quæ in viginti lagenis continebantur, quarum unaquæque triginta octo uncias aquæ includebat: notavi quod quamprimum ignis calorem persentiscunt, illæ perturbantur ob terram ferri qua scatent, quæque ab ipsis facile separatur ignis appropinquatione, aut temporis progressu; tum sulphur mineralium suum locum occupandi impatiens, festinè ad illarum superficiem effertur, ubi pelliculam griseam efformat (non verò plures à sese invicem separatas, ut scribit Dom. Closesus) quæ tam bene unitur & colligatur cum omnibus suis partibus, ut earum spiritus qui avolare contendunt, hoc obice retenti, in ipsa & cum ipsa multas bullas efforment; deinde aqua turbidior fit, tunc istud sulphur colorem flavum subnigrum induit, ob spiritus pelliculæ substantiæ immixtos, quos aliquantisper sua visciditate detinet, & tunc temporis ipsi suam tincturam nigram communicant: tum præcipitata terrâ subflavâ quæ obhæret parietibus & fundo vasorum, & spiritibus expiratis, aqua inclarescit, qua discussa istud sulphur huic incrustationi terræ subflavæ adhærescit, & tunc flavum colore aureo splendens apparet.

In horto per spatium unius noctis aëri exposui vasa in quibus nostras aquas vaporavi, & ne aliquod corpus extraneum in ea decideret, ipsa operui charta duobus bacillis sustentata, ita ut aër ea facile permearet; postridie mane reperi materiam hisce vasibus adhaerentem æquè siccam
in

in omnibus suis partibus tam superioribus quam inferioribus, atque cum eam aëri exposui solummodo charta qua cooperiebantur rore cœlesti humida facta est. Nocte sequenti eadem vasa nulla re cooperta super fenestra granarii posui, & ista materia non magis humectata est quam nocte præcedenti. De superiore parte istius materię degustavi, nec mihi visa est magis sallem sapere, quàm inferior; & revera hæc materies paululum sallem sapit, verum saporis est austri acrimoniæ parvæ sociati paululum linguam astringentis. Tota hæc materia exsiccata & collecta pendebat drachmas quatuor cum dimidia.

Huic crassamento aqua superinjecta quâ sal in eo contentus dissolveretur, quâ filtro percolata, & majore aquæ parte discussa, rursus eam filtro percolavi, & restitit paulum terræ griseæ, quæ est terra aluministempore evaporationis aquæ exusta, quod jampridem observavi, dum in alumine experimenta agerem, nam cum exustum est, reliquit terram griseam, ut annotavi in mea responsione ad epistolam tertiam Dom. Catrieri, deinde partem hujus liquoris exhalavi, quam in aliud vas effudi ut progressu temporis in auras vanesceret, subniger factus & exsiccatus est, nec sal in grana concrevit: & isthæ pauca materies sicca sapore salso & amaro prædita est, qui sunt saporis salis fern salivæ aluminis convenientes, ut sapissimè suprà explicui.

Cum mea experimenta in aquis Pruvinais acta non planè responderent experimentis Dom. Closci, cumque hæ aquæ mihi abundè suppetere-
rent, idem opus rursus aggressus sum, ut viderem an illud mihi fortunatius succederet. Pari igitur aquarum mole discussa, aëri exposui vasa materia minerali incrustata nocte pluviosa,
in

in loco tamen à pluvia tuto, nihilominus pars superior istius incrustationis humida non est facta: tota hæc materia collecta ponderabat drachmas quinque cum dimidia, qua cognoscimus mineralia non semper æquali portione cum aquis permisceri, uti in nostrarum aquarum probationibus sæpe observavi: atque etiam eas potando quibusdam diebus mineralia manifestius gustum afficiunt, & tunc potatores illas majorem vim habere asserunt. Deinde salem à crassamento eodem modo quo suprà separavi eodemque modo exploravi, & res simili modo ac suprà mihi successit, nec sal in crystallos coagulatus est.

Fallopplus probandi modum per evaporationem non admodum commendat, quia crassiores tantum mineralium portiones nobis exhibet, tenues enim expirant: præterea ignis violentia mineralia alterantur & corrumpuntur. Ego verò sine igne plurima experimenta ago in aquis mineralibus. E. G. nostrarum aquarum saporem degusto, ab ipsi stincturam elicio, sulphur terramve ferri ab iisdem separo absque ignis opera; verum quidem est igne mihi opus esse quo ab iis extraham terram aluminis salemque ipsarum, sed ejus calorem tempero, ne isthæc principia ullam alterationem patiantur.

Aquæ Pruvinx turbantur ob rationem suprà allatam, idipsum quoque notamus in aqua Spadana quæ ad nos advchitur, cujus ultimæ liquoris partes turbidæ sunt, quod etiam optimè annotavit Dom. Closeus in sua observatione super ista aqua pag. 167. eadem proflus materia utramque aquam turbat; nempe terra mineræ ferri: verum asserit gallarum infusione hanc aquam colorem fuscum induere, ego verò gallis in eam injectis ipsam vidi colore violaceo
sub--

subnigro infici, qui color oritur à spiritibus ferri illius compositionem ingredientis: in ea quoque alumen copiosum deprehendi; & propterea aciditate donatur quod in sua mixtione multo majorem aluminis quàm ferri quantitatem recipiat; quò etiam ista mineralia detegerem, eodem modo hanc aquam ac Pravinam exploravi, ut fusius scripti in meo Arcano cap. 8.

Aquas Pugenſes quod ſpectat, autumo eas inquinari alumine, non verò nitro, ut exiſtimat Dom. Cloſeus, quoniam in illis reperiò aciditatem conſimilem ei quam deguſtavi in diſſolutione aluminis aquâ communi factâ, eas quoque albeſcere gallarum aſperſione eodem modo quo iſta diſſolutio; ſulphur enim quod in earum ſuperficiem attollitur eſſe album, quemadmodum illud quod iſtius diſſolutionibus ſuperficiem occupat, hiſque aquis expiratis terram ſuper-eſſe albam in modum illius quæ remanet aquâ iſtius diſſolutionis diſcuſſâ: demum ſalem qui ex utriuſque terra educitur, aluminis ſapore præditum eſſe. Mirandum non eſt ſi adêo inſiſto iſti albedini principiorum aluminis, quia etiamſi accuratè diviſerim principia ſalium mineralium, nullum tamen eorum albedine tinctum inveni, quemadmodum principia aluminis, niſi paucum ſalem qui mihi reſtitit, poſtquam eos ſuiſ terris planè exuerim; quod manifeſtum eſt in ſale nitro, è quo nullam terram albam extraxi, uti refero in meo Arcano cap. 4. Adde etiam nitrum in aqua vulgari ſolutum gallis injectis colorem viridem ſubnigrum inducere, non verò album, ſicut alumen. Inſperſi carbonibus ignitis ſalem extractum ex aquis Pugenſis, qui non fulminavit, quod demonſtrat earum ſalem nitrum non eſſe, quoniam illud

naturâ suâ, in carbones ignitos conjectum fulminat. Revera Plinius lib. 35. naturalis Historiæ cap. 15. merito asserit alumen esse saluginem terræ, quandoquidem major pars aquarum mineralium eo inficitur.

In thermis Borboniis Attimbaldicis Dom. Closeus nittum tantummodo admittit, adversus tuam sententiam, qui vis earum compositionem ingredi non solum nitrum, sed etiam sulphur, bitumen, salem, & alumen; insuper aut istas suum calorem contrahere mixtione quorundem vaporum calidorum quibus occurrunt loca profunda præterfluendo. Addit experienciâ plaurum esse nullam materiam combustibilem ignem concipere, aut diu retinere nisi aëre ventiletur; atque etiam ut ignis in sulphuribus bituminibusve accensus extinguatur, aëru ventilationem cohibendam esse, probè obturando vasa isthæc continentia: scribit etiam calorem horum vaporum augeri posse suamet compressione in meatibus angustis in quos introducuntur. Et respondes in tuo tractatu de thermis Borboniis cap. 2. ad omnia hæc ratiocinia & experimenta. *At quis credet absque igne talem in terra calorem subesse, quasi istas aquæ adeo calefacere possit, quid etiam impediret quominus omnes aquæ à montibus antrisve terra prodeuntes essent fervide, quandoquidem quod à naturalicui rei ingenitum & proprium est, ei semper competere debet?*

Oleum & operam petdidimus scrutando ratiocinia, authorum testimonia, & experimenta (quibus te probares, Vir Clarissime, aquas minerales aciditatem suam à vitriolo trahere, ego verò ab alumine, cum sunt ferri participes, non vero à vitriolo, quia illud corrodendo destruit & transmutat aut in suam substantiam aut in cuprum, at aquas vitriolatas existete nunquam negavi) si verum sit id quod Dom. Closeus

seus asserit , nempe nullum visum fuisse alumen , neque ullum purum vitriolum in ulla aquarum quas exploravit ; nec etiam vitriolum , nec alumen , sed tantum secundam partem salis communis nitrive acorem aquis impertiri.

Super hac difficultate audiamus Sebiziam accuratè de acidulis differentem qui posuit. 49. dissert. 4. sect. 1, probat salem communem nitrumve acorem aquis non tribuere , sic enim loquitur , *sal cujusunque tandem sit generis , sive factitium quod arte coquitur , vel ex aqua marina , vel ex muria fontium elicitur : sive naturale , quod minerale & fossile nuncupant , quodque vel ex fodinis eruitur : vel ut Plinius lib. 31. cap. 7. refert , ex lacubus , fontibus aut fluminibus hauritur , quorum summitas in sal mutatur , nullam aquam acidam reddit , sed salsam omnem.* posuit. verò 52. ejusdem dissert. & sect. hanc sibi facit objectionem. *Dices , sal omnino acorem in se habere , ejusque testera locupletissimum esse spiritum salis , qui valde acidus.* Respondemus dupliciter 1. adhuc sub judice litem esse , an acor ille ab interno , an ab externo principio proficiat , & forinsecus , dum spiritus ille vi ignis paratur , salii adveniat ? 2. Esto , prodeat sane à principio intrinseco , & habeat sal in se succum quendam acidum : negamus tamen , à prae dominio acidum esse , & aquae facere acidam posse. Prædominatur enim in eo salsus sapor , qui aciditatem , cum sal adhuc integrum est , & nondum in suas partes resolutum , ita obscurat , ut sentiri nequeat. Verum enim verò posuit. 55. 57. 58. 59. & 60. ejusdem dissert. & sect. de nitro hæc refert. *Eadem planè ratio est nitri , sive fossile sit & nativum , sive artificiale & factitium , habet enim saporem salsum , sed cum quadam ariditate , & liquatum in aqua , non acido , sed salsa-maræ eam sapore imbuat.* Elicitur quidem ex eo , non secus atque ex sale , spiritus acidus : verum in ni-

tro minimè prædominatur : neque cum nitro aditè integrum est , sui juri est : quo fit , ut suum saporem liquoribus non communicet. Quod autem nitrum nil acoris in aqua deponat , etiam ex nitro preparato liquet. Solent enim præfici in febribus ardentibus tabulae de nitro in aqua dissolvere , & potus loco decumbentibus propinare. At aqua hæc nitrata nihil in se aciditatis habet. Idem quoque in thermis , in quibus nitrum prævalet , perspicitur. Non enim acida sunt : sed acres, salsa, & quodammodo amara , præsertim si nitrum magis sit sincerum , & quantitate admixtae sibi mineras longè excedat.

Verum quidem est omnibus meis probationibus nondum ad finem perductis mihi mirum non fuisse quod Dom. Closeus scribit in sale communi nitrove duas reperiri partes inter se differentes , quarum una frigore nec non in humido condensatur , & in crystallos concrescit , postquam aqua partim discussa est , in qua hic sal solutus est ; altera in crystallos non concrescit neque condensatur , nisi tota aqua in auram vanescat ; neque quod dicit istam secundam partem salis communis nitrive aciditate donati quam acidulis largitur , quamvis totum corpus horum mineralium in aqua communi liquefactum ipsi nullum acorem communicet. Sed illud mirandum mihi videbatur quod asserit in diversis aquis mineralibus modò unam partem istorum salium , modò alteram inveniri , quod salium naturæ maximè adversatur , qui non partim sed totaliter in aqua funduntur , ut testatur experientia : tot verò diversi sales , quos in aquis mineralibus observavit Dom. Closeus , luculenter probant ipsos sales extractos esse è variis mineralibus quæ suis experimentis detegere haud potuit ; nihilominus tamen has aquas explorando nonnulla eorum annotavit , ut in aquis Prævinensibus ferrum , in Passensibus gypsum ;

gypsum ; cùm verò isthæc mineralia suum salern quoque sortiantur, rationi non est consonum salern communem nitrumve tantummodo in quibus mineralibus admittere.

Cùm optarem cognoscere an sal duas portiones à sese invicem discrepantes simul mixtas contineret , illum liquefeci in aqua communi , quam postea filtro percolavi & discussi usquedum in ejus superficie pellicula appareret ; deinde eam in subterranea vini cella recondi , nec in illa sal in crystallos coagulatus est ; tum eam radiis solaribus exposui , tunc sal partim concrevit , altera verò parte aquæ expirata utramque portionem salis sapore præditam esse reperi ; verum quidem est secundam portionem paulò minus salern sapere , sed acoris planè-expertem esse. Idem experimentum egi in nitro , eoque detexi portionem quæ frigore nec non in humido in crystallos coagulatur infici amaritie acrimoniæ frigiditativæ parvæ sociata , & iste sapor consimilis est illi quo imbuta est portio quæ in crystallos non concrevit neque condensatur nisi tota aqua in auras vanescat , quæ acore quoque destituitur. Quapropter omnino necessarium esse puto vitriolum alumenve acidulis restituere quæ Dom. Closeus ab illis excluserat , siquidem cùm ea in aqua vulgari dissolvimus , ipsi communicant aciditatem parem aciditati quæ in aquis mineralibus degustatur : sal verò communis aquam sapore salso inquinat , nitrum verò ipsi impertitur saporem gustum infestantem insigni amaritie acrimoniæ sociatâ. Istis experimentis peractis , fateor me valde mirari quod Dom. Closeus illud adstruat quod experientia destruit , quodque asserat aquas Pugenles esse nitro tinctas , quandoquidem nullâ amaritudine , nullave acrimoniâ imbutæ , verum gratissimâ aciditate conditæ sunt.

Ad-

Adhuc liquavi salem communem nitrumve in aqua vulgari, deinde in eam conjeci pulverem gallæ : prima die aqua paululum alba apparuit, die secunda superficies aquæ subviridis facta est, tum de die in diem hic color paulatim auctus est usquedum evaderet subniger : hanc solam differentiam notavi in tinctura istarum duarum dissolutionum, nimirum quod illa quæ continebat salem communem paulo citius & paulo magis colorem suscepit, quàm ea quæ nitro focta erat : ita-ut (si attentè consideres varias tincturas quas infusione gallarum produnt aquæ minerales) diffiteri nequeas alia mineralia præter salem communem nitrumve has aquas inficere ; siquidem quædam aquæ nigricant statim atque gallas receperunt, quemadmodum illæ in quibus vitriolum viride aut album solutum est, aut in quibus ferrum abundat ; aliæ rubescunt, ut illæ quæ mediocri ferro præditæ sunt ; aliæ exalbescunt sicut aluminosæ : & si aqua vulgaris in qua vitriolum cœruleum fustum est fiat subviridisgallarum mistura, hic tamen color longè discrepat ab eo quem sal communis nitrumve conferunt, quoniam ipsius viriditas est pallidior, neque progressu temporis ad colorem subnigrum devenit, sed cœruleum. Et quamvis Dom. Closeus in aquis mineralibus tincturas vitriolorum aluminisve observaverit, nihilominus tamen in ipsis nihil vitrioli aluminisve se reperisse affirmat. Abstinere non potui quin isthæc omnia experimenta ratiociniave scriberem, non contradicendi studio, sed veritatis indagandæ desiderio impulsus.

Illi Doctores in Academia scientiarum à Rege Christianissimo constituti pollicentur se adituros esse loca scaturiginibus proxima, quo aquas minerales exactiori examini subijciant, quod

quod rationi maxime consentaneum esse arbitror , quia istæ aquæ translatione alterantur. Valde exopto ut quis eorum huc veniat ad explorandas aquas Pruvinxas, dum adhuc vivo , ut mutuam operam conferamus ad detegenda mineralia quæ eas subeunt , quod reipublicæ erit admodum proficuum , quoniam Medici qui eorum virtutes optimè callent , has aquas magis appositè ægris præscribent : valdè etiam cupio , ut persuasum habeas me tui esse observantissimum. Vale Pruvini die 21. Novembris ann. Dom. 1676.

Isaaci Cattieri in Monspeliensium Medicorum universitate Doctoris & Medici Regii Responsio ad epistolam Dom. Givrii Medicina Doctoris , in qua sententia Dom. Closei Consiliarii & Medici Regii super aquarum mineralium mixtione & thermarum calore lata , in observationibus suis super aquis mineralibus nuper editis , excutitur.

POEniteret me admodum temporis atque operæ quam impendimus in nostris disceptionibus de causis aciditatis aquarum mineralium si ambo per errorem lapsi fuissetus , & si postquam aquarum Borboniensium naturam perscrutatus fuisset , cum ibi diversarer , de iis-que à me conscripto libro jam plusquam à sex annis supra viginti , turpiter hallucinatus fuisset , tum quoad earum compositionem , tum quoad causas caloris actualis earum. Non mihi venit in mentem Dom. du Clos velle fidem ipsi adhiberi tantummodo quia ipse ita dixit , ne-

O

que

que ipsum commoveri si effatis suis non assentiar : ut hanc prerogativam referret, rationes & experimenta in scriptis nostris à nobis in medium producta, ut suam sententiam tueretur, prius discutere & evertere debebat : sed ex lectione libri sui nuper excusi nihil animadverti quod rationibus meis & experimentis tantillum officeret.

Ingenuè fatendum est te tantum defudasse quantum fieri potest in perscrutanda natura aquarum mineralium in Gallia celebrium earumque rerum quæ iis admiscuntur. Quæ circa eas observata sunt à Dom. Closeo & nuper in lucem edita pulchra sunt & notatu digna : sed abstinere non possum quin dicam non esse possibile omnes substantias quæ aquis admiscuntur explorare sive per distillationem, sive per evaporationem, sive per dissolutionem terræ quæ superest, sive per filtrationem, præcipitationem, & exsiccationem : his enim omnibus peractis nihil deprehenditur nisi portio quadam terræ cum sale fixo involuta ; quod volatile est, quodque vim præcipuam his aquis tribuit effugit, & in auras evanescit, ignis appropinquatione. Falloppius in hanc sententiam descendit, cui non arridet isthæc aquarum probatio, quæ fit per evaporationem, eo quod ea peracta partes tantum terrestres supersunt. Mirum esset si in terræ speluncis cum varia lateant mineralia, veluti sulphur, bitumen, vitriolum, nitrum, alumen &c. nihilominus tamen major pars earum aquarum fuisset nitro tantum & sale imbuta ; ut Dom. Closeus asserit, aut aluminis solummodo cum mineræ terra, ut tu ipse contendis.

In memoriam revocanda sunt quæ antea dicta sunt, nempe unam mineram diversas substantias

tias complecti, quarum quædam sunt liquidæ, quædam verò concretæ & solidæ. Liquidæ quæ sunt veluti *μικρὰ* istorum mineralium cum istis aquis exquisitiori modo miscentur, qui sensibus non percipitur, adeo ut in distillatione effluant cum aqua per alembicum, nihilque præterea supersit in eo quod residet. Nec propterea mirum videbitur, si hæc substantiæ quæ sunt veluti semina horum mineralium, oculorum nostrorum aciem subterfugiant, si sensus nostros deludant, & si nobis imponant has nunquam locum occupasse quem ratio nostra ipsis jure decernit. Certior cognitio capitur ex iis quæ sunt vicina, vel quæ in imo fontium resident, vel quæ juxta alveos reperiuntur, vel quæ aquis supernatant, aut in earum receptaculis subsident, uti scripsi pag. 229. & 230. hujusce libri.

Judicium quod desumitur ex coloribus eorum quæ in aquis istis deprehenduntur, non certius est: etenim mineralia unius ejusdemque speciei à sese invicem sæpius differunt, datur siquidem vitriolum album, viride, cœruleum: datur arsenicum album, citrinum, rubrum: pyrites alter est coloris argentei, alter est coloris aurei, cinerei vel ferrei: reperitur etiam alumen album & nigrum quod in Cyprio insula effoditur, ut testatur Encelius lib. 2. de re metallica cap. 9. in mineris etiam argilla invenitur vario colore prædita, alia enim alba est, alia nigra, flava, violacea, viridis, cœrulea, cineritia. Extant etiam mineralia diversæ speciei quæ eodem colore infecta sunt, adeo ut iis quæ in istis aquis apparent non sit fidendum, ut certum judicium de mineralibus quæ istis aquis admiscentur, feramus, pariterque & iis observationibus quæ jam dictis modis peractæ sunt,

ut substantias quæ cum iis sociatæ sunt dignoscamus : ad alia igitur confugiendum est quæ certiora sunt & ab effectibus ad causas progrediendo , de qualitatibus aquarum mineralium juxta earum effectus judicium adhibendum est, quem admodum cap. 4. mei libri de natura aquarum Borboniensium exposui pag. 74. & 75.

Nec dicendum est hoc modo ex verisimilibus tantum levi conjecturâ vix aliquid assequi posse, cum notum sit ex effectibus probationem genus esse demonstrationis quæ vocatur à posteriori : neque hacce via vita & sanitatis ægrotantium redintegratio periculo objicitur , ut hocce libro asseris pag. 277. cùm praxis medica certior, cognitioni effectuum medicamentorum innitatur.

Eodem modo de causa caloris actualis aquarum Borboniensium judicium ferri potest, quæ non datur alia quàm sulphur & bitumen accensa, sed præcipuè sulphur : *quæcumque ardent in terris loca aut sulphur habent pro materia, aut bitumen, non habent tertium*, inquit Baccius cap. 15. lib. 5. de thermis ; cumque ignis sit primum caloris subjectum, ad illum etiam virtus calefaciendi præcipuè pertinet ; proptereaque hæ aquæ calorem suum non aliunde mutuare possunt quàm ab igne sub terra latente, qui non alium fomitem habet quàm materiam combustibilem, qualis est sulphur & bitumen quorum copia multis in locis reperitur. Maximè notandum est quod refert Baccius cap. 17. lib. 1. de thermis, quodque nobis declarare aptum est, quomodo ignis ille in visceribus terræ concipitur, fovetur & propagatur. Media terræ regio quæ inter centrum & extremum hanc superficiem interest, tota concava est, ac spongiæ instar immensis spatiis anfractuosa, ac plena aut

aqua , aut aëre , aut spiritu , aut etiam igne. Inde videre est quomodo frustra laboret Cloëus ut suadeat ignem hunc sub terra produci non posse ex hac materia combustibili absque aëris flabello , cum revera satis abundet ille in his terræ speluncis. Præterea constat hunc ignem subterraneum per poros terræ sufficientem aerem attrahere ad suam ventilationem , ut in igne fieri videmus qui sub cineribus diu delitescit & servatur , perque longissimos terrarum tractus serpens , caminos & spiramenta invenit , per quæ expirat : quibusdam verò in locis non inveniens certos exitus , majores acquirit vires , occultosque percurrens meatus infra terram milliariis non solum decimis aut vigesimis , sed etiam centesimis , donec aliunde exhalet , ut scribit Baccius cap. 18. lib. 1, de thermis pag. 88. in additamentis. Sed attendas quæso ad eadem quæ ibidem scribit : *caminos ignis multum in locis videmus , nec non evidentes ignis effectus fumum , flammam , fervorem , locorum incendia , ferventes aquas , calores verò ita distributos multum in locis in totius terrarum ambitu , ac ita ubique locorum uniformes ac perpetua spiramenta , ut facile possimus agnoscere ipsam terram interno igne pragnantem. Famossissimus imprimis hoc igne subsistente mons Aetna in Sicilia quem super cetera natura miracula semper arsisse ab omni scriptorum memoriâ proditum est , quin ex Aetna semper propazari videtur , etiam subter mare ad vicinas insulas : nam in oris Sicilia atque Italia septem insulae Eoliae omnes visuntur igniferae , subit longius per occultos caminos in Campaniam ubi Vesuvius mons , ac Miseni promontorium atque in conspectu ejus ad decem milliaria anaria item insula est quæ ardet per tempora , & circa amœnissimas Bajæ , & in campis Puteolanis ardent perpetuò colles , ubi nimirum ignis perpetuus sulphure cum aestuat , &*

cum aquis perpetuo servidis. Hic author antiquorum opinionem sequutus est illorum experimentis novisque inventis sui ævi confirmatam. Hæc sunt quæ scribit Seneca cap. 24. lib. 3. quæst. natural. Empedocles existimat ignibus quos multis in locis terra opertos tegit aquam calefcere, si subjecti sunt solo per quod transcurfus est.

Tria sunt ignis genera consideranda, unus est elementaris qui plus splendoris & lucis quam caloris obtinet : alter artificialis & communis qui in usum nostrum cedit : alter vero subterraneus, luce carens & tenebris inclusus, sed calore multo præpollens. Ut itaque respondeam Dom. Closesco, dico fieri posse ignem hunc subterraneum tanto aëre non indigere ad sui conservationem & fomentum, quantum ignis noster artificialis requirit, qui procul dubio alterius est conditionis & qualitatis. Hæc sententia quam Dom. Closesco amplectitur non nova est, sed à Mileo Philosopho olim proposita, quam Dondius & Julius Alexandrinus sequuti sunt. Statuit igitur *thermas & balnea naturalia calorem suscipere à vaporibus calidis qui eas permeant.* Sed quid hunc calorem istis vaporibus potuit imperiti, nisi ignis, vel materia combustibilis accensa, unde hi suscitantur. Vapores naturâ suâ sunt frigidi, aquæ naturam redolent & in aquam resolvuntur, proptereaque ex se nullum calorem his aquis communicare possunt. Si dicatur istos vapores è sulphure educi, ideoque calidos esse & siccos, reluctante Dom. Closesco comperiemus qui ab aquis Borboniensibus sulphur & bitumen removeret & excludit. Si vero contendit vaporum istorum calorem produci & augeri ab earum coarctatione in angustis illis ductibus per quos influunt, ut lib sui pag. 189. asserit, dicemus vapores istos aquæ naturam retinentes nullum

nullum calorem ab ista compressione & agitatione , ut & ipsa aqua , accipere , quemadmodum in maris æstu , & reciprocatione atque in aquarum rapido cursu conspiciamus ; deinde vapores istos ductibus & viis non carere quibus exspirare possint.

Quarumdam aliarum rationum agmen ducit quibus persuadere possit causam caloris istis aquis inexistentis nonnisi vaporibus calidistribui posse , non verò ignibus subterraneis. Primò quia *ha therma palatum & linguam potantium non durrunt.* 2. *quia harum calor non agit in quasdam materias veluti herbas quasdam.* 3. *quia ha aquae calidiores sunt in fontibus suis noctu quàm die.* 4. *quia ha aëri exposita non tam citò refrigerantur atque aqua communis calefacta.* 5. *quia therma ista non citius ebulliunt igni superposita , quàm aquae frigidae ; unde concludit calorem istarum à vaporibus seu exhalationibus calidis qui ipsis admiscentur procedere.* Hæc omnia concedemus lubenter : sed non inde sequitur originem istius caloris non esse substantias combustibiles & accensas quæ calorem his aquis suppeditant , sive illarum viciniâ , sive canales per quos illæ feruntur , ignis lambat : adde quod lapides , terræ quæ sunt contermina , & à longo tempore calefacta non parum huic calori conferant : & revera illud deprehenditur in substantiis combustis in cinerem redactis & punici similibus quæ in his terræ visceribus reperiuntur : deinde etiamsi hic ignis multo infra illas aquas delitesceret , nonne ex illis substantiis educere potest multos vapores calidos ut & exhalationes quæ has aquas subeuntes ipsis calorem quem ab igne susceperunt communicarent ; adeoque hæ aquæ è fonte suo profilientes vapores istos & spiritus è sulphure & bitumine elatos continent , qui in subjactam

materiam caloris vim non tam fortiter inurunt atque ignis noster communis, eo quod vapores isti & spiritus tenuiores sunt & subtiliores, qui non tam tenaciter adherent rebus iis quas attingunt, non secus ac linteum spiritu vini, vel aquâ vitæ optimâ imbutum ignem concipit absque ejus detrimento vel conflagratione. Hæcque consideratio sufficit ut satisfiat omnibus rationibus quas objicit. Nihilominus tamen addam ut ad quartam & quintam objectionem respondeam, nempe *has aquas è suo fonte haustas & aëri expositas non tam citò refrigerari quàm aqua communis igne calefacta*: hoc non fieri tantum propter rationem ab ipso adductam pag. 192. nempe aërem frigidum qui promptè sedat motum ab igne in aqua communi excitatum, vapores calidos qui aquas calefaciunt retinere, eorumque dissipationem prohibere; sed hoc accidere præsertim eo quod vapores & spiritus isti ignei tam exactè cum istis aquis permixti sunt ut faciliè ab ipsis separari non possint, atque ob eandem causam pari temporis intervallo opus est ad ebullitionem in thermis ignis ope excitandam, atque in aquis frigidis quæ in communi usu habentur, eo quod calor in istis vaporibus & spiritibus coercitus & ab igne subterraneo profectus alterius & diversæ sortis est, quàm ignis noster communis, necesseque est antequam ignis iste ullum motum in aqua excitaverit ut vapores istos & spiritus cum quibus nullam societatem inire potest, expellat, ut alios subinde introducat.

Sed hic non subsistit Closesus namque contendit pag. 186. thermas non magis sulphuris & bituminis esse participes, quàm cæteras aquas: *sulphur & bitumen*, inquit, *faciliè dignoscuntur in aquis cum quibus miscentur; quia vel subsident, vel iis supernatant, cum non possint, quemadmodum sales,*

sales, in eis dissolvi : nullum eorum vestigium in aquis mineralibus quæ ad nos delata sunt percepimus. Sed revera potestne ullum iudicium certum adhiberi de probatione aquæ è longinquo advectæ in parva quantitate ? sulphur accensum in fontibus totum exhalat, cum sit admodum volatile, partesque ejus tenuiores & leviores secum abripiunt crassiores ; quæ cum ita sint, non mirum est, si nullum eorum vestigium in aquis istis cernatur. Si voluisset Closes ea perlegere quæ continentur in prima epistola quam ad te conscripsi pag. nimirum 272. hujusce libri, & cap. 3. libri mei de aquis Borboniensibus, deprehendisset me per anticipationem ad suas objectiones respondisse.

Quod spectat ad bitumen quod accedit ad naturam sulphuris quodque est altera terræ pinguedo, igni cognatum, & quod ipsi obviam properat, continet substantiam oleaginosam quæ cum aqua facile permiscetur ; inde fit ut in aquis advectis nullum ejus vestigium appareat ; sed dato quod bitumen potuerit exactè cum istis aquis misceri : an verisimile esset semper æqualiter misceri, cum experientia doceat bitumen è fontibus interdum prodire plus vel minus, quod aquæ secum evchunt & abripiunt Non mirum igitur si harum substantiarum particule in thermis non percipiantur.

Uterius progredior atque assero non posse negari aquas Borbonienses esse bituminosas cum sint pingues, debebat legere vel denegare quæ cum Borbonio degerem observavi, quodque in libro quem de illis aquis conscripsi inserui. Hæc sunt mea verba cap. 3. pag. 61. *non dubitandum est inesse bitumen cum hac pinguedo quæ cum aquis cernitur in eis qui è balneo egrediuntur, non secus ac si oleo peruncti fuissent, nihil aliud*

sit quàm pars subtilior bituminis quæ cum aqua mixta est.

Scribit pag. 39. lib. sui de acidulis verba faciendo nihil inveniri neque in distillatione, neque in eo quod residet præter sales nitrosos vel communes. Si hoc verum esset hæc manus abluendo redderent asperas, quod ipsis commune esset cum aquis vitriolatis & aluminosis, sicque difficile esset internoscere quorum mineralium vel salium essent participes. Hæc omnia demonstrant omnes notas atque indicia quæ possunt exhibere substantiæ in his aquis contentæ, assè æquivoca & fallacia: sed adverte me epistolæ limites excedere, finemque huic imponendum esse hoc voto quo tibi ineunte hoc anno omnia fausta & foelicia precor. Vale Lutetiæ Parisiorum die prima Januarii ann. R. S. H. 1677.

*Dom. Givrii Doctoris Medici ad Dd̃m.
Guerinum Medicum Parisiensem*

EPISTOLA I.

*De mineralibus quæ aquas San reginenses
aquasve Forgenses ingrediuntur.*

VIR CLARISSIME,

Refers tuâ novissimâ epistolâ, te in marchasita, quæ è loco per quem aqua San-reginenses transfluunt eruta est, reperisse materiam albescentem & solidam, atque etiam limatura chalybis similem quæ aquâ forti affusâ colore non mutabatur; unde infers alteram esse mercurium qui sub terra sublimabatur occursu vitrioli aut aluminis; alteram esse antimonium; isthacque duo mineralia aquas San-reginenses probabiliter

ter subire, quod earum sedimentum ejusdem marchasitz maxime particeps esset. Lego præterea in tuo tractatu de arthritide pag. 175. aquas San-reginenses continere mercurium dulcem & antimonium: asseris etiam illud quod album in earum crassamento apparet, quodque in crystallos concrevit in fundo lagenarum, non esse alumen, cum sit insipidum, nec dissolvi possit, nec gallarum infusione aqua eo imbuta exalbescat. Nactus es in marchasita materiam albescentem quæ ex alumine, non verò è mercurio dulci promanat; atque etiam alteram materiam similem scobi chalybis, quæ à ferro non verò ab antimonio proficiscitur, quod non est mirandum, quoniam alumen semper ferro inest: vistamen antimonium aquas San-reginenses subire, quamvis nullum ejus principium in illis demonstrates; in illis etiam vis mercurium dulcem inesse, qui paratu difficilis est & plurimum salium permissione eger, quos ferre una tellus nequit: nisi principia istorum mineralium ex his aquis educta demonstrates, illa eorum compositionem ingredi non credam. Asseris crystallos qui in fundo lagenarum resident nullo sapore infectos esse, eos tamen degustando deprehendi parvam aciditatem astrictioni sociatam; dicis eos non liquefieri, nihilominus cum illas aquas distillavi, crystallos è fundo lagenarum educti fusi sunt & conversi in materiam albam terræ aluminis consimilem, pulvere verò gallarum in has aquas conjecto, albuerunt aquarum aluminosarum in modum; quapropter arbitror hos crystallos qui in aquis San-reginensibus coagulantur, aluminis naturam redolere, siquidem frigore nec non in humido, quemadmodum alumen condensantur & concrevant.

Clofseus pag. 114. suarum observationum su-

per aqua San-reginensi ait ejus hypostasim constare partim è lamellis albis tenuissimis, partim è gummi subrufo, salso, aculeato & æquè mordaci ac sal ammoniacum : itaque in his aquis neque antimonium neque mercurium dulcem observavit, & istæ lamellæ albæ possunt denotare portionem aluminis cum illis mixtam tam parvam ut ipsis nullum acorem communicet.

Pagina 176. ejusdem tractatus scribis aquas For-genses parum ferri & serè nihil vitrioli continere, dicis etiam injecto gallarum pulvere eas cervisia colorem indipiscere, neque nigrescere sicuti accideret, si solum vitrioli semigranum illis inesset. Vis quæso tibi communicem ea quæ de istis aquis accepi à Dom. Cattiero nuper illinc regresso. Ad me scribit suâ novissimâ epistolâ ibi tres scaturigines tribus distinctu crateribus lapideis inclusas esse : unam ab aliis duabus paululum distantem, quæ Cardinalis nuncupatur, quæ suâ vi suisque vaporibus cerebrum infestat, quæ etiam mineralium magis particeps esse creditur : alteram Regiam appellari qua transvehitur è qua egri bibere solent : tertiam Reginettam vocitari. 1. pene tepida est, cum manè hauritur ; 2. summo frigore potatores afficit ; & 3. serè pari frigore pradiata est, sed mineralis parum obtinet. Si gallam in 1. conjicias tineturam nigram suscipit ; si in 2. colorem violaceum, si in 3. serè nullam in colore mutationem patitur. Regia quoad gustum ad atramenti scriptorii saporem proximè accedit, dentes affligit cæterorum acidorum in modum. Reginetta fluit copiosius aliis duabus, & quamvis mineralis minus particeps sit, nihilominus plus rubiginis secum devehit, quàm alia due. Adjicit quoque se eruisse ex imo cratere Regia scaturiginis lapides ipsi firmiter adherentes quorum medium naturam silicis refert, estque in modum nuclei, quo superindutus est cortice petroso, glareoso, & mi-

nus duro, qui appositione concrevit. Arbitratur has aquas factas esse succo lapidescente, vel quodam sale ejus interventu isti lapides concresecunt: nam annotavit hujuscemodi lapides firmiter adherentes ductilibus lapideis per quos fluunt. Retulit unum ex istis lapidibus cum pluribus aliis qui ferri natura participes sunt, quique in viis proximis reperiuntur. Observavit etiam in scaturigine Cardinali vocata, quod antequam manè ejus aqua hauriatur, pellicula pinguis in illius superficie apparet, qua eandem aquam hauriendo dissipatur. Ex hac relatione cognoscis Vir Clarissime, Dom. Cattierum notasse aquas Fontigenes quæ transportari solent, prope scaturiginem gallarum infusione induere colorem violaceum, qui color à ferri spiritibus promanat, & si gallarum misturâ colorem cervicæ suscepissent, id factum est quod, dum transferebantur spiritus ferruginosi evanuerint à quibus aquarum mineralium vires & facultates pendent: quod aperte demonstrat aquas ex fonte ipso potastratitiis longè præstantiores esse. Cum etiam illas ferratas esse agnoscat, inde inferre possumus ipsas vitrioli expertes esse, siquidem vitriolum cum ferro in aqua coire nequit, quoniam illud destruit id ipsum aut in suam propriam substantiam, aut in cuprum transmutando, uti probavi tot rationibus, totque experimentis, tot in locis mei Arcani relatis. Quod pelliculam attinet, quæ in superficie aquæ Cardinalis apparet, dico sulphur esse mineralium quæ in illa dominium obtinent. Tandem huic epistolæ finem imponam, te certiotem faciendo me tui esse observantissimum. Vale Pruvini die 12. Octobris ann. Dom. 1677.

Dom. Guerini Medici Parisiensis Responsio ad epistolam 1. Dom. Givrii Medici in qua agitur de mineralibus quæ aquas San-reginenses aquasve Forgen-ses ingrediuntur.

VIR CLARISSIME,

IN litteris quas ad te scripsi principia chymica de industria supposui ut opiniones tuas impugnandi locus esset ; sed ut verum fatear, ea fictitia existimo, ut in mea adversus ipsamet non ita pridem evulgata dissertatione demonstravi, & quamvis revera subsisterent, nemo haftenus eorum in mistorum dissolutione agnoscendorum modum aperuit. Nam operæ est scire an principia ista simplicia sint vel composita ; si simplicia quibus accidentibus discernantur in mixto quod in ea resolvitur, aut saltem quas in certa coagmentatione qualitates impertiant, ita ut cum in eodem mixto dissimiles partes occurrunt saltem decernatur cujus majorem partem obtineat ; si composita, quâ consistentiâ, figurâ, & colore unumquodque insigniatur ac discriminetur, adeo ut his designetur tale principium cujus in omnibus mistis idem ingenium sit. At nullus scriptor huc usque in manus incidit qui hæc prorsus enuclearit. Quocirca non videtur ex iis principiis mineralium quæ aquis immiscentur perfecta cognitio haberi posse ; ideoque nulla ex iisdem argumenta petere debui quibus fidem facerem mercurium edulcatum & antimonium San-reginensibus aquis contineri, sed potius id comprobare eorum proprietatibus, quæ sunt respectu illius esse candidum,

hujus

hujus verò fuscum, & utriusque esse solidum & insipidum, nec aquâ stygiâ affusâ mutari colore vel dissolvi. Etenim cum in aquarum San-reginensium hypostasi ut & in pyritis quibusdam quæ effodiuntur in locis quos lambunt inveniantur corpora dictorum mineralium qualitatibus prædita, ista mineralia cum illis aquis misturam facere perspicuum est.

Nihilominus ex iis mercurium edulcatum excludere contendis, quod paratu difficilis sit, & plarium salium permissione egeat quos ferre una tellus nequit: sed quod arduum videtur homini, nihil negotii facessit naturæ, cujus opera quotidie demiratur; tum eadem tellus salem communem & chalcanthum admittit quæ ad mercurium expurgandum & in sublimatum dulce convertendum sufficiunt. Si libeat tibi legere caput 2. anatomix aquarum mineralium quam Rochas edidit, observabis quod aqua salis scaturigo permeando fodinam ærariam eam in chalcanthum viride commutabat, unde terram eandem sale communi & chalcantho refertam esse posse intelliges; moxque si oculos conijcias in caput 26. & 27. operationum chymicarum Davissoni, mercurii cum duobus hisce salibus sublimandi & edulcandi modum comperies.

Arbitraris San reginensibus aquis alumen inesse, quoniam exigui crystalli qui in ipsis concresecunt tuo sensu quid acidum habent, redigunturque in substantiam albam qualis est aluminis terra cum ex arte distillantur, ipsæque gallarum injectu albescent. Verum tamen crystallos de quibus agitur ipse degustavi insipidosque percepi, illaque substantia in quam abeunt potest esse præcipitatum album, quod se prodit cum atomi mercurii edulcati quibus constant diri-

dirimuntur, secernunturque discessu salis cuius interuentu coharebant. San-reginenses aquas gallarum infusione albescere non observavi; sed si ita est, verisimile videtur atomos mercurii edulcati qui per eas disperguntur sustinenturque sale aliquo obtusi acuminis, coactos & subdentes vinctione salis istius cum sale gallarum eas aquas albas efficere: si argenti vivi aqua stygia extincti pauxillum in aquae communis cyathum conjicias, moxque istius aquae parti in aliud vas leviter effusa ac limpidae aliquantulum aquae salae admisceas *εξέμα* istud candidum fieri deprehendes.

Ut nullum stibium aquis San-reginensibus contineri probes, ais doctissimum Du Clos in earum sedimento nihil invenisse praeter lamellas albas tenuesque, & gummi subrusum, falsum, aculeatum, & aequae mordax ac salamoniacum: sed fieri potest ut vir ille aquarum istarum stimmi violento igne alienaverit, rutillumque & gummosum effecerit: nam antimonium vulgari calcinatione rufescit, & cum sublimato calcinatum ut in pulverem emericum seu mercurium vitae confletur gummi speciem exhibet.

Quoad aquas Forenses, in meo de arthritide tractatu scripsi iis parum ferri fereque nihil chalcanti inesse, quoniam injecto gallarum pulvere eas cervicis colorem verè indipiscere vidi, expertusque sum aquae communis cyathum in quem scobis ferri & chalcanti viridistantulum gallarumque pulverem indideram, similem colorem exprimere. Miror quod asseras ferrum cum chalcantho non posse subsistere ex quo partim componitur; nam chalcanthum & sulphur minerale duntaxat ferrum constituunt. In istius metalli dissolutione duae tantum partes perci-

piun-

piuntur, una pinguis quæ rubra vel flava cernitur prout magis vel minus humectatur quam ferri sulphur appellas, altera lemper flava quam ferri terram nuncupas; at utraque chalcanthum & sulphur minerale complectitur, sed postremi plus illa participat. Si chalcanthum viride in aquæ communis cyatho per duodecim horas serves, videbis in fundo rubiginem quæ rubra vel flava apparebit prout magis vel minus diluetur; & quæ in arenam projecta eam perinde ut ferrugo tinget; unde concludes tuum sulphur tuamque terram ferri, nihil esse quàm chalcanthum, in quo paucum illud cœruleum quod substantiæ ejus flavæ junctum id viride præstabat, absorbetur vel saltem obscuratur sulphure fossili quod admiscetur; nam scobs ferri chalcanthi spiritu perfusa sulphureum odorem reddit; & chalybs seu defæcatum ferrum fabrili foco candefactus, moxque sulphuris frusto admotus liquefeit ob utriusque sympathiam. Neutiquam ergo dubitabis quin ferrum & aquæ ferreæ chalcantho consent, & cum fatearis Forgenses aquas ferri aliquid capere, easdem atramenti futorii quidpiam habere non inficias ibis.

Imo ad omnem tibi scrupulum evellendum, quia putas ferro alumen inesse, quod in ferraria materiam albam cum flava penitus commixtam deprehendisti, & ex ferramentis ultra annum aquâ maçeratis similia eduxisti, observes velim materiam albam in fodina flavam fieri veluti cum igni exponitur, teste Agricola l. 3. de ortu & causis subterraneorum pag. 4. cujus hæc sunt verba: *ex terra alba & ignita fit flava*; terramque flavam esse chalcanthum eodem authore lib. de nat. eorum quæ effluunt ex terra pag. 118. ita scribente: *aqua multum atramentosa quales ochra*; ac proinde ferrum ex chalcantho conflari.

Quod

Quod spectat ad id quod de aquis Forgensibus à Cattiero accepisse scribis, ansam præbes examinandi, unde calor iste qui in Cardinali dicta lentus est ac tepidus, in pluribus aliis tam luculentus, unde lapilli illi glareosi qui concresecunt in imo cratere ejus quæ Regia audit, & sistit ut & ceteræ minerales aquæ translata spiritibus orbantur, suntque ex fonte ipso potæ præstantiores.

Mea quidem sententia quod tepidam reddit ex Forgensibus aquis quæ Cardinalis dicitur, est quæ longulè à fonte fit actio spiritus nitri vel chalcanti in sulphur minerale aut sal fixum chalcanti quæ formant ferrum aliquod cui alteruter spiritus incidit, quodque aqua ista obiter allambit. Rochas cap. de aquis sulphureis notat juxta Vesulum montem qui nihil aliud videtur esse quàm nix & glacies, & ex quo versus Orientem scaturit Eridanus seu Padus non incelebris fluvius, se vidisse fontem aquæ mirum in modum æstuosæ & spumæ quæ eundo clarescebat saporemque fluendo deponebat continebatque lutum pingue ac læve, & sal ferè dulce maximeque fusile, atque detexisse luto igni ingesto sulphureum id esse, gustataque regionis illius terræ ac salis compertâ, judicasse sal istud insitum quoddam acumen habere, denique sale peculiari luto admoto ejus contactu fermentescebat conclusisse sal quod dulce videbatur, sed reuera aculeatum aquæ admistum & sulphurariam ingressum excitare spumofum illum æstum quo aqua illa turgebat quique in illa percipiebatur. Enim vero scobs ferri spiritu chalcanti perfusa incalescit, & ut jam dictum est sulphuris odorem spirat: & aqua stygia oleo tartari admista acidi & alkali pugnacitate seu pugnaciori agitatione fervet. Nihilominus concursio

sto acidi potissimum nitrosi & sulphuris quorum antipathia satis superque probata à Sennerto de constitutione chymia cap. 19. & contentio acidi & alkali non solæ sunt effeëtrices caloris qui in thermis sentitur : sulphur & bitumen quæ in terræ visceribus continuò ardent & flagent, iis etiam calorem impertiunt. Reperiuntur ferè ubicumque fontes calidi erumpunt : quædam etiam eorum odorem emittunt, aliæ vero bitumen reddunt : quales in Ciliciâ aquæ Lyparis fluvii cujus superficies innatantes ungit petinde ac si oleo essent delibuti teste Baecio lib. 5. de thetmis cap. 13.

In Syria lacus Judaici qui Asphaltites seu stagnum bituminosum, Sodomenum, mare salis, mare mortuum dicitur, quæ adeo salæ sunt & amata ut nec stirpium nec piscium genus ullum patiantur, & ita graves ut vel tauricè valens corpus attollatur etiamsi tota mole totoque pondere nitatur demergi, authore Galeno lib. 14. de simpl. med. facultate cap. 19. & in Gallia Botbonienses, imò etiam ex Reineto Solenandro lib. 2. de caloris fontium medicatorum causarumque temperatione cap. 6. quæ scaturiunt in prato quodam inter Claromontem veterum Gergobiam & Monferranum oppida vicina, quarum bitumine nigro terebinthinæ instar spisso accolæ loci consueverunt arborum stolones & teneriores ramos illinire, ne a capris quæ mirum in modum averfantur hoc bitumen carpantur dentibusque arrodantur. Quæ ætium inodolent suntque insipidæ & inodoræ (quales sunt quamplures de quibus Aristoteles 24. sect. problem. 16. Plinius lib. 3. cap. 6. Vitruvius 8. architect. cap. 3.) ab iis eminus calorem accipiunt, aut per ductus fluunt ad quos eorum vapores aditus non habent. Sulphur extracana-

stantum aquas exalfacit, bitumen vel in calidibus ipsis. Reinerus Solenander lib. 1. de cal. font. medic. caus. eorumque temper. cap. 14. post Augustinum & Montium refert apud Allobroges non longè ab urbe Gratianopoli fontem esse cujus aqua flammis stipata prodit. Aqua inefficax & invalida adversus ignem qui bitumine fovetur : ideo credibile quo Nero Romam vastare decreverat ejusmodi fuisse, utpote qui nec fluviali aquâ affusâ extinguere potuit, cujus rei locupletissimus testis est Cornelius Tacitus in fine lib. 13. annalium. Nil mirum ea mineralia perpetuò subsistere ; quippe verisimile idem accidere bituminosis & sulphureis terris ac nitrosis & chalcanthosis, at si ex duabus postremis salem omnino extrahas, easque aliquandiu dimittas, novus in iis generabitur. Imo constat in Ægypto quo tempore roscaturus est, hujusce regionis terram arcâ licet inclusam intumescere & ponderosiores fieri, unde quidam arbitrati sunt Nili exundationem pendere à nitrosa fermentatione, quam tamen alii acceptam ferunt fusis nivibus quæ in eum corrivantur. Nec etiam mirum ignem his fossilibus altum terrâ cui subest non obrui & suffocari ; hæc enim plena est immuneris cavitatibus, ut patet ex ventis sinu suo conclusis quibus aliquando jactant intremiscit, & ex omnibus qui alicubi se abdunt & delitescunt, ut alibi in conspectum se dent, veluti Alpheus qui in Peloponnesiaco litore se subducit atque clam in Sicilia in Arethusam fontem mutato nomine prorumpit, de quo Virgilius ita canit 8. Æneidos

— *Alpheum fama est hunc Elidis amnem
Occultas egisse vias subter mare, qui nunc
Ore Arethusa tuo siccis confunditur undis.*

Tum alter cujus mentionem facit Seneca lib.

3. natur. quæst. cap. 19. qui ex incerta plaga ad Loryma Cariæ urbem appulit, multosque pisces edidit, necis causam iis qui comederunt : & alii duo his versibus comprehensi

Sic ubi terreno Lyrus est epotus hiatu

Existit procul hinc alioque renascitur orbe,

Sic modo combibitur tecto modo gurgite lapsus

Redditur Argolicis ingens Erasinus in agris.

In hisce autem cavitatibus subterraneis ignis flagrat, à quibus flammæ fumosque evomit in varia loca quæ accuratissime describit Reinerus Solenander lib. 2. de calor. font. medic. causa eorumque temperat. cap. 3. Dicam in honorem Senecæ eum lib. 2. natur. quæst. scitè eleganterque sic effari : *adjice ignes non manifestos tantum & certos, sed opertos terris quorum aliqui erumpunt, innumerabiles in abscondito flagent, & in Pontani commendationem eum illi rectè assentiri his carminibus*

———— Late multum tellure sub ima

Debarbati ignem, & campos exurere apertos.

Errat qui credit minerales aquas calefieri à fervidis vaporibus qui admiscuntur, nisi velit in istis vaporibus admittere calorem à subterraneo igne profectum, dicereque cum Apuleo libro de mundo : *ignes qui terra secretariis continentur prætereuntes aquas vaporant & produnt, longinquitate flamma tepidiores aquas reddunt, viciniam ferventiores.* Nam aut illi halitus nihil sunt aliud quàm aqua à subterraneo igne rarefacta, aut sunt plures atomi aquæ, ignis, aëris & terræ, qui discedunt à corporibus quibusdam quæ corrumpuntur aut putrescunt : sol qui ne stagnum quidem exiguum per summos æstus excalfacere potest, non satis altè radios suos in terram vibrat maxime brumali tempore, ut subdita corpora in halitus solvat : aptè congruenterque Lucretius hos versus fundit

Quæ

*Qui queat hic subter tam crasso corpore terram
 Percuquere humorem & calido sociare vapore ,
 Presertim cum viv possit per tecta domorum
 Insinuare suum radiis ardentibus aestum.*

Inausque est qui comminiscitur halitus per angustos meatus eluctantes incallescere; liquidem fevidissimus aer qui per januarum rimas erumpit, & qui compressio ore redditur, frigidissimus evadit.

Censeo glareosos lapillos qui in imo aquæ Forgentis Regiæ dictæ labro proveniunt, adhærentque ductibus quos pervadit, oriri ex succo lapideo per eam fusio, qui corpus consociale natus cum ipsa coalescit, cogiturque in stypticâ & collectivâ chalcanti, vel summo ejusdem aquæ frigore. Reinerus Solenander lib. 2. de calor. font. medic. caus. eorumque temperat. cap. 6. refert se vidisse in agro Pisano in antro quodam montis San-Juliani prælongas in ipsis cæmetis ex eo concretas stirias, & in agro Lucensi juxta convallem dictum pagum in spelunca insigni distillantes guttas quæ in prægrandes columnas paulatim assurgebant. Iste succus à stirpibus quibusdam attractus eas omnino vel partim saltem lapideas efficit. *Visitur* (inquit Porta lib. 2. mag. natur.) *in quibusdam locis ut Georgius Valla refert qui per radices ipsas, truncum, ramos, folia, & flores in lapidem convertit. Nec mirum* (ait Falloppius de metallis & fossilibus) *vobis videtur herbas nutriri succo lapideo, quoniam corallus planta est que tamen cum ad maturitatem pervenerit lapidescit, quoniam lapideo succo alitur. Revera oculis patet corallii ramusculos primum virentes rubescere, durescereque temporis prolapsione, ut notat Ovidius*

*Sic & corallium quo primum contigit auræ
 Tempore duræscit, mollis fuit herba sub undis.*

Ideo

Ideo Græci λίθόδοντες seu lapideam atbusculam vocant. Etiam autopsia constat, seu perspicuum & visu exploratum est lithospermon saxea grana proferre. Ipsemet est succus qui ossa fossilia mole perampla, immania & portentosa parit, de quibus Goropius de Niloscopia lib. 3. fol. 242. ut & cochleas, buccinas, & conchulas lapidasas quas in Hetruria quamplurimis in agris aratro ab agricolis erui tradit Matthiolus comment. in lib. 5. Dioscorid. sed vix animum induxerim ex eo succo ortum ducere posse animalia viva, qualia conchyliis quæ ex saxis, malleis ferreis fractis educta se vidisse & gustu aquæ grata ac ostrea comperisse testatur idem author loco citato; crediderim potius ea progressa projectave inundatione quadam in terram aliquanto firmam, sed maximè declivem & cavam, in ea mox arefacta ac indurata permansisse, ut accidere consuevit piscibus terrenis ex Theophrasto libello de piscibus, & Polybio lib. 34. Historiarum. Idem succus cum thermis aliquando miscetur, ut notat Falloppius de metallis & fossilibus, his verbis: *circa parietes fontis balnei Aponensis concrevit in eo lapis, quoniam aqua illa habet in se succum lapideum*: sæpe etiam cum frigida aquis communicat. Reinerus Solenander loco suprâ laudato refert prope Avernorum Gergobiam fontem esse qui succi lapidescentis tantam copiam evehit, ut accolæ pontem ex eo substructum & aquæ cursum impedientem ligonibus quotannis diruere cogantur. Et non procul Vienna Allobrogum in vico quem Givret nominant fontem insignem & liquidissimum alioqui potu salubrem & suavem eo quoque succo lapides gignere durescentibus silicea soliditate quæcumque in ejus alveum projiciuntur; idque pro miraculo à quibusdam haberi quod

quod rusticorum ejus aquam biberet solitorum non obrigescant viscera, ut de quibusdam aliis legitur apud scriptores. Vidi ipse non ita pridem in vico duabus leucis Lutetiâ dissito, quem Seure appellant, Hypogæum fontem in cujus rivulis inveni arenam plurimam atque insuper materiam omnino lævem utrique labro seu margini adhærentem & per totum alveum extentam. Hæc in 5. vel. 6. lamellas dividua, insipida, friabilis, argenteis & stanneis vasis tergendis apta, dentibus fragilis, attrituque stridula, videtur esse arenula lapidescens orta ex lapideo succo diffuso per aquam cujus foetura est. Nam hæc aqua prædulcis est, coloremque inter album & viridem medium exhibet cum variante nubecula & hypostasi alba nummi crassitie, aliquanto postquam gallarum pulvis injectus est. In eo similis cæteris hujus tractus aquis, circa quem multæ lapicidinæ, multæ gypsi, cretæ, & lapidis calcarii fodinæ occurrunt. Prætereo alias omnes aquas succo lapideo foetas ac gravidatas quæ obvia corpora illæsiâ figurâ in lapides vertunt, de quibus fuse abundanterque Moëkiius lib. de causis concretionis, & dissolutionis rerum quarundam &c.

Verisimile Forgenses & reliquæ minerales aquas absque ulla spirituum jactura transferri posse in ampullis ex duplici vitro confiatis & strictè occlusis subere, cerâ Hispanicâ & vesicæ suillæ portiunculâ. Nam vitrum angustissimos meatus obtinet in eoque spiritus vini impense defæcatus, & hydrargyrum mirâ pernecitate velox, & ferè cuncta permeans conservantur; & vesica quælibet compagem habet arctissimam, utpote humoris acerrimi maximeque vapidi conceptaculum. Sed cur tantâ diligentia spiritus qui mineralibus aquis insunt tenebuntur? si-
qui-

quidem illi malefici notatissimique veneficio quo fossiores metallici & qui à fodinis non procul absunt inficiuntur : & cum vanescunt in auras quod in aquis mineralibus faculentum est subsidet , sic ut ferè nihil sapiant præter sale^m quemdam , qui acumine , siccitate & stypticâ vi efficit , ut crassos humores diluant servato partium tono , nec in ventriculo intestinisque morantur cum vomitus aut dysenterix immedicabilis discrimine. Revera eæ minus alvum solvunt ac subducunt , sed viscidos humores penitus subeunt & incidunt quos postea vel leviori pharmaco educere promptum est , & multò efficacius per sudores & urinas corpus evacuant. Unde concludo minerales aquas ex fonte ipso potas non meliores esse quàm tralaticias.

Cæterum tibi citius respondiſsem nisi rusticus essem cum ultimam misisti epistolam quam nonnisi à quindecim diebus accepi : ne me ergo incuriæ insimules , sed tibi semper ad omnia paratissimum credas. Vale Lutetix Parisiorum sexto Id. Novembris ann. Dom. 1677.

Authoris Responsio ad epistolam I. Dom. Guerini Medici Parisiensis , in qua agitur de mineralibus quæ aquas Sangerinenses aquasve Forgenses ingrediuntur.

VIR CLARISSIME,

PRincipia chymica fictitia existimas , tuam sententiam haud dubiè mutabis , modo legas ea quæ de ipsis conscripsit N. Faber in sup tracta-

tu de chymia, in quo ista principia clare dilucideque probantur & explicantur: ego vero horum ministerio tanquam medio optimo utor quo naturam & essentiam mixtorum in apertum proferam.

Ad sublimandum & edulcandum mercurium ope vitrioli & salis communis me remittis ad cap. 26. & 27. operationum chymicarum Davissoni, qui sublimatum corrosivum facit hocce modo. ℞. Mercurii crudi, sale & aceto repurgati, & per linteum trajecti ℥. j. vitrioli communis calcinati inter album & rubrum ℥. ij. salis communis decrepitati ℥. j. Redige vitriolum & salem in pulverem subtilissimum, ut facilius incorporari possit mercurius ad minima. Ut vero dulcificetur. ℞. Mercurii corrosivi ℥. j. pulverisa subtiliter in mortario vitro, aut marmoreo cum pistillo vitro, aut ligneo, adjiciendo per vices mercurii crudi quantum imbibi possit ab ipso, agitando semper in mortario, quousque mercurius crudus evanuerit. Tunc pone hunc pulverem subtilissimum in mortario colli longi, & igne cineritio sublima. Processus hic reiterari debet ad duas vices, diminuendo tamen dosim mercurii, eadem lege, ut supra. Fateor equidem naturam sæpe opera edere multo præstantiora quam homines, sed non opinor illam in terræ visceribus nancisci ea omnia quæ ad sublimatum edulcandum sunt necessaria, neque illam bis hanc operationem reiterare omnibus adhibitis conditionibus in ipsa perficienda requisitis, nempe mercurii quantitatem minuendo: & illud opus longè magis fictitium mihi videtur quàm principia chemica. Præterea si aquæ San-reginenses mercurium edulcatum continerent lvi veneræ, hydropisi, & paralyssi mederentur juxta Davissonum, dicit enim tu-
tum esse ejus usum in morbis veneris, in hydrope, &

paralyfi : nihilominus cùm versabar in ea Burgundix urbe quam nostrates *Noyers* appellant , vidi agros qui ab istis aquis redibant syphilide maximè infestari , imò chirurgus hujusce urbis me certiores fecit seipsum ab eo affectu sanasse plurimos qui San-reginensibus aquis incassum usi fuerant. Quod hydropem & paralysem spectat , nullum rescivi agrotantem his morbis liberatum fuisse spatio quatuor annorum quibus Nuceriis commoratus sum , quæ urbs decem tantum leucis à San-reginensi oppido distat. Præterea Mercurius dulcis sæpissime salivationem excitat , quapropter Davissonus de eo sic loquitur , *si cupias exhibere absque salivatione , debes admiscere alicui cathartico ; nempe dimidium dosi pilularum coctiarum vel sine quibus ; cùm verò in his aquis nullo cathartico sit involutus , salivationem ciere deberet , quod tamen minimè annotamus in iis qui eas deglutiunt : cum vero istud remedium sit violentum catharticum , hanc vim purgatricem istis aquis impertiri deberet , quæ tamen leviter purgant.*

Asseris quoque te degustasse exiguos crystallos qui in aquis San-reginensibus concreverunt , eosque insipidos percepisse , ego verò illos parva aciditate astrictioni sociatâ donata esse senti ; dicis etiam substantiam albam in quam abeunt posse esse præcipitatum album , quod se prodit cùm atomi mercurii edulcati quibus constant dirimuntur secernunturque discessu salis , cuius interventu cohærebant. Davissonus illud hocce modo præparat. *℞. Mercurii ℥ j. vel ij. repurgetur sale & aceto , transcoletur per linteum duplicatum , aut per corium. Pone in matratio colli longi , adde aqua fortis ℥ iiij pone in loco calido ad digerendum per horam unam , & dissolvetur omnino mercurius per aquam fortem. Quem cum aqua fortis aufer per inclinationem , & pone in vase amplo , & la-*
P 2 orifi-

orificii. Tunc guttatim affunde super aquam tuam fortem mercurio onistam olei tartari, aut sulis dissoluti, aut cinerum clavellatorum \mathfrak{z} ij. plus minus. Post parvam effervescentiam que excitatur à motu salis tartari & aqua fortis, videbis omnia confundi, & transmutari in lactis albedinem. Tunc affunde aqua fontana limpidissima \mathfrak{lb} ij. vel iij. & illico videbis mercurium subsidere in consistentiam spissam, & albam, & impalpabilem, super quam multa ablutiones debent reiterari, quas postea auferre debes per levem inclinationem. Quis imaginabitur præcipitatum album tam facile efformari in aquis San-reginentibus, siquidem in sua præparatione tanto labore totque diversis operationibus eget? Quis credet in iisdem aquis mercurium edulcatum in crystallos verti qui in præcipitatum album facessunt? illud incredibile opinor, verum quidem est alumen in aqua coagulari, sicuti sæpe expertus sum. Præterea istud remedium adeo violenter purgat, ut major pars Medicorum illud intus scrupulose exhibeant, unde ista aqua perniciosissima forent, si ipsis admisceretur.

Non observasti aquas San-reginentes gallarum infusione albescere: si hujus rei periculum facere vis, me veracem esse comperies, dein mecum consenties alumen harum aquarum compositionem ingredi, siquidem fateris tuâ primâ epistolâ pag. 90. mei Arcani omnes aquas aluminosas gallarum aspersione exalbescere. Neque necesse est dicere, si argenti vivi aquâ stygiâ extincti pauxillum in aqua communis cyathum conjicias, moxque istius aqua parti in aliud vase effusa ac limpidâ aliquantulum aqua salsa admisceas, ~~regius~~ istud candidum fieri deprehendes: sed tot laboribus totque diversis modis omissis, si alumen aqua vulgari dissolvas, atque illi gallam admisceas, hæc aqua illico albescit.

Re-

Refers ut nullum stibium aquis San reginensibus contineri probem me dicere Doctissimum Du Cloi in earum sedimento nihil invenisse præter lamellas albas tenuesque, & gummi subrusum, salsum, aculeatum, & aquè mordax ac sal ammoniacum. Deinde ais fieri posse ut vir ille aquarum istarum stimmi violento igne alienaverit, rutilumque & gummosum effecerit: nam antimonium vulgari calcinatione rufescit, & cum sublimato calcinatum, ut in pulverem emeticum seu mercurium vitæ conficitur, gummi speciem exhibet. Isthæc omnia longè discrepant ab iis quæ Closeus in his aquis adinvenit; præterquam quod mercurius vitæ est medicamentum violentissimum quod istas aquas ægris infestissimas redderet, quæ è contra ipsis utilissimæ & saluberrimæ existunt, quod immunes sint ab omnibus istis mineralibus malignis & perniciosis quæ illis admisceas, ego verò tantummodo ferrum & alumen in ipsis reperio, quæ sunt mineralia benigna & proficua morboris affectibus quos sanant.

Quoad aquas Forgenses in tuo de anthritide tractatu scripsisti iis ferrum & chalcanthum inesse, quoniam injecto gallarum pulvere eas cervisiæ colorem indipiscere vidisti, expertusque es aqua communis cyathum in quem scobs ferri & chalcanti viridis tantulum gallarumque pulverem indideras similem colorem exprimere. Istud experimentum non infirmat veritatem eorum quæ annotavit Cattierus, nempe prope scaturigines Forgenses aquas quæ ex his fontibus hauriuntur, ut aliò transferantur, gallarum misturâ colorem violaceum induere, qui color à ferri spiritibus promanat; si verò injecto gallarum pulvere eas cervisiæ colorem indipiscere vidisti, id fit quod, dum transportantur, spiritus ferruginosi evanuerint, à quibus aquæ minerales potissimas suas virtutes & facultates

acceptas habent : quod apertè demonstrat aquas è fonte ipso potas longè meliores esse translatis.

Miraris quod asseram ferrum cum chalcantho non posse subistere. Ut istud dubium explana-rem tot experimenta , tot rationes , totque authorum testimonia adduxi , ut ipsis nihil addam amplius , donec aliquis isthæc omnia evertit : nihilominus tamen abstinere non possum quin respondeam ad id quod refers *me in ferraria materiam albam cum flava penitus commixtam deprehendisse , & ex ferramentis ultra annum aquâ maceratis similia eduxisse*. Deinde rogas me ut ob-tervem materiam albam in sedina flavam fieri , ve-luti cum igni exponitur , teste Agricola lib. 3. de ortu & causis subterraneorum pag. 4. cujus hæc sunt verba: *ex terra alba & ignita fit flava ; terramque flavam esse chalcanthum eodem autore lib. de natura eorum qua effluunt ex terra pag. 118. ita scribente : aqua multum atramentosa quales ochra ; ac proinde fer-rum ex chalcantho constari*. Cum loquor de terra alba quam è ferraria eduxi ; & è ferramentis ultra annum aquâ maceratis , loquor de terra cum ferraria & cum ferramentis naturaliter commixta , quam à terra flava sejunxi , nec i-deo quod igni exposita possit alterari & colore mutari , illam in chalcanthum transformari arbitror : scobem enim ferri calcinavi 1. eam multoties aquâ irrorando & movendo , deinde igne admoto ; demum illam aquâ lavi , quâ discussâ nihil chalcanthi superfuit ; vis tamen ex eo constari ferrum , à quo tantum duæ diver-sæ terræ , à chalcantho verò decem colore diffe-rentes educuntur. Experiri volui an illud quod litteris consignavit Agricola veritatis quid conti-neret , nimirum *si ex terra alba & ignita fiat flava*, utque id cognoscerem superposui igni crucibu-lum

lum illique indidi terram albam è ferramenti diu aquâ maceratis extractam , nec non etiam eam quam segregavi à terra flava nostrarum aquarum mineralium , & neutra earum , ardore ignis flava facta est , sed illarum albedo in colorem griseum nigricantem versa est , quapropter fides non est adhibenda iis quæ authores litteris mandant , nisi experientiâ confirmetur : in meam certè sententiam descendes , si , postquam attentè consideraveris quàm multi authores chalcanthum ferri & aquarum ferratarum compositionem subire asserunt , in mentem revoces non solum Doctores in Academia Regia aggregatos (ut refert Closeus in suis observationibus super aquis mineralibus) sed & meipsum omnibus nostris experimentis nihil chalcanti in ipsis reperisse.

Ille omnia (quæ spectant ad causam caloris thermarum , & lapillorum glareosorum quæ in imo aquæ Forgensis Regiæ dictæ labro proveniunt , quos censes oriri ex succo lapideo per eam fuso qui corpus consociale nactus cum ipso coalescit , cogiturque vi stypticâ & collectivâ chalcanti , vel summo ejusdem aquæ frigore) eo animo te conscripsisse arbitror , ut tuam scientiam tuamque magnam doctrinam ostentes , quoniam de hisce rebus nulla inter nos dissensio est.

Quæris à me cur tantâ diligentia spiritus qui mineralibus aquis insunt conservantur ? siquidem eorum dissipatio potatoribus est admodum proficua , quæd sint maligni notatissimique veneficio quo fossiles metallici & qui à fodinis non procul absunt inficiuntur , & cum vaneſcunt in auram quod in aquis mineralibus faculentum est subsidet , sic ut ferè nihil sapiant præter saltem quemdam , qui acumine , siccitate , & stypticâ vi efficit , ut crassos humores diluant , servato par-

tiam tono , nec in ventriculo intestinis se morentur cum vomitus aut dysenteria immedicabili discrimine. Revera ea minus alvum solvunt ac subducunt , sed viscidos humores penitus subeunt & incidunt quos postea vel leviori pharmaco educere promptum est , & multò efficacius per sudores & urinas corpus evacuant. Unde conclusio aquas ex fonte ipso potas non meliores esse quàm tralatitias.

Ad quod respondeo deperditionem spirituum aquarum mineralium potatoribus non tam esse proficuum , quàm tu ipse contendis , cum omnes authores qui de aquis mineralibus pertractarunt inter se conveniant , has aquas vim suam præcipuam à spiritibus trahere , qui animæ instar , ipsarum actionem dirigunt adversus morbos , easque adeo permeabiles reddunt , ut per ductus etiam angustissimos transeant ad omnes partes quibus sua virtus est necessaria. Ita eos laudat Sebizius posit. 46. 47. 48. & 49. dissert. 5. sect. 1. In Tabernamontau opinione quadam placent , quadam displicent. Placet primum quod aquas metallicas spiritibus metallorum inebriatas ferunt : earumque vires potissimum spirituosæ substantia assignat. Sunt enim spiritus corpora subtilissima , levissima , penetrantissima , ideoque valde virtutis atque efficacia. Et experientia testatur , aquas quæ spiritibus divites sunt atque abundantes , citius , facilius , potentiùsque operari , quàm quæ egestate illorum laborant. Et corollar. 1. posit. 1. dissert. 5. sect. 1. De spiritibus mineralium aquarum multus hæcenus sermo fuit dictumque eos velut animam aquarum esse : & posit. 5. ejusdem corollar. citò spirituosæ aqua virtus evanescit , cum alio transportatur. Ais illos spiritus esse malificos notatissimosque veneficio quo fossores metallici inficiuntur. Equidem fateor quædam mineralia vaporibus malignis fossores metallicos inficere , & ista mineralia suâ missione aquas

non salubres, sed è contra agris infestas reddunt: aquæ verò maxime salutiferæ sunt quæ alumen & ferrum in se continent, quorum spiritus optimi & beneficentissimi sunt. Si verò spiritus qui aquis mineralibus insunt, venefici essent, qui eas ex fonte bibunt ipsis non juvantur, sed ex iisdem multum detrimenti caperent, quod tamen experientia refragatur, quâ planum est aquas è fonte potas longe meliores & salubriores esse transportatis: quod non solum meis oculis conspexi, verum etiam rescivi à plurimis hominibus fide dignis, qui asseruerunt aquas San-reginenses è scaturigine haustas sibi magis profuisse quàm tralatitias, quod nullâ probatione indiget, cum testes habeamus omnes hydrographos, & cæteros qui has aquas non solum juxta fontem, sed etiam in locis multum ab eo distitis biberunt.

Dicis aquas translatas nihil sapere præter salem quemdam, deinde addis eas minus alvum solvere ac subducere: nihilominus tamen potes legere in epistola Dom. Foveti Doctoris Medici omnes sales esse catharticos quorûm vis præcipua est alvum subducere & crassa excrementa eliminare. Asseris quoque illas multò efficacius per sudores & urinas corpus evacuare, quod persuasum non habeo, quoniam ab earum sulphure sudores cientur, quod à corpore aquæ separatur ut ejus summum occupet, cum aliâ aqua transportatur, unde virtus illius admodum minuitur quæ major erat eo tempore quo cum spiritibus junctum & mixtum erat, quibus discussis sudores & urinæ minori in quantitate effluunt. Quis nescit in urinæ suppressione nos uti spiritibus mineralibus tanquam præstantissimo remedio ad illius provocationem? ego quidem in hoc morbo illos præscribo cum agrilevamine,

idcirco concludo aquas spiritibusurgidas juxta scaturiginem potas multò meliores esse quàm tralatitias.

Ut hanc difficultatem explanem in medium afferam experimentum à multis jam annis à me peractum : nimirum lagenam nostrâ aquâ minerali implevi , eamque strictè occlusi subere cerâ Hispanica obducto , dein illam in cella subterranea reposui , ubi aqua clara ac limpida toto anni spatio permansit , tum ex eo loco illam eduxi , & in meo muszolo tabulæ imposui , ut istius aquæ mutationes observarem , cùm lagentus exliccata est , ejus pori aperti sunt qui tamdiu humiditate cellæ subterraneæ obturata exti fuerant , hisque angustis meatibus reclusis , spiritus aquæ mineralis , qui sunt subtilissimi & penetrantissimi , in auras evanuerunt : tunc vidi substantias minerales sese à corpore aquæ ejungentes , nempe sulphur ad summum sese attollendo , terram verò sese præcipitando ad imum : hoc experimento planum fit , quod , etiamsi lagenæ transportationi aquarum mineralium inservientes strictè occludantur , nihilominus illarum spiritus ita cohiberi nequeunt , quin trans poros vitri eorum jactura fiat , unde substantiarum mineralium à sese invicem separatio sequitur , & aquarum vires & facultates admodum minuuntur.

Existimo plenè tibi persuasum fore meam erga te benevolentiam nihil detrimenti passam esse his disceptatiunculis , cùm te certiolem fecero me tui esse amantissimum. Vale Pruvini diç 25. Januarii ann. Dom. 1678.

Dom. Guerini Medici Parisiensis Responsio ad 2. epistolam Dom. Givrii Medici.

VIR CLARISSIME,

Miror quod contendas naturam edulcatum mercurium non posse conficere quæ minium molitur, quod non minus paratu difficile est, siue in argentariis & plumbariis inveniatur, ut astruit Plinius lib. 33. cap. 7. in hunc modum: *est autem alterum minii genus in omnibus ferè argentariis itemque plumbariis quod sit exusto lapide venis permixto: siue in argenti fodinis reperiat, ut asserit Brassavolus in exam. metal. his verbis: minium duplex est, nativum florido colore insignitum & factitium, in venis argenti vivi gleba d. d. & nuncupata effoditur subruffo colore quæ circa se rubrum pulverem habet, hic pulvis verum est minium.* Nam quod in plumbariis invenitur, fieri non potest nisi ex plumbo spiritus cujusdam acidi vi attrito, redactoque in cerussam, quæ diutina cõstione rubescit, abitque in id quod Galenus, Dioscorides & Agricola Sandycem vocant, Plinius & Vitruvius adulterinam Sandaracham. Quod vero in argenti aut mercurii fodinis reperitur, fieri nequit modo simpliciore, quàm ex argento vivo aqua stygiâ soluto & actiuoso igne siccato instar præcipitati rubri, aut ex hydrargyro & sulphure commixtis & concoctis in formam cinnabaris, cujus præparatio sic exarata extat apud Cardanum lib. 5. subtil. pag. 174 *sulphur in ollam pone, liqua, duplum adde argenti vivi, perpetuo misce donec argenti vivi nulla species appareat, inde refrigerari permitte. Denuò verò excoques, & sensim usque quo non strideat, tunc autem ignibus auctis idem coquere expedit donec exeat*

rubrum sumus ; sic paratum faciet ad scribendum ac pingendum rubro colore nativamque cinnabarim amulabitur. Alii modi quibus mercurius rubido colore afficitur , ut cum redigitur in præcipitatum diaphoreticum , aut in sublimatum rubrum non corrodens , quod Paracelsus Arcanum corallinum vocat , impendio magis operosi sunt. Certum est verum minium ex argento vivo conflare , siquidem in Oriente & in Africa , ubi illud non conspicitur , hoc etiam non producitur , teste Agricola , lib. 2. de vet. & nov. metal. Atque ex minio complures argenti vivi stillæ manant cum ejus vena ferramentis tunditur , & è terra eruitur : cujus rei idoneos authores habeo Vitruvium & Matthiolum , quorum prior lib. 7. architect. c. 8. ita habet. *Foditur gleba quæ arbesçit dicitur antequam tractationibus ad minium perveniat , vena uti ferreo magis subrufo colore habens circa se pulverem rubrum : cum id foditur ex plagis ferramentorum crebras emittit lachrymas argenti vivi quæ à fossoribus statim colliguntur : alter comment. 5. in lib. 5. Dioscor. cap. 69. sic loquitur : fossilis est lapis purpureus ad rubedinem declinans , hematida lapidi amulus , non admodum durus , impensè tamen gravis , tanto plerumque argento vivo pregnans ut per sese nullâ ignium vi guttatim extillet , & paulò infra subdit : nos equidem hoc vidimus in hydria montis fodinis ubi plerumque evenit ut vulneratâ ferramentis venâ argentum vivum fonticuli instar in sua stratam defluat humum.*

Ais quod si aquæ San-reginenses mercurium edulcatum continerent , lui venerex , hydrophici , & paralyti mederentur , quodque nihilominus cum versabaris in ea Burgundiæ urbe , quam nostrates Noyers appellant , decem tantum leucis à San-reginensi oppido distita , videristi ægros qui ab istis aquis redirent syphilide maximè

ximè infestati , imo chirurgum hujusce urbis te certiore fecisse seipsum ab eo affectu fanasse plurimos qui San-reginensibus aquis incassum usi fuerant. Addis quod si istæ aquæ mercurium edulcatum haberent , ptyelismum excitarent nullo cathartico ei obicem nectente , aut saltē pronam & præcipitem alvum redderent. Verū respondeo aquarum San-reginensium mercurium ita fixum & edulcatum esse , ut vix ad desiderandum aliquanto magis quàm ex naturæ instituto stimulet , multum abest ut alvi profluvium moveat , aut ptyelismum 20. aut 30 dierum: quod præstandum ipsi esset ad syphilidis curationem , quæ Apollini malè morigera sic interdum mercurium ludit , ac ad eam persanandam postera evacuatio renovari debeat , cui moliendæ vix par est mercurius edulcatus nisi ejus grana 35. semel assumantur. Ideo vix eo fine adhibetur , sed potius in usum veniunt pilulæ mercuriales dictæ quibus pro quaque dosi mercurii sex septemve grana immiscentur , quæ præcipitatum album cujus ad diem septem octove grana capiuntur , aut emplastrum Vigonis cui mercurii ter amplius adjicitur quàm vulgo recipit , quodque spinæ & articulis admoveatur , aut unguentum ex axungia suilla & hydrargyro ita subactis ut id non appareat , quo dictæ partes fricantur , sic ut quaque die illius uncia quatuor , hujus verò scrupuli duo usurpentur , frictioque mercurii uncia tres , quatuor , quinque , sex , septemve comprehendere queat. Quod spectat ad hydropem , sanari potest usu mercurii & aquarum San-reginensium , cum ortum habet ab obstructione vel abscessu mesenterii , aut ab obstructione scirrhone hepatis vel lienis , non autem cum procedit à ventriculi intemperie summè frigida , aut impense calida hepatis , aut ab astringe-

ctione renum natalitiâ vel abscessus consecutaria, aut ab erosione partis alicujus ut pulmonis in phthisicis, aut à fissu ejusdem alteriusve partis seu asclela levioris vulneris, vel immodicæ siccitatis sive ariditatis quæ manat à vino præsertim meraco liberalius hausto, febribus ardentibus, longis hæmorrhagiis & diarrhœis seu sanguinis & alvi profluviiis, aut denique ab ureterum ruptura calculo maximè aspero contracta. Quoad paralysem iisdem remediis discuti potest cum pendet ab obstructione, constipatione, tumore, aut densatione nervorum, non verò cum inducitur defectu potentix naturalis movendi, quæ consistit in modo quodam temperamenti, seu certa commodatione nativi caloris quâ certus spirituum numerus producitur ea energia & figura quâ nervos subeant & intendant, aut cum parentem habet laxitatem nervorum ob quam ad eos implendos ac intendendos major spirituum numerus requiritur quàm is quem producere natura consuevit, aut cum oritur ab hydrope cujusvis ventriculi cerebri qua illius magnitudo sic augetur ut nervos comprimat & spirituum com meatum impediat. Porro credibile est si hydropicis & paralyticis qui degebant in San-reginensi oppido dum versabar in ea Burgundiæ urbe quam nostrates *Noyers* appellant, San-reginenses aquæ nihil profuerint, id factum est quoniam ea erat indoles morborum quibus tenebantur, ut usa mercurii nullo modo levare possent.

Est modus conficiendi præcipitati albi multò facilior quàm is quem ex Davissono attulisti; nec enim eo fine necesse mercurium mundare cum aceto & sale, & per linteum aut corium exprimere, sed sufficit aquâ stygiâ solvere, mox aquam salinam affundere; tum pluries aqua com-

communi perluere, demumque desiccare. Cum mercurius aquâ stygiâ solvitur abit in exiguos crystallos qui aquâ falsæ occursum in pulvisculum eximiè candidum concedunt. Quin etiam cum mercurius dulcisin retorta paratur, in ejus medio crystallos quidam pellucidi apparent qui servantur, & in alembici vertice pulvis quidam extat partim albus, partim niger qui rejicitur; quapropter miror te adduci non posse ut credas mercurium edulcatum verti in crystallos qui in præcipitatum album facefiunt. Medicamentum istud acrominiâ non exutum deleterium est; sic cum theriaca sumptum per pilulas exitio fuit quartanario de quo Palmarius de morbis contag. lib. de hydrarg. cap. 6. sed castigatum non ita noxium & infame est, ut existimas. Quercetanus in consilio de lue venerea, de eo sic habet: postmodum præcipitati præparatio in aqua forti ejusdemque usus inventus est, quod præcipitatum à nobis omnino improbatur, quamvis diversis aquis ablutum ad eliciendam omnem aqua forti acridinem ad decem aut duodecim grana à nonnullis exhibeatur cum theriaca mixtum. Et factum est interdum ut adeo perfectè edulcoratum & ab omni acrimonia aqua forti separatum, ut nullum vomitum provocarit, sed sudores tantum & sedes aliquot, horum præsertim pomeridianis. Quo sanè remediis genere plures etiam contumacissima atque inveteratissima lue illa laborantes felicissimis auspiciis sanatos fuisse compertum est. Commentarius Beguini lib. 2. de elem. chym. c. 13. astruit mercurium ablutum & edulcoratum non prorsus acrimoniâ spoliari, sed quæ ipsi superest post accuratam abluitionem ita hebes est, ut ex ea nullum discrimen impendat. Si in totum abdicarentur quæcumque reconditam acrimoniam habent, multa alimenta & medicamenta respuerentur; nam panis exempli gratia non modo

do dat aquam limpidam & dulcem, sed etiam oleum acerrimum & salem fixum qui cauterii vice fungi posset. Ex cassia eliciuntur aqua & oleum quæ ad aquam stygiam proximè accedunt, & sal quod linguam eadem ferè celeritate vellit quam arsenicum. Et saccharum ac mel aquam suppeditant mirè corrodentem & quæ solvere metalla potest. Eodem modo se res habet respectu ejus quod acre est in alimentis & medicamentis, ac respectu acidi, amari, salsi, & aliorum sexcentorum quæ corpori humano insunt, autore Hippoc. lib. de vet. medic. *quæ si bene miscentur* (inquit ille Medicorum coryphæus) *hominem non laedunt.*

Nescio cur antimonium & mercurium mineralia maligna & perniciofa autumas, siquidem coniecta in aquam quæ mox aliquandiu decoquitur ipsi vim diaphoreticam impertiunt quæ pertinaces obstructions innocenter expedit; atque alterum magni momenti est ad moliendas crises subita evacuatione in morbis acutis & malignis, alterum magnopere valet ad averruncandas strumas, luemque veneream, non modo cùm se prodit cæthymatis rotundis, rubris, duris, nec suppurantibus, quæ extant in universo corpore, quandoque in fine palati, sed potissimum in capite & condylomatis naturalium, exostosisque ac carie ossium; sed etiam cùm se induit in arthritidem, omni diritate atque immanitate deterrima cephalalgia stipatam quæ noctu efferatur, nec ordinariis remediis cedit, & atrocissimo occipitii tumore cujus sævitia non remittit nisi sub admotione emplastri Vigonis cum mercurio parati. Quin etiam fieri posset ut minerale istud carcinomâ profligaret, quod videtur esse congeries quædam in parte glandulosa aut carnosa ejus quod est in syphilide

philide nocentissimum. Pluta non dicam pro apologia antimonii & mercurii, nam quoad primum videre potes quæ in ejus commendationem scripsit Renaudotus Doctor Medicus universitatis Parisiensis & Serenissimi Delphini archiater in libro qui inscribitur antimonium vindicatum & triumphans; & quoad alterum penes te est legere quæ pro eo allegarunt Cæsius de mineral. lib. 5. cap. 2. sect. 3. & Sennertus de lue venerea cap. 21.

Affers te autoplia comperisse Agricola halucinatum esse dum scripsit: *ex terra alba & ignita fit flava*, sed Reinerus Solenander Agricolæ astipulator lib. 2. de calor. font. medic. causa eorumque temperatione cap. 9. tibi obstat & refragatur hoc modo: *verum saepe etiam terram albam ad hunc gradum pervenire arbitror: nam ea successu temporis in terra visceribus videtur in ochram transire: hac deinde in rubricam, rubrica in synopicam quæ tandem ferrum eliquandum concedit: quam rerum inter se permutationem, vel si libet dicere successionem etiam nostris experimentis comprobamus. Nam alba illa terra nostro etiam igne evadit nonnihil lutea: ea deinde rubrica, & cætera sic ex ordine licet omnia minus perfecte.*

Obtrudis aquas maximè salutiferas esse quæ alumen & ferrum in se continent quorum spiritus optimi seu beneficentissimi sunt; sed ad spiritus aluminis Plinius lib. 31. cap. 3. eos culpat ac criminatur his verbis, *depressis puteis sulphurata vel aluminosa putearii necant.* Cæsius de miner. lib. 1. cap. 5. sect. 1. p. 46. addit horum mineralium malitiam tantam esse ut demissam lucernam extinguat nec nisi foliis avertatur. Et Matthiolus comment. in lib. 5. Dioscor. cap. 83. pag. 1369. notat alumen effodi aperto undique cælo non concameratis cuniculis, perinde ac sulphur
&

& chalcanthum quorum halitus exitiosi & internecini eodem autore qui dicto commentario cap. 83. pag. 1359. de sulphure ita habet : *foditur apertò undique cœlo non in cuniculis & subterraneis specubus , in his namque tum vehementi calore tum fœtidissimo terra halitu fossores illico deperirent : &* cap. 74. pag. 1363. de chalcantho sic effatur : *hoc dum foditur fœtidum graveolentemque halitum eructat sulphur ferè instar , quam ob causam conclusis concameratisque cuniculis nunquam foditur , sed apertò undique cœlo , quippe si subterraneis federetur speluncis metallorum modo ob acerrimum fœtidissimumque vaporem fossores noxiò concluso spiritu facillè interirent.* Quoad spiritus ferri quod conflatur ex sulphure & chalcantho , ut præcedente epistola demonstravi , æquè perniciosi & funesti sunt ac illi qui istis mineralibus insunt : quin etiam fieri potest ut mercurii participes sint , ex quo metallum istud plurimum Chymicorum sententiâ consistat , & cujus maligna expiratio (ut misèrè experiuntur inauratores qui in suis operationibus eum adhibent) tremorem , stuporem , paralytim , aphoniam & asthma inducit , imò & necem infert si diu excalfactus & oclusus fuit autore Ponzetto lib. 2. de ven. quapropter scitè Plinius lib. 3. histor. natur. cap. 3. *As inaurari argento vivo aut certe hydra gyro legitimum erat , utraque species pestilentem exhalat odorem auramque plane exitialem.* Ex iis quæ jamjam à metallata sunt de alumine & ferro facillè colligere est aquas quæ ea admittant valde noxias esse. Insuper istis aquis immisceri possunt alia mineralia quæ mortiferam auram spirant , cerussa E. G. cum aluminis terra misturam facere potest , ut sandarachæ cum eo quod ferri sulphur nuncupas , auripigmentum & lithargyrus cum eo quod istius metalli terram appellas : at verò cerussa & lithar-

thargyrus plumbi qualitates participant, de quo Plinius lib. 3. cap. 16. his verbis : *dum coquitur plumbum munienda foramina sunt, alioquin plumbi è fornacibus halitus noxius sentitur & pestilens & canibus acyffimè* : sandarach vero & auripigmentum quæ ambæ species nativi arsenici (nam arsenicum album seu crystallinum & realgar factitia sunt) virus habent quod vitam adimit aut mentem alienat iis qui eo cum unguento misto corpus scabiosum illinunt, ut quibusdam exemplis probat Amatus Lusitanus cent. 2. curat. 34. Adeo me fugit quâ ratione Falloppius cap. 7: de morbo gallico aufit auripigmenti suffitum adhibere in lue venerea; & Aphrodiseus lib. 3. cap. 37. probare in dysenteria Marcelli trochiscos in clysterem inditos qui recipiunt sandaracham, auripigmentum, opium, squammam æris, & æs ustum, & cap. 27. conficere epithema ex auripigmento ad robur lienis.

Si spiritus (inquis) qui mineralibus aquis insunt venefici essent, qui eas ex fonte bibunt ex iisdem multum detrimenti caperent, qui contra ipsismet admodum juvantur, sed expendas velim minerales aquas ex fonte potas obesse & prodesse diversâ ratione: obtinent quidem quatenus potorum partes desiccant & liquant citra tamen manifestam actionis ullius læsionem, nam sicciora corpora suâ sanitate fruuntur quamvis ocyus senescant & intercant. profunt verò quatenus calidos, putridos, & superfluos humores absument quibus vis rectrix corporum onusta fatiscebat; imo sæpe plus opis afferunt quàm tralatitiæ, quoniam potantium phantasiæ & naturam spe citæ & integræ valetudinis implent ac roborant, & in causa sunt cur ruri-
genio indulgeant hilarenturque voluptatibus quæ morbum, ut plurimum, commentitiam

eximunt & ex animis mæstitiam pellunt quâ corpora infirmabantur. Tantum valet imaginatio ad morborum curationem, ut ipsi tribuatur sanatio cæci cujus oculos oris excremento Vespasianus resperfit, spleneticorum quorum lienem Pirrhus pede dextro leviter pressit, cujus pollicem post fata ejus cremato reliquo corpore inviolatum & intactum igne remansisse fabulantur, & complurium qui quotidie verbis & characteribus levantur. Galeottus de doctrina promiscua cap. 15. appositè scribit : *fiduciam autem plurimos sanasse experientia docuit & gravissimi aucthores testati sunt : unde utilissimum est pro vulgo imperito punicâ aut gracâ aut aliâ omissâ quæ nota est loqui, nam mihi sæpe contigit ut in Bohemia, Pannonia, Germania, Ungaria, & Hispania, cùm ager à me sciscitaretur quid ei antidoti pararem punicè aut aliâ lingua nominans quæ potuissem ejus sermone narrare, ut manifeste viderim juvamentum, nam ager convaleuit. Nec injuria Poëta quidam ita canit*

An suacuique Deus sit dira cupido.

Quoad mœrorem aliasque perturbationes, Galenus 1. de sanitate tuenda cap. 1. nos docet eas innumeros morbos creare quos earum moderatio tollit. *Et nos* (inquit eloquentissimus & præstantissimus ille Medicus) *agrotos quotannis non paucos per sanavimus solis animi motibus ad debitum modum revocatis. Reveraque ad eam moderationem referri debent omnes illæ sanationes quæ olim beneficio musicæ obtigerunt de quibus Rodericus à Castro Medici Politici lib. 4. cap. 16.*

Fateor ultro spiritus minerales terreâ illâ mole quibus gravabantur exutos urinas ciere, censeoque eos (chymicè paratos & purgatos) adhibendos esse in ischuria cùm inducitur à stupore
aut

aut sensu obtuso vesicæ, urethræ subsidentia (parcant Ciceroniani manes) senibus familiari, aut calculo mediocri qui exigipotest; non verò cum oritur ab uteri procidentia, hæmorrhoidum extuberatione, concreto sanguine, caruncula, inflammatione aut paralyfi fibrarum vesicæ quæ accidit urinâ diu retentâ, incuriâ, pudore, vel ad eam, admotis inio aut pone aures pharmacis, copiosius affluente.

Scripsi minerales aquas tralatitias minus ventrem movere, quoniam terrea coagmentatione solutæ minus ponderosæ sunt faciliusque permeant, minusque habent salis istius fixi qui terreni crassamenti conjugio gaudet eique mistus intestina validè stimulat ac pungit: videtur quoque quod cum earum prompta sit anadosis plus per sudores & urinas evacuant quàm quæ ex fonte ipso bibuntur, quæ terræ multum habent quam per vasa & cutis poros traducere vix earum spiritus possunt.

Jam disceptationes nostras finire tempus est testificando me semper tuum ex animo fore. Vale
Lutetiæ Parisiorum die 25. Januarii ann. Dom.
1678.

*Auctoris Responsio ad epistolam 2. Dom.
Guerini Medici Parisiensis.*

VIR CLARISSIME,

UT amplæ tuæ epistolæ paucis verbis respondeam, non inficias ibo minium alterum esse naturale, alterum artificiale, verum non inde inferendum in terræ visceribus naturam producere mercurium dulcem, præcipitatum album, & mercurium vitæ.

Pauc.

Paulus Dubé in suo tractatu de Chirurgo pauperum pag. 64. scribit aquas San-reginenses nitro esse tinctas. Closeus in suis observationibus super aquis mineralibus pag. 115. asserit se in illis reperisse secundam portionem salis aquæ marinæ, & tu Vir Clarissime imaginarius in iisdem te adinvenisse antimonium & mercurium diversis illis modis præparata quos enarrasti novissimis epistolis, quod tamen impossibile arbitror propter rationes à me adductas meâ præcedenti epistolâ, de quibus penes Lectorem sit judicium: & quicquid contrâ dicas, inficiari non potes ista medicamenta esse violenta cathartica, aquas verò San-reginenses, quas illis infectas esse vis, admodum benigna & levia.

Cum mercurius aquâ forti dissolvitur, abire in exiguos crystallos asseris, quod quidem verum est, idque fit ope salium fixorum qui ingrediuntur compositionem aquæ fortis quâ mercurius solutus est, qui etiam unâ cum ipso condensantur & concrescunt, & aquæ salis occursu in pulvisculum eximiè candidum & tenuissimum concedunt: crystalli verò qui in lagenis aquis San-reginensibus repletis concrescunt, alio modo resolvuntur, nempe ignis calore, quia isti crystalli ex alumine sunt conflati, quod sal est fixum quod frigore nec non in humido coagulatur. Dum vero mercurius dulcis in retorta paratur, si in ejus medio crystalli quidam pelliculi appareant, id fit quòd violento ignis ardore sublimentur, crystalli verò aquarum San-reginensium frigore nec non in humido concrescunt; quapropter mirari non debes me adduci non posse ut credam in aquis San-reginensibus mercurium edulcatum verti in crystallos, qui in præcipitatum album facessunt: si verò hæc aquæ mercurium continerent, qui eas bibunt malè

malè haberent testè doctissimo Laurentio qui in suo tractatu de strumarum natura & curatione l. 2. c. 2. pag. 51. sic loquitur : *Aqua omnes virosâ hydrargyri qualitate imbuta cerettri robur enervant, rheumatismis fauces & glandulas fatigant* : ab his tamen malis aquarum San-reginensium potatores immunes sunt, unde infero eas mercurii minimè esse participes.

Nescis cur antimonium & mercurium mineralia maligna & pernicioſa autemem. Quod antimonium spectat me ad Dom. Renaudotum Medicum Parisiensem remittis, qui ejus virtutes prædicat in libro qui inscribitur antimonium vindicatum & triumphans, egò vero te remitto ad Dom. Germanum doctissimum ejusdem facultatis Medicum, qui illud culpât ac criminatur in suo tractatu de abusu antimonii. Quod verò mercurium attinet, tuis ipsismet verbis in tua novissima epistola exaratis respondebo, quæ quidem sunt ista, & *cujus maligna exspiratio (ut misere experiuntur inauratores qui in suis operibus eum adhibent) tremorem, stuporem, paralyſim, aphoniam, & asthma inducit, imò & mortem, si diu excelsatus & oclusus fuerit, authore Ponzetto lib. 2. de venenis : quapropter scitè Plinius lib. 3. hist. natur. cap. 3. Es inaurari argento vivo aut certe hydrargyro legitimum erat, utraque species exhalat odorem, auramque planè exitialem.*

Fateor me autopsiâ comperisse Agricola halucinatam esse, dum scripsit, *ex terra alba & ignita fit flava*, siquidem terra alba, quàm è ferro & è nostris aquis metallicis extraxi ignis ardore, non flavum sed griseum nigricantem colorem induit, meisque oculis porius fidem habeo quàm cæteris authoribus à te allegatis ; nam oculatus testis plus valet quàm decem auriti.

Quod ferrum & alumen spectat quosdam aucthores laudas, qui ea vituperant, ego verò cap. 9. mei Arcani refero multò plures qui de ipsis mira prædicant, & quorum effata optimis effectibus confirmantur, quos produnt aquæ istis mineralibus imbutæ: quæ peculiaribus virtutibus donantur ad omnes morbos eliminandos quorum mentionem feci cap. 10. Quapropter non ulterius progrediar, nec repetam omnes meas rationes omniaque experimenta à me præstita, ut isthæc omnia probarem, & contentus ero modò tibi persuasum habeas me reliquo vitæ curriculo fore tibi addictissimum. Vale Pruvini die 20. Maji ann. Dom. 1678.



E P I L O G U S.

QUandoquidem Viri Docti in Academia
 ſcientiarum à Rege Chriſtianiſſimo conſtitu-
 ti (qui ſunt ſcrutatores rerum naturalium per-
 ſpicaciſſimi) in aquis mineralibus Gallix famâ
 celebratiſſimis , nullum vitriolum invenerunt ,
 etiamſi multis & diverſis experimentis illas ex-
 quiſitè explorarint : impræſentiarum mihi
 videor jure meritiſſimo aſſerere aquas ferratas
 vitrioli non eſſe participes , cùm illud in ipſis
 non repererim omnibus probationibus à me in
 iſdem-peractis. Quamviſenim iſta aqua recen-
 ter è fonte hauſta ſuiſque ſpiritibus adhuc tur-
 gida pulvere gallæ ipſis inſperſo nigreſcant ,
 non inde inferendum earum compositionem
 vitriolum ingredi , ſiquidem illarum ſpiritibus
 diſcuſſis , eadem aqua colorem nigrum non
 amplius induunt , etiamſi idem pulvis gallæ in
 ipſas conjiciatur. Si verò ſolvas vitriolum in a-
 qua vulgari , licet longo temporis tractu illius
 ſpiritus in auras evanuerint , nihilominus tamen
 ſi illi admiſceatur pulvis gallæ , hæc aqua tinctu-
 ram nigram ſuſcipiet, quo planum fit in aquis fer-
 rugineis à ſpiritibus iſtum nigrorem proficiſci ,
 qui in vitriolo à tota ſua ſubſtantia procedit ,
 quandoquidem juxta Libavium *ſpiritus vitrioli*
tinctura poteſtatem atrandi non habet. Prætereatin-
 ctura nigra non ſolum elicitur è vitriolo albo &
 è vitriolo viridi , verum etiam è ferro , è ſale
 communi , è nitro , & è ſale fixo aluminis , &
 unaquæque tinctura in ſua nigredine aliquod
 diſcrimen ſortitur , uti refero in meo Arcano :
 hinc iſto colore atro decipi poſſumus , niſi ipſum
 accurato examini ſubjiciamus , quapropter non
 Q fo.

solum spectandus est hic color quo manifesta-
 fiant fossilia quæ in aquis prædominium obti-
 nent, veram etiam dispicienda sunt omni-
 principia omnesque qualitates ipsorum. Insu-
 per vitriolum est sal quod in aqua funditur, &
 aquâ discussâ concrefcit, quocirca illud nactus
 essem aquâ minerali exhalata, cum verò ipsum
 non adinvenirem, inde infero aquas ferratas
 à vitriolo immunes esse. Si mihi objicias illud
 tantum sua substantia spirituosâ cum aquis per-
 misceri, pro responsione afferam experimen-
 tum certissimum è Regnero de Graef de prom-
 ptum qui in suo tractatu de succo pancreatico pag.
 330. sic ait, *infusione gallarum limpidâ, solutioni
 vitrioli permixtâ sit atramentum, cui si spiritum aci-
 dum vitrioli adjicias, atramentum illud omni nigre-
 dine exuta instar aquæ fontanæ fiet limpidum*: hinc
 cognosco spiritum vitrioli non modo tincturâ
 nigrâ non inficere, verum etiam nigrore spo-
 liare solutionem vitrioli cum galla mistam: un-
 de infero aquas ferrugineas non continere spiri-
 tus vitrioli, quoniam istæ aquæ nigricant pulveris
 gallæ misturâ.

Quæ ad aciditatem aquarum ferratarum, illa
 quoque vitriolis non est attribuenda; quando-
 quidem alumen in aqua vulgari solutum ipsam
 gratissima aciditate condit, quæ consimilis est
 acori aquarum Spadanarum & Pugzarum, a-
 cor verò vitriolorum insigni acrimonia stipatus est
 quæ ipsorum acorem maxime obtundit. Adhuc
 vitriolum est vomitorium, aquæ verò ferratæ
 vomitum non concitant, nisi aliquando iis qui
 ipsas præcipitanter deglutiunt, atque etiam iis
 quorum in stomacho bilis fluctuat, quod qui-
 dem ita verum est, ut vomentes amarorem cir-
 ca vomitus finem persentiant, bilis quoque fla-
 va vel viridis ab ipsis excreta deprehenditur. Si
 verò

verò de mineralibus quæ in aquis dominantur juxta earum effectus judicium adhibeamus (ut censet Dom. Cattierus) cum aquæ ferratæ non sint vomitoria , in ipsarum mistura vitriolum admittere non debemus , neque etiam in ferro , quia ex ipso calcinato atque ex ferrugine (quæ est ferrum aëris humiditate solutum) multoties aqua elotis nullum vitriolum residuum habui , verum duntaxat paucum salem colore fuscum , sapore balsamarum , quapropter concludo in ferro aquisve ferratis nihil inesse vitrioli. His rationibus atque probationibus addi possunt aliæ plurimæ in meo Arcano descriptæ.

*Epistola ad Dom. Fouëum Doctorem
Medicum quæ examini subicit ejus opi-
nionem quæ adstruit solum nitrum anti-
quorum ingredi compositionem aquarum
Vichensium.*

VIR CLARISSIME,

Quamvis doctè & dilucide enarraveris admirandas virtutes aquarum Vichensium , tuæque opiniones meis admodum consentaneæ sint, nihilominus tamen mihi quædam suboriuntur difficultates quod in illarum compositione solum nitrum antiquorum admittas juxta sententiam scientissimi Closei Medici celeberrimi in suis observationibus super aquis mineralibus pag. 100. atque asseras vestras aquas suam aciditatem ab isto minerali depromere : Baccius verò cap. 14. lib. 1. de thermis pag. 27. asseverat aquas nitrosas esse amaras: hæc sunt verba ipsius.

Plures inter Rubrum Mare & Nilum amara aqua inveniantur, ob substantiam nitri, quod in illis maxime partibus abundat, saporis exalte amari: non inficias ibi illud nitrum esse nitrum antiquorum, siquidem Nilus est ab origine mundi. Addit intuper cap. 5. lib. 5. pag. 280. quod amarem nitrosæ aquæ sapiunt potius, quam salsuginem, & quo magis syncerum habent nitrum, eo sunt amariores. Videamus quid hac de re censeat Sebizius dissert. 4. lect. 1. posit. 57. 58. 59. & 60. nitrum habet saporem salsum, sed cum quadam amaritudine, & liquatum in aqua, non acido, sed salsamaram sapore imbuunt. Elicitur quidem ex eo, spiritus acidus, verum is in nitro minime prædominatur: neque cum nitrum adhuc integrum est, sui juris est: quod fit ut suum saporem liquoribus non communicet. Quod autem nitrum nihil acoris in aquas deponat, etiam ex nitro preparato liquet. Solent enim practici in febribus ardentibus tabulas de nitro in aqua dissolvere, & potus loco decumbentibus propinare. At aqua hæc nitrata nihil in se aciditatis habet. Idem quoque in thermis in quibus nitrum prævalet perspicitur. Non enim acida sunt, sed acres, salse, & quodammodo amara, præsertim si nitrum magis sit syncerum, & quantitate admixtas sibi mineras longe excedat. Si guttes nitrum vulgare seu sit integrum, seu in aqua communi dissolutum, percipies illud esse amarum, non secus ac nitrum antiquorum: verum si pulverem gallæ admisceas solutioni nitri in aqua vulgari factæ, in superiori parte aquæ nebucula formatur quæ 1. tantillum albescit, dein nonnihil virescit, demum unius diei spatio paululum nigrescit, hisque diversis mutationibus ad colorem viridem subnigrum pervenit, qui temporis progressu totum corpus aquæ ita inficit, ut tota aqua nigra subviridis appareat, non verò colore rosco, sicut vestra, atque iste color rubeus seu

roseus è ferri spiritibus proficiscitur, cum illud cum aquis mediocriter permiscetur, quod annotamus in aquis nostri fontis Beatæ Mariæ quæ minori copiâ mineræ ferri imbuuntur, quàm aqua fontis Sanctæ Crucis, quæ cum minera ferri abundant, ideo tincturam violaceam nigricantem induunt pulvere gallæ ipsi insperso: verum si permittas ut pars spirituum evanescat, tunc colore rubeo tantum tinguntur, unde cognoscimus hunc colorem roseum à spiritibus mineræ ferri promanare. Cum verò terræ superficies quam præterfluendo adlambunt istæ aquæ, modò colore flavo pallido, modò albo pallido inficiatur, hinc nobis patet vestris aquis inesse ferrum cum alumine mixtum: quoniam terra flava terram ferri, & alba terram aluminis denotant: isthæc enim ambo mineralia tam magnam inter se convenientiam habent, ut simul permixta sæpissimè reperiantur, sicuti pluribus experimentis compèri. Nonne etiam verum est alumen dissolutum in quantitate sufficienti aquæ vulgaris, gratissima aciditate illam condire, quam multoties degustavi, dum circa alumen operarer; atque etiam præ manibus habeo salem aluminis à suis terris tredecies depuratum, diversis solutionibus, filtrationibus, & evaporationibus, cujus acor est gustui admodum gratus. Quamobrem Baccius cap. 12. lib. 4. pag. 224. appositè dicit, *in tota terrestri natura nunquam sincera invenitur alicujus vena, quin propè inveniat & alia, & præsertim alumen, quod veluti stragulum omnium metallorum reperitur, Plinio teste: & cap. 8. lib. 5. pag. 291. ait, in misluris terrestrium rerum alumen infinite propagatur, nam omnis in metallis, quasi basis venarum reperitur, quare invento alumine fodientibus metalla, finis speciei est, ut Plinius testis est.*

Observasti fundum vestrorum fontium (quod

sedimentum & lutum nuncupas) esse nigrum, quod emanare arbitror à bitumine ardente in terræ visceribus, dum vestræ aquæ illud pertranseunt ipsius terram secum rapiunt, ex qua istud sedimentum nigrum ortum habet, ab hoc etiam bitumine ignito vestræ aquæ calorem suum mutantur.

Ais salern thermarum parietibus inhaerere ibique accumulari, Baccius id ipsum quoque annotavit. c. 12 lib. 4. pag. 224. *salis continent substantiam, et quod vel minerarum earumdem, quæ transeunt, soboles est, est enim cinis salsus, & calx, teste Philosopho, & Avicenna in prima primi: atque sal iste à mineralibus igne subterraneo calcinatis proficiscitur; & si acoris sit particeps, eum ab alumine acceptum habet.*

In ea sententia persisto super aquis vestris, non tibi contradicendi studio motus, sed tantum ut te incitem ad illas accuratius scrutandas, quò mihi manifestiora fiant mineralia quæ iis immiscèntur, quod valde arduum est, quoniam natura in latebris terræ operatur, nec quemquam admittit in operibus suis, nihilominus tamen spero cum commoreris juxta fontes, sisque ingenio perspicacissimo, quod præ aliis omnibus ipsa in lucem edas, meque tibi ad omnia paratissimum putes. Vale Pruvini die 8. Novembris ann. Dom. 1681.

Soli Deo, honor & gloria.

INDEX

Capitum Primæ Partis.

CAPUT I.

A Nátome aquarum mineralium Pruvinciarum
& Spadanarum quâ ferrum & alumen dñ-
taxat illarum compositionem intrare demonstra-
tar. pag. 1.

CAPUT II.

Examen ferri & aluminu quæ dominantur in nêstris
aquis & suorum principiorum. pag. 11.

CAPUT III.

De metallorum & mineralium mollietie in sua mi-
nera. pag. 19.

CAPUT IV.

Aguas ferruginosas ab alumine non verò è vitriolo
suam desumere aciditatem paucaque mineralia ea-
rum substantiam subire. pag. 21.

CAPUT V.

De secretionē & mixtione partium mineralium.
pag. 40.

CAPUT VI.

De generalibus nêstrarum aquarum virtutibus.
pag. 43.

CAPUT VII.

De differentia fontium Pruvincensium. pag. 45.

CAPUT VIII.

De Fontibus Spadensibus, Pagenſibus, Forgenſibus,
Coſtrithierricenſibus, Antucillenſibus, Paſſenſi-
bus, Anceſſenſibus & Sancta Regina, atque etiam
de iis quæ habent aut ſimilia aut diſcrepantia cum
fontibus Pruvincenſibus. pag. 53.

C A-

I N D E X.

C A P U T IX.

*facultatibus & qualitatibus ferri & aluminis
qua miscentur cum aquis mineralibus Pruvinais
& de in qua suorum principiorum virtute operan-
tur.*

pag. 71.

C A P U T X.

Exempla

pag. 80.

C A P U T XI.

Quæstiones.

pag. 103.

C A P U T XII.

De diæta in usu acidularum observanda.

pag. 105.

I N D E X

Epistolarum in secunda parte conscriptarum.

Antonii Sarrei Medici Parisiensis Epistola ad cla-
rissimum virum Dom. Givrium Doctorem Me-
dicum quâ novitias ejus opiniones evertere ni-
titur.

pag. 116.

*Authoris Responsio ad epistolam Dom. Sarrei Docto-
ris Medici Parisiensis celeberrimi.*

pag. 121.

*Isaaci Cattieri in celeberrima Monspeliensium Medi-
corum universitate Doctoris, Consilarii & Medici
Regii Epistola prima.*

pag. 130.

*Authoris Responsio ad epistolam 1. Dom. Cattieri
in celeberrima Monspeliensium Medicorum univer-
sitate Doctoris, Consilarii & Medici Regii specta-
tissimi.*

pag. 154.

Isaa-

I N D E X.

- Isaaci Cattieri Doctoris Medici Monspeliensis Consiliarii & Medici Regii ad Dom. Givrium Medicum eruditissimum Epistola secunda.* pag. 171.
- Authoris Responsio ad epistolam secundam Dom. Cattieri Doctoris Medici Monspeliensis Consiliarii & Medici Regii celeberrimi.* pag. 184.
- Isaaci Cattieri ad clarissimum virum Dom. Givrium Medicum Peritissimum Epistola tertia, Quâ contendit non fieri veram ferri in æ transmutationem.* pag. 206.
- Authoris Responsio ad epistolam tertiam Dom. Cattieri Doctoris Medici Monspeliensis eruditissimi.* pag. 213.
- Isaaci Cattieri Doctoris Medici Monspeliensis ad. D. Dom. Givrium Epistola quarta.* pag. 228.
- Authoris Responsio ad epistolam quartam Dom. Cattieri Doctoris Medici Monspeliensis peritissimi.* pag. 236.
- Dom. Falconeti filii Doctoris Medici Monspeliensis responsio & in collegio Medicorum Lugdunensium aggregati Epistola Ad Dom. Givrium Doctorem Medicum qua novitias ejus opiniones impugnatur.* pag. 246.
- Authoris Responsio ad epistolam Dom. Falconeti filii Doctoris Medici Monspeliensis, & in Collegio Medicorum Lugdunensium aggregati.* pag. 253.
- Dom. Guerini Doctoris Medici Parisiensis celeberrimi Epistola prima ad Dom. Givrium Doct. Medicum quâ novitias ejus opiniones evertere molitur.* pag. 258.
- Authoris Responsio ad epistolam 1. Dom. Guerini Doctoris Medici Parisiensis celeberrimi.* pag. 260.
- Dom. Guerini Doctoris Medici Parisiensis peritissimi. Epistola secunda.* pag. 265.
- Authoris Responsio ad epistolam 2. Dom. Guerini Medici Parisiensis peritissimi.* pag. 272.
- Dom.*

I N D E X.

- Dom. Guerini Medici Parisiensis doctissimi. Epistola tertia.* pag. 279.
- Authoris Responsio ad epistolam 3. Dom. Guerini Medici Parisiensis doctissimi.* pag. 284.
- Dom. Fouët Doctoris Medici eruditissimi ad Dom. Givrium D. Medicum Epistola de sa'e thermarum Vichensium.* pag. 287.
- Authoris Responsio ad epistolam Dom. Fouët i Medici eruditissimi.* pag. 289.
- Dom. Guerini Medici Parisiensis scientissimi ad Dom. Givrium D. Medicum Epistola de mineralibus que aquis Pugensibus insunt.* pag. 292.
- Authoris Responsio ad epistolam Dom. Guerini Medici Parisiensis scientissimi, qua de mineralibus que aquis Pugensibus insunt, dissertat.* pag. 295.
- Dom. Givrii Doctoris Medici ad Dom. Cattierum Consiliarium & Medicum Regium Epistola qua quedam observationes super aquis mineralibus à Dom. Closeo factæ ventilantur.* pag. 300.
- Isanci Cattieri in Muspelie-sium Medicorum universitate Doctoris & Medici Regii Responsio ad epistolam Dom. Givrii Medicina Doctoris, in qua sententia Dom. Closei Consilarii & Medici Regii super aquarum mineralium mixtionis & thermarum calore lata, in observationibus suis super aquis mineralibus, nuper editis, excutitur.* pag. 313.
- Dom. Givrii Doctoris Medici ad Dom. Guerinum Medicum Parisiensem Epistola prima de mineralibus que aquas San-reginenses a quasve Forgenses ingrediuntur.* pag. 22.
- Dom. Guerini Medici Parisiensis Responsio ad epistolam 1. Dom. Givrii Medici in qua agitur de mineralibus que aquas San-reginenses a quasve Forgenses ingrediuntur.* pag. 326.
- Authoris Responsio ad epistolam 1. Dom. Guerini Medici Parisiensis in qua agitur de mineralibus que aquas San-reginenses a quasve Forgenses ingrediuntur.*

I N D E X.

<i>tur.</i>	pag. 337.
<i>Dom. Guerini Medici Parisiensis Responsio ad 2. epistolam Dom. Giurii Medici.</i>	pag. 347.
<i>Authoris Responsio ad epistolam 2. Dom. Guerini Medici Parisiensis.</i>	pag. 357.
<i>Epilogus.</i>	pag. 361.









Bar

